

სოფო იმერელი (ჭაფოძე)

როცა შენს თვალებში
მზეს დავინახავ

თბილისი
2021

სოფო იმერელი (ჭაფოძე):

როცა შენს თვალებში მზეს დავინახავ.

გამომცემლობა „ივერიონი“. თბილისი 2021. გვ. 240.

წიგნი ეძღვნება დედას,
ოლიკო ღვინიანიძეს

რედაქტორი: ნინო სიხარულიძე

უდის დიზაინი: გია მესხიშვილი

სპონსორი: ზაზა ჩახავა

ISBN 978-9941-8-3383-0

რედაქტორისგან

რას გვიყვება „როცა შენს თვალებში მზეს დავინახავ“

სოფო იმერელი (ჭაფოძე) უკვე სამი კრებულის ავტორია. ამჟამად მკითხველის წინაშე ნოველების ახალი კრებულია – „როცა შენს თვალებში მზეს დავინახავ“ (გამომცემლობა „ივერიონი“), მანამდე კი იყო ორი რომანი, „გოგონა აფხაზეთიდან“ და „გაყიდული პატარძალი“, რომელიც დიდი ინტერესით მიიღო მკითხველმა. ნიშანდობლივია, რომ ორივე რომანი ასევე, გამომცემლობა „ივერიონმა“ წარუდგინა საზოგადოებას და კიდევ ერთი, საინტერესო ავტორი შემატა ქართულ ლიტერატურულ სივრცეს!

სოფო იმერელი ემიგრანტია. რამდენიმე წელია, რაც საბერძნეთში ცხოვრობს იმავე ტკივილებითა და მონატრებით, რაც, სამწუხაროდ, თან სდევს ჩვენი ემიგრანტების ყოველდღიურობას. აღსანიშნავია, რომ იგი ბავშვობიდან წერდა, თუმცა ჰქონდა პაუზაც... მუშამ ემიგრაციაში ისევ იფეთქა - შემოქმედებითი პროცესით სცადა მორეოდა ნოსტალგიას, რომელსაც სამშობლოსთან დაშორება იწვევს. მისი ნაწარმოებები სისტემატურად იბეჭდება სოციალურ ქსელში და პოპულარობით სარგებლობს მკითხველებში.

ხაზგასმით შეიძლება ითქვას, რომ ავტორი, უპირველესად, ამბის მთხრობელია - იგი ყოველთვის საინტერესო, დამაინტრიგებელ სიუჟეტს სთავაზობს მკითხველს და ყურადღების მოდუნების საშუალებას არ აძლევს. სიყვარულია მისი პერსონაჟების მთავარი მამოძრავებელი ძალა, მათი სიხარულისა თუ სევდის მიზეზი!

დიახ, იგი გვიყვება პირველ სიყვარულზეც, ახალგაზრდულ შეცდომებზეც, ღალატზეც და სიბერის ჟამს ნაპოვნ ბედნიერებაზეც - ერთი სიტყვით, სიყვარულს ასაკი არა აქვს და საყვარელი არსების „როცა შენს თვალებში მზეს დავინახავს“ დანახვა ცხოვრების ყოველ ეტაპზე სანატრელია.

ცალკე აღნიშვნის ღირსია ნოველები **„ემიგრანტის დღიურებიდან“**, რომლებიც უდიდესი სევდითაა გაჯერებული და უამრავი ქართველი ქალის სათქმელს გადმოგვცემს. ფსიქოლოგიური სიმართლე - აი, რა გამოარჩევს აღნიშნულ ნოველებს ჭეშმარიტად.

ვულოცავთ ქალბატონ სოფოს ახალი კრებულის დაბადებას. დარწმუნებული ვართ, იგი, როგორც ყოველდღიურად მზარდი შემოქმედი, კიდევ უფრო დახვეწს ლიტერატურულ გემოვნებას და მადლიერ მკითხველს მომავალშიც საინტერესო პროზას მიაწვდის.

ნინო სიხარულიძე,
ლიტერატორი

როცა შენს თვალეში მზეს დაფინახავ

გაზაფხულის მშვიდი საღამო იყო. ახალგაზრდები, როგორც ყოველთვის, ამჯერადაც გამოფენილიყვნენ გარეთ და სეირნობდნენ, ხელჩაკიდებული გოგო-ბიჭები ტროტუარს ტაატიტ მიუყვებოდნენ. ყველას საოცრად ლამაზი ღიმილი ეფინა სახეზე.

უცებ ერთ წყვილს – ლელას და თორნიკეს – რომელსაც ყველასგან გამოარჩევდით აღნაგობით და ღვთიური სილამაზით, გამურულსახიანი, აბეზარი მათხოვარი ბავშვი აეტორლიალა, წინ გადაუდგა, ხელგანვდენილმა დახმარება ითხოვა. თორნიკემ ბავშვს ისე ჰკრა ხელი, რომ მან თავი ვერ შეიკავა და იქვე დაეცა.

– ვაიმე, დედა! – სიმწრისგან წამოიძახა ბავშვმა...

ლელა ნაქცეული ბავშვისკენ დაიხარა, ფეხზე რომ წამოეყენებინა. თორნიკემ კი არც დახმარების საშუალება მისცა, თან უთხრა:

– ეგ მათხოვარი სულ ეგრე ითხოვს ფულს, ადამიანს ქუჩაში ვერ გაუვლია, რომ არ აეკიდოს...

ამ განევ-გამონევაში იყვნენ, რომ ახალგაზრდა მამაკაცი მივიდა ბავშვთან დახმარება გაუწია, თან არ დააყოვნა და ეგრევე თორნიკესაც სახეში სილა გაანნა. ბავშვს ფული ჩაუდო ხელში და იქაურობას გაეცალა.

ამ ამბიდან რამდენიმე თვე იყო გასული, როცა ლელა მშობლებთან ერთად ბათუმში წავიდა დასასვენებლად. შავი ზღვის სანაპიროზე იჯდა და ნეტარებით გაჰყურებდა ზღვას. უცებ წინ მამაკაცმა ჩაუარა – ეცნო, მის მეხსიერებაში ის კადრები ამოტივტივდა, როცა თორნიკესთან ერთად სეირნობდა და ზემოთხსენებული ამბავი გადახდათ თავს; არ დააყოვნა, მიაძახა:

– შენ ის არ ხარ, თორნიკე რომ სცემე?

- ვინ თორნიკე? მე ეგეთს არავის ვიცნობ - უკმაყოფილი სახით გახედა მამაკაცმა, რომელსაც სახელად ბადრი ერქვა.

ლელამ ფარულად შეათვალიერა ბადრი. კარგად ნავარჯიშევ სხეულზე ეტყობოდა, რომ სპორტსმენი იყო. გაუკვირდა, მაშინ რატომ ვერ შეამჩნია.

უცებ წამოდგა და მშობლებს დაუძახა:

- მამა, აი, ეს ის ბიჭია, მე რომ მოგიყევი, თორნიკე რომ კარგად მიბეგვა.

ბადრი დაიბნა - ვერ გაეგო, რა ხდებოდა.

- არა, ნამდვილად რაღაც გეშლებათ, მე ასეთს არავის ვიცნობ!

მისმას თანმხლებმა ბავშვმა ზღვის ველოსიპედი დაინახა.

- ბადრი ბიძია, წამოდი რა, იქ დამსვი? - ხელით მაგრად ჩაეჭიდა და იქითკენ ისურვა წაყვანა.

- ახლავე, ჩემო ბიჭო, - ხელი მოჰკიდა და აიყვანა ბავშვი, რომელიც სამი წლის იქნებოდა.

- რაღაც გაუგებრობაში მოვხვდი. უკაცრავად, მე დაგტოვებთ, - უთხრა ლელას.

- არა, რას ამბობ, შენ ის არ ხარ, მათხოვარი ბავშვის გამო ბიჭი რომ სცემე?

- ა, ხო, იყო რაღაც ამდაგვარი, - უპასუხა ბადრი.

- მე იმ ბიჭის შეყვარებული ვიყავი, ერთი-ორი კიდეც რომ შემოგერტყათ, მადლობელი დაგრჩებოდით, - გადაიკისკისა ლელამ.

- აჰა, მივხვდი ყველაფერს. მე ბადრი მქვია, - უთხრა და ხელი გაუწოდა.

- ბადრი, მადლობის ნიშნად სალამოს ბარში გეპატიჟები კათხა ლუდზე, თუ სურვილი გექნება, - მიიპატიჟა ლელას მამამ.

- სიამოვნებით, სალამოს ბუნგალოში ვიქნები.

ზღვის სანაპიროდან დაბრუნებულმა ლელამ სალამოსთვის მზადება დაიწყო. მამას გაუკვირდა მისი ასეთი ქცევა და ჰკი-

თხა კიდევ:

- სად მიდიხარ, შვილო, ასე რომ ემზადები?

- როგორ თუ სად? სალამოს ხომ ბადრის უნდა შეეხვდეთ, ხომ დაპატიჟე? - კმაყოფილება ეფინა სახეზე გოგოს.

- დიახ, ის დაეპატიჟე, მაგრამ არა შენ. ჩვენ, კაცები, დავსხდებით და ვისაუბრებთ. - უპასუხა მამამ.

- კარგი რა, მამიკო, მეც უნდა წამოვიდე, მომწყინდა სულ ელენესთან ერთად ყოფნა. მოდი, ყველა: მე, დედა, შენ და ელენე შეეხვდეთ ბადრის და ოჯახური ვახშამი მოვანყოთ.

- ვახ, გამაგიჟებს ეს გოგო, რა ვახშამი? არც კი ვიცნობ წესიერად იმ კაცს, ერთ კათხა ლუდს დავლევ და მორჩა, წამოვალ სახლში, შენ კი დედაშენთან და შენს დასთან ერთად გაისეირნე.

მოსალამოვდა. ოდნავ ნიავი ჰქროდა, ყვავილების და ზღვის სურნელი ერთმანეთში ირეოდა და საოცარ არომატს აფრქევდა. ლელა და ელენე ბულვარში სეირნობდნენ, თან მზესუმზირას შეექცეოდნენ.

ლუდის ბარს რომ მიუახლოვდნენ, ლელამ იქ მყოფებს დაუწყო თვალიერება, ვითომ შემთხვევით მამა დაინახა და მასთან მივიდა.

- მამა, აქ ყოფილხარ? გამარჯობა, ბადრი!

ბადრიც მიესალმა. ლელამ უკითხავად გამოსწია სკამი და დაჯდა; ელენესაც ანიშნა თვალით, რომ დამჯდარიყო.

კაცს არ მოეწონა შვილის საქციელი, მაგრამ არ იკადრა შენიშვნის მიცემა.

- ბადრი, იმ დღეს გავიგე, როგორი არაადამიანი იყო, თურმე, თორნიკე. შენ რომ არა, ალბათ, ასე დაბრმავებული ვიქნებოდი და ვერაფერს შევამჩნევდი კარგა ხანს. მადლობა მინდა გითხრა, რომ დამანახე მისი ნამდვილი სახე.

- არა, მე ის გავაკეთე, რაც უნდა გამეკეთებინა იმ წუთს. არ მომეწონა, ბავშვს ცუდად რომ მოექცა.

- სწორედ რომ კარგად მოიქეცი, - გადაიკისკისა ლელამ.

მამამ თვალით ანიშნა, გაჩუმებულიყო, მაგრამ გოგო ისევ აგრძელებდა საუბარს, კითხვას კითხვაზე აყრიდა ბადრის.

გაარკვია, რომ ბათუმში დასთან და დიშვილთან ერთად ჩამოვიდა, ცხოვრობდა თბილისში და ყოფილი ფეხბურთელი იყო.

ეს რომ გაიგო, ლელას კიდევ უფრო გაუმძაფრდა სიმპათია ბადრის მიმართ.

ამის შემდეგ რამდენიმე დღე დარჩნენ ბათუმში ლელა და მისი მშობლები.

* * *

თბილისში ჩასვლისთანავე ლელამ მამის ტელეფონიდან მაღულად ამოიწერა ბადრის ნომერი და დაურეკა.

- გამარჯობა, ბადრი, როგორ ხარ?

- რომელი ხარ, ვერ გიცანი!

- აი, ლელა ვარ, ზღვაზე რომ გაგიცანი. თბილისში ჩამოვედი და ვიფიქრე, მოვიკითხავ-მეთქი.

- ძალიან კარგი, ლელა, გამიხარდა შენი გამოჩენა. როგორ ხარ? როგორ არიან შენი მშობლები?

- ყველანი ძალიან კარგად ვართ.

- მიხარია. თუ თავისუფალი დრო გექნება, შევხვდეთ - ყავაზე გეპატიჟები.

- სიამოვნებით.

- ლელა, ეს შენი ნომერია, ხომ?

- დიახ, ჩემი ნომერია.

- მაშინ ცოტა ხანში დაგირეკავ ამ ნომერზე. ახლა რაღაც შეკრებაზე ვარ და არ მცალია, კარგი?

- კარგი, აბა, დროებით, გელოდები. - ტელეფონი გათიშა. ლელამ და სიხარულით ცას წვდებოდა.

ამ საუბრის შემდეგ მშვენიერ ხასიათზე იყო - დადიოდა ოთახიდან ოთახში და მღეროდა. გაკვირვებული შესცქეროდნენ დედა და ელენე, ვერ გაეგოთ, რა იყო ასეთი კარგი განწყო-

ბის მიზეზი - მოულოდნელად ჯერ დედას ჩაეხუტებოდა, შემდეგ - დას. კითხვას, თუ რატომ იყო ასეთ კარგ ხასიათზე, არ პასუხობდა, გაიღიმებდა და ისევ სიმღერას განაგრძობდა.

აივანზეც გავიდა, ყვავილების მორწყა, რაც არასოდეს გაუკეთებია და თან ცეკვავდა, მთელი სამყარო თავისი ეგონა, ყველაზე ბედნიერი ადამიანი იყო, თითქოს. დროც გავიდა, დაიწყო მომზადება, დედა მოატყუა, რომ დაქალს უნდა შეხვედროდა.

ცისფერი მოკლე კაბა ჩაიცვა, ოდნავ მაღალქუსლიანი ფეხსაცმელები, თმა გაიშალა და დედას დაენახა.

- დედიკო! აბა, შემომხედე, როგორ გამოვიყურები?

- შენ მეგობრის სანახავად მიდიხარ თუ პაემანზე? როგორ გამოწყობილხარ? რა არის ეს?

- დედა, ვარ თუ არა ლამაზად, ეს მითხარი მაკას სანახავად მივდივარ, სხვაგან სად უნდა მივდიოდე?

- კი, ჩემო თვალხატულა, ლამაზად ხარ, ძალიან ლამაზად; ჭკვინად იყავი, იცოდლე!

ლელა დედას დაემშვიდობა და წავიდა. ისე მიდიოდა, თითქოს, ფრთები ჰქონდა შესხმული და მიწას ფეხს არ აკარებდა. სახე უღიმოდა, თვალეში ბედნიერებისგან უციმციმებდა.

პაემანზე მისულს ბადრი ადგილზე დახვდა. მიესალმა. კაცი სწრაფად წამოდგა სკამიდან და თავაზიანად ჩამოართვა ხელი. შემდეგ სკამი გამოუწია და მაგიდასთან დასვა. ლელამ ქალური სიამაყით შეიფერა ეს ყველაფერი და გულში კიდევ უფრო გაიხარა. ჩუმად ათვალელებდა ბადრის, მიუხედავად იმისა, რომ უკვე არაერთხელ ნახა ბათუმში და ძალიან მოსწონდა.

- სწორედ ისეთია, მე რომ მინდა. სწორედ ისეთია, მე რომ შემიფერება - მორჩა, ეს უნდა გახდეს ჩემი ქმარი.

- აბა, როგორ ხარ, ლელა? როგორ არიან შენები?

- მშვენივრად ვარ. ჩემებიც კარგად არიან, - გაუღიმა.

- შენ როგორ ხარ?!

- მეც არამიშავს, ვუძლებ ამ ცხოვრებას, როგორც ყველა.

აბა, რას მიირთმევ?

– ფინჯან ყავას და ნამცხვარს დავაყოლებდი, – თამამად იყო ლელა; როგორც დიდი ხნის მეგობარს, ისე ესაუბრებოდა.

– ძალიან კარგი, მეც იმავეს მივირთმევ.

ბადრიმ ხელით ანიშნა მიმტანს, შეკვეთა მიეღო. ისიც მაშინვე მივიდა და შეკვეთა მიიღო.

– ლელა, როგორც ვიცო, სტუდენტი ხარ, ხომ? რომელ კურსზე სწავლობ და რა პროფესიას ეუფლები?

– კი, სტუდენტი ვარ, მეორე კურსზე ვსწავლობ, ჟურნალისტი მინდა, გამოვიდე.

– ძალიან კარგი, გისურვებ, წარმატებული ყოფილიყავი შენს საქმეში.

– დიდი მადლობა, ბადრი, შენ რას საქმიანობ?

– მე, როგორც იცი, ფეხბურთელი ვიყავი, მაგრამ ტრავმა მივიღე თამაშის დროს და ექიმებმა სისტემატური ვარჯიში ამიკრძალეს. ამის გამო დავანებე თავი. ახლა მყავს ჩემი გუნდი, «არწივები», მომავალი ფეხბურთელები და მათ ვწვრთნი.

– ძალიან კარგი.

ამ საუბარში ნამცხვარი და ყავაც მოიტანეს.

ლელას აინტერესებდა ბადრის ასაკი. ხვდებოდა, რომ მასზე უფროსი იყო, მაგრამ რამდენით, ვერ გაეგო.

– რადგან შენ მეორე კურსზე ხარ, ოცდაერთი წლის იქნები, ხომ ასეა?

– დიახ, ოცდაერთი წლის ვარ.

– ხოო, ბავშვი ხარ ჯერ, მთელი ცხოვრება წინ გაქვს. მე კიდეც, ბევრი გავიარე ცხოვრებაში, ოცდათორმეტის გავხდი უკვე. კარგიც ბევრი მინახავს და ცუდიც!

როგორც იქნა, ლელამ ზედმეტი ძალისხმევის გარეშე გარკვია ბადრის წლოვანება. და გაიფიქრა: საკმაოდ დიდი ყოფილა ჩემზე, მაგრამ არაუშავს, მთავარია, შევეუყვარდე, ასაკს რა მნიშვნელობა აქვს?!

კიდევ ერთი საათი ისაუბრეს, ორივეს ძალიან სიამოვნებათ ერთად ყოფნა და ეს მათი სახის გამომეტყველებაზეც აისახებოდა. ისე იქცეოდნენ, თითქოს დიდი ხნის მეგობრები იყვნენ. ლელა წასასვლელად მოემზადა, ბადრი არ შეინიშნავდა მდეგებია, მეტრომდე მიაცილა – თბილად დაემშვიდობნენ ერთმანეთს და ორივე თავის გზას გაუყვა...

ორი გული, ორი სული, ორი სხეული ერთსა და იმავე ფიქრებს მისცემოდა, ერთსა და იმავე განცდას შეეპყრო, თითქოს რაღაც ძალამ გაიარა მათ სხეულში, რაღაც ურთიერთდამაკავშირებელმა, ამოუხსნელი ენერგიის მატარებელმა, რომელსაც გრძნობ, მაგრამ ვერ ხედავ.

– ოცდათორმეტი წლის კაცი ვარ და ასეთი შეგრძნება ჯერ არ მქონია, რა მიყო ამ ერთი ციდა გოგომ ამხელა კაცს?! არა, ის ჩემზე ძალიან პატარაა, მასზე ფიქრიც კი არ შეიძლება. გონს მოდი ბადრი, რა დაგმართნია! არადა, როგორ უხდებოდა ის ცისფერი კაბა, როგორი ტანადი და მოხდენილი გოგოა, როგორი კარგი საუბრის მანერა აქვს; როგორ მიყვარს ქალს, რომ გრძელი თმა აქვს, როგორ ამშვენებს, კიდევ უფრო მომხიბვლელს ხდის, – ფიქრობდა ბადრი.

– რა თავაზიანი მამაკაცია, ღმერთო ჩემო, სად ვიყავი აქამდე? თორნიკე როგორი უხეში ბიჭი იყო, წესიერად ლაპარაკიც არ იცოდა, რამ შემაყვარა მისი თავი? რამ დამაბრმავა ასე? აი, კაცი... ღმერთო ჩემო, რა საყვარელიაა, რა კარგი ღიმილი აქვს, როგორი პოზიტურია!

...სახლში მისულს ბადრიმ დაურეკა და მოიკითხა. ლელას სიხაულისგან თვალები აუციმციმდა, თავის ოთახში შევიდა და იქედან ელაპარაკებოდა, ყველასგან ფარულად.

ამის შემდეგ ხშირად ხვდებოდნენ, თუმცა გრძნობებში არ უტყდებოდნენ ერთმანეთს – გაუცნობიერებლად, ბუნებრივად ხდებოდა ყველაფერი. არადა, ერთმანეთის გარეშე უკვე არსებობაც არ შეეძლოთ.

დეკემბრის ცამეტი იყო. თოვლის ფიფქები ციდან ნარნარით მოფარფატებდა, ნიავიც ქროდა. წყვილი ხელისხელჩაკიდებული მისეირნობდა მუშტაიდის ბაღში. როგორც იქნა, გაბედა ბადრიმ და ლელას სიყვარულში გამოუტყდა.

– ჩემო პატარავ, დიდხანს ვიფიქრე ჩვენს ურთიერთობაზე, ჩვენს მომავალზე, საკუთარ თავსაც ვეომე, მაგრამ ვერაფერი გავანყე. ყველაფერი, რაც ხდება, რაღაც ზებუნებრივი ძალის ბრალია. დღითიდღე მიძნელდება შენთან სიმორე – მე შენ მიყვარხარ! მე შენ შემეყვარდი! მე შენ მჭირდები, რომ ვიარსებო! მე მინდა, რომ შენ გერქვას ჩემი, მინდა იყო ჩემი შვილების დედა, მინდა, შენსავით ლამაზი გოგო მაჩუქო, მინდა, შენ იყო ჩემი ოჯახის პატარა დიასახლისი...

ლელა განაბული უსმენდა ბადრის. უკვე თვეებია, ელოდა ამ სიტყვებს მისგან, ოცნებობდა ამ დღეზე, მაგრამ საკუთარი თავი არ გაყიდა, ემოციები მოთოკა:

– ვერაფერს გეტყვი, ბადრი, მე შენ მომწონხარ, მაგრამ არ მიყვარხარ, ჯერ არ ვჩქარობ ოჯახის შექმნას, მინდა, სწავლა დავასრულო.

– მე არაფერში შეგიშლი შენ ხელს, პირიქით, მოგეხმარები: ყველაფერს გავაკეთებ იმისთვის, რომ ბედნიერი მყავდე!

ლელა შინაგანად მეცხრე ცაზე იყო – თავს ძალას ატანდა, რომ ხმამაღლა არ ეყვირა – როგორ გაუმართლა, რომ ისეთი კაცი, როგორიც ბადრი იყო, სიყვარულში გამოუტყდა!

სახლში დაბრუნებულს მთელი ღამე არ სძინებია, – სულ ბადრის სიტყვებზე ფიქრობდა, სულ მის ფოტოებს ათვალიერებდა, კოცნიდა, ფიქრობდა როგორ გაემხილა ეს ყველაფერი მშობლებისთვის.

რამდენიმე დღის შემდეგ ლელამ დაურეკა ბადრის და უთხრა, რომ ძალიან უყვარდა მასაც და მის გარეშე სიცოცხლე არ შეეძლო, მაგრამ როგორ აეხსნა ეს მშობლებისთვის, არ იცოდა. კაცმა დაამშვიდა, დაპირდა, რომ ყველაფერი ძალიან

კარგად იქნებოდა.

მას შემდეგ ბადრი და ლელა, როგორც შეყვარებულები, ისე ხვდებოდნენ ერთმანეთს, დასეირნობდნენ თბილისის ქუჩებში – ისე, როგორც სხვა შეყვარებული წყვილები და თავს ბედნიერად გრძნობდნენ!

ყოველ პაემანზე ბადრი ვარდებით ხელში ხვდებოდა. გოგოს სახლში არ მიჰქონდა ვარდები, რადგან მშობლებმა არ იცოდნენ მისი სიყვარულის ისტორია, ამიტომ, ნანასთან ტოვებდა, რომელიც მის სადარბაზოში ცხოვრობდა. ჯერ არ სურდა, დედ-მამისთვის ეთქვა ყველაფერი, რადგან ახალი დაშორებული იყო შეყვარებულს და კიდევ ახლის გამოჩენა მათთვის მიუღებელი იქნებოდა – ის ხომ თითქმის დანიშნული იყო თორნიკეზე...

* * *

საახალწლო სამზადისი იყო ოჯახში. ლელას მშობლები ტრადიციულად მარტო აღნიშნავდნენ ახალ წელს საკუთარ სახლში.

ერთად შემოუსხდნენ გაშლილ სუფრას, სადღეგრძელოებს ამბობდნენ და თან ცოტ-ცოტას სვამდნენ. ლელა სტუმრად არ აპირებდა წასვლას, ამიტომ ცოტა დალია და გამბედაობაც მოემატა. ცოტა ხანში მშობლებს სთხოვა, მისთვის მოესმინათ. ფეხზე წამოდგა, წითელი ღვინით სავსე ჭიქა ხელში დაიჭირა – სახე ოდნავ შეწითლებოდა, თვალები ამღვრეოდა, ეტყობოდა, რომ სასმელი მოჰკიდებოდა...

– ჩემო დედიკო და მამიკო, ჩემო დაიკო, თქვენ გაგიმარჯოთ ღმერთმა, ბედნიერი ახალი წელი დაგვდგომოდეს. ცუდი წარსულში დარჩეს. ახალი შემართებით, ახალი იმედებით და ახალი ბედნიერი დღეებით სავსე ყოფილიყოს დამდეგი წელი ჩვენთვის და სრულიად საქართველოსთვის. მე დღეს ბედნიერი ვარ, რომ მყავხართ თქვენ და არა მარტო თქვენ – მე მყავს ადა-

მიანი, რომელიც გულს მინათებს და მითბობს.

- რას ამბობ, ლელა? - გაკვირვებულმა ჰკითხა დედამ.

- ჰო, დედა, მე შეეყვარებული ვარ - უზომოდ შეეყვარებული, მაგრამ თქვენთვის დღემდე ვერ გამომხელია. თორნიკესთან დაშორების შემდეგ ჩემს ცხოვრებაში გამოჩნდა ადამიანი, რომელმაც ნათლად დამანახა როგორი შეიძლება იყოს ნამდვილი მამაკაცი. მე ის ძალიან მიყვარს, - სიტყვა დაასრულა, სწრაფად დალია ღვინო და მოწყვეტილი დაჯდა სკამზე - განაჩენს ელოდა.

მამა გაოცებული შეჰყურებდა შვილს, კარგად იცნობდა მას, იცოდა მისი ჯიუტი ხასიათი, მაგრამ ასეთი არასოდეს ენახა. მეუღლეს გადახედა, თვალებით ანიშნა, - რა ხდებაო, მანაც გაკვირვებულმა შეხედა.

- ლელა, შვილო, ვინ არის ის ბიჭი, ვინც შენ ასე ძალიან მოგხიბლა?

- თქვენ მას იცნობთ, მამა.

- მე ვიცნობ?!

- დიახ, შენც და დედაც, ყველა იცნობთ მას!

- ღმერთო ჩემო, ვინ არის, ლელა, თქვი, ის ხომ არა, ვისზეც მე ვფიქრობ ახლა?

- მე არ ვიცი, დედა, შენ ვისზე ფიქრობ, მაგრამ ეს ადამიანი ბადრია, თორნიკე რომ სცემა ერთხელ და თქვენც რომ იცნობთ.

- რას ამბობ, გოგო, გაგიჟდი?! ის ხომ ბევრად დიდია შენზე, ეგ მეორედ არ გამაგონო! თავიდან ამოიგდე, არც კი იფიქრო მასზე!!!

- მოიცა, ეკა, დააცადე ბავშვს, ნუ ანერვიულებ. ახლა ნასვამია და ხვალ დაველაპარაკოთ. შენ კი, ჩემო ლამაზო, დაისვენე, ახლა, გეტყობა, სასმელი მოგერიკა.

ლელა წამოდგა, ახალი წელი ხმადაბლა მიულოცა მშობლებს და თავის ოთახში გავიდა.

ელენე საძინებელში გაყვა დას.

- გია, გესმის, რას ამბობს ეს გოგო?! შენ დაუშვებ, რომ ბადრი და ლელა ერთად იყვნენ?

- მე და შენ რომ ერთმანეთი შეგვიყვარდა, ჩვენს მშობლებსაც არ უნდოდათ ერთად ვყოფილიყავით, მაგრამ, ხედავ, ერთად ვართ. რამდენი წინააღმდეგობა გადავლახეთ ხომ გახსოვს? სიყვარულს ვინ აღუდგება წინ? ვერავინ, ჩემო ეკა, ვერავინ! იქნებ, სულაც არ არის არაფერი და სასმელმა ათქმევინა, ნუ ავჩქარდებით!

- არა გია, მე არ დავუშვებ, რომ ესენი ერთად იყვნენ, ისინი განსხვავდებიან ერთმანეთისაგან.

- შენ რა იცი, რომ განსხვავდებიან? მხოლოდ ერთხელ გყავს ნანახი.

- ერთი შეხედვითაც ეტყობა ადამიანს, როგორია. ჩემი შვილი მასთან ვერ გაჩერდება, ვიცი ამის ჯიუტი ხასიათი მე, ის კი ბევრად დიდია და არ წავა დათმობაზე, არც ეს დაუთმობს და ბოლოს მაინც დაშორდებიან ერთმანეთს.

- ხო, დაარტყა ამან ბეჭედი უკვე! რას ამბობ, იქნებ სულაც არ ქორწინდებიან და არაფერი ხდება, რას აიფოფრე წინასწარ, ადამიანო, დამაცადე, შემარგე ეს სალამო!!!

მეორე დილით ეკა შევიდა შვილებთან საძინებელში. მთელი ღამე არ დაუძინია იმაზე ფიქრით, როგორ დალაპარაკებოდა შვილს ისე, რომ გული არ ტკენოდა. ლელას და ელენეს ჯერ კიდევ ეძინათ. დედა ჩამოჯდა ლელას სანოლზე, ხელი გადაუსვა თავზე და აკოცა, ჩუმად ჩასჩურჩულა: რომ ადგები, სალაპარაკო გვაქვს მე და შენო.

დილით ცოტა თავის ტკივილი იგრძნო ლელამ, უჭირდა სანოლიდან წამოდგომა. ტელეფონის ზარი გაისმა. ბალიშის ქვემოდან გამოაძრო ტელეფონი, დახედა და სახე გაუნათდა, დაავიწყდა თავის ტკივილი, ჯერ ეკრანს აკოცა და შემდეგ უპასუხა.

- დილა მშვიდობის, როგორ ხარ?!

- რა დროს დილაა, ჩემო პატარავ, უკვე პირველი საათია, შენ ჯერ კიდევ ნევხარ?

- ჰო, ნუხელ ცოტა დავლიე და დამიგვიანდა ადგომა.

- ხომ ხარ კარგად? ხომ არაფერი გტკივა?

- არა, კარგად ვარ, შენი ხმა რომ გავიგონე, კიდევ უკეთესად გავხდი. იცი, ნუხელ რა მოხდა?

- რა მოხდა, ჩემო პატარავ? ხომ მშვიდობაა?

- ნუხელ ჩემებს შენზე მოვუყევი, სასმელის ბრალია, გამბედაობა შემმატა და ვუთხარი.

- მერე რაო, რა თქვეს შენებმა? ჩხუბი ხომ არ დაგინწყეს?

- არა, ყველაფერი რიგზეა, შენ მაგაზე არ ინერვიულო.

- კარგი, თავს გაუფრთხილდი, მე მეგობრებთან გავდივარ ახლა და მოგვიანებით ისევ შეგეხმიანები. გაკოცე.

- მეც გკოცნი, ბადრი, მიყვარხარ!

- მეც ძალიან მიყვარხარ, ჩემო პატარა!

საუბარი როგორც კი დაასრულა, საწოლიდან წამოდგა და სამზარეულოში გავიდა. იქ დედა დახვდა, თვალით ანიშნა, რომ სკამზე დამჯდარიყო, ლელაც დამორჩილდა, ცალი ფეხი სკამზე შემოდო, ცალი იატაკზე დაუშვა, თმაგანწილი იჯდა, ჯერ კიდევ ნახევრად ეძინა.

- ლელა! ნუხელ რაც სუფრასთან გვითხარი, ის ყველაფერი სინამდვილეა თუ სასმელმა გალაპარაკა და შენი ფანტაზიის ნაყოფია?

- არა, დედა, ყველაფერი სიმართლეა, მე და ბადრი უკვე თვეებია, ვხვდებით ერთმანეთს, უბრალოდ, თქვენ ვერ გითხარით - შენი და მამას რეაქციის მეშინოდა.

- ლელა, შვილო! მე ბადრის, როგორც მამაკაცის, წინააღმდეგი არ ვარ, მაგრამ ის შენზე ბევრად დიდია და შეიძლება დროთა განმავლობაში ვერ გაუგოთ ერთმანეთს, თუ გავითვალისწინებთ შენს ჯიუტ ხასიათს.

- არა, დედა, მე ის მიყვარს და ძალიან კარგადაც ვუგებთ ერ-

თმანეთს.

– მე მაინც გირჩევ, რომ კარგად დაფიქრდეთ, კარგი გეგონა თორნიკეც, მაგრამ კი დაინახე ბოლოს, როგორი ყოფილა...

რამდენიმე დღის შემდეგ ბადრიმ ლელას შეხვედრა სთხოვა, ისიც სიახრულით დათანხმდა. ეს საუბარი დედამ გაიგონა და სახლიდან გასვლის უფლება არ მისცა. იჯდა თავის ოთახში და ტიროდა, არც ბადრის პასუხობდა ტელეფონზე. საძინებელში სარკის წინ დაჯდა, გული თითქოს ამოვარდნას ლამობდა, თმები მხრებზე ეყარა, ნახევრად უფარავდა სახეს, კამოდის უჯრა გამოაღო, მაკრატელი ამოიღო და ნელ-ნელა თმებს იჭრიდა ისე, რომ არც უკვირდებოდა კარგად იჭრიდა თუ არ. თმები მონყვევით იყრებოდა იატაკზე – განაჩენგამოტანილი, რომ უკვე უსარგებლო იყო და სანაგვეში მოისროდნენ მალე.

წელამდე თმა ისე დაიმოკლა, რომ ბეჭებზეც არ სწვდებოდა, იქვე დაყარა, მაკრატელი მოისროლა და საწოლზე დაეცა ატირებული. კარი შიგნიდან ჩაეკეტა. დედა კართან მივიდა, ეძახდა, მაგრამ ხმას არ სცემდა. ქალი შეშინდა, სათადარიგო გასაღები გამოიყენა და კარი გააღო; გაოცებული უცქერდა იქაურობას, – იატაკზე მოფენილი იყო თმები. მაშინვე მივარდა ლელას, საწოლიდან წამოაყენა და უყვირა.

– ეს რა გიქნია, შე არანორმალურო გოგო?! როგორ გაბედე და თმები შეიჭერი?! ხომ იცი, ამის გამო მამაშენი რას გიზამს?! – ამის თქმა იყო და სახეში სილა გაანწა. ლელა იმ წუთს არ ეკუთვნოდა საკუთარ თავს, ვერც ის იგრძნო, დედამ რომ სახეში გაარტყა, არც მისი ყვირილი ესმოდა.

დედას შეეშინდა, შვილი ასეთ მდგომარეობაში რომ იყო და გულზე მიიხუტა.

– ნუთუ, ამაღ გიღირს ის კაცი? ნუთუ, ამ ცრემლებად ღირს ის, ვის გამოც ტირი, ნუთუ, იმ ერთის გამო ყველას გვეწინააღმდეგები. მე შენთვის ვამბობ, რა ვუთხრათ ახლა მამაშენს, ასეთს რომ დაგინახავს? ხომ იცი, როგორ უყვარს, გრძელი თმა

რომ გაქვს, რამ გადაგრია და გაგაგიჟა ასე?

– მე ის მიყვარს, დედა, მე მის გარეშე სიცოცხლე არ შემიძლია, შენ კი არ გესმის ჩემი!

– კარგი, დამშვიდდი ახლა, აქაურობა მიაღაგე და ხვალ სალონში წადი, ეგ თმები შეილამაზე, როგორ დაგიმახინჯებია თავი, ასეთი მოენონები შენს ბადრის, რომ გნახავს? არა მგონია, მოეწონო.

სალამოს გიამ შვილი თმაშეჭრილი რომ დაინახა, მიხვდა, რაც ხდებოდა. არაფერი უთხრა, თითქოს არც კი შეუხედავს მისთვის, ამან კიდევ უფრო შეაწუხა ლელა, მივიდა მამასთან და ბოდიში მოუხადა თავისი საქციელის გამო.

მეორე დღეს სალონში წავიდა, თმები შეისწორა და ისევ ბადრის შეხვდა.

რამდენიმე საათში შევიდნენ ხელიხელჩაკიდებულნი იუსტიციის სახლში ორ მეგობართან ერთად და იქიდან, როგორც ცოლ-ქმარი, ისე გამოვიდნენ. შემდეგ პატარა კაფეში აღნიშნეს ფარული ქორწინება და ორივე თავის სახლში წავიდა. ერთი კვირის განმავლობაში არავინ იცოდა მათი გადანწყვეტილების შესახებ – არავის უმხელდნენ ამ დიდ საიდუმლოს. დანოლის წინ ლელა ქორწინების მოწმობას გამოიღებდა, აკოცებდა, თითზე ბეჭედს მოირგებდა და დანვებოდა ხოლმე.

ბადრიმ ყველაფერი მოაგვარა საიმისოდ, რომ საქორწინო მოგზაურობაში წასულიყვნენ ეგვიპტეში. ღამით უჩუმრად წავიდნენ აეროპორტში.

როცა ლელას სახლში მისვლა დაავგიანდა, დედამ ტელეფონი ააწვია – შეშინდა, გათიშული რომ ჰქონდა. არც ბადრის ნომერი იცოდნენ, რომ დაერეკათ. ისხდნენ მისაღებ ოთახში და გამოსავალს ეძებდნენ; ამ დროს ელენეს ტელეფონმა დარეკა.

– გისმენთ!

– გამარჯობათ! თქვენ ელენე ხართ, ხომ? ლელას და?

– დიახ, მე ვარ, ხომ მშვიდობაა, – წამოიყვირა ელენემ.

– დამშვიდდით, მშვიდობაა, კარგი ამბავი უნდა გახაროთ. ბადრი და ლელა დაქორწინდნენ და ახლა საქორწინო მოგზაურობაში წავიდნენ ეგვიპტეში.

– გმადლობთ! გმადლობთ! – ტელეფონი გათიშა ელენემ. დედას და მამას შესცქეროდა, როგორ ეთქვა ეს ყველაფერი, არ იცოდა.

– მშვიდობაა, ლელა გათხოვდა და ახლა ეგვიპტეში წასულან.

– რააა! რას ამბობ? ეს როგორ გაბედა? – ყვიროდა დედა.

– ღმერთს მადლობა, რომ მშვიდობა გვაქვს, მაინც თავისი გაიტანა; იმედია არ ინანებს და ბოლომდე ერთად იქნებიან. დამშვიდდი, ნერვიულობა არაფერს მოგვითმის, – უთხრა გიამ მეუღლეს.

* * *

ბადრი და ლელა სასტუმროში დაბინავდნენ, ყოველი დღე ფერადი და ლამაზი იყო. ბადრი ცდილობდა, ლელა ბედნიერი ყოფილიყო, ყველა სურვილს უსრულებდა – დაჰყავდა სასიერნოდ, იღებდნენ სამახსოვრო ფოტოებს, ანებივრებდა პატარა ბავშვივით, მხოლოდ იმას ფიქრობდა, როგორ გაეხარებინა – თვითონ ხომ ლელას სიხარულით იყო ბედნიერი, მისი ღიმღიანი სახის დანახვით, ცდილობდა მშობლების გაბრაზება დაევიწყებინა და არ ახსენებდა მათ.

ლელა თავს ბედნიერად გრძნობდა, სულ არ ანალვლებდა დედ-მამის დამოკიდებულება მის გადანყვეტილების მიმართ – მისთვის მთავარი და უპირველესი მისი სიყვარული – ბადრი, რომელიც გვერდით ჰყავდა; ტკბებოდნენ ერთმანეთის ალერსში და ორივე ფრთაშესხმული იყო. ერთი სიტყვით, თავი სამოთხეში ეგონათ, თითქოს, მხოლოდ სიყვარული მეფობდა დედამინაზე.

ორმა კვირამ სწრაფად გაირბინა. უჭირდათ ეგვიპტის და-

ტოვება, მაგრამ სხვა რა გზა იყო – დრო ამოიწურა და დაბრუნდნენ თბილისში. აეროპორტში მშობლები და მეგობრები დახვდნენ, წყვილს ბედნიერებას ულოცავდნენ და დიდ სიყვარულს უსურვებდნენ, შემდეგ რესტორანში გადაინაცვლეს.

ახალშეუღლებულნი მარტო ცხოვრობდნენ, მშობლები აკითხავდნენ ზოგჯერ, ეხმარებოდნენ შვილებს, როგორც შეეძლოთ; მალე პატარაც შეეძინათ, რომელმაც მათი სიყვარული კიდევ უფრო განამტკიცა. ბადრი ყოველთვის ცდილობდა, სამსახურის შემდეგ რაც შეიძლება სწრაფად დაბრუნებულიყო სახლში, ლელას საოჯახო საქმეებში რომ მიხმარებოდა. ლელა საათს ჩაჰკირკიტებდა, ერთი ნუთის გადაცილებას არ პატიობდა და ეჭვები იპყრობდა; სულ იმის განცდა ჰქონდა, რომ ვიღაცას ხვდებოდა, რაღაცას ატყუებდა ბადრი. სახლში დაბრუნებული კაცი, პირველად იმას უხსნიდა მეუღლეს, რომ ეს ასე არ იყო – ზოგჯერ სამსახურიდან ვერ გამოდიოდა თავის დროზე, ზოგჯერ საცობის გამო აგვიანებდა, თუმცა ლელა მაინც ჯიუტად გაიძახოდა: შენ ვიღაც გყავს! ტელეფონზე თუ ორი ზარის შემდეგ არ უპასუხებდა ბადრი, პანიკური შიში იპყრობდა, საკუთარ თავს ეუბნებოდა:

– არა, ნამდვილად მღალატობს, ნამდვილად რაღაც ხდება!

გაუსაძლისი იყო ლელას ეჭვები ბადრის მიმართ, მაგრამ ის მაინც ცდილობდა, ცოლი დაერწმუნებინა თავის სიმართლეში.

დრო ნელ-ნელა მიიწევდა წინ: ხან კამათში, ხან კიდევ – მოფერებაში. ოჯახს კიდევ ერთი გოგონა შეემატა.

ბადრი ყველაფერს აკეთებდა, რომ ოჯახი უზრუნველყოფილი ჰყოლოდა, მაგრამ მისი შემოსავალი უკვე აღარ იყო საკმარისი. ამიტომ, დიდი ფიქრის შემდეგ, გადაწყვიტა, საზღვარგარეთ წასულიყო ოჯახთან ერთად და მეუღლეს გაანდო თავისი გადაწყვეტილება. ლელამ კატეგორიულად იუარა. მოიმიზეზა, – შვილები ვერ შეეგუებიან უცხო გარემოს, გაუჭირდებათ. თან დაამატა, – მეც ვერ გავძლებ მშობლების გარეშე.

საბოლოოდ ბადრიმ დაარწმუნა მეუღლე, რომ წასვლა ყველაზე კარგი გამოსავალი იყო იმ მომენტისთვის.

– ბავშვებისთვისაც უკეთესი იქნება, საზღვაგარეთ განათლების მიღება და ჩვენც ცოტა წელში გავიმართებით, შემდეგ დავბრუნდებით საქართველოში.

– მე გაფრთხილებ, ბადრი, იქ წასვლა კარგს არაფერს მოგვითქვანს, მაგრამ რახან არ იშლი, წავიდეთ, დანარჩენ შედეგებზე შენ აგებ პასუხს, მე არაფერს გეტყვი სხვას!

ბადრიმ თავისი მშობლების ნაშრომ-ნაწვალები სახლი ინტერნეტში დადო გასაყიდად. მყიდველიც მალევე გამოჩნდა. დრო დაუთქვეს ერთმანეთს: სანამ საქართველოს დატოვებდნენ, სახლში იცხოვრებდნენ. ახალი მეპატრონეც დათანხმდა ამ გარიგებას. ბადრიმ მოიძია ადამიანი, რომელიც მთელი ოჯახით ჩაიყვანდა საფრანგეთში, ფული წინასწარ გადაუხადა, რამდენიმე კვირაში დაურეკეს და უთხრეს, რომ საფრანგეთის ვიზა არ გამოვიდა, ამიტომ გერმანიაში შესთავაზეს წასვლა. რა გაეწყობოდა, სახლი გაყიდული იყო უკვე. ლელა მეუღლეს არ ესაუბრებოდა, ისე როგორც ადრე, განაწყენებული იყო.

ბადრის არავინ ელოდა გერმანიაში, არავინ ჰყავდა სანდო მეგობარი, დახმარების ხელი რომ გაეწოდებინა მისთვის – არავინ ჰყავდა, ვინც შეიფარებდა ოჯახთან ერთად. მიჰყავდა ცოლ-შვილი და გულზე ცეცხლი ეკიდა, უკან დახევას კი აზრი აღარ ჰქონდა – მიენდო ბედისწერას:

– რა გავაკეთო, სად წავიყვანო ცოლ-შვილი, რომ ჩავალ? ბავშვები პატარები არიან, არ გამიხდნენ ავად, ღმერთო, ნუ მიმატოვებ, ნუ გამწირავ, მომეცი ძალა, რომ გავუძლო ამ განსაცდელს, მომეცი მოთმინება, რომ ავითანო ის ყველაფერი, რაც მელოდება წინ! მე ყველაფერი უნდა შევძლო, თუნდაც მარტო იმისთვის, რომ ლელამ არ თქვას, შენ რომ დაგიჯერე, ამიტომ ვარ ასეთ დღეშიო!

მთელი გზა, თვითმფრინავში მხოლოდ ამას ფიქრობდა, ცდი-

ლობდა, სახეზე არ დატყობოდა გულისტკივილი, არ სურდა ლელა კიდევ უფრო გაენანყენებინა და გაენერვიულებინა..

* * *

გერმანიაში მზიანი ამინდი დახვდათ, მაგრამ მაინც წელიწადის დროს თავისი გაჰქონდა და ძლიერ ციოდა, ბავშვები გაცივებული იცქირებოდნენ ირგვლივ, მშობლებს კითხვებს უსვამდნენ, აინტერესებდათ ყველაფერი, რასაც კი ხედავდნენ.

– ძვირფასო, მოდი, თქვენ ცოტა ხნით აქ დამელოდეთ, მე სასტუმროს ამბებს გავარკვევ და დავბრუნდები. დაილაღნენ ბავშვები, ცოდვეები არიან, აქ დასხედით და დამელოდეთ, – უთხრა ბადრიმ ცოლ-შვილს.

– აქ სად უნდა დაგელოდო, რას ამბობ, ბადრი? გინდა შიშისგან გული წამივიდეს? ამათ შენ გააჩერებ აქ? რომ დამეკარგონ ბავშვები? ხომ იცი, როგორები არიან – ბრაზი ეტყობოდა ხმაში ლელას.

– მე თქვენთვის ვამბობდი, აქვე გავივლიდი. რადგან არ იშლი, წამოდით, მაშინ ერთად დავძებნოთ სასტუმრო.

ერთად წავიდნენ. უცებ ვილაც უკნიდან ეძახის:

– ქართველები ხართ?!

ბადრიმ წამებში სიხარული და შვება იგრძნო. იფიქრა, უფაღმა გამომიგზავნა, ალბათ, დამეხმარებაო. მოუბრუნდა.

– დიახ, ქართველები ვართ.

– გამარჯობათ! როგორც ვატყობ, დღეს ჩამოხვედით, ბინას ხომ არ ეძებთ?

– დიახ, სასტუმროს ვეძებ, რომ დავბინავდე.

– მე მაქვს სახლი, რომელსაც ვაქირავებ, შემიძლია მოგაქირაოთ და რომ დაინწყებთ მუშაობას, შემდეგ გადამიხადოთ ერთად.

ბადრი სიხარულით შეხვდა ამ ამბავს, მისთვის ახლა მთავარი იყო ცოლ-შვილი დაებინავენინა და რა თანხას მოსთხო-

ვდა, არ აინტერესებდა. ნაიყვანა ოჯახი იმ სახლში, რომელიც შესთავაზეს.

სახლი ერთი დიდი ოთახისგან შედგებოდა: ის იყო სამზარეულოც, მისაღებიც და საძინებელიც. ერთი დიდი საწოლი იდგა კედელთან, მრგვალი მაგიდა და ორი სკამი, კედელზე ნახატი ეკიდა უსწორმასწოროდ, იატაკზე ქვის ცივი ფილები ეგო, რომელზედაც დაცრეცილი პატარა ხალიჩა ეფინა საწოლთან. ბავშვებისთვის არ ჰქონდა მნიშვნელობა, როგორი სახლი იყო, ლელა კი განანყენდა, მეუღლეს მოქუფრული სახით შესცქეროდა.

– დამშვიდდი, ლელა. რადგან აქამდე მოვედით, მე იმდენს შევძლებ, რომ თქვენ, არ გაგიჭირდებათ! დამიჯერე, ყველაფერი კარგად იქნება... – არადა, არავინ იცოდა, რა ცეცხლი ტრიალებდა ბადრის გულში.

– რალაც არ მჯერა, ბადრი, შენი სიტყვების; უკვე ჩანს, რა გველოდება წინ, მე თუ არ გეცოდები, ბავშვებს რას ერჩი? ისინი ჯერ პატარები არიან, რამდენი რამ სჭირდებათ...

– თუ დამშვიდდები და ამოსუნთქვის საშუალებას მომცემ, ყველაფერი იქნება. – ცდილობდა არ აენია ხმისთვის და მშვიდად პასუხობდა ცოლს.

პატარები დაღლილები იყვნენ, როგორც კი წამოწვენი საწოლზე, მაშინვე ჩაეძინათ.

მეორე დღეს სახლის მეპატრონემ ადვოკატი გააცნო ბადრის, რომელიც საბუთების მონესრიგებაში დაეხმარებოდა, ასევე სამსახურსაც აპოვნინებდა. გერმანული არ იცოდა ბადრიმ, ამიტომ გერმანულ ადვოკატთან უჭირდა კომუნიკაცია, ნახევრად ინგლისურ-ქართულად ესაუბრებოდა.

ადვოკატმა მალე სამსახური უპოვა, ბავშვები სკოლაში მიიყვანეს და ნელ-ნელა აენყვნენ გერმანულ ცხოვრებას. ბადრი ყველა საშუალებას იყენებდა, რომ როგორმე ცოლ-შვილი უზრუნველყოფილი ჰყოლოდა. ბოლო კაპიკს არ დაიტოვებდა,

რომ ოჯახში საჭმელი მიეტანა, თვითონ კი ბევრჯერ ყოფილა მთელი დღე მშვიერი; სახლში მისულს კი ცოლის საყვედურები, უკმაყოფილო სახე ხვდებოდა. რაც მეტს შრომობდა, მით მეტს ითხოვდა ლელა, ყოველ სიტყვაზე ეუბნებოდა: შენი ბრალია, აქ რომ ვართ, ამიტომ, როგორც გინდა, ისე გვარჩინე!

რა გაენწყობოდა, ითმენდა ბადრი, ბევრჯერ დამჯდარა და უტირია საკუთარ ცხოვრებაზე ისე, რომ ლელასთვის ცრემლი არ დაუნახებია, არც სხვა ჰყავდა ვინმე, რომ წამოხმარებოდა, თითქოს მხოლოდ მარტო ის იყო ამ ქვეყნად მოვლენილი და მისი ოჯახი, რომლიდანაც საყვედურების მეტი არაფერი ესმოდა!

ნელ-ნელა ენა ისწავლა, სამსახური გამოიცვალა, ანაზღაურებას მეტი ჰქონდა, სხვა სახლი იქირავა, რომელიც მისი შვილებისთვის უფრო კომფორტული იყო. ლელამაც დაიწყო მუშაობა, ქართველი ქალები გაიცნო, დაუმეგობრდა, ხშირად მეტ დროს მათთან ატარებდა.

ერთმამისმა მეგობარმა ხელზე ჩინური იეროგლიფი დაიწერა, “ჩვენ ერთი გული გვაქვს”. ლელას იმდენად მოეწონა, მასაც გაუჩნდა მსგავსის გაკეთების სურვილი. მეგობრებთან თქვა:

– მეც მიყვარს სხეულზე ნახატი, მაგრამ ბადრი როგორ შეხვდება ამ ამბავს, არ ვიცი.

– რას ეკითხები ბადრის, ყველაფერი ქმარს კი არ უნდა ჰკითხო, რა შენ ბავშვი ხარ და ნებართვა გჭირდება?! – უპასუხა მეგობარმა და იქვე მყოფებმა გაიცინეს.

– რა ვიცი, მას არ აქვს და იქნებ არ მოეწონოს! დავეკითხები, თუ მომცემს ნებას, გავიკეთებ.

– კარგი რა, ლელა, დღეს შვილები არ ეკითხებიან მშობლებს, რა უნდათ. შენ, შენ ხარ, გინდა – გაიკეთე. ძალიან არ მოსწონდა ჩემს ქმარს, ჩხუბიც კი მოგვივიდა ამაზე, მაგრამ მაინც გავიკეთე და, რა გზა ჰქონდა, შეეგუა – სახლიდან ხომ არ გამაგდება ამ ნახატის გამო?!

– შენც გაიკეთე და მერე ანახე. გაკეთებული რომ გექნება, ვერაფერს გეტყვის.

– ვფიქრობ, ჯერ მაინც დავეკითხო, რომ არ თქვას, რატომ მე არ მითხარიო, თორემ გადაწყვეტილებას მე მივიღებ – გავიკეთო თუ არა.

– ხო, შენი საქმის შენ იცი, მაგრამ რაც ნაკლებად ჰკითხავ შენს ქმარს, რა გინდა და გააკეთო რამე თუ არა, მით ნაკლებ დაკითხვებს მიიღებ!

სახლში დაბრუნებულ ლელას ბადრი არ დახვდა. ბავშვები სკოლიდან გამოიყვანა. სალამოს ბადრიც მოვიდა, როგორც ყოველთვის, პროდუქტებით დატვირთული. არასოდეს ავინწყდებოდა ცოლის საყვარელი შოკოლადი; ბოლო კაპიკი რომ ჰქონოდა, მაინც უყიდდა და მიუტანდა. რომ გაეხარებინა, ჩუმად აძლევდა – ბავშვები რომ არ შეზიარებოდნენ დედას შოკოლადში...

ლელამ სუფრა გაშალა, გოგოებიც ეხმარებოდნენ, შემდეგ დასხდნენ და გემრიელად მიირთვეს.

– ბადრი, რას იტყვი, ხელზე რაიმე რომ დავიხატო?

– და რატომ გაგიჩნდა ეგ სურვილი, ხელზე რაიმე დაიხატო?

– ჩემს მეგობარს, შორენას ხომ იცნობ, მან გაიკეთა და ძალიან მომეწონა, მეც მინდა.

– მაგის ქმარს ჭკუა არ აქვს თავში, ყველაფრის უფლებას რომ აძლევს ცოლს, მალე რქებსაც დაადგამს.

– კარგი ახლა, რატომ იცი მასეთი საუბარი? რა მოხდა, თუ გავიკეთებ?

– მე კაცი ვარ და მსგავსი რამის გაკეთების სურვილი არ მქონია. არც ჩემს ცოლს ექნება, ეს ეკლესიურად მიუღებელია. შენ რომ გაიკეთო, მერე შენს შვილებსაც მოუწოდებთ და ველარ დაუშლი – დედას უკეთია და ჩვენც გვინდაო, იტყვიან, დაფიქრდი ცოტა.

ბავშვები ეზოში თამაშობდნენ, ლელა ფანჯრიდან ადევნებდა თვალს, ტელეფონის ზარი გაისმა.

- როგორ ხარ, შვილო?

- კარგად, დედა, შენ როგორ გიკითხო?

- თქვენი მონატრებით ვარ სულ, თორემ ისე რა გვიჭირს, როგორც ყველა, ვუძლებთ ამ ცხოვრებას, ნელ-ნელა უკან მიდის ყველაფერი, ძვირდება, ცეცხლის ფასი აქვს ყველაფერს. ბავშვები ხომ არიან კარგად? ბადრი როგორ არის, მომიკითხე.

- კი, დედა, ყველანი კარგად ვართ; როგორც იქნა, ავეწყვეთ...

- ხო, დედა, თქვენ რომ არ გვიგზავნიდეთ ფულს, მართლა არ ვიცი, რა გვეშველებოდა, ყოჩაღ ბადრის, რომ ასეთი კარგი ადამიანია და ზრუნავს ჩვენზე. რომელი სიძე იზრუნებს, დედა, დღეს ცოლოურობაზე, ყველა იქით ითხოვს. ეგ პირიქით არის, რით გვასიამოვნოს, სულ იმას ცდილობს. გაფრთხილება უნდა, დედა, ასეთ ქმარს, მიხარია, რომ გიყვართ ერთმანეთი და სწორი არჩევანი გააკეთე.

- დედა! რალაც მინდა გითხრა.

- ხომ მშვიდობაა, ლელა?!

- კი, მაგრამ ბადრის ნებართვის გარეშე... ნუ, კი, ვესაუბრე, მაგრამ წინააღმდეგი წავიდა.

- რა ქენი, გოგო?! - დედის მშვიდი ხმა მრისხანე ხმით შეიცვალა.

- ისეთი არაფერი, უკან, ზურგზე, პატარა ნახატი დავისვი, კისერთან ახლოს.

- მერე?

- მეტი არაფერი.

- ოხ, ლელა, როგორი ჯიუტი ხარ, რა გეკუთვნის ახლა შენ?! რას შევები, ბადრი რომ გაგიბრაზდეს და ჩხუბი დაგინყოს?!

- მომისმინე დედა! მაგის ჯიუტობის გამო, იცი, რეები გა-

მოვიარე? მაგის დაჟინებული მოთხოვნის გამო, რომ აქ წამოვსულიყავი, ახლა თქვენ მენატრებით, დავკარგე რამდენი მეგობარი. ხომ შეიძლება, გავაკეთო რაღაც, მე რაც მინდა და მისგან არ ავიღო ნებართვა, ყველაფერი მაგის ჭკუაზე უნდა იყოს?! მინდოდა და გავიკეთე, მორჩა!

– თუ გინდოდა და გაიკეთე, პასუხსაც შენ აგებ!...

გაუთიშა ტელეფონი ისე, რომ არც დამშვიდობებია. ცოტა ხანში ბავშვები და ბადრი შემოვიდნენ, ქმარი ლელას კოცნით მიესალმა, ჩუმად შოკოლადი მისცა და უთხრა:

– ამათ თავიანთი წილი უკვე მიირთვეს – ასე რომ, ეს შენია.

მისაღებ ოთახში ტელევიზორის საყურებლად დასხდნენ. ბადრიმ ხელი გადახვია ლელას და გულზე მიიხუტა. ქალი ეფერებოდა მეუღლეს, თან ესაუბრებოდა.

– ბადრი, გახსოვს, ამას წინათ რაღაცაზე რომ გესაუბრე?

– აბა, რაზე, შემახსენე?

– აი, დახატვა რომ მინდოდა.

– კი, მახსოვს და გითხარი კიდეც, რომ არ მომწონს-მეთქი.

– ბადრი, ძალიან მინდოდა და გავიკეთე.

– ხუმრობ, ხომ?

– არა, რატომ უნდა ვხუმრობდე, მეც ხომ მაქვს უფლება, რაც მინდა, გავიკეთო?

– კი გაქვს, ოღონდ გააჩნია, რა გინდა...

– ხოდა, გავიკეთე, უკან, კისერთან ახლოს; მხოლოდ მაშინ გამოჩნდება, თმას თუ ავიწვევ.

ბადრი სავარძლიდან წამოხტა, დაიწყო ყვირილი, ხელში წყლით სავსე ბოთლი ეჭირა, რომელიც მოისროლა. ბოთლი სარკეს მოხვდა და ნამსხვრევებად აქცია. ბავშვები კედელს მიეკრნენ, ასეთი განრისხებული მამა ჯერ არ ენახათ, – აკანკალებდნენ, ერთმანეთს ეხუტებოდნენ. ლელა იჯდა ისე, თითქოს, არაფერი ხდებოდა. ამან კიდეც უფრო გააღიზიანა ბადრი.

– ხვალვე ნახვალ და მოიშორებ მაგ ტატუს, როგორც გინდა,

ისე! ან ეგ ტატუ გექნება, ან ჩემი ცოლი იქნები, არჩევანი შენთვის მომინდვია!

– კარგი, მოვიცილებ, დამშვიდდი, ხომ ხედავ, ბავშვები როგორ გიყურებენ, ცოდვები არიან.

– ძალიან კარგი, მეორედ ამ საკითხზე არ ვისაუბრებთ მე და შენ!!!

მეორე დღიდან დაიწყო ლელამ პროცედურები, რომ ნახატის მოცილებას დრო სჭირებოდა, თან მტკივნეული იყო, უბრაზდებოდა მეუღლეს, ჩხუბი მოსდიოდათ. ერთხელაც უთხრა ბადრის:

– მე ამ ტატუს მოვიცილებ, მაგრამ შენთან აღარ დავნვები!

– რაა?! ანუ შენ არჩევანი გააკეთე უკვე, ხომ ასეა?! – სიტყვის თქმაც აღარ დააცადა ქალს, ხელი მოჰკიდა და სახლიდან გააგდო. ბავშვები დედას გაეკიდნენ, ატირებულნი.

ბადრი იჯდა სახლში, თავი ხელებში ჩაერგო, გული გამალებით უცემდა, მთელს სხეულში ტკივილს გრძნობდა; დაცარიელდა სახლი, თითქოს ყველაფერმა მოიწყინა, არაამქვეყნიური სიჩუმე სუფევდა.

– ღმერთო ჩემო, ეს რა ვქენი? ბავშვები როგორ გავატანე? ეს როგორ დავუშვი? მისი ჯიუტობის გამო სადამდე მივედი? ნუთუ მართლა თავისი აკვიატებული სურვილი არჩია ოჯახს? რისთვის? რატომ მექცევა ასე? რა დავაშავე? არა, ბავშვები ჩემთან იქნებიან, ის კი, სადაც უნდა, იქ წავიდეს.

ლელამ მეგობარს დაურეკა, სთხოვა, ცოტა ხნით შენთან გაეჩერებო, ისიც დათანხმდა.

რამდენიმე დღეში ბადრიმ შვილები თავისთან წაიყვანა, ლელამ ოჯახში დაიწყო მუშაობა, სადაც ოცდაოთხი საათი რჩებოდა, ამის გამო ბავშვებისთვის დრო აღარ ჰქონდა.

ქმარმა ისევ შვილებისა და სიყვარულის გამო დაურეკა, პატიება სთხოვა, უთხრა, რომ სახლში დაბრუნებულიყო და ყველაფერს დაივიწყებდა, არ ღირდა ამ პატარა რამის გამო ოჯახის დანგრევა – ცოდვაა შვილები ასეთი ცხოვრებისთვისო. თუმცა, ლელამ უარი განაცხადა შერიგებაზე, მასზე გავლენას

მისი სამეგობრო ახდენდა; ურჩევდნენ, არ ეპატიებინა მეუღლისთვის სახლიდან გამოგდება და ჩხუბი ტატუს გამო. ისიც მეგობრების რჩევას უფრო ითვალისწინებდა, ვიდრე – დედის, რომელიც შვილს სთხოვდა, მეუღლისთვის ბოდიში მოეხადა და შინ დაბრუნებულიყო.

დრო გადიოდა, ბავშვები მამასთან ცხოვრობდნენ. ბადრი და ლელა ერთმანეთს არ ესაუბრებოდნენ, ლელას ქმრის დანახვა არ სურდა – მის მიმართ სიყვარული გაუქრა და მეტიც, სიძულვილი გაუღვივდა, თითქოს არაფერი იყო მათ შორის საერთო, თითქოს უცხოები იყვნენ ერთმანეთისთვის; რაც იყო, ერთ წაში გაქრა და ქარმა წაიღო სადღაც, უკიდევანო სივრცეში, რომელიც უგზოუკვლოდ გაუჩინარდა.

ბადრი ვერ ივინწყებდა თავის სიყვარულს, მაგრამ მამაკაცური სიამაყე არ აძლევდა იმის საშუალებას, რომ კიდევ მოეკითხა. რამდენჯერ აკრეფილი ნომერი წაუშლია! რამდენჯერ სურდა, მისი ხმა გაეგონა, მაგრამ ტელეფონს მოისვრიდა მაშინვე! საკუთარ თავს უბრაზდებოდა:

– ეს როგორ დამემართა, ეს როგორ დავუშვი! სად შემეშალა, ალბათ, არც არასოდეს ვცვარებივარ, თორემ ტატუს მე როგორ მანაცვალა? რის გამო თქვა უარი ჩემზე, რის გამო წაართვა შვილებს სიტბო და სიყვარული? რის გამო? რის ფასად? არა, თავს მოერიე, ჩემო თავო და მას არ დაურეკო – არ უნდისხარ და კარგად იყოს! მთავარია, შვილები შენს გვერდით არიან, უყვართ მამა, ხვდებიან, რას ვაკეთებ მათ გამო, ჯერ კიდევ ხომ ბევრი მაქვს გასაკეთებელი. თბილისში აუცილებლად სახლი უნდა ვიყიდო, არ მაქვს უფლება, მოვდუნდე, მტერს ვერ გავახარებ, მე დავუმტკიცებ, რომ ძალიან შეცდა, რომ დიდი შეცდომა დაუშვა, თავისი სიჯიუტის გამო.

...ერთი წელი გავიდა მათი დაშორებიდან, ამ ხნის განმავლობაში არცერთს არ მოუკითხავს ერთმანეთი.

დილით ბავშვები საუზმეს ამზადებდნენ, ბადრი ეხმარე-

ბოდა, შემდეგ ყველა ერთად მაგიდას მიუსხდა.

ბადრის ტელეფონმა დარეკაა, დახედა, სახეზე სინითლემ გადაუარა, ხელი აუკანკალდა, თავს ძალა დაატანა და სკამიდან წამოდგა – არ სურდა, ბავშვებს მოესმინათ ტელეფონზე საუბარი, აივანზე გავიდა.

შვილებმა მამა ასეთი რომ დაინახეს, ჰკითხეს:

– რა დაგემართა, მამა?

– არაფერი, შვილო, განაგრძეთ ჭამა, მეგობარი მირეკავს, გავალ, დაველაპარაკები.

ბავშვებმა ერთმანეთს გადახედეს, ვერაფერი გაიგეს, მამას გაჰყვნენ მალულად, ყურს უგდებდნენ მის საუბარს, მაგრამ არაფერი ესმოდათ.

* * *

ბადრი აივანზე გავიდა, კარი მიიხურა, გარეთ ციოდა, სუსხიანი ქარი ქროდა, ხეებზე ფოთლები შეფერილიყო: ზოგი მწვანედ, ზოგი კი – ყვითლად, ნელ-ნელა ეგებებოდნენ ზამთარს, რომელიც თავის ჩვეულებას არ უღალატებდა და ყველა ფოთოლს გაფანტავდა, მოგლეჯდა ხეებს და უმოწყალოდ ააფრიალებდა ცაში ისე, რომ საით მიუჩენდა განაჩენგამოტანილებს ადგილს, ქარის მეტმა არავინ იცოდა!

ბადრი ნერვიულობისგან სიცივემ აიტანა, უჭირდა ტელეფონზე ეპასუხა, ზარი კი არ წყდებოდა. როგორც იქნა, გახსნა ტელეფონი და ყურთან ისე მიიღო, რომ ხმა არ გაუცია. ესმოდა ხმა, რომელიც ერთი წელია არ გაუგონია – დახმარებას ითხოვდა. ბადრი ცოტა დამშვიდდა, ყველაფერზე თანახმა იყო, რასაც ეტყოდა, მთავარი მისთვის მისი სიცოცხლე და ჯანმრთელობა იყო.

– ბადრი, შენი დახმარება მჭირდება: სადაც მუშაობას ვინწყებ, მხოლოდ მე არ მიმიღებენ, აუცილებელია, ქმარი მყავდეს და გვექონდეს საბუთი. დამეხმარე, იმუშავე ჩემთან ერთად. მა-

რთალია, ცოტა შორს არის შენგან, მაგრამ ადრე ადგები, შენ ხომ ისედაც გიყვარს დილით ადრე ადგომა, ვარჯიში. ეს კი ვარჯიშიც გამოვა, მე დახმარებას გამინევ, მხოლოდ ერთი პირობით: შენ დღის პირველ ნახევარში იმუშავე, მე სულ იქ ვიქნები. რას იტყვი, თანახმა ხარ?

– კარგი. თანახმა ვარ, დაგეხმარები, დილით მეც არ ვმუშაობ, სამის შემდეგ მივდივარ სამსახურში, დრო მაქვს. მითხარი, სად და როდის მოვიდე! – უყოყმანოდ დასთანხმდა.

ლელამ მესიჯად გაუგზავნა მისამართი, სადაც უნდა შეხვედროდნენ ერთმანეთს, ბადრიმ ტელეფონი გათიშა, ოთახში შევიდა, შვილები მამას შეჰყურებდნენ, ინტერესი ჰკლავდათ, მაგრამ არცერთი არ ეკითხებოდა არაფერს. დადიოდა ოთახიდან ოთახში ბადრი და უკან დაჰყვებოდნენ ბავშვები.

– დედათქვენი იყო.

– რააააა? – ერთხმად წამოიძახეს გოგონებმა.

– სამსახურს იწყებს და დახმარება სჭირდება ჩემი!

გოგონებს გაელიმათ, ერთმანეთს ხელი ხელზე მიადეს, თვალი ჩაუკრეს და ჩუმად თქვეს – იქნებ შერიგდნენ კიდეც, რა კარგია.

მეორე დღეს ბადრი და ლელა შეხვდნენ, ისინი ისე უყურებდნენ ერთმანეთს, თითქოს, პირველად ხედავდნენ. გარეგნულად ასე ჩანდა, მაგრამ არავინ იცოდა, რა ხდებოდა მათ გულში, რა სევდა და სინანული ტრიალებდა. ისაუბრეს, შეთანხმდნენ, როგორ უნდა ემუშავათ. დროდადრო თვალს გააპარებდნენ ერთმანეთისკენ.

– ჩვენ, ორივეს, სიამაყემ გვძლია, ლელა – შედეგად, აი, რა მივიღეთ. ჩვენ, ორივე, დამნაშავე ვართ იმაში, რაც დღეს ხდება ჩვენ შორის. ალბათ, ვერასდროს დავანგრევთ კედელს, რომელიც ჩვენს წინ არის აღმართული. შენ სამაგიერო გადამიხადე იმის გამო, რომ აქ გაიძულე წამოსვლა, მოგაცილე მშობლებს, თითქოს მე მიხაროდა ჩემი მშობლების ნაოფლარი სახლ-კარის გაყიდვა – იმ სახლის, სადაც დავიბადე და გავიზარდე, იმ სა-

ხლის, სადაც ჩემი ოჯახი ცხოვრობდა, რატომ ვერ მიხვდი, რომ ეს ყველაფერი თქვენ გამო გავაკეთე?

– მე არ მსურს წარსულზე საუბარი, ბადრი. მუშაობა შემოგთავაზე, დახმარება გთხოვე, სხვა არაფერი მინდა შენი!

– კარგი, რახან მხოლოდ ეგ არის, იყოს ისე, როგორც შენ გინდა. ხვალიდან შევეუდგები მუშაობას.

ბადრიმ დაიწყო მუშაობა ლელასთან. დილით, ექვს საათზე, ველოსიპედით მიდიოდა მეორე ქალაქში, პირველამდე იქ იყო, შემდეგ სხვა სამსახურში მიდიოდა. ორივე დაკისრებულ მოვალეობას ასრულებდა ისე, რომ ერთმანეთს იშვიათად ესაუბრებოდნენ, ისიც მხოლოდ სამუშაოს თაობაზე.

ერთ დღესაც, ლელამ საავადმყოფოში წაიყვანა მოხუცი, რომელსაც უვლიდა. ბადრი ლელას საძინებელში შევიდა, სანოლს მიუახლოვდა, ბალიშს ხელი მოჰკიდა, აიღო და სახეზე მიიღო, ღრმად შეისუნთქა.

– როგორი ტკბილი სურნელი გაქვს, ლელა, ხასიათიც რომ ასეთი გქონდეს, ბევრად კარგი იქნებოდა!

შემდეგ კარადა გამოაღო, სადაც ლელას კაბები ეკიდა, ყველას შეეხო სათითაოდ და ეფერებოდა, თითქოს ცოლის სხეულს შეიგრძნობდა მათი შეხებით, თითქოს ლელა იდგა მის წინ, ილიმოდა სევდანარევი. კარადის უჯრა გამოაღო და ფოტოალბომი იპოვა, ამოიღო, სანოლზე ჩამოჯდა, გადაშალა – ალბომში ცოლ-შვილს ფოტოები ნახა, ის ფოტოები, რომლებიც წარსულს აგონებდა – თავის ქალაქს, თავის სახლს, ეზოს... მისი ფოტო არსად იყო, ბოლო გვერდი იყო დარჩენილი, გადაშალა და რას ხედავს: ფოტო, რომელზედაც თვითონ იყო, ამოჭრილია!

– ეს რა არის? – ეკითხებოდა საკუთარ თავს და პასუხი არ ჰქონდა. ნუთუ ასე აღარ სურს ჩემი დანახვა, რომ ფოტოებზეც კი ამომჭრა? – ფოტოს ხელი მოჰკიდა და გაეცალა იქაურობას.

ლელას დედას დაურეკა, მოუყვა ყველაფერი. ისიც გაოცებული დარჩა შვილის ასეთი საქციელით, არ იცოდა, რა ეპასუხა

ბადრისთვის, მხოლოდ დამშვიდებას სთხოვდა. შემდეგ ეკლესიაში წავიდა, მოძღვარს ანახა ფოტო, მანაც იგივე სთხოვა – დამშვიდებულიყო და წირვებს დასწრებოდა. ბადრიმ დაიწყო ეკლესიაში სიარული, კითხულობდა ლოცვებს, აბარებდა აღსარებას. ლელას მას შემდეგ არ დალაპარაკებია, არც ახსნა მოუთხოვია მისგან, თუ რატომ მოიქცა ასე.

* * *

დრო გადიოდა, ბავშვები დაიზარდნენ. თითქოს დავიწყებას მიეცა წარსული. ხანდახან გაახსენდებოდა ხოლმე ლელა ბადრის და სინანულს მოგვრიდა მოგონებები. ბევრჯერ დაუსვა საკუთარ თავს კითხვა: სად შეეშალა, სად დაუშვა შეცდომა. მხოლოდ ერთი პასუხი ჰქონდა: არასოდეს ყვარებია ლელას ისე ძლიერად ბადრი, როგორც თავად უყვარდა იგი.

თმაში ჭაღარა შეერია. შვილებმაც მუშაობა დაიწყეს. დედასთან დადიოდნენ. ბადრი ცდილობდა, არ ჩარეულიყო მათ ურთიერთობაში, თუმცა, სადღაც, გულის სიღრმეში, გაკრავდა ზოგჯერ ეჭვი, ემინოდა, შვილებს არ დაეტოვებინათ, როცა უკვე ისე საჭირო აღარ იქნებოდა!

გრილი საღამო იყო. აივანზე გავიდა, ბაჯაღლოსფერი მთვარე ამოგორებულიყო ცაზე. როგორც ყოველთვის, სამუშაოდან დაღლილი დაბრუნდა. სახლში მისული, თავის საყვარელ ადგილზე მოკალათდა, ტელეფონით სოციალურ ქსელში ინფორმაციების კითხვა დაიწყო. ერთ ჯგუფში წააწყდა პატარა ჩანახატს, რომელიც ძალიან მოეწონა და დაინტერესდა ავტორით. გადავიდა მის პროფილზე, დაათვალიერა და ნახა, რომ მისთვის საინტერესო “პოსტებს” დებდა საკუთარ გვერდზე. იფიქრა, შევთავაზო თუ არა მეგობრობაო, ცოტა ხანს თავი შეიკავა. ასე რამდენიმე დღე შორიდან კითხულობდა ახალგაზრდა ქალის ჩანახატებს, რომლებიც დღითიდღე იზიდავდა. დიდი ფიქრის შემდეგ მეგობრობა შესთავაზა და მალევე დასტურიც მიიღო.

სასიამოვნო მოსაუბრე გამოდგა ახალგაზრდა ქალი, რომელსაც აიშე ერქვა. ხშირად წერდნენ ერთმანეთს “მესიჯებს”, თითქოს დიდი ხნის ნაცნობები იყვნენ, ყვებოდნენ თავიანთ წარსულზე, რომელიც ორივეს ძალიან სტკიოდა.

ერთადერთი, რაც მათ ერთმანეთს აშორებდა, მანძილი იყო – სხვადასხვა ქვეყანაში ცხოვრობდნენ. თუმცა, ეს მეგობრობას არ უშლიდა ხელს. ბადრი არაფერს უმაღავდა აიშეს, გრძნობდა, რომ ნელ-ნელა, მეგობრობასთან ერთად, გული გამალებით უცემდა, როცა აიშეს მოიკითხავდა, ოღონდ ამას არც საკუთარ თავთან აღიარებდა და მით უმეტეს, არც მას ეუბნებოდა.

ქალი, როგორც წესი, ხვდება, თუ რას ფიქრობს მამაკაცი მასზე. ასე რომ, არც აიშე ცდებოდა და გრძნობდა ბადრის თითოეულ მონაწერში, თუ რაოდენ დიდი სითბო იღვრებოდა მისი სიტყვებიდან, მაგრამ ამას დიდ ყურადღებას არ აქცევდა. მას უკვე ძალიან ჰქონდა გული ნატკენი და მამაკაცისკენ გახედვაც არ სურდა, მეგობრობის გარდა. ბევრჯერაც აღნიშნა ეს ბადრისთან საუბარში, რომ თავის პირად ცხოვრებას წერტილი დაუსვა და მხოლოდ შვილები იყო მისი მთავარი საფიქრალი.

დღეები გადიოდა. ბადრი ატყობდა, რომ მისი ცხოვრება უფრო ხალისიანი ხდებოდა, მეტი შემართებით ხვდებოდა ყოველ მომდევნო დღეს – სიცოცხლე უხაროდა. სამუშაოს შემდეგ, როცა სახლში დაღლილი დაბრუნდებოდა, მაშინვე სოციალურ ქსელში შევიდოდა და აიშეს ეხმიანებოდა, გამოჰკითხავდა: როგორი დღე ჰქონდა, რამე სიახლე ხომ არ იყო მის ცხოვრებაში. არც აიშე იყო წინააღმდეგი ასე ყოველდღიურად მოკითხვისა და ყველაფერს გულახდილად უყვებოდა – უკვე დარწმუნებულიც იყო იმაში, რომ ბადრის უყვარდა! თუმცა არ აღიარებდა და არაფერს ეუბნებოდა. უცებ გადანწყვიტა, თავად დალაპარაკებოდა და გაერკვია, მართალი იყო თუ არა ის, რასაც ფიქრობდა. ქალური ხრიკი გამოიყენა და ნელ-ნელა აიყო-

ღია ლაპარაკში. ბოლოს, როგორც იქნა, საკუთარ თავსაც და აიშესაც გამოუტყდა ბადრი, თუ როგორ ძლიერ იყო შეყვარებული. სწორედ მაშინ, როცა ფიქრობდა, რომ ცხოვრება დასრულდა და არანაირი სიახლე არ ელოდა წინ....

ყველაზე მეტად მისი თვალეებით იყო მოხიბლული, შეეძლო მთელი დღე ემზირა და არ მოსწყინებოდა. მუშაობის პროცესში ბევრჯერ დახედავდა ხოლმე აიშეს ფოტოს, გაუღიმებდა და ისევ განაგრძობდა საქმეს – თითქოს ეს იყო სიცოცხლის ელექსირი და ძალა. როგორც კი აიშემ გაიგო ბადრის წრფელი გრძნობების შესახებ, უკან დაიხია. ცდილობდა, ნაკლებად ესაუბრა ახლა მასთან – ყოველთვის მიზეზს იგონებდა ხოლმე. ამას ხვდებოდა ბადრი, თუმცა არ აპირებდა უკან დახევას. გრძნობდა იმასაც, რომ არ იყო ასე მარტივი მისი გულის მოგება! ამ ყველაფერს ისიც ემატებოდა, რომ ქალზე ასაკით ბევრად დიდი იყო, რასაც ხშირად უმეორებდა ხოლმე აიშე. თუმცა, არც წასვლის საშუალებას აძლევდა – თითქოსდა, მისი გრძნობებით თამაშობდა! მოსწონდა, როცა უყვარდათ, უფრო თვითდაჯერებული ხდებოდა ამით და კმაყოფილიც იყო. ბევრჯერ კამათიც მოსვლიათ, მაგრამ არცერთს არ უფიქრია, რომ ერთმანეთის ცხოვრებიდან წასულიყვნენ. ასე გადიოდა დღეები.

* * *

რთულია, უცხო მიწაზე იცხოვრო და არავინ გყავდეს გვერდით. დღეები ერთმანეთს ჰგავს, თითქოსდა, დაპროგრამებულია ყველაფერი. აიშეს ცხოვრებაში ერთადერთი, რაც ახარებდა, შვილები იყო. როცა საკუთარ თავთან მარტო დარჩებოდა ხოლმე, კითხვებს სვამდა, რომლებიც თვითონვე პასუხობდა და ცრემლები უსველებდა სევდიან სახეს. სხვათა შორის, ყველა ფიქრსა და სურვილს ბადრის ანდობდა, თითქოს იგი გახდა მისი ყველა ტკივილის მესაიდუმლე და გამზიარებელი, ოღონდ სიყვარულზე აუკრძალა საუბარი! რა გაე-

წყობოდა, ახლა ბადრისთვის ისიც კმაროდა, ხანდახან მაინც მოესმინა მისი ხმა, დახმარებოდა, როგორც შეეძლო და ამით თვითონ იყო კმაყოფილი და ბედნიერი! ცდილობდა, როგორმე ესიამოვნებინა აიშესთვის...

ერთ დღესაც, როგორც ყოველთვის, ისაუბრეს “მესენჯერის” საშუალებით. აიშემ გაანდო, რომ გერმანიაში აპირებდა გამგზავრებას, თუმცა არავინ ჰყავდა ისეთი, ვისაც ენდობოდა. ბადრიმ ამჯერადაც გამოთქვა მისი დახმარების სურვილი და შესთავაზა, ხელი მოეწერა, რომ საბუთი გაეკეთებინა. ჯერ იყო და თითქოს დათანხმდა აიშე, მაგრამ გარკვეული დროის შემდეგ, კარგად რომ დაფიქრდა, უარი უთხრა ამ შემოთავაზებაზე, ოღონდ გერმანიაში წასვლა არ გადაუფიქრებია.

დრო გადიოდა, ბადრის კიდეც უფრო უმძაფრდებოდა აიშეს მიმართ სიყვარული, არც ქალი იყო ახლა გულგრილი მის მიმართ, მაგრამ ერთადერთი, რაც მისთვის მიუღებელი იყო, ეს ასაკი გახლდათ. ერთ დღესაც გაბრაზებულმა უთხრა ბადრის:

– როგორ დაუშვი შენს გონებაში, რომ შვილისტოლა გოგო შეგყვარებოდა?!

– სიყვარულს ასაკი არ აქვს, აიშე! არც იმას გეკითხება, ვინ უნდა შეგიყვარდეს და ვინ არა; მეც ვიყავი შენი ტოლი და შენც გახდები ჩემი ხნის – ასაკი ციფრებია, მეტი არაფერი და თუ ამის გამო მკიცხავ, რა გაენწყობა, უძლური ვარ, თუმცა სადღაც გულის სიღრმეში მაინც მჯერა, რომ ყველაფერი კარგად იქნება.

აიშე ხვდებოდა, რომ ერთადერთი ადამიანი ბადრი იყო, ვისაც გულწრფელად სტკიოდა მისი ტკივილი და უხაროდა მისი სიხარული, საკუთარ თავთან ჭიდილში იყო ყოველთვის: რა ექნა, რა გადანწყვეტილება მიეღო, უკვე არ იცოდა – ახლა არც ბადრი ესაუბრებოდა ისე გამუდმებით თავის გრძნობაზე, როგორც ადრე. მიუხედავად ამისა, აიშე ყოველთვის გრძნობდა მის სიყვარულს!

* * *

თითქოსდა ერთ ნერტილზე იყო სამყარო გაჩერებული, მხოლოდ ქუჩის ხმაური არღვევდა სიმყუდროვეს, რომელიც მეფობდა აიშეს ცხოვრებაში. ახლა, როცა მარტო იყო, ფიქრის დრო ბევრი ჰქონდა და ფიქრობდა კიდევ საკუთარ წარსულზე, აწყობზე და მომავლის გეგმებსაც სახავდა. თუმცა, მის ცხოვრებაში ისევ არ მოიძებნა ადგილი სიყვარულისთვის; გულიც წყდებოდა, მისი ცხოვრება ასე უმონწალოდ რომ წარიმართა – როცა ეგონა, რომ უყვარდა, მაშინ ჩაარტყა ზურგში მახვილი! სურდა, დაეჯერებინა ბადრისთვის, მაგრამ ეს ტკივილი არ აძლევდა ამის საშუალებას.

ბადრი გულში ინახავდა თავის სიყვარულს აიშეს მიმართ, ზოგჯერ უიმედოდ და ზოგჯერ იმედიანადაც კი... დარწმუნებული იყო, ქალი სწორ გადანყვეტილებას მიიღებდა ნებისმიერ საკითხში და ამით ხარობდა – აიშეს სიყვარულმა მოახერხა, ნაეშალა ის ძველი ნაპერწკალი, რომელმაც ბადრის გული ძალიან ატკინა. ახლა, როცა შუახნის ასაკს მიაღწია, ისევ იფეთქა სიყვარულმა და პეპლებიც დაფარფატებდნენ მის სულსა და გულში. ერთადერთი მისი საფიქრალ-სადარდებელი ახლა აიშე იყო; აღარ იცოდა რით გაეხარებინა. უგზავნიდა საჩუქრებს, მთავარი იყო, რომ აიშეს მიეღო და უარი არ ეთქვა!

ისევ გავიდა დრო, თითქმის ორ წელზე მეტი. აიშემ დაასრულა ემიგრანტობის მძიმე წლები და სამშობლოში დაბრუნდა შვილებთან, ბადრის კი დიდი იმედი ჰქონდა, რომ აიშე ერთ დღესაც მასთან ჩავიდოდა, თუმცა, ყოველთვის ეუბნებოდა, მთავარია, შენ იყო ბედნიერი, როცა შენს თვალებში დაგინახავ მზეს, რომელიც მთელ სახეს გაგინათებს, თუ საჭირო აღარ ვიქნები, დაუფიქრებლად გავქრები შენი ცხოვრებიდან, მაგრამ ყოველთვის გახსოვდეს, რომ არსებობს ადამიანი, რომელიც შენით ცოცხლობს და ყველაფერს გააკეთებს შენ გამო; მთავარია, რომ ეს შენ გინდოდეს და მხოლოდ ერთხელ დამიძახო...

ბოლო შეხვედრა

ამინდი ჩვეულებრივზე წყნარი. ცხოვრების რიტმს აყოლილი ქალაქი. უხაროდათ... ენატრებოდათ, ტიროდნენ, სტკიოდათ... იყვნენ ისეთები, ვინც ბედნიერებისგან ვარსკვლავებს წყვეტდნენ... ზოგი წარსულში აცილებდა თავის დიდ სიყვარულს და დავინწყებას აძლევდა.

იყვნენ ისეთებიც, რომლებსაც დარდი და სევდა დაბადებიდან დააყოლა ბედისწერამ... განშორება, ტკივილი, ბედნიერება და კიდევ უამრავი გრძნობა, რომლებიც ყოველდღიურობას თან ახლავს კაცობრიობის დასაბამიდან დასასრულამდე...

...გზააბნეული, გამოსავალს ვერ პოულობდა, ეჭიდებოდა იმ ერთადერთ იმედს, რომელიც ხელიდან ეცლებოდა მხოლოდ და მხოლოდ თავისი შეცდომების გამო, შეცდომების, რომელთა გამოსწორებაც აზრად არ მოსვლია, ან მოსვლია და ვერ შეძლო...

იქნებ ახლა მაინც შეცვლილიყო რამე მის ცხოვრებაში, მაგრამ რა უნდა შეეცვალა? როცა ყველაფერი დასრულდა და ის მიდის...

ყველაფერი ხომ ერთი ხელის მოსმით გაანადგურა, გაქრა – აღარც სიყვარული, აღარც ბედნიერი ოჯახი და მეგობრები, რომლებიც გვერდით ედგნენ, რომ ისევ ფეხზე დამდგარიყო, მაგრამ მან არ ისურვა, რადგან ეგონა, რომ ყველას ცუდი სურდა მისთვის; ყველას ეჭვის თვალით უცქერდა, მხოლოდ იმას ფიქრობდა რომ თავად ცამდე მართალი იყო!

სიყვარული გაქრა კი? თუ გაქრა, რატომ ცდილობდა ისევ ენახა და ისევ ესაუბრა, თუნდაც ეს საბოლოო ყოფილიყო. მთავარია, ენახა, გაეგონა მისი ხმა, შეხებოდა მის ხელებს და შეეგრძნო მისი სურნელი.

ტელეფონზე ზარის ხმა გაისმა:

– ღმერთო ჩემო! ნეტავ რა უნდა? ხომ კარგად არის? ხომ

მშვიდობაა მის თავს? – რა არ გაიფიქრა ელენემ, სანამ ტელეფონს უპასუხებდა, მაგრამ ქალური სიამაყე დააყოლა ხმას და თითქოს სულაც არ გახარებია მისი ნომრის დანახვა, როდესაც უპასუხა.

– გისმენ, სანდრო, რა ხდება? – სიმკაცრე და ბრაზი უფრო ეტყობოდა ხმაში, ვიდრე სიხარული მისი ხმის გაგონებისას, საკუთარ თავს უფრო ატყუებდა ამით, ვიდრე –

სანდროს, რომელსაც ყოველთვის სჯეროდა ელენესი.

– ელენე, დღეს მინდა გნახო, იქნებ მოახერხო და ცოტახნით გამოხვიდე, – სევდანარევი ხმა ჰქონდა კაცს, თითქოს დიდი დარდი ჩასახლებულიყო მასში.

ელენე ხმას არ იღებდა, არ იცოდა, იმ წამს რა ეპასუხა, ეშინოდა მისი ნახვის, რადგან ის სიყვარული, რომელიც ბავშვობიდან თან სდევდა, ჯერ კიდევ არ გამქრალიყო...

სანდრომ ისევ გაიმეორა დაგუდული ხმით:

– ხომ მოხვალ? რაღაც მინდა გადმოგცე...

– არაფერი არ მინდა შენი, ჩემი სათქმელი უკვე ვთქვი და დავასრულე კიდევ, – ტელეფონი გათიშა ელენემ და თვალეზე უნებურად მომდგარი ცრემლები სწრაფად მოიწმინდა, თითქოს ეს ცრემლები იყო ყველაფერში დამნაშავე.

ისევ დარეკა ტელეფონმა. არ დააყოვნა ელენემ და უპასუხა პირველივე ზარზე.

– გელოდები, მე აქ ვარ და ბოლოჯერ მაინც მნახე, თუ მაინც მიდიხარ აქედან... უპასუხოდ გათიშა ელენემ ტელეფონი. გულმა ვერ მოუთმინა და მაინც წავიდა მასთან შესახვედრად.

თბილი ნიავი ქროდა, მზე ჩადიოდა და მთვარე ამოდიოდა, ცა ოდნავ ჩანითლებულიყო, შუაგულ, ხმაურიან ქალაქში ბებერი მდინარე უდარდელად მიედინებოდა; ნელ-ნელა, ჩირაღდნებივით ინთებოდა ლამპიონები. ტაქსი გააჩერა, ჩაჯდა, თეთრ ხიდთან მიმიყვანეო, – უთხრა მძღოლს ელენემ და ფანჯარაში გაიხედა. რამდენიმე წუთში უკვე სანდროსთან იყო, რომელიც

ცარიელ ბაღში, გრძელ სკამზე იჯდა. როგორც კი ელენე დაინახა, მაშინვე ადგა და შესახვედრად გამოემართა.

ხმას არცერთი არ იღებდა, თითქოსდა შემთხვევით მოხვდნენ ერთად – ორი უცხო ადამიანი. მხოლოდ თვალები იყო მეტყველი და ისინი საუბრობდნენ გულის სიღრმეში დაგროვილ ტკივილებსა და სიყვარულზე. როგორც იქნა, გაბედა სანდრომ ხმის ამოღება... დავსხდეთო, – უთხრა და თვალით ანიშნა, რომ ბაღში შესულიყვნენ. ელენეც დაყაბულდა, უკან გაჰყვა და იმ გრძელ სკამზე დასხდნენ, სადაც მარტო იჯდა სანდრო ელენეს მოსვლამდე.

– მე რაღაც გიყიდე, მინდა, სულ თან ატარო. დამპირდი, რომ არასოდეს მოიხსნი, – ჩუმად საუბრობდა სანდრო, თითქოსდა ეშინოდა, ისეთი რამ არ ეთქვა, რაც კიდეც უფრო გაართულებდა მდგომარეობას.

– რას მჩუქნი ასეთს, სულ თან რომ გინდა ვატარო? – ცნობისმოყვარედ და ოდნავ ღიმილნარევი ხმით დაეკითხა ელენე.

სანდრომ ჯიბიდან ამოიღო პატარა კულონი, რომელიც ღვთისმშობლის გამოსახულებით იყო და მიაწოდა ელენეს.

– მე ვერ დაგიცავი შენ, ვერ შევძელი ის, რაც შენ გსურდა. ეს გქონდეს და დაგიცავს მუდამ, ოღონდ დამპირდი, რომ არასოდეს მოიხსნი და თან ატარებ სულ!

ელენემ მთელს სხეულში ტკივილი იგრძნო, მასში ორი ადამიანი იყო – ერთი, რომელიც ეუბნებოდა, – ჩაეხუტე სანდროს და აპატიე ყველაფერიო, მეორე კი სულ იმას ეჩიჩინებოდა, – არ აპატიო, გაეცალე და საკუთარი თავის ფასი იცოდეო.

ყოველთვის ამ ჭიდილში იყო და ახლაც ასე დაემართა; ფიქრობდა, გამოვართვა თუ არაო. სხეულში სიმხურვალე იგრძნო, სადაცაა ატირდებოდა, მაგრამ ისევ ქალური სიამაყე და მაშინვე თავი ხელში აიყვანა; ცივი ხმით, რომელშიც არც სიბრაღული და არც სიყვარული იყო, უთხრა:

– კარგი, გპირდები, არასოდეს მოვიხსნი. ახლა კი უნდა წა-

ვიდე, არ მაქვს დრო. ხვალ უკვე მივდივარ, – წამოდგა სკამიდან და წასვლა დააპირა.

– ეხ, მაინც რატომღაც მეგონა, არ წახვიდოდი, არ დამტოვებდი, არ მიმატოვებდი...

ამ ყველაფერს ისე ამბობდა, თავი არ აუწევია ზემოთ, მინას დაჰყურებდა ისე, რომ გეგონებოდათ, სადღაც უფსკრულში იხედებო. ხმა უთრთოდა.

– მე წავედი, – ისევ გაყინული ხმით უთხრა ელენემ. თუმცა, ფეხები უკან რჩებოდა, არ სურდა წასვლა, არ უნდოდა გაცლოდა; სურდა, ახლა მაინც ბოლოჯერ ყოფილიყო, თუნდაც მთელი ღამით მასთან, ამ შუაგულ ქალაქში, სავსე მთვარესთან ერთად, რომელიც მედიდურად დაჰყურებდათ ზემოდან.

– მოიცა, ცოტაზე მაინც გამოგყვები, – სკამიდან წამოდგა სანდრო და უკან დაედევნა.

– კარგი, წამოდი.

მიდიოდნენ და უამრავი რამ ჰქონდათ ერთმანეთისთვის სათქმელი, მაგრამ არცერთი ხმას არ იღებდა. ისევ კაცმა დაარღვია სიჩუმე.

– ხვალ მოვალ აეროპორტში, იქ დაგხვდები და გაგაცილებ.

– არ მინდა, მიხედე შენს საქმეს!

– მე მაინც მოვალ, იქ ვიქნები, იმის მიუხედავად, შენ გექნება თუ არა ჩემი ნახვის სურვილი, თუნდაც ბოლოჯერ...

უკვე ბნელოდა, ღამპიონები ანათებდა ქალაქს, მდინარის ხმაური არღვევდა სიმყუდროვეს, თეთრი ხიდი გადაიარეს უჩუმრად, გზააბნეულებივით დადიოდნენ, ორივეს უმძიმდა ერთმანეთის დატოვება. აი, ტაქსიცო, – უთხრა ელენემ სანდროს, ხელი დაუქნია, გააჩერა. კარგადო, – თქვა და მაშინვე ტაქსში ჩაჯდა. არც სანდრომ დააყოვნა და ისიც მყისიერად ჩაჯდა ტაქსში. გაოცებული უმზერდა ქალი.

– გამოგყვები, სახლამდე მიგაცილებ, რა მოხდა, დავაშავე რამე?!

- კარგი! კარგი! - უპასუხა ელენემ. ჩუმად გააპარა ხელი სანდრომ ელენესკენ, ხელზე შეახო, არ შეინიშნა მდეგებია ელენე, ამან გამბედაობა შემატა და მისი ხელი ხელში დაიჭირა, ფეხრებოდა, მთელი გზა ხელებს უკოცნიდა, ლოყაზეც მიიდო ელენეს თითები და დაუკოცნა. სადარბაზოსთან გააჩერა ტაქსის მძღოლმა, ელენე გადავიდა ტაქსიდან, სანდრომ, - ხვალ გნახავო, - უთხრა და ტაქსს უკან გაჰყვა.

არცერთს არ მიკარებია იმ ღამით ძილი, ორივეს დაათენდა თავზე. ელენე დილიდან შეუდგა სამზადისს, შვილები სკოლაში არ წავიდნენ - დედასთან სურდათ გაეტარებინათ მთელი დღე - ყველაზე მოკლე იყო ეს დღე ელენეს ცხოვრებაში. სწრაფად დაღამდა და დადგა დრო, როცა უნდა წასულიყო, უნდა გაცლოდა იმ სამყაროს, სადაც დიდი სიყვარული და დიდი ტკივილი იგემა, უნდა დაეტოვებინა ისინი, ვინც ძალიან უყვარდა და როგორც დევნილი, ცხოვრების ახალი ეტაპის დასაწყებად გაქცეულიყო უცხო ქვეყანაში, სადაც არავინ ჩაიკრავდა გულში, როცა ეტკინებოდა; არავინ ეტყოდა ერთ სიტყვას სანუგეშოს; მხოლოდ უნდა ებრძოლა იმისთვის, რომ ეპოვა საკუთარი თავი და შვილებისთვის, საკუთარი თავისთვის და იმ დიდი სიყვარულისთვის, რომელმაც, საბოლოოდ, მაინც სიმარტოვისთვის გაიმეტა, დაემტკიცებინა, რომ ყველაფერს შეძლებდა და არასოდეს შერცხვებოდა სარკეში ჩახედვისას.

აეროპორტის შესასვლელ კართან იდგა სანდრო, როგორც უცხო. ელოდა, მივიდოდა თუ არა ელენე მასთან, იმედს იტოვებდა, რომ მაინც ნახავდა, მის გარეშე არ წავიდოდა. სიგარეტს სიგარეტზე ეწეოდა. ცივი ქარი ქროდა, მთელს სხეულში დაუდიოდა და მოსვენებას არ აძლევდა. ელენე მოსაცდელ დარბაზში იყო შვილებთან ერთად, თვალებით მაინც დაეძებდა სანდროს, სჯეროდა, რომ ის მოვიდოდა, ვერ ხედავდა, ვერ არჩევდა იმდენ ხალხში და სიბნელეში, გული საგულეში არ ეტეოდა, შვილები ხელს არ უშვებდნენ, ეხვეოდნენ დედას - უცებ თვალი

მოჰკრა სანდროს, რომელიც დადიოდა. დაუფიქრებლად გავიდა გარეთ ისე, რომ არავისთვის უთქვამს და მასთან მივიდა. ჯერ შორიდან უმზერდნენ ერთმანეთს, ბოლოს მაინც ორივე გაემართა ერთმანეთისკენ და ჩაეხუტნენ, ტიროდნენ, ნერვიულობისგან კანკალებდნენ.

– იქნებ არ ნახვიდე და დარჩე აქ? – ხმაზე ეტყობოდა სანდროს, რომ ძალიან ნანობდა საკუთარ საქციელს, მაგრამ გვიან...

– შენ სხვა გზა არ დამიტოვე, მე უნდა ნავიდე, ნახვამდის!

– მაინც მეგონა, რომ არ ნახვიდოდი, არ დამტოვებდი, მეგონა, რომ ძალიან გიყვარდი, ბოლოს მაინც მიმატოვე, ვერ შეძელი ბოლომდე დარჩენილიყავი ჩემს გვერდით. მხოლოდ ერთი რამ გახსოვდეს: მე შენით ვარსებობ და ასე იქნება სულ. მართალია, არ ვარ პატიების ღირსი, მაგრამ მაინც მგონია, რომ დაბრუნდები...

– მე დავბრუნდები, სანდრო, მაგრამ არა შენთან – ჩემს შვილებთან. მინდა, რომ თავს გაუფრთხილდე და სწორი გზით იარო; ნახვამდის, მე უნდა ნავიდე, სხვა გზა არ დამიტოვე..

თვითმფრინავის ბაქანზე ადიოდა ელენე და თვალეები ცრემლებით ჰქონდა სავსე. ფიქრობდა, ხომ არ სჯობს, უკან დავბრუნდე და ვაპატიო ყველაფერიო, ხომ არ სჯობს, ისევ ვცადოო? რომ არ ვუყვარდე, არ მოვიდოდა, არ მოინდომებდა ჩემს გაცილებას, არ ექნებოდა სურვილი ჩემი ნახვის, მაგრამ თუ ვუყვარვარ რატომ მოიქცა ასე? რატომ დაანგრია წლობით ნაშენები სიყვარული? წუთიერი სიამოვნებისთვის რატომ გაატანა ქარს ის, რაც ძვირფასი იყო?

არა! არაა! მეტი არ შემიძლია, ვერ დავიხვე უკან, ვერ შევძლებ, ისევ ის ვიყო, რაც ადრე. სიყვარული? მიყვარს, მაგრამ ეს არ ყოფილა საკმარისი ერთად ყოფნისთვის, მე უნდა ნავიდე და თავიდან დავინყო ცხოვრება, მე უნდა დავანახო მას, ვინ ვარ მე, ვინ დაკარგა და ვინ არის თვითონ; ჰმ, მახსოვს, როგორ მი-

თხრა, ჩემს გარეშე დაიკარგებო. ჰოდა, უნდა დავანახო, რომ მის გარეშე შემოიძლია ცხოვრება.

ისე ავიდა თვითმფრინავში, ვერც კი შეამჩნია, ხალხის რიგს მიჰყვებოდა და მერე გააცნობიერა, სად იყო, უკვე დასაჯდომ ნომერს რომ ეძებდა, დაჯდა და ფანჯრიდან იცქირებოდა, უნებლიედ წამოსულ ცრემლებს მალულად ინმენდდა...

სანდრო ჯერ კიდევ აეროპორტში იყო, არ სურდა წასვლა, თითქოს რაღაცას ელოდა, თითქოს იმედი ჰქონდა, რომ ის უკან დაბრუნდებოდა და აპატიებდა ყველაფერს, როგორც ყოველთვის, მაგრამ მზე რომ ამოგორდა დედამიწაზე და გააცნობიერა, ის უკვე წავიდა, თვალზე მომდგარი ცრემლები მოინმინდა და ავტომატურად გაემართა.

– მეტის ღირსი ვარ მე! რამდენჯერ შეიძლება მაპატიოს, ყველაფერს ხომ აქვს საზღვარი? ჩემს შეცდომებზე მე ვაგებ პასუხს, შენ კი, ჩემო პირველო სიყვარულო, იყავი ჩემგან შორს და ბედნიერი, მე არ ვყოფილვარ შენი ღირსი, – ეს გაიფიქრა, ძრავი აამუშავა და წავიდა.

ემიგრანტის დღიური

პატარა ოთახი იყო, რომელშიც ციციანათელას მსგავსი შუქი კიაფობდა და მხოლოდ ერთ წერტილს ანათებდა. დანარჩენი სიბნელეში იყო. ბებო, რომელიც ყოველ ამოსუნთქვას კვნესას მოაყოლებდა ხოლმე და მე, ყველასგან შორს, ღრმა ძილით მეძინა, ძალაგამოცლილს. დილის ექვს საათზე მალვინძარა რეკავდა, ეს რომ არა, ალბათ, კიდევ დიდხანს ვიძინებდი და დამაგვიანდებოდა სამუშაოდ წასვლა, სადაც ყოველ მეორე კვირას დავდივარ!

მალვინძარა არ ჩერდებოდა. როგორც იქნა, ძილს დავალწიე თავი, ტელეფონსაც დავხედე.

– ღმერთო ჩემო, ასე როგორ ჩამეძინა-მეთქი?! – წამოვიძახე, ჩვეული ლოცვა წარმოვსთქვი და სწრაფად წამოვდექი ტახტიდან, რომელსაც ყოველ ღამით ვშლიდი და დილით ისევ ვკეცავდი!

ფანჯრები გავაღე, მზის სხივებმა სწრაფად შემოიარეს ოთახი, თითქოს დაბმული იყო ჯაჭვით და აიხსნა, შთანთქა სიბნელე და გაანათა ირგვლივ ყველაფერი. ერთ საათში ბებოსაც მივხედე და ჩემს თავსაც, გავუყევი გზას. აქამდე, სადაც მივდიოდი, სამი ტრანსპორტი უნდა გამომეცვალა.

თბილი ამინდი იყო. ოდნავ ქარი ქროდა, ჯერ კიდევ ეძინა ქალაქს, აქა-იქ თუ დაინახავდით ადამიანებს. ტელეფონში მუსიკა ჩავრთე და გზას გავუყევი. დღეს გამიმართლა, არ დამჭირვებია დიდი ხნის ლოდინი – ავტობუსი მალე მოვიდა, გამიხარდა, არ დამაგვიანდებოდა სამუშაოზე. არადა, როგორც ყოველთვის, მაგვიანდებოდა ხოლმე ტრანსპორტის გამო.

ავედი ავტობუსში და მუსიკასთან ერთად ფეისბუქ გვერდზე კომენტარებს ვპასუხობდი – დრო ისე გავიდა, გავცდი ადგილს, სადაც უნდა ჩამოვსულიყავი.

სწრაფად ჩავედი ავტობუსიდან, ჩქარი ნაბიჯებით ვიარე

მეტრომდე და სულ საკუთარ თავზე ვბრაზობდი – ეს როგორ მოგივიდა-მეთქი, თან მეცინებოდა კიდეც!

მეტროთი მთელი ნახევარი საათი დამჭირდა იმისთვის, რომ ნახევარი გზა გამეველო, შემდეგ ისევ ავტობუსში გადავჯექი.

ჩემს წინ ულამაზესი სახლები ჩანდა, ისეთი სახლები, მხოლოდ სერიალებში რომ მაქვს ნანახი, ერთმანეთზე უკეთესები, მწვანე საფარში ჩაფლული, ვათვალიერებდი და ვიქრობდი იმაზე, რაც სულ მანუხებს: მე როდის მექნება სახლი, როდის შევძლებ, რომ სამშობლოში დავბრუნდე და მერქვას საკუთარი სახლის დიასახლისი, რომ ჩემს შვილებს გავუმზადო ყოველ დილით სადილი, მეუღლე ლამაზად გამოვანყო – ისე, რომ ქალებს თვალი მოსჭრას, მაგრამ მისი გული სულ მე მეკუთვნოდეს და არ აინტერესებდეს ის ქალები, რომლებიც ცდილობენ მისი გულის მოგებას-მეთქი.

ამ ფიქრებში ავტობუსიც მივიდა დანიშნულების ადგილზე. იქაც ბებო მელოდა და დედას მეგობარი, რომლის ნაცვლად უნდა დავრჩენილიყავი. გამოვუტყდი იმაში, რაც დამემართა, ვუთხარი: უფრო ადრეც მოვიდოდი, რომ არა უყურადღებობა და ტელეფონი-მეთქი! ამ მონაცოლზე კარგად ვიხალისეთ ორივემ, ცოტა ხანში მარტო დავრჩი სახლში ბებოსთან, მთელი დღე მის მოვლაში გავატარე, ზოგჯერ ეზოში გავიდოდი ხოლმე – მზის სხივებს შევეთამაშებოდი, სუფთა ჰაერს ჩავისუნთქავდი, ჩვეულ ტრადიციას არ ვღალატობდი, ფოტოებიც გადავიღე, ლამაზი სახლები შევათვალიერე და შინ შევედი.

როგორც იქნა, გავიდა დრო. დავბრუნდი ისევ იქ, სადაც ყოველთვის ვარ – ბებოსთან, ისევ იმ ავტობუსით ვისარგებლე და შემდეგ მატარებელში გადავჯექი, მატარებლით თითქმის ნახევარი საათი იყო საჭირო, რომ მეორე ავტობუსამდე მივსულიყავი. ამიტომ, ტელეფონი დავიჭირე ხელში და მუსიკა ჩავრთე. რამდენიმე გაჩერება გავიარე და თოთხმეტი – თხუთმეტი წლის ბავშვები შემოვიდნენ მატარებელში: სამი გოგო და ორი

ბიჭი, ჩემი ყურადღება იმ ბავშვებმა მიიქცის, ძალიან ლამაზები და მოწესრიგებულები იყვნენ, ერთი ბავშვი, ბიჭი, რომელსაც ვაკვირდებოდი და ვერ ვწყვეტდი თვალს, ჩემს შვილს მივამსგავსე: მასავით შეჭრილი თმები, ღიმილი, გამოხედვა, სიმაღლე ჰქონდა. მე ხომ ის ძალიან პატარა დავტოვე სახლში, მაგრამ ასე შორიდან ხომ ვიცი, როგორიც არის?! რამდენჯერმე გავიფიქრე, ავდგები ახლა და მოვეფერები ბავშვს-მეთქი, მაგრამ თავი შევიკავე. ვიჯექი და ვუცქერდი შორიდან, სათვალის მიღმა, ის კი ვერაფერს გრძნობდა, ვერ ხვდებოდა, რომ ვილაც გადამთიელი დედა მისი სახით თავის მონატრებულ შვილს ხედავდა. ის ვერც კი ამჩნევდა იმ დედას, რომელიც მის სულში ჩასახლდა თითქოს. სუნთქვა ლამის შემეკრა, თავს ძლივს ვიკავებდი...

– არა, რა ვუთხრა, რომ მივალ, ჩემს შვილს გამსგავსებ და მინდა ჩაგეხუტო-მეთქი? იქნებ არ ჰყავს დედა და მისთვის მტკივნეული იყოს ეს, იქნებ სულაც ვერ გაიგოს, რას ვგრძნობ მე და ხელი მკრას უცხო ქალს?! ცრემლები დაიძრნენ თვალებიდან, ჩამოცდნენ სათვალეს – მაშინვე მოვინმინდე, არ მიწოდოდა ვინმეს შეემჩნია, თუ როგორ მენატრებოდა შვილი, რომელიც წლებია, არ მენახა და ახლა, ამ წუთს, ამ უცხო ბავშვმა ამიფორიაქა, ამიწრიალა სული. ესენი ხომ მაინც ვერ გაიგებენ, რას განვიცდი მე, გული როგორ მტკივა, სული როგორ მეწვის!

ღმერთო ჩემო, ვფიქრობ, ალბათ, ზუსტად ასეთია ჩემი ბიჭი. მთელი გზა ასე, უცხო ბავშვის ცქერასა და ტირილში გავლიე, ჩემს გვერდით ადგილი განთავისუფლდა, მოვიდა და დაჯდა, ახლა უფრო ახლოს მყავდა, საკუთარ თავს ვეკითხებოდი: რა გავაკეთო, ღმერთო?! როგორ მინდა, ახლა ამ ბავშვს ჩავეხუტო და ჩემი შვილის სურნელი შევიგრძნო!

ბევრი ვებრძოლე თავს, მაგრამ დედა ხომ ყველაზე სათუთი და ძლერია, ის ხომ ყველაფერზე არის წამსვლელი შვილის გამო, ბავშვს ხელი მოვკიდე, ჩემკენ შემოვატრიალე, გაოცე-

ბული თვალებით მიცქერდა, არც ნებართვა ამიღია, არც არაფერი მითქვამს, ისე მაგრად შემოვხვით ხელები და ჩავიკარი გულში... ვტიროდი, ჩემი ცრემლები გაავებულ წვიმის წვეთებს დაემსგავსა, ეს ბავშვი კი ადგილიდან არ იძროდა, მიხვდა, თუ რას განვიცდიდი, რა იყო მიზეზი ჩემი ასეთი საქციელის, ალბათ, წუთები საუკუნედ მეჩვენებოდა, მინდოდა შემეგრძნო ჩემი შვილის სურნელება, მთელი ძალით ვიკრავდი გულში, მანაც ინსტიქტურად ხელები შემომხვია, ასე უხმოდ, ცრემლებში, რამდენიმე წუთი ვეხვეოდი უცხო ბავშვს...

როგორც იქნა, თავი დავაღწიე ჩემს ტკივილს, ბავშვს ბოდიში მოვუხადე ასეთი საქციელის გამო. მან გამიღიმა, უკვე მივედი იქ, სადაც უნდა ჩავსულიყავი მატარებლიდან, ისინიც ჩემთან ერთად ჩამოვიდნენ. ჩემს წინ მიდიოდნენ, რამდენჯერმე მომიხედა უკან, შემდეგ ხელი დამიქნია და წავიდა, მე კი დავრჩი ისევ მარტო, გაოგნებული; არ მეყო, ვერ ვიკმარე, ვერ შევიგრძენი მაინც ჩემი შვილის სურნელება. საკუთარ თავს ვეკითხებოდი: როგორ, ეს როგორ გააკეთე? როგორ ჩაეხუტე უცხო ბავშვს! შენ ხომ ასეთი რამ არასოდეს გაგიკეთებია! თითქოს დარცხვნილი, გაუყუყუვი გზას, მაგრამ გულის სიღრმეში კმაყოფილი ვიყავი – არა, მეტი აღარ შემიძლია, სულ ცოტაც და უნდა წავიდე, სულ ცოტაც და უნდა ჩავეხუტო ჩემს ახდენილ ოცნებას, ჩემს ბიჭს – ვუთხარი ჩემს „მეს“. სახლში დაღლილი, ძალაგამოცლილი დავბრუნდი, ისევ ბებოსთან. ისევ ჩვეულ ცხოვრებას დავუბრუნდი, რომელიც თითქოს განერილი მაქვს, რა დროს რა უნდა გავაკეთო!

ფოტოგრაფი გობია

ზაფხულის ჩვეულებრივი ცხელი დღეა. სოფელში, ერთი მოზრდილი ხის ძირში, თავი მოუყრიათ ადგილობრივ „ბირჟა-ვიკებს“ და ქვეყნის ამბებს არჩევენ. კამათისას ხშირად ჩხუბიც მოსდით ხოლმე, მაგრამ უცებ ზავდებიან. აქ უცხოა შური და ბოროტება, ყველა ერთად დგას ლხინსა თუ ქირში. ერთმანეთის უხარიათ და სტკივათ. ერთი სიტყვით, სოფელი ერთი დიდი ოჯახია.

როგორც წესი, თვეში ერთხელ ფოტოგრაფი ჩამოივლიდა ხოლმე, მაგრამ არასდროს იცოდნენ, ზუსტად რომელ დღეს ესტუმრებოდათ უკვე შეთამამებული ფოტოგრაფი. იგი თავისეზური შეძახილით ამცნობდა „კლიენტებს“ სტუმრობას: თავზე ყოველთვის შლაპა ეხურა, გახუნებული კოსტუმი ეცვა, შარვალი კი იმდენად სრული იყო, რომ სათავეზე, ქამრის ქვემოთ, „პლისები“ ჰქონდა გაკეთებული... ნაკლის დასაფარად, ცხვირაქლექილი ფეხსაცმელი შეეღება, მაგრამ მაინც ჩანდა. ერთი ფოტოაპარატი ხელში ეჭირა, მეორე კი კისერზე ჩამოეკიდა და რაც ძალი და ღონე ჰქონდა, ყვიროდა:

– ვის სურს ფოტოს გადაღება?

...თითქმის მთელ სოფელს მოივლიდა ასე ყვირილით. შუაგულ სოფელში ბავშვებს მოეყარათ თავი და თამაშობდნენ. ფოტოგრაფმა ყველა ბავშვის სახელი ზეპირად იცოდა და ისიც, ვინ ვისი შვილი იყო.

– გიგაია, ბიჯო, დოუძახე მამაშენს, ჰკითხე, თუ უნდა ფოტოს გადაღება, წინა თვის გადაღებული ფოტოც მოვიტანე და მიურბენინე ბარემ...

– ახლავე, გოგი ბიძია! – გაიქცა ბავშვი სახლში, მშობლებისთვის რომ ეცნობებინა ფოტოგრაფის მოსვლა. მერე მეორე ბავშვს მიუბრუნდა:

– თინიკო, ბიძია, უთხარი მამიდაშენს, რომ მევედი, ძველი

ფოტოები მოვუტანე და თუ უნდა კიდე გოდოვულო, გეიპრან-ჭოს ცოტა, რო იცის, ისე!

ასე სათითაოდ გაესაუბრებოდა ბავშვებს და ბოლოს, რომ დაიღლებოდა, ყველას ერთხმად ეტყოდა:

– ჰე, მიდით ახლა, ბოვშებო, გეიქეცით სახლებში და უთხარით ყველას, მე აგერ მევიცდი, ჩამოვჯდები ქვაზე, დეველოდები თქვენ პასუხს, ვისთან მივიდე...

ბავშვებიც თავს ანებებდნენ თამაშს და გარბოდნენ სახლებში.

უცებ ერთი ბავშვი გამოეყო თანატოლებს, მორიდებით მივიდა ფოტოგრაფთან და

ყურში ჩასჩურჩულა:

– გოგი ბიძია, ერთ რაცხას გეტყვი და არ გამცე, კაი?

– რაია, ბიძია, რა გაქ ჩემთან სათქმელი ამისთანა?

– ხო იცი, გოგი ბიძია, მე ვალოდიეს გოგო რომ მიყვარს, თეონა?! ჰოდა, იმან თუ გედეილოს ფოტო, მომეცი, რა იქნება, გეხვერნები.

– ოხ, შე ეშმაკის ფეხო, რა იცი შენ სიყვარული, ჰა? ჯერ მინას არ აცდენილხარ, მარა რაი გინდა, მეც კი მიყვარდა, შენხელა რო ვიყავი დათოიეს დაი და კი დამტოვა აგერ უცოლო! თვითონ კიდო გოუთხოვარია... კაია, ბიძია, კაი, თუ გიყვარს! გოუფრთხილდი მაგ სიყვარულს, მარა ნამეტანიც ნუ დააფასებიებ თავს, თორე დეგემართება ჩემსავით. გედეიკიდე მერე ფოტოაპარატი და იარე ასე სოფელ-სოფელ – იქნება, ერთხელ მაინც მოვკრა თვალი ჩემ ბაღნობის სიყვარულს-თქვა.

ფოტოგრაფს ეტყობოდა, კიდევ სურდა რალაცის მოყოლა, მაგრამ არ დააცადა ბიჭმა.

– გოგი ბიძია, მომეცი ახლა მაი ფოტო, თუ გაქვს და მეორედ რომ მოხვალ, მე დევირბენ მთელ სოფელს ფეხდაფეხ და ვამცნობ ხალხს შენს მოსვლას.

– ოხ, შენ ეშმაკის ფეხო, შენა. მეიცა, კი მაქ, გონია, დავძებნი,

მარა იმას რაი ვუთხრა მერე?

– მეიფიქრებ შენ რაცხას... კაი კაცი ხარ შენ, გოგი ბიძია!

ფოტოგრაფმა დაიწყო ფოტოების დათვალიერება.

– ა, ბიჯო, აგერ სამი მქონია დაბარებული. ერთს მოგცემ, ვეტყვი, შემეშალა-მეთქი. წადი ახლა, დეიკარგე აქიდან, შე მა-იმუნო შენა!!!

ჩამოჯდა ქვაზე ფოტოგრაფი და დაელოდა ბავშვებს, რომ გაეგო, ვისთან მისულიყო. ღობის ქრილიდან მოხუცი ცოლ-ქმარი იცქირებოდა. დაუძახეს ფოტოგრაფს, გეგონებოდათ, ვილაცას ემალებოდნენ ან არ უნდოდათ ვინმეს გაეგო, რომ ეძახდნენ. ხმა რომ ვერ გააგონეს, კენჭი ესროლეს. ფოტოგრაფმა ვერ დაინახა, ვინ ესროლა კენჭი.

– დამენახე, ვინ ჯანდაბა ხარ?! რას მესროულები ამ ქვებს?

– გოგია, ბიჯო, რამ გადაგრია, მე ვარ, იპოლიტე, მეინი აქით! ფოტოგრაფი მაშინვე წამოხტა და მიირბინა ღობესთან.

– რა იყო, იპოლიტე ბიძია, დაგიშავე რამე, რომ მესროულები ამ ქვებს?!

– მოი, ბიძია, აგერ, ჩამოი ეზოში და გეტყვი მაგას.

გაალო ფოტოგრაფმა ეზოს ჭიშკარი და ჩავიდა ეზოში, ხელი ჩამოართვა იპოლიტემ.

– კაი გამარჯობა, ბიძია, შენი გამოჩენა ისე მიხარია, გეგონება მამა ღმერთი მოდისთქვა, მარა ვერასდროს ვერ გითხარი, რაცხა მინდოდა. ახლა რავაც კი ჩაგიგდე ხელში მარტო, გეტყვი აგერ.

– გისმენ, იპოლიტე ბიძია, ხო გაქ მშვიდობა?

– კი, ბიძია კი, მაქ მშვიდობა. აგერ მე და ჩემ კნეინას გვინდა ფოტოების გადაღება ერთად, რომ მოვკვდებით და წავალთ იმ ქვეყანაში, ერთი ფოტო მაინც ექნება ჩემ ბაღნებს გასადიდებელი, ერთად გადაღებული.

– შენ კარგად იყავი, იპოლიტე ბიძია და ორს გადაგიღებ, მაი არაა პრობლემა.

მოხუცი ცოლ-ქმარი საგანგებოდ გამოეწყო და სკამზე გვერდი-გვერდ დასხდა. ჯერ კარგად გასწორდნენ წელში და ისე გადაიღეს ერთი ფოტო, შემდეგ ხელი ჩასჭიდეს ერთმანეთს. იპოლიტემ ლოყაზე ტუჩები მიადო თავის კნეინას და ფოტოგრაფს უთხრა, ასეც გადამიღე, ბიძია, ფოტოო...

ბოლოს კი გააფრთხილა იპოლიტემ ფოტოგრაფი, არავისთვის ენახვებინა დაბეჭდილი ფოტოები და რაც შეიძლება, მალე მიეტანა მისთვის. გოგია ხელი ჩამოართვა და დაემშვიდობა.

გოგია დაელოდა ბავშვების დაბრუნებას, მალე ისინიც გამოჩნდნენ და უთხრეს, ვისთან მისულიყო. მანაც ამოიღო ჩანთიდან პატარა ჯიბის ბლოკნოტი და მსურველები ჩაინიშნა. სიის თავში შოთას ოჯახი იყო. ჭიშკართან პატარა ბიჭი შეხვდა, ასე, ხუთი წლის იქნებოდა, ნახევრად შიშველი. ცნობით უკვე ისიც იცნობდა სოფლის ფოტოგრაფს და ღიმილით შეხვდა. თამაშ-თამაშით გაჰყვა უკან სახლისკენ მიმავალს, თან დედას ეძახდა: მოვიდა ფოტოგრაფი და გამოდი!

გოგიას ჯიბეში ყოველთვის ჰქონდა კანფეტი და პატარა ბავშვებს ურიგებდა ხოლმე. ახლაც ისე მოიქცა, ერთი ცალი ამოაძრო ჯიბიდან და მისცა პატარას. ამიტომაც უფრო უყვარდათ ბავშვებს ფოტოგრაფი გოგიას დანახვა...

ოჯახის დიასახლისმა სახლში შეიპატიჟა სტუმარი. ისინი მზად დახვდნენ, ყველამ ცალ-ცალკე და ერთადაც გადაიღეს ფოტოები. ერთი ჭიქა ღვინოც დაალევინეს, დასაყოლებელი მიართვეს და გაისტუმრეს.

იქიდან წამოსულმა სიას ჩახედა, მეორე ნომრად მერაბი ეწერა. თავი მოიფხანა და თავისთვის ხმამაღლა ჩაილაპარაკა, - რა გაუძლებს ახლა ამის ფოკუზებსო და გზა განაგრძო.

მივიდა მერაბის ჭიშკართან და ხმამაღლა დაიძახა: - ბატონო მერაბ! ბატონო მერაბ!

ქალი გამოვიდა სახლიდან.

– მობრძანდით, ბატონო გოგი. რა ხანია გელოდით მთელი ოჯახი...

– გაგახაროთ ღმერთმა, ქალბატონო ნათელა!

ამ საუბარში სახლშიც შევიდნენ. მისთვის განკუთვნილ სავარძელში ჩამჯდარა ოჯახის უფროსი, ფოტოგრაფის დანახვაზე ოდნავ წამოინია ზემოთ, ხელი ჩამოართვა და ისევ ჩაჯდა სავარძელში, ფოტოგრაფსაც მიუთითა, სად უნდა დამჯდარიყო. გოგია ამ სახლში ყოველთვის არაკომფორტულად გრძნობდა თავს. დიდად არ სიამოვნებდა აქ მოსვლა, მაგრამ არც დაკარგვა სურდა – ამით ხომ მის ბიუჯეტს დააკლდებოდა შემოსავალი. ამიტომ ყველანაირად ცდილობდა, მალე შეესრულებინა საკუთარი მოვალეობა და გაცლოდა იქაურობას. ოჯახის უფროსმა ჯერ სავარძელში მოისურვა ფოტოს გადაღება – ჩიბუხი გაირჭო პირში, ხელში სპეციალურად მისთვის დამზადებული ჯოხი დაიკავა, თავზე ქუდი დაიხურა და ბეჭებში გასწორდა, ცალი წარბი აწია ზემოთ და თვალთ ანიშნა ფოტოგრაფს – მიხედე შენს საქმესო! შემდეგ შვილებთან ერთად გადაიღო ფოტო. ბოლოს გვერდით დაიდო მეორე სავარძელი და ცოლს უბრძანა, ჩამჯდარიყო, ისიც უსიტყვოდ დაემორჩილა მეუღლეს და მონყვეტილივით ჩაეშვა სავარძელში, თმებზე ხელი გადაისვა და... გოგიამაც არ დააყოვნა. როგორც კი მორჩნენ გადაღებას, გოგიას კუთვნილი გასამრჯელო ჩაუთვალეს და დაემშვიდობნენ ისე, რომ არც კი გამოუცხილებიათ სახლიდან. ფოტოგრაფის თავისთვის ჩუმიად ჩაილაპარაკა:

– ამისთანა კრიჟანი ოჯახი ჯერ არ შემხვედრია. ერთ ჭიქა ღვინოს არ მოგანოდევენ, გაგისკდეს მაგ ღვინით სავსე ჭურები რო გაქ, მერაბია, მაინც ვერ იმეტებ ვინმესთვის და რა ჯანდაბად გინდა?! – გამოიხურა ჭიშკარი და სოფლის დაღმართს დაუყვა. ისევ ჩაიხედა ბლოკნოტში. სახეზე წამოაწილდა, ცოტა ოფლმაც დაასხა, ცხვირსახოცი ამოიღო და შუბლზე მოისვა...

ახლა უკვე იმ ოჯახისკენ დაიძრა, სადაც მისი დიდი ხნის სიყვარული ცხოვრობდა.

– ეჰ, – ფიქრობდა თავისთვის, – თვითონაც დაბერდა და მეც მარტო დამტოვა. ქალს თავი ყოველთვის გოგიაზე უკეთესი ეგონა და... ქე დარჩა გაუთხოვარი...

ჭიშკარს რომ მიადგა, დაძახებაც არ დასჭირვებია, მამაკაცმა კარი გაუღო, ხელი ჩამოართვა და სახლში მიიპატიჟა. ოჯახის უფროსი ჯერ გაუმასპინძლდა ფოტოგრაფს. გულუხვი კაცი ჩანდა. ცოლს უთხრა, – გამეიტანე, ქალო, რაცხა გვაქ სახლში, სტუმარი ღვთისაა და ამისთანა კაი სტუმარი ხო მთლად ახარებს ჩვენ გულსო!

დატრიალდა დიასახლისი და სუფრის გაშლა დაიწყო. ფოტოგრაფი თვალს გააპარებდა ზოგჯერ სამზარეულოსკენ, იქნებ თავისი გულისმპყრობელი დაელანდა. არადა, იგი ისევ ისე ჯიუტად იქცეოდა, როგორც ადრე – ჯერ კარგად უნდა ეწვალეზინა და მერე გამოვიდოდა.

ამჯერადაც ეგრე მოიქცა – დაგვიანებით, წითელი კაბით და მაღალქუსლებიანი ფეხსაცმელით წარსდგა უიმედო და უიღბლო მიჯნურის წინაშე. მის დანახვაზე ფოტოგრაფს გულისცემამ უმატა. ცდილობდა, არ შეემჩნია, მაგრამ... ტრადიციული სუფრაც გაიშალა. ოჯახის უფროსმა მშვიდობის სადღიგრძელო შესვა. ფოტოგრაფმა მოკრძალებით სთხოვა: – ხომ იცი, სოფელი მაქვს მოსავლელი, ერთ-ორ ჭიქას დავლევ და წავალ.

– კარგი, გოგი, კარგი, მარა ერთ რაცხას გეტყვით ახლა, აგერ, ჩემ დაიას და შენ: რო დამდგარხართ ორივე ცალ-ცალკე და შორიდან დნებით ერთმანეთის სიყვარულით, მაინდამაინც გინდათ, მთლად დაბერდეთ ისე, რომ არ დატკბეთ ერთმანეთით? მეიფიქრეთ რაცხა, მე ჩემი დაი სახლიდან კი არ მინდა გავაგდო, მარა რო ვუყურებ შენ საცოდაობას და ცალკე ამისას, მე თუ არ გიჯიკეთ, გონია თქვენით ვერ იფიქრებთ ვერაფერს... შემდეგ თავის დას ჰკითხა:

– თქვი, გოგო, რაცხა, რო არ იღებ ხმას?! რო დაადნე აგი კაცი.

– მე რა უნდა ვთქვა. კაცი მაგია და დადის ასე, ფოტოაპარატით ხელში სოფელ-სოფელ და ქალისთვის სიტყვა ვერ უთქვამს. მაშინ კი ვიყავით ბაღნები, რო ვანვალეზდი, მარა ახლა არც მე ვარ ბოვში და არც მაგი, ა, ხო უყურებ, გაჩუმებულია და არ იღებს ხმას.

გოგიამ სახეზე ხელი მოისვა, ჭიქას ხელი მოჰკიდა და წამოდგა..

– აგერ ორმოცდახუთი წელი შემისრულდება, სადაცაა და კაი კაცობის მეტი არაფერი მიკეთებია, კი იცით ეგი თქვენ... მთელი ბაღნობა მიყვარდა მაყვალა, მარა ერთხელ არ გამომხედა ნორმალურად, სულ მამცირებდა სხვების თვალში, მერე მეც კი დევილაღე და გავჩერდი, ვუთხარი ჩემ თავს: აგი არ მაღირსებს მე ბედნიერებას და დავრჩები ისევე ჩემ თავთან და ჩემ სიყვარულთან მარტო-თქვა. მერე კი დევიწყე ეგი საქმე, სკოლა რო დავამთავრე, იმის იმედად, ხანდახან მაინც რო შემეხედა მაყვალასთვის, მარა არც მერე იკლავდა თავს ჩემი ყურადღებით... აგერ ახლა თქვენს ოჯახში ვარ და აგერაა მაყვალაც – თუ გამოძევება ცოლად, არ მოვაკლებ სიბოზს და სიყვარულს, თუ არა და კი ვეგდები ისევე მარტო ჩემ თავთან და ვივლი ასე სოფელ-სოფელ. სხვა რაი დამრჩენია ამ დუნიაზე მე.

ოჯახის უფროსი მიუბრუნდა მაყვალას და უთხრა:

– ამეიღე, გოგო, ხმაი. ნახან რო გეილექსე, გეეცი ამ კაცს პასუხი, ნუ მოკალი კაცი!

სიჩუმე ჩამოვარდა სახლში. ყველა მაყვალას პასუხს ელოდა. როგორც იქნა, ქალმა რამდენიმეწუთიანი დუმილი დაარღვია.

– თანახმა ვარ.

სიხარულისგან ლამის ჭიქა გაუვარდათ ხელიდან ფოტოგრაფ გოგიას და ოჯახის წევრებსაც.

მაყვალამ: – რა იყო, ასე ძაან გინდათ ახლა, რომ წვეიდე სახლიდან თუ რამ გაგახარათ.

ასე?!

– რას ამბობ, ჩემო დაი, მე ბედნიერი მინდა გნახო, გამრავლებული გახარებული, თვარა იყავი აგერ. რაფერ ფიქრობ: რო ნახვალ, არ მემენატრები, საფიქრალი და სადარდებელი არ მემმატება, მარა ქალი ამისთვის გააჩინა ღმერთმა და კაცი, რო უნდა იყვნენ ერთად და იმრავლონ ქვეყანაზე.

ამის შემდეგ შეთანხმდნენ, რომ ორ კვირაში ნიშნობას გამართავდნენ და ხელსაც მოაწერდნენ გოგია და მაყვალა. ოჯახის უფროსმა გაცილებისას ფოტოგაფს ჩუმად უთხრა: მე რომ არა, კიდო მასე ივლიდი შენ მარტო, ეული. იქიდან წამოსული ფოტოგრაფი კიდევ რამდენიმე ოჯახს ესტუმრა, ფოტოები გადაუღო და ყველას უთხრა: დღეს ჩემს ხარჯზე იქნებით, არ მინდა თქვენი ფული – მე გეპატიჟებით!

ბოლოს კი იქ მივიდა, სადაც სოფლის „ბირჟავიკები“ იყრიდნენ თავს და განიხილავდნენ ქვეყნის ამბებს. გოგიას დანახვა მათაც გაუხარდათ. ერთად გადაიღეს ფოტო.

რამდენიმე კვირის შემდეგ კი სოფლის ეკლესიაში წყვილი ჯვარს იწერდა.

ბედისწერა

ეზოს ფეხბურთის მოედანი ამშვენებდა, რომელიც მწვანე საფარით იყო მოპირკეთებული. შორიდან რომ დაგენახათ, მობიბინე მდელი გეგონებოდათ, არადა, სპეციალური საფარი იყო გამოყენებული. ხშირად თამაშობდნენ არა მარტო პატარები, არამედ დიდებიც. სალამოობით უფრო ნახავდით იქვე, უბანში მცხოვრებლებს, რომლებიც, მიუხედავად მძიმე დღისა, გასართობად მაინც გამონახავდნენ დროს შვილებთან ერთად. ირგვლივ, ალაგ-ალაგ, წინვოვანი ხეებიც დაერგოთ. მრავალსართულიანი კორპუსი თავმოყრილი, ევროპულად იყო ნამოჭიმული. ეზოში უბრალო მარკის ავტომანქანასაც ვერ დაინახავდით – მეზობლებს, თითქოსდა, ერთმანეთის ჯიბრზე საუკეთესოები შეეძინათ – ისიც ბანკის კრედიტებით, თუმცა, მაინც თავმოყრილი დაგრილებდნენ.

მეხუთე სართულზე შეხმატკბილებული მეზობლები ცხოვრობდნენ. მეტწილად ერთადაც კი შლიდნენ სუფრას და მიერთმევდნენ სახელდახელოდ მომზადებულ გემრიელ კერძებს. როგორც უფროსებს, ისე ბავშვებსაც ძლიერ უყვარდათ ერთმანეთი. მხოლოდ ასაკში იყო მათ შორის დიდი განსხვავება, მაგრამ ეს სულაც არ უშლიდათ ხელს.

ნათიას და ცოტნეს ქალ-ვაჟი ჰყავდა, ეკას და ილიკოს – ორი ბიჭი. ერთი სიტყვით, ორ დიდ ოჯახს ერთი გოგო ამშვენებდა, რომელსაც ცივ ნიავს არ აკარებდნენ. მართას ქერა, ხვეული თმები ჰქონდა, ისეთი ლამაზი იყო, თოჯინას უფრო ნააგავდა, ვიდრე ნამდვილ ბავშვს. სულ გაბუტული ტუჩები და ზღვასავით ლურჯი, დიდრონი თვალები კიდევ უფრო ხაზს უსვამდა მის სილამაზეს. ოდნავ ვარდისფერი დაჰკრავდა გოგონას სიფრიფანა ლოყებს.

როდესაც თოჯინებთან მარტო თამაში მოსწყინებოდა, ბიჭებს შეუერთებოდა ხოლმე და მათთან ერთად სიამოვნებით

ერთობოდა, ბიჭებსაც უხაროდათ. როცა დაღამდებოდა, ხშირად ნარდს ან კარტს თამაშობდნენ, ის კი მოსვენებას არ აძლევდა ბიჭებს და იქვე დახტოდა, ბევრჯერ ხელიც აუკრავს მათთვის თამაშის დროს და დალაგებული კარტებიც აურევია, ნარდის ქვაც აუღია უცებ და გაქცეულა... სანოლის ქვეშ შეძვრებოდა ხოლმე და იქიდან კისკისებდა, უხაროდა, რომ სთხოვდნენ:

- მომეცი ქვა! ესეც უცებ რაიმე სურვილს მოიფიქრებდა და ეტყოდა, - თუ ამისრულებთ, მოგცემით. რა გაენწყობოდა, დაყვებოდნენ მის სურვილს. გგონიათ, დაავიწყდებოდა, რას დაპირდებოდნენ ბიჭები? სულაც არა - სანამ არ აუხსრულებდნენ, არ მოასვენებდა. ერთი სიტყვით, თავის ჭკუაზე დაატარებდა ყველას.

ზურიკო - ეკას და ილიკოს შვილი, მართაზე ათი წლით უფროსი იყო. ხშირად გაჰყავდა სასეირნოდ ბაღში, როცა მშობლები დაუტოვებდნენ. რომ დაიღლებოდა, აიტატებდა და ისე დაატარებდა ხოლმე. ბამბის ნაყინი უყვარდა ძალიან მართას, ზურიკოც ყოველთვის ყიდულობდა და იტკბარუნებდა პირს პატარა ქალი. თუ ხელში აყვანილი ჰყავდა, ბამბის ნაყინს ცხვირზე წაუსმევდა ზურიკოს - თან იცინოდა. ბიჭი ოდნავ ბრაზმორეული ეტყოდა, - გეყოს, გაჩერდიო, - და მაშინვე ძირს დასვამდა, მართა კი გულთანად კისკისებდა.

იქვე, ბაღში, საქანელები იყო - ისე არ წამოყვებოდა სახლში, რომ არ დამჯდარიყო. ამიტომ ზურიკოს სულ ჰქონდა გადანახული ფული, მართა რომ დაესვა საქანელებზე. განსაკუთრებით მანქანები უყვარდა, ჩადგებოდნენ რიგში და ელოდნენ, როდის მოვიდოდა მათი დრო. მანქანის ფერიც ამოჩემებული ჰქონდა, აუცილებლად წითელზე უნდა დამჯდარიყო - სხვა არ სურდა, რის გამოც ხშირდა უწევდა თხოვნა ზურიკოს, რომ ვინც წითელ მანქანაში იჯდა, დაეთმო და მეორეში გადამჯდარიყო... კამათიც კი მოსვლია ამის გამო - გაჯიუტებულ ბავშვებთან თხოვნა რომ არ გაჭრიდა. ამ დროს მართა ისეთი თვა-

ლებით უმზერდა, ერჩინა სხვასთან ეკამათა, ვიდრე გოგონას თვალებში ბრაზი დაენახა.

როდესაც სკოლაში შევიდა, მშობლებს სთხოვა, თქვენთან ერთად ზურიკოც გამომყვესო. ძმა გაბრაზდა, – მე რას ვაკეთებ, როგორ სულ ზურიკოს გაიძახიო, მაგრამ ამჯერადაც თავისი გაიტანა და მშობლებთან ერთად ზურიკოც გაჰყვა სკოლაში. მართას სიხარულს საზღვარი არ ჰქონდა.

სანდრო დატუქსავდა ხოლმე დას, – სულ ზურიკოს ნუ გაიძახიო, მაგრამ განა ესმოდა?! ზურიკოსაც უხაროდა, გოგონას ასე ძალიან რომ უყვარდა და სამეგობროში ამბობდა, ჩემი პატარა დაიკო არისო.

* * *

დრომ ისე სწრაფად გაიბრინა, რომ ვერავინ შეამჩნია, როგორ გაიზარდა მართა, არადა, ისევ ისეთი პატარა გოგონა ეგონათ მშობლებს, ძმას და ზურიკოს! მართა დღითიდღე კიდევ უფრო მშვენივრობდა და ლამაზდებოდა. მისმა თანატოლმა ბიჭებმა ეს უკვე შეამჩნიეს, მზერა დაუწყეს და ცდილობდნენ მისი გულის მოგებას. მართა კი ბუნებით ისევ ისეთი პატარა, ჯიუტი გოგონა იყო – არავის იკარებდა ახლოს, თითქოს დიდი გალავანი აღმართა წინ და არავის აძლევდა მასთან მიახლოების საშუალებას.

სკოლა წარჩინებით დაამთავრა და უნივერსიტეტში ჩასაბარებლად ემზადებოდა.

იმ ზაფხულს რამდენიმე დღით ბიჭებთან ერთად ზღვაზე წავიდა. ძალიანაც არ სურდა სანდროს დის წაყვანა, მაგრამ მართამ, როგორც ყოველთვის, ზურიკოს თანადგომით თავისი გაიტანა. ასინეთად იქცა ზღვაზე, ყველგან თან დაჰყვებოდა ბიჭებს და თუ რომელიმე გოგოს გაეპრანჭებოდა, მაშინვე აბუზღუნდებოდა, განსაკუთრებით მაშინ, როცა ზურიკოს მოენოვებოდა გოგონა და იტყოდა, – რა ლამაზიაო.

გაგულისდებოდა და იტყოდა, – პატივს არ მცემთ საერთოდ, ჩემს აქ ყოფნას არაფრად აგდებთო. ბიჭები კი ყოველთვის იმას ცდილობდნენ, როგორმე ესიამოვნებინათ მართასთვის.

ერთ დღესაც, დილით, მზის ამოსვლისას, ბიჭების გაუფრთხილებლად ზღვაზე მარტო წასვლა გადაწყვიტა. ნელ-ნელ ეპარებოდა მზის სხივები ტალღებს და თითქოს ოქროს მძივებით ამკობდა. ოდნავ ნიავე ქროდა და ზღვის ტალღებიც აკვანივით ნელა ირწეოდა. მართამ ქვიშაზე პირსახოცი დააფინა და ზედ განვა. მის გარდა ჯერ არავინ იყო სანაპიროზე – ყოველი შემთხვევისთვის, მას ასე ეგონა.

ცოტა ხანს იწვა, შემდეგ ზღვისკენ წავიდა, იფიქრა, – ცოტას გავცურავო. უცებ შეამჩნია, რომ ზღვაში ახალგაზრდა მამაკაცი ცურავდა. ოდნავ შეყოვნდა და დაფიქრდა – თვითონაც შესულიყო თუ არა, ბოლოს მაინც შესვლა ამჯობინა.

ძალიან უხდებოდა მის უნაკლო სხეულს ცურვა, კიდეც უფრო მომხიბვლელს ხდიდა. მამაკაცს ეს შეუმჩნეველი არ დარჩენია, მართასკენ აიღო გეზი. მართა წინ მიიწეოდა, მამაკაცი კი ცდილობდა, დასწეოდა და დაენია კიდეც. როგორც კი გაუსწორდა, გაუღიმა, თვალთ ანიშნა, გამეჯიბრეო და მანაც არ დაიხია უკან. მართამ საკმაოდ კარგად იცოდა ცურვა და დიდ მანძილზე ჩამოიტოვა მამაკაცი. მობრუნებული არც დაელოდა, ზღვიდან ამოვიდა და ქვიშაზე განვა. მალე უცნობიც მიუახლოვდა და ისიც ქვიშაზე განვა. ორივემ სიცილი დაიწყო. არც მიბრუნებულია მართასკენ და არც ქვიშიდან ამდგარა, იცინოდა და მალლა ზეცას შესცქეროდა – ასე გააცნო თავი მამაკაცმა.

– მე თედო მქვია. გამოვექეცი ცხოვრების ყოველდღიურობას და აქ, ზღვაზე, ვივინყებ ყველაფერს. დამალა ადამიანების გაუსაძლისმა ყოფამ, ცოტა ხნით ყველასგან განმარტოებით ვისურვე აქ ჩამოსვლა. შენზე რას მეტყვი?

– მე მართა მქვია. დიდი გეგმები მაქვს.

– ეს ძალიან კარგია. საიდან ხარ?

– თბილისიდან.

– ერთი ქალაქიდან ვყოფილვართ.

თედო წამოჯდა და მზეს გახედა, რომელიც ისევ ეკეკლუცებოდა ზღვის ტალღებს. მართამაც ჩუმად გააპარა თვალი თედოსკენ, ეშმაკურად შეათვალიერა, მონუსხულივით, ქურდულად მიშტერებოდა მის სხეულს, ნაიბუტბუტა კიდეც, – ალბათ, ვარჯიშობო? თითქოს იგრძნო თედომ დაჟინებული მზერა და ისიც, რომ ძალიან მოეწონა მართას, ბეჭები შეათამაშა და ისევ შეცურა ზღვაში.

მართა მაშინვე წამოჯდა და გახედა კაცს, თითქოს გული დაენყდა, რომ მართო დატოვა. უცებ უკნიდან ხმა მოესმა:

– გოგო! უჩვენოდ როგორ წამოხვედი? რატომ არ გაგვაფრთხილე? ლამისაა გადავატრიალეთ ყველაფერი, არც ტელეფონზე გვპასუხობ, რა არ ვიფიქრეთ. – ბრაზი ეტყობოდა ხმაში ზურიკოს.

ისე მიიხედა მისკენ, გეგონებოდათ, რომ სხვას ეუბნებოდნენ ამ სიტყვებს და მართა არაფერ შუაში იყო, უბრალოდ, გაიგონა.

ზურიკო გვერდით მიუჯდა და ისევ საყვედურობდა, მაგრამ, აბა, ვის ესმოდა? მართა თავის ფიქრებში იყო ჩაფლული... თვალს ადევნებდა, როგორ ცურავდა თედო. ზურიკომ ეჭვისთვალთ შეათვალიერა და ზღვისკენ გაიხედა, შემდეგ ისევ მართას მიუბრუნდა და ჰკითხა: – ვინ არის, იცნობ?

– თედო, – მკვირცხლად უპასუხა მართამ.

– ადექი, ჩაიცვი! სახლში წამოდი, შენი ძმა გიჟს ჰგავს.

მართა ზანტად წამოდგა და ჩაცმა დაიწყო, თითქოს ფეხს ითრევდა და არ ჩქარობდა, ვილაცას ელოდა. თედოს შეუმჩნეველი არ დარჩენია ზურიკოს მოსვლა და ნაპირისკენ გამოისცურა. მართა უკვე მზად იყო წასასვლელად, მიესალმა და თან დაეკითხა, – ხომ მშვიდობა არისო.

მართამ ზურიკო გააცნო, შემდეგ დაემშვიდობა და შინ წავიდა. ძმამ საყვედურებით აავსო, გოგო ჯერ კიდევ თედოზე

ფიქრობდა და სულ არ ესმოდა, რას საყვედურობდა იგი. ზანტად ავიდა ოთახში, აბაზანაში შევიდა, წყალი გადაივლო, შორტები და მაისური ჩაიცვა, თმის საშრობით თმა ნახევრად შეიმშრალა და ისევ გარეთ გავიდა. შეამჩნია, ავტომატქანა ნელი სვლით მიუყვებოდა შარაგზას, მძლოლი კი იმ სახლისკენ იმზირებოდა, სადაც მართა ისვენებდა. მაშინვე იცნო თედო და გული სიხარულით აევსო, რა არ იფიქრა: ალბათ, მოვეწონე და გამომყვა უკანო. მართლაც ასე იყო – როგორც კი მართა და ზურა წამოვიდნენ ზღვიდან, თედოც ქურდულად უკან დაედევნა, რომ გაეგო სად, რომელ საოჯახო სასტუმროში ისვენებდა მართა, არც გასჭირვებია პოვნა, ფეხდაფეხ მიჰყვა.

მეორე დღეს ძმას სთხოვა, – დილით ზღვის ჰაერს შევისუნთქავ, ისედაც ორ დღეში მივდივართო. რა გაენწყობოდა, დასთანხმდა ძმა იმ პირობით, რომ მალე დაბრუნდებოდა. მართას დიდი იმედი ჰქონდა, რომ თედო ისევ იქ დახვდებოდა – ასეც მოხდა. სულ რამდენიმე ადამიანი იყო სანაპიროზე, რომლებიც დარბოდნენ, თედო კი ისევ ზღვაში შესულიყო და ტალღებს ეურჩებოდა. არც მართამ დააყოვნა, სწრაფად მოიხსნა მოსასხამი, რომელიც საცურაო კოსტუმს და სხეულს უფარავდა, თუმცა ისიც გამჭირვალე იყო, ზღვაში შეცურა და გეზი თედოსკენ აიღო. მაშინვე შეამჩნია მანაც, ისევ გუშინდელივით შეეჯიბრნენ ერთმანეთს ცურვაში, ვერც ამჯერად აჯობა ბიჭმა. ამოვიდნენ სანაპიროზე. მართა არც დალოდებია, თედო რას ეტყოდა, უთხრა:

– ზეგ თბილისში მივდივარ, – ისე გულდანყევით წარმოსთქვა ეს სიტყვები, გეგონებოდათ, რომ ეს სიტყვები იყო გადამწყვეტი მისი მომავალი ცხოვრებისთვის.

– მეც ზეგ მივდივარ, ამოიწურა ჩემი დასვენების დღეები. იქ კი უამრავი საქმე დამხვდება. ამიტომ მაქსიმალურად უნდა შევირგო ეს დღეები. იმედია, ჩვენი ნაცნობობა თბილისშიც გარძელდება?

მართამ მხრები აიწურა, ოდნავ გაილიმა და დამორცხვებულმა უპასუხა:

– იმედია!

ცოტა ხანს ქვიშაზე დასხდნენ და ისაუბრეს. ისე გულახდილად საუბრობდნენ, თითქოს დიდი ხნის ნაცნობები იყვნენ. როგორც მართამ გაიგო, თედო ერთ-ერთი მხვილი კომპანიის მფლობელი ყოფილა. გაუკვირდა: ასე თუ არის, აქ რატომ ისვენებ და სადმე უცხოეთში რატომ არ წახვედიო. მანაც არ დააყოვნა, გულწრფელად უპასუხა: ბათუმი მირჩევნია, აქ თავს კარგად ვგრძნობო. ტელეფონის ნომრები გაცვალეს და ერთმანეთს დაემშვიდობნენ. იმ საღამოს ისევ შეხვდნენ ერთმანეთს. ახლა ნაკლებად ინტერესდებოდა მართა, რას აკეთებდნენ ბიჭები, ან სად დადიოდნენ. თითქოს მათაც თავისუფლება იგემეს და ერთობოდნენ. მართა კი ისე გრძნობდა თავს, როგორც არასოდეს! თითქოს მასში რაღაც ცვლილება მოხდა – ისედაც მხიარულს თვალეში უბრწყინავდა, მზის სხივები დასთამაშებდა სახეზე, საუბრის დროს ცოტა აღელვებაც ეტყობოდა, რაც შეუმჩნეველი არ რჩებოდა თედოს. რომ არა ძმის ზარი ტელეფონზე, კიდევ დიდხანს ისაუბრებდნენ. მართამ ძმას უთხრა, რომ თანაკლასელს შეხვდა და მასთან ერთად სეირნობდა. მანაც დაიჯერა, ენდობოდა დის სიტყვებს. ჰკითხა, სად იყო, რომ მიეკითხა, მაგრამ გოგომ უარი უთხრა სანდროს და თან დააყოლა, რომ უკვე სახლში მიდიოდა. რა გაენცობოდა, დაემშვიდობა თედოს და წავიდა. ბიჭმა გაცილება შესთავაზა, რაზეც უარი მიიღო, ისიც ძმის შიშით – არ დამინახოსო.

მეორე დღეს ისევ შეხვდნენ ერთმანეთს. მართა გრძნობდა, რომ რაღაც ახალი ხდებოდა მის გულში, რაც აქამდე არ უგემია, თან შიშიც იპყრობდა და იმავდროულად, ეს შეგრძნება აბედნიერებდა კიდევ. მეგობარსაც გაანდო ეს ამბავი, ვერ იტევდა გულში, ვილაცისთვის აუცილებლად უნდა ეთქვა. აღმოჩნდა, რომ მისი მეგობარი საკმაოდ კარგად იცნობდა თედოს და გა-

აფრთხილა; მაინცადამაინც ნუ ენდობიო. მართამ კი ქალურ ეჭვიანობაში ჩაუთვალა და ყური არ უგდო. დასრულდა საზაფხულო არდადეგები. მართა ბიჭებთან ერთად თბილისში დაბრუნდა, თედოს შეუთანხმდა, რომ იქ გააგრძელებდნენ ურთიერთობას.

მართა ისე იყო გარუჯული, სახლში მისულს მშობლები გაცივებული შესცქეროდნენ – ალაგ-ალაგ დანვოდა სხეული და როგორც კი ვინმე შეეხებოდა, გაჰკიოდა, არ გამეკაროთო. მისთვის არასასიამოვნო ამბავიც დახვდა სახლში – მამის წინააღმდეგობის მიუხედავად, დედას მაინც გადაუწყვეტია საზღვარგარეთ სამუშაოდ წასვლა – ორ კაპიკს დავაგროვებ და უკან დავბრუნდებიო, – ამბობდა. ამ ამბავმა ძალიან ცუდად იმოქმედა მართაზე და დედას უთხრა:

– მე შენს გარეშე აქ არ გავჩერდები, სადაც წახვალ, მეც იქ წამოვალო.

ცოტნე დაემონმა შვილს: – ესეც თან წაიყვანე, სწორს ამბობს ბავშვიო, – შესთავაზა მეუღლეს.

ნათიას გულმა რეჩხი უყო. არ მოეწონა შვილის და მეუღლის ასეთი დაჟინებული მოთხოვნა, მაგრამ რა გაენწყობოდა, დასთანხმდა და მეორე დღესვე შეუდგნენ საბუთების მოწესრიგებას.

მართა დიდი იმედით ელოდა, თედო დამირეკავსო, მაგრამ ამაოდ, თითქოს სიზმარი იყო ის ყველაფერი და ცხადში აუხდენელ ოცნებად დარჩა. ნათიამ რამდენიმე დღეში მოაწესრიგა საბუთები და დედა-შვილი დიდი ემოციებით ოჯახს დაემშვიდობა იმ იმედით, რომ სამ წელიწადში უკან დაბრუნდებოდნენ. სურვილის მიუხედავად, წავიდნენ იქ, სადაც საქართველოს მოსახლეობის უმეტესობა მიედინებოდა, როგორც გზაარეული მდინარე, რომელიც გამოსავალს კალაპოტიდან გადმოსვლით გზის გაკაფვაში პოულობს. მათ ერთი მიზანი ამოძრავებდათ: ოჯახები გადაერჩინათ და ლუკმაპური ჰქონოდათ! იქ ჩასულ დედა-შვილს ყველაფერი ისე არ დახვდა, როგორც

ეგონა – ჯერ იყო და ბინის პოვნა გაუჭირდათ, სადაც ორივე ერთად იქნებოდა, ამიტომ სხვადასხვა ოფისში მოუწიათ გაჩერება სამსახურის პოვნამდე. მართას, რადგან უფრო ახალგაზრდა იყო, დედაზე ადრე უშოვეს სამუშაო და ერთ-ერთ მდიდარ ოჯახში სამი ბავშვის ძიძად გაამწესეს, მაგრამ ანაზღაურება მცირე ჰქონდა, რადგან ენა არ იცოდა. რა ექნა, სხვა გზა მაინც არ იყო და შრომობდა მართა მუხლჩაუხრელად – ბევრი დამცირებისა და შეურაცხყოფის ატანით. ბავშვებზე მეტი უზნეო მშობლები გამოდგა – გოგოს მოსვენების საშუალებას არ აძლევდნენ. მაგიდასთან რომ მსხდარიყვნენ და ჭიქით წყალი წინ ჰქონოდათ, ხელს არ მოკიდებდნენ, მართას დაუძახებდნენ და ეტყოდნენ, – მომანოდეთ. ისიც ასრულებდა მათ ბრძანებებს, რადგან ეშინოდა, ვიზას დრო გაუვიდა და ქუჩაში არ აღმოჩენილიყო, პოლიციას არ დაეჭირა. ცალკე თედოზე ბრაზობდა, – როგორ არ შემომეხმიანო. დედას არაფერს ეუბნებოდა, არ სურდა ქალს ზედმეტად ენერვიულა, მაგრამ, ერთ დღესაც, სრულიად შემთხვევით ნათიას უთხრეს, ძალიან ცუდ ოჯახში მუშაობს ბავშვი და დროზე თუ არ გამოიყვანე იქედან, კარგი არაფერი დაემართებაო, თან ისიც დასძინეს – არ გამამხილო, რომ გითხარიო. გააფთრებულ ლომს დაემსგავსა ნათია, მაშინვე დაურეკა დამსაქმებელს და ბავშვის მასთან მოყვანა მოსთხოვა – თუ დღესვე არ მოიყვან ბავშვს ჩემთან, კარგი დღე არ დაგადგებაო. ისიც ცდილობდა, როგორმე თავიდან აერიდებინა რისხვა და ეუბნებოდა, – მშვენიერ სამსახურშია შენი შვილი და ნუ ბოხოქრობო, თან ფულის დაკარგვაც არ სურდა. შემდეგ ნათიამ იქ გაცნობილ ქალს სთხოვა დახმარება: იქნებ გამოიყვანო ბავშვი იმ სახლიდანო. დიდი ვაი-ვაგლახით მოახერხეს, დაურეკეს მართას და უთხრეს, – ნაგვის გადასაყრელად რომ წახვალ, ზარი მოგვეცი, მოგაკითხავთ და წამოგიყვანთო. ასეც მოხდა: გამოიპარა მართა იმ სამუშაოდან. ამის შემდეგ, როგორც იქნა, ისევ ქართველის დახმარებით, დედა-შვილმა

ერთად იპოვა სამსახური და ერთ ოჯახში მუშაობდა, ცოტა დამშვიდნენ, თითქოს ყველაფერი მონესრიგდა. მართა მასწავლებელთან დადიოდა და უცხო ენას ეუფლებოდა. ყოველ ღამით საუბრობდნენ ოჯახთან, იგებდნენ სიახლეებს, ხშირად ეკასაც ურეკავდნენ... ერთი საღამოს, ეკამ უთხრა ნათიას, რომ ისიც მიდიოდა საზღვარგარეთ სამუშაოდ, რადგან თბილისში უკვე გაუსაძლისი გახდა ყოფნა, – ოჯახს ძალიან ბევრი სჭირდება და ვერაფერს ვახერხებთო! არ გახარებია ნათიას მეზობლის ეს გადაწყვეტილება, რადგან არ სურდა ტანჯვა-წამება მასაც განეცადა – ურჩია კიდეც, გადაეფიქრა, მაგრამ ეკას უკვე ყველაფერი გადაწყვეტილი ჰქონდა.

დრო წინ მიიწევდა – მასთან ერთად ქართველებიც ტოვებდნენ სამშობლოს და ლუკმაპურის საშოვნელად, უცხოეთში მიდიოდნენ. მართა და დედამისი ყველაფერს მიეჩვივნენ.

თედომ ტელეფონზე რომ ვერ მოიძია მართა, სოციალურ ქსელში დაუწყო ძებნა და იპოვა კიდეც, თითქოსდა მათი ურთიერთობა სიყვარულში გადადიოდა, მაგრამ რაღაც იყო, რაც ორივეს აბრკოლებდა. თედომ ჩაკითხვის სურვილი გამოთქვა, მაგრამ მართამ კატეგორიული უარი განაცხადა. ბიჭი იმასაც სთხოვდა, რომ დაბრუნებულიყო სამშობლოში და ყველანაირად დაუდგებოდა გვერდით, თუმცა გოგოს დედის დატოვება ეძნელებოდა, როცა ხედავდა, როგორ პირობებში უწევდა ოჯახის რჩენა. თითქმის ყოველდღე ურეკავდა ზურიკო და ეკითხებოდა, როგორ იყო, უყვებოდა უბნის და სამეზობლოს ამბებს, იხსენებდნენ ბავშვობას, ბევრს ხალისობდნენ და ცრემლიც ბევრჯერ მოსდგომია თვალზე მართას. თედოს ამბავს კი საიდუმლოდ ინახავდა, მხოლოდ დედას უმხელდა – ნათიას ძალიან მოსწონდა თედო და შვილს ურჩევდა, რომ თუ უყვარდა, წასულიყო საქართველოში, სადაც სწავლასაც გააგრძელებდა, მაგრამ მართა უარზე იყო.

ერთხელ დილით, როგორც კი გაიღვიძა, ტელეფონი მოი-

მარჯვა და ინტერნეტში შეიჭყიტა. შეტყობინება დახვდა თედოსგან – ის ყოველ დილით უტოვებდა მართას შეტყობინებებს, ამკობდა ლამაზი სიტყვებით და წარმატებულ დღეს უსურვებდა. ამჯერად კი წერილი სულ სხვა შინაარსის იყო. კითხულობდა და ცრემლები ლაპალუპით მოსდიოდა, მთელი სხეული უცახცახებდა, უკვე გარჩევაც კი უჭირდა, რა ეწერა; შემდეგ სწრაფად შევიდა თედოს გვერდზე, სადაც ფოტო დახვდა, რომელიც ლამაზ გოგონასთან ერთად გადაეღო და ქვემოთ მილოცვების უამრავი კომენტარი ეწერა. მაშინვე დაბლოკა, არც შეტყობინებაზე უპასუხა. მთელი დღე უხასიათოდ იყო, დედას არ გამორჩენია შვილის ეს მდგომარეობა, ეკითხებოდა, – რა გჭირსო, ის კი თითქოს არაფერიაო, ეუბნებოდა, რომ კარგად იყო; არადა, თავს ისე ცუდად გრძნობდა, რომ ამ ტკივილს ვერავის უზიარებდა. ღამით მაინც გაანდო დედას, აჩვენა ის შეტყობინება, თედოსგან რომ მიიღო, რომელშიც ეწერა, რომ დიდ სიყვარულს უსურვებდა. ბიჭი წერდა, – ჩვენ სულ სხვადასხვა ადამიანები ვართ და ვერასდროს გავუგებთ ერთმანეთს, ჩვენი ურთიერთობის უმეტეს ნაწილს კამათში ვატარებდით, შენ ჯერ კიდევ ბავშვი ხარ და ბევრი რამ გაქვს სასწავლი ამ ცხოვრებიდან. მე გოგონა გავიცანი, რომელიც ძალიან მომწონს და ცოლად მომყავსო. იმედია, ოდესმე დაბრუნდები სამშობლოში და შენც იპოვი ისეთ ადამიანს, ვისთანაც დიდი სიყვარული გექნებაო. რამდენჯერმე გადაიკითხა ნათიამ შეტყობინება, ხომ არაფერი მეშლებო, შემდეგ შვილს დაეკითხა, ეს ვინ გამოგიგზავნაო; როცა დარწმუნდა, რომ თედოსი იყო, მართას ჩახუტა და სთხოვა, რომ დამშვიდებულიყო, წმენდდა ცრემლებს, რომლებიც არა და არ შრებოდა.

ამ ამბის შემდეგ მხიარული მართა, უფრო გულჩათხრობილი და სევდიანი გახდა – ცოტას საუბრობდა და ნაკლებადაც იცინოდა. ერთადერთი ადამიანი ზურიკო იყო, ვინც ახერხებდა მის გამხიარულებას. ბევრჯერ საუბარშიც დასთენებიათ თავზე.

მეგობრებთან იშვიათად კონტაქტობდა, არავის ენდობოდა და არავისი სჯეროდა! დედა სულ სთხოვდა, რომ გასულიყო თავისუფალ დროს სასაირონოდ, მაგრამ ამაზეც უარს ამბობდა, მხოლოდ ზურიკოსთან ჰპოვებდა სიმშვიდეს და იმ თავისუფალ დროის მასთან საუბარში გატარება ერჩია. ნათიას ბევრჯერ ეჭვის თვალით შეუხედავს მართას და ზურიკოს ხანგრძლივი საუბრისთვის, მაგრამ იმასაც ფიქრობდა, – ერთად გაზრდილი ბავშვები არიან და ამიტომ უყვართ ერთმანეთით – თავის თავს გაკიცხავდა ხოლმე, ეს სისულელე როგორ გაიფიქრეო, მაგრამ სინამდვილეში სწორედ ის ხდებოდა, რასაც დედის გული გრძნობდა. ამ ყველაფერს კი მართა და ზურიკო ჯერ ვერ ითავისებდნენ – ეს სიახლოვე ბავშობის გადმონაშთი ეგონათ...

ერთ დღესაც ზურიკო ზედმეტად ნასვამი დაბრუნდა სახლში და, როგორც ყოველთვის, ახლაც გაუჩნდა მართასთან დალაპარაკის სურვილი. მანაც, როგორც კი დაინახა, ზურიკო რეკავდა, ყველა საქმე გადადო, მიირბინა ტელეფონთან და ღიმილიანი სახით უპასუხა – სასიამოვნოდ მოიკითხეს ერთმანეთი, გამოჰკითხეს, როგორი დღე ჰქონდათ. გოგომ მაშინვე შეამჩნია, რომ ზურიკო ნასვამი იყო და ჰკითხა, სად დალიეო, მანაც უპასუხა:

– მეგობრებთან დავლიე, კარგად მოვილხინეთ და ნასიამოვნები წამოვედი სახლში. დღეს რატომღაც ისე მომენატრე, როგორც – არასოდეს, ჩემო ცელქო გოგო. ერთი სული მქონდა, როდის გავიგონებდი შენს ხმას.

– ხო, ჩემი ხმა მაღამოსავით გედება შენ გულზე, – გემრიელად გადაიკისკისა მართამ.

– კი, ნამდვილად ასეა. ერთადერთი ხარ, ვისთანაც სიმშვიდეს ვგრძნობ და კარგ განწყობაზე ვდგები, ბავშობიდან მოყოლებული დღემდე. ხო, ისიც მახსოვს როგორ ეჭვიანობდი გოგოებზე და ბრაზდებოდი ხოლმე!

– ეგ ბავშვური წიკები იყო, სულ მინდოდა, ჩემთან გაგეტა-

რებინათ დრო შენ და ჩვენს ძმებს, ამიტომ არამართო შენზე, ყველაზე ვბრაზდებოდი. ეხ, რა კარგი დრო იყო, – სინანულით წარმოსთქვა ეს ბოლო ორი სიტყვა მართამ ისე, რომ ლამის გულიც ამოაყოლა.

– კარგი ახლა, დარდი და ცუდი მოგონებები არ გვინდა, ჩემო მართა, კარგზე ვიფიქროთ, ცხოვრება წინ გვაქვს და ლამაზი დღეები გველოდება. ხო, კიდეც: დღეს თუ არა, ვერასოდეს გავბედავ ამის თქმას; დღეს თუ არა, ვერასოდეს შევძლებ გითხრა ის, რასაც ამდენი ხანი გულით საიდუმლოდ დავატარებ და ზოგჯერ სინდისიც კი მქენჯნის, – ეს როგორ მოგივიდაო, თუმცა, არანაირ ძალას არ შეუძლია ამას წინ აღუდგეს. ამიტომ მოდი, გამოგიტყდები და თუნდაც ჩემს ნასვამობას დააბრალე, მთავარია, რომ გულიდან ამოვიღო და შენ გაგიზიარო, შენ გითხრა.

– რა იყო, ხომ კარგად ხარ? – შიში დაეტყო ხმაში მართას.

– კი, ასე კარგად ჯერ არასოდეს ვყოფილვარ!

– მაშინ, რა ხდება?! ლამისაა გული გამისკდეს, ადამიანო?!

– კარგი, ყველაფერს გეტყვი. ძალიან მეტკინა შენი ტკივილი – იმ სიყვარულის დაკარგვა, შენ რომ ეტრფოდი, მაგრამ გამოგიტყდები იმაშიც, რომ გულის სიღრმეში სადღაც მესიამოვნა. ჩემს თავს ვუსვამდი კითხვას: რატომ? ...და ცოტა ხნის შემდეგ მივხვდი, რატომაც.

მართას გულმა უგრძნო, ზურიკოს საითაც მიჰყავდა საუბარი და დამშვიდობება მოინდომა, ნასვამობას დააბრალა, მაგრამ ბიჭმა არ დააცადა, სათქმელი ბოლომდე სათქმევინე და მერე, თუ გინდა, ნუ დამელაპარაკებო. ერთი ამოსუნთქვით უთხრა, თითქოს, სიცოცხლის ბოლო წუთებს ითვლიდა და უნდა მოესწრო.

– მე შენ ძალიან მიყვარხარ, ჩემო მართა, არა როგორც და, არამედ როგორც ქალი, სასურველი ქალი და მინდა, მალე ჩემს გვერდით გიხილო, მინდა, მალე ჩემი გახდე და ვერაფერმა დავგაშოროს ვერასოდეს!

მართას ლამის იყო ტელეფონი გაუვარდა ხელიდან, ერთიანად გაეყინა სხეული, ხელის გულებში ცივი ოფლი იგრძნო, მაშინვე გვერდით გაიხედა, შეეშინდა, – დედას ხომ არ ესმისო და გაურკვეველად ამოილულლულა.

– რას ამბობ, ზურიკო?!

– იმას, რაც ამ დრომდე უნდა მეთქვა, ჩემო მართა. ახლა თუ გინდა, დაისვენე და სხვა დროს განვაგრძოთ საუბარი, მეტს არ მოგაცდენ. ხო, კიდევე, იფიქრე ჩემზე – არა როგორც ბავშვობის მეგობარზე, არამედ, როგორც შენთვის საყვარელი ადამიანსა და ერთადერთ დიდ სიყვარულზე. პასუხს არ ველოდები, ახლა მხოლოდ დაფიქრებას გთხოვ, დროებით.

ისე გათიშა ტელეფონი, სიტყვის თქმაც კი არ დააცადა გოგოს, ბარბაცით მივიდა საწოლთან და დაწვა ისე, რომ არც გაუხდია. მართა გაოგნებული იყო, ვერ გაერკვია, რა მოხდა, მაგრამ მაინც არ დაუშვა ის, რომ ზურიკო ამას სერიოზულად ეუბნებოდა. ისიც კი თქვა, ხვალ პასუხს მოვთხოვ ამ სიტყვებისთვის და საყვედურსაც მიიღებსო.

იმ საღამოს ძილი არ მიკარებია, გონებაში სულ ზურიკოს სიტყვები უტრიალებდა, თან ბავშვობის წლები ახსენდებოდა, ზოგჯერ ელიმებოდა კიდეც სასიამოვნოდ.

როგორც იქნა, გაათრია ღამე. დილით ცოტა წათვლიმა და ცუდმა სიზმარმა გამოაღვიძა – ის ხომ სხვის ქვეყანაში, სხვის ოჯახში, მოსამსახურედ მუშაობდა. დედა ყოველთვის მასზე ადრე დგებოდა ხოლმე, ეცოდებოდა შვილი და მის საქმეებსაც ნაწილობრივ თავად აკეთებდა, რომ ტვირთი შეემსუბუქებინა. როგორც იქნა, ალასლასდა საწოლიდან მართა, ტელეფონს არც კი დახედა, მაშინვე დაკისრებული მოვალეობის შესრულებას შეუდგა, შუადღემდე ვერც ახერხებდა, ტელეფონს გაკარებოდა. დღეს განსაკუთრებით გადატვირთული გრაფიკი ჰქონდა. როგორც კი საქმეები ცოტათი მოილია, მაშინვე ტელეფონთან მივიდა და წამოწვა კიდეც, ზურიკოს მესიჯი და-

ხედა, გახსნა და რაღაც სასიამოვნო განცდამ დაუარა მთელს სხეულში. წამსვე მოეხსნა ის დალლილობა, რასაც გრძნობდა. პასუხიც არ დააყოვნა და მისწერა.

ასე დაიწყო კიდევ ერთი სიყვარულის ისტორია, სრულიად მოულოდნელად, როგორც გაზაფხულზე უაცრად მოვარდ-ნილი წვიმა – უმსუბუქდებოდა ზურიკოსთან საუბრით ემიგრანტობის გაუსაძლისი დღეები. დედასთვის ჯერ დამალვა ამჯობინა, იფიქრა, როცა უკვე საკუთარ თავშიც გავერკვევი, მაშინ ვეტყვი ყველაფერსო – არ სურდა, სადარდებელი კიდევ დაემატებინა დედისთვის. ზურიკო კი რაც შეიძლება წინ მიიწევდა და არ აპირებდა დანებებას. მალე დედას ჩააკითხა ევროპაში და იქ დარჩა – იფიქრა, ასე უფრო ახლოს ვიქნები მართასთან და ჩემთან წამოვიყვანო. ყველაზე მეტად რისიც და ვისიც ეშინოდათ, ეს სანდროს რეაქცია იყო, როგორ მიიღებდა ის ამ ყველაფერს! ძალიან განიცდიდნენ ზურიკოც და მართაც. იმისიც კი ეშინოდათ, ვაი თუ დაგვიშალა ერთად ყოფნაო. ამიტომ ზურიკომ სთხოვა მართას, რაც შეიძლება მალე ეთქვა დედისთვის სიმართლე, რომ სანდროს თვითონ დალაპარაკებოდა. როგორც იქნა, მართამ დიდი ვაივაგლახით შეძლო ნათიასთვის მოეყოლა ყველაფერი, უთხრა, რომ ძალიან უყვარდა ზურიკო და მის გარეშე ერთი წუთითაც კი არ უნდოდა სიცოცხლე. ქალს შვილის ამ სიტყვებზე არასასიამოვნო განცდამ დაუარა ტანში, გაბრაზდა კიდევ! ეს როგორ მოგივიდათ, სანდრო რომ გაიგებს, ძალიან გაბრაზდებაო, მართა შეეცადა დედის დამშვიდებას და დაპირდა, ზურიკო მოაგვარებს ამ საკითხსო, მთავარი იყო, თვითონ არ ყოფილიყო ამ სიყვარულის წინააღმდეგი და, როგორც დედას, დაელოცა მათი მომავალი. – რა გაეწყობა, ისედაც დავტანჯე შვილი აქ ცხოვრებით, არც პირველ სიყვარულში გაუმართლაო, – იფიქრა ნათიამ და არ გაუწია წინააღმდეგობა, მაგრამ შინაგანად დედის ინსტიქტი მოსვენებას არ აძლევდა. ახლა სანდროს ჯერი დადგა, მისთვის უნდა ეთქვათ

ყველაფერი.

დიდი ძალისხმევა დასჭირდა ზურიკოს. ჯერ იყო და ჩაიკეტა თითქოს, თავს იმტვრევდა, როგორ ეთქვა ისე, რომ ჩხუბი არ მოსვლოდათ, იმასაც ფიქრობდა, რომ არ იქცეოდა სწორად, მაგრამ, გულს ვერ უბრძანებო, – ამბობდა თავისთვის.

ბოლოს, როგორც იქნა, გარისკა და სანდროს დაურეკა. დიდი დრო იყო გასული მას შემდეგ, რაც არ უსაუბრიათ. ევროპაში ნასვლის მერე სულ რამდენჯერმე თუ მოიკითხეს ერთმანეთი. ძალიან გაახარა სანდრო ზურიკოს ზარმა, უსაყვედურა იდეც, – ევროპამ შეგცვალა და დაგავინყდა მეგობარიო. მოიკითხეს ერთმანეთი, ჩამოსვლაზეც დაეკითხა, ხომ არ აპირებო; ზურიკო საუბარში ეძებდა ხელჩასაჭიდს, რომ მთავარ საქმეზე გადასულიყო და, როგორც იქნა, ახსენა სანდრომ დედა და მართა, – ძალიან მენატრებიან და იქნებ მალე ჩამოვიდნენ ისინიცო.

– ხო, მე ხშირად ვესაუბრები მართას და, როგორც ვიცი, ჯერჯერობით არ აპირებენ ჩამოსვლას, იქნებ შენ უთხრა, თორემ რაც დრო გადის და ჩერდები აქ, თითქოს ჭაობი იყოს, დღითიღვე გითრევს და იძირები. თუ წამოვიდნენ, ჩემკენაც გამოიარონ იქნებ, მენატრებიან, იმათ მაინც ვნახავ. მეც საბუთებს როგორც კი მოვანესრიგებ, მაშინვე ჩამოვალ და დედასაც წამოვიყვან. შენთან სერიოზული სალაპარაკო მაქვს, სანდრო.

სანდრომ მაშინვე, – რაღაც უჭირსო, გაიფიქრა და ჩასძახა ტელეფონში:

– ხომ მშვიდობა გაქვს, ძმაო?!

– კი, კი, მშვიდობა მაქვს, მაგრამ ერთ საკითხზე მინდა შენთან საუბარი და საიდან დავინყო, არ ვიცი; მოკლედ, პირდაპირ გეტყვი, ძმა.

– ჰო, თქვი, აბა, რა ხდება: მთავარია, მშვიდობა იყოს, დანარჩენს ეშველება.

– მე და მართას... (ამ სიტყვებზე, თითქოს, ბურთი გაეჩხირა ყელში, ხმა ჩაუწყდა და ვერაფერი თქვა).

– რა შენ და მართას, რა ხდება, არ იტყვი, ბოლოს და ბოლოს?!

– მე და მართას ძალიან გვიყვარს ერთმანეთი.

ჯერ იყო და სანდრომ იფიქრა, – მომეყურაო, ისევ დაეკითხა:

– ვერ გავიგე კარგად, რა თქვი? როცა ისევ გაიმეორა ზურიკომ,

– მართა მიყვარსო, სანდროს ყვირილი მთელს სადარბაზოს ესმოდა:

– შენ ხომ არ გააფრინე, ბიჭოოო!!! რას როშავ, შენს კალთაში გაიზარდა ჩემი და, შენ აჭმევდი ზოგჯერ საჭმელს და ბევრჯერ დაგიძინებია კიდეც და ამას რას მეუბნები, სულ დაკარგე ნამუსი და კაცობა?!

– მაშინ ბავშვები ვიყავით, ახლა დავიზარდეთ, ნუ გამკიცხავ, არც მე ვგრძნობ თავს კარგად და ვიცი, რომ დამნაშავე ვარ, მაგრამ ჩემს თავს ვერ ვენინააღდეგები, თან არც მართა არის გულგრილი ჩემ მიმართ. უკვე რამდენიმე თვეა ვსაუბრობთ კიდეც, ესაა, რომ შენი გვეშინოდა და ვერ ვამხელდით.

– კატეგორიულად გიკრძალავ მართასთან საუბარს! იმას კი მე გავცემ პასუხს, შენ კაცი მეგონე და არაკაცი ყოფილხარ! ეს როგორ იკადრე?! აქ რომ იყო, გაგებინებდი პასუხს ამ ყველაფერზე, აქედან კი რა გიყო?!

ტელეფონი გათიშა სანდრომ და მართას დაურეკა. ის მაშინვე მიხვდა, რისთვის

ურეკავდა ძმა და შიშნარევი ხმით უპასუხა. იქედან საუბრის ნაცვლად ღრიალის ხმა ისმოდა, უშვერი სიტყვებით ლანძლავდა დას, თან გააფრთხილა: – თუ მეორედ გავიგებ, რომ ზურიკოს დაელაპარაკე, საკუთარ თავზე არ ვაგებ პასუხსო.

ხმას ვერ იღებდა გოგო, მხოლოდ ცრემლები უსველებდა ლანვებს; მეორე ოთახში დედამაც კი გაიგონა სანდროს ხმა და მაშინვე მივიდა შვილთან, დაეკითხა, რა ხდებოდა, თუმცა, ის უკვე ისედაც მიხვდა, რაშიც იყო საქმე – ტელეფონი გამოართვა მართას და თვითონ სცადა დალაპარაკებოდა სანდროს, მან კი არც დედას დააკლო საყვედურები. ნათია ცდილობდა

შვილის დაწყნარებას და ცოტათი მოახერხა კიდეც, თან დასძინა, – ყველაფერი ისე იქნება, როგორც შენ იტყვიო.

ამ დღის შემდეგ მართა და ზურა ასაიდუმლოებდნენ თავიანთი სიყვარულს, თუმცა დედა მაინც ხვდებოდა ყველაფერს, თქმით კი არაფერს ამბობდა. დროც გავიდა, საქართველოში გამგზავრება გადაწყვიტეს, ნათიას მეუღლე სულ საყვედურობდა, ჩამოდი და თუ გაგვიჭირდება, შემდეგ ისევ წადიო. დიდი სამზადისი ჰქონდათ დედას-შვილს, საჩუქრები იყიდეს; ეკამ სთხოვა ნათიას, რამდენი წელია, არ მინახიხარ და გამოიარე ჩემთან, რამდენიმე დღეც დარჩიო. ნათიასაც ენატრებოდა მეგობარი და გადაწყვიტა, ეყიდა ბილეთი ისე, რომ საფრანგეთიდან საბერძნეთში ჩაფრენილიყო და შემდეგ საქართველოში წასულიყო. თან გააფრთხილა: ისე გააკეთე, მანდ რომ ჩამოვალ, ზურიკო როგორმე სადმე გაუშვი მეგობართან, ერთმანეთი რომ არ ნახონო. ეკაც დათანხმდა და, მართლაც, ვითომ ახლობელს დახმარება სჭირდებოდა, შვილი სხვა ქალაქში გაგზავნა რამდენიმე დღით.

როცა უკვე დარწმუნდა ნათია, რომ ზურიკო არ დახვდებოდათ იქ ჩასულებს, იყიდა ბილეთი და გადაფრინდა საბერძნეთში მართასთან ერთად. ძალიან გაახარა ეკა ამდენი ხნის უნახავი მეგობრის სტუმრობამ, მათ ხომ ლამაზი წლები ერთად ჰქონდათ გატარებული, ერთად ზრდიდნენ შვილებს და ლუკმასაც ინანილებდნენ. ერთ ოჯახად თვლიდნენ თავს – რომ არა ზურიკოს და მართას სიყვარულის ამბავი, ალბათ, არც არასოდეს მოხდებოდა მათ შორის წალაპარაკება, მაგრამ მალევე ყველაფერი თავის ადგილზე დადგა და უწინდებურად განაგრძეს ცხოვრება დიდი სიყვარულით.

მართა აღფრთოვანებული დარჩა საბერძნეთის ისტორიული ღირშესანიშნაობებით. მას ხომ ძალიან უყვარდა ისტორია. ეკამ თავი გაინთავისუფლა სამსახურიდან და დადიოდნენ ქალაქში – უკვე წასვლის დროც მოვიდა, სწრაფად გაირბინა

სამმა დღემ. დილით, როცა ყველა ადგა და ემზადებოდნენ წასასვლელად, კარი გაიღო და ზურიკო შემოვიდა სახლში; სახტად დარჩენილი უყურებდნენ ერთმანეთს, მან ხომ არ იცოდა მათი ჩამოსვლის შესახებ, თუმცა, მართამ ღამით ვერ მოითმინა და მაინც გაანდო ეს საიდუმლო ზურიკოს. ისიც, როგორც კი გაიგო, მაშინვე სახლში დაბრუნდა.

თითქოს გულში სისხლის კაპილარი ჩასწყდა ნათიას ზურიკოს დანახვაზე, მაგრამ რა ექნა? სიმწრის ღიმილით შეხვდა, თან ეჭვი ეკაზე მიიტანა – ალბათ, უთხრაო და გაბრაზებულმა გახედა მას. ეკამ კი შვილს, – ასე ადრე რატომ ჩამოხვედიო, – უსაყვედურა. ზურიკომაც არ დააყოვნა და მიუგო დედას, – დროზე ადრე მოვრჩი საქმეს და დავბრუნდი, იქ რა მესაქმებოდაო. როგორც იქნა, მარტო დაიგულა ზურიკომ მართა, სთხოვა გარეთ გასულიყვნენ. მიუხედავად იმისა, რომ მათი გამგზავრების დროც დადგა, მაინც გაჰყვა გარეთ მართა. სამზარეულოში გასულ ეკას და ნათიას მალე მისაღებ ოთახში არც ზურიკო დახვდათ და არც მართა. მაშინვე ტელეფონს ეცნენ – მათდა გასარკვევად, ორივეს ჰქონდა გამორთული ტელეფონი. ამასობაში ნათიას უკვე დააგვიანდა წასვლა და მეუღლეს დაურეკა, დღეს ფრენა არ იყო და ხვალ გადმოვფრინდებითო, მანაც დაიჯერა.

ორივე დედა ცალ-ცალკე ემუქრებოდა შვილებს, – ეს როგორ გაგვიბედესო. უკვე მოსალამოვდა, ტელეფონზე ზარის ხმა გაისმა, ქალები მოწყვეტილი ისხდნენ სავარძელში და ერთმანეთს თვალებში ვერ უმზერდნენ, თითქოს დიდი დანაშაული ჩაიდინეს ერთმანეთის წინაშე. მაშინვე წამოცვივდნენ და მივარდნენ ტელეფონთან – ზურიკო იყო, დედას ურეკავდა. უთხრა, რომ დამშვიდებულიყვნენ, სანერვიულო არაფერი იყო – მე და მართამ ჯვარი დავინერეთ პატარა ბერძნულ ეკლესიაშიო. ტელეფონი გაუვარდა ეკას ხელიდან, სახეზე ფერი ეცვალა, შიშნარევი თვალებით გახედა ნათიას. ის მაშინვე მიხვდა უთქმელადაც, რა მოხდა და მოწყვეტილი დაეშვა ძირს გულწასული.

სწრაფად მიირბინა ეკამ და წყალი აპკურა სახეზე, გონზე რომ მოეყვანა. როგორც იქნა, თვალეები გაახილა ქალმა და გონზეც მოვიდა. ეკა დაეხმარა წამოდგომაში და დივანზე დააწვინა. თვალეებზე ხელები აიფარა ნათიამ და ატირდა, – ასე როგორ მომექცაო ამბობდა, რა ვუთხრა მამამისს და სანდროსო. ეკა ცდილობდა მეგობრის დამშვიდებას, მაგრამ არ გამოსდიოდა, არანაკლებ დღეში იყო თვითონაც. ასე მოთქმა-გოდებაში გაათიეს ღამე. გამთენიისას ჩაეძინა ორივეს და რომ არა ცოტნეს ზარი, ალბათ, ძილს გააგრძელებდნენ. ახლა მეორე თავსატეხი გაუჩნდა ნათიას, როგორ ეთქვა მეუღლესთვის, ამდენი წლის უნახავი შვილი ვერ მომყავს შენთანო, ან ის როგორ აეხსნა, რომ ზურიკოს გაჰყვა ცოლად, მიუხედავად აკრძალვისა. როგორც იქნა, სიტყვებს ძლივს მოუყარა თავი და უთხრა ცოტნეს, რაც მოხდა – მანაც თითქოს მზად იყო ამ ყველაფრისთვის ისე მიიღო და თან დასძინა:

– აბა, რა გეგონა, მანდ რომ წაიყვანე? როგორ დაიჯერე, რომ ერთმანეთს არ ესაუბრებოდნენ, ან როგორ გამოგეპარა, შვილი ვის ელაპარაკებოდა.

ნათიამ სთხოვა ქმარს, სანდროსთვის აეხსნა ყველაფერი ისე, რომ ჩხუბი არ დაენყო – რაც არის, არის უკვე ვერაფერს ვიზამთო, ჩვენი შვილის არჩევანი ეს არის, ვიცით მაინც, ვის გაჰყვა ცოლად, ისიც ვიცით, როგორი ბიჭია ზურიკოო. თავს ამით იმშვიდებდა ნათია და მეუღლესაც ამით ანუგეშებდა.

როგორც იქნა, გაჭრა მამის საუბარმა სანდროსთან და შეეგუა დის გადაწყვეტილებას, მაგრამ სიბრაზე ჯერ კიდევ არ განელებოდა, საყვედურს მაინც იტყოდა ხოლმე ზურიკოზე და არც დას დააკლებდა მწარე სიტყვებს. დაბრუნდა ნათია საქართველოში მარტო. ყველაფერი შეცვლილი ეჩვენებოდა, ადამიანებიც კი. ქორწილის გადახდა გადანყვიტეს საბერძნეთში, რადგან ზურიკო ჯერ ჩამოსვლას არ გეგმავდა, ამიტომ ყველანი გაემგზავრნენ, ქვეყანასაც ვნახავთ და შვილის ქორწილსაც

დავესწრებითო. ძალიან უხდებოდა თეთრი კაბა მართას, მისი თვალები ვარსკვლავებივით ციმციმებდნენ ბედნიერებისგან, კიდევ უფრო გახარებული იყო, ძმამ რომ აპატია და ქორნილს დაესწრო, მამა გულში იხუტებდა მონატრებულ შვილს და ცრემლები უნებურად ადგებოდა თვალებზე.

ქორნილის შემდეგ ნათია ისევ საფრანგეთში გაემგზავრა, ცოტნე და სანდრო რამდენიმე დღით დარჩნენ საბერძნეთში და შემდეგ საქართველოში დაბრუნდნენ.

ზურიკო მუშაობდა, მართამაც დაიწყო მუშაობა, ენაც სწრაფად აითვისა და არც ადაპტაცია გასჭირვებია. ყველაფერი სიყვარულით იყო გაჯერებული, ერთმანეთის სჯეროდათ და ენდობოდნენ, მშობლებიც ხარობდნენ შვილების ბედნიერებით. ერთი წლის თავზე გოგონა შეეძინათ, ხან მართას ამსგავსებდნენ, ხან – ზურიკოს. მოულოდნელად ზურიკომ სამსახური დაკარგა, მართა ბავშვის გამო ვერ ახერხებდა მუშაობას, ამ ყველაფერმა ძალიან იმოქმედა მათ ურთიერთობაზე, ოჯახში კამათი მოსდიოდათ – რთული აღმოჩნდა უცხო ქვეყანაში უმუშევრად ყოფნა, ამიტომ გადანყვითეს სამშობლოში დაბრუნებულიყვნენ. დაემშვიდობნენ საბერძნეთს და წავიდნენ ზურიკოს ბაბუის დანატოვარ სოფელში, – ვიშრომებთ და ყველაფერი გვექნებაო. ნათიაც ეხმარებოდა შვილს, ხელფასის ნახევარს მართას უგზავნიდა, მეორე ნახევარს კი ოჯახს. ეკამ უარი განაცხადა დახმარებაზე, – თუ ოჯახი შექმნეს, თვითონვე მიხედონ საკუთარ თავსო. ერთი წელი ძლივს, ვაივავალახით გაიტანეს თავი, ზურიკო ძალიან შეიცვალა: ნათიას გამოგზავნილ ფულს გამოართმევდა ხოლმე მართას და ორი დღით სადღაც გადაიკარგებოდა, რომ ჰკითხავდა ცოლი, – სად იყავიო, ბრაზდებოდა და ყვიროდა.

მართა ცდილობდა, არავისთვის არაფერი ეთქვა, არ სურდა მშობლები გაენერვიულებინა, მაგრამ უკვე მარტო ველარ უმკლავდებოდა და დედას მოუყვა ყველაფერი, ნათიამ ისევ საკუ-

თარ თავზე აიღო პასუხისმგებლობა და შვილს უთხრა: – ფულს გამოგიგზავნით, საბუთები მოაწესრიგეთ და სამივე ჩემთან ჩამოდითო. ეს შეთავაზება ძალიან გაუხარდა ზურიკოს, სამსახურს ვიშოვი და ყველაფერი დალაგდებაო, – ამბობდა. რამდენიმე თვეში საფრანგეთში ჩავიდნენ ბავშვთან ერთად. ნათიამ, სადაც მუშაობდა, იმ ოჯახს სთხოვა, – ქვედა სართული ცარიელი გაქვთ და მომაქირავეთო – ისინიც დათანხმდნენ, თუმცა, კი არ მიაქირავეს, ათხოვეს, თან შეპირდნენ, – შენს სიძეს ჩვენ დავასაქმებთო. ასეც მოხდა, ახლა ყველა მუშაობდა, ბავშვს ნათია იტოვებდა, მოხუცთან ერთად უვლიდა, სალამოს სახლში მოსულ მართას ჩაუყვანდა. ერთი შეხედვით, თითქოს ყველაფერი რიგზე იყო, მაგრამ პატარა წვრილმანი და მაშინვე ყვირილს იწყებდა ზურიკო, სულ მიზეზს ეძებდა, რომ ეჩხუბა მართასთან, თითქოს სხვა ადამიანი ჩასახლდა მასში – ის სიყვარული, რაც მართას მიმართ ჰქონდა, გამქრალიყო და მხოლოდ ვალდებულებები შერჩენოდა მის მიმართ – ამასაც ძალდატანებით აკეთებდა. მართა კი სულ ცდილობდა, როგორმე ესიამოვნებინა მეუღლისთვის და ამის გამო რას არ იგონებდა, თუმცა ამაოდ – მის გულს ვერა და ვერ იგებდა. ძალიან დარდობდა მართა, ყველაზე მეტად ზურიკოს დაკარგვის ეშინოდა, ბევრჯერ უფიქრია – ვაითუ ნავიდეს ჩემგან, მე რა მეშველება შემდეგ მის გარეშო.

ერთ სალამოს ზურიკო ნასვამი მივიდა სახლში და აყვირდა ისე, რომ მეორე სართულზე ნათიამაც კი გაიგონა. როცა ჩამოვიდა, შვილი სახეაღწევილი დახვდა, ბავშვი ტიროდა, ზურიკო კი ნადირს უფრო ჰგავდა, ვიდრე ადამიანს! შეეცადა, სიტუაცია განემუხტა და ზურიკოს დამშვიდება დაუნყო, მოეფერა კიდეც. ჰკითხა, – რა მოხდაო. მანაც ხელის აქნევით უპასუხა, – ეგ შენს შვილს მოკითხეო. გახედა ნათიამ შვილს და მანაც უპასუხა:

– არაფერი არ ვიცი, დედა, საჭმელს ჭამდა, წყალი მთხოვა, მივუტანე და ხელი ამიკრა, ამ ჭიქით რატომ მომიტანეო, როცა სულ ამით სვამს წყალს.

მეორე დღეს ზურიკომ სამსახურში წასვლა არ ისურვა, დავილაღე, უნდა დავისვენოო, – განაცხადა, ნათიამაც არ დააძალა, ბავშვი მას დაუტოვა და სამსახურში წავიდა. ასე გრძელდებოდა უკვე დღეები; რამდენიმე კვირის შემდეგ ზურიკომ განაცხადა, – აქ არ მინდა, სხვა ქვეყანაში უნდა წავიდე, იქ ავეწყობი და შენც წავიყვანო.

რა გაეწყობოდა – რომც ეთქვა, არ წახვიდოო, უარესად გაბრაზდებოდა და მაინც წავიდოდა, ამიტომ დაეთანხმა მართა. ცრემლიანი თვალებით გააცილა მეუღლე, სთხოვდა, რაც შეიძლება მალე წავიყვანე, თორემ უშენოდ აქ ვერ გავძლებო; ისიც დაპირდა – ყველაფერს დავალაგებ და წავიყვანთო!

ისე მიდიოდა, თითქოს ციხეში იყო და გაანთავისუფლეს, სიხარულისგან ცას წვდებოდა, ერთი სული ჰქონდა, როდის გავიდოდა სახლიდან. მართას მოხვეული ხელები ყელიდან მოიცილა, ნაძალადევად აკოცა, ბავშვს დაემშვიდობა და წავიდა.

მიუხედავად იმისა, სხვაგან იქ ცხოვრების მოწყობას ფიქრობდა, პირიქით მოხდა: საფრანგეთიდან გახდა ზურიკო მართას და ნათიას საპატრონო, ხშირად სვამდა კიდეც, სულ რამდენიმე თვე დარჩა იქ და დიდი თხოვნა-მუდართი დაბრუნდა ისევ საფრანგეთში. სიხარულისგან არ იცოდა, რა ექნა მართას, როცა ქმარი დაბრუნდა – ოღონდ ჩემს გვერდით იყავი და სხვა არაფერი მინდაო, – ამბობდა. ამჯერად სამსახური ვერ იპოვა, ხანდახან თუ გამოჩნდებოდა რამდენიმე საათის სამუშაო და ეგ იყო სულ. ამიტომ სახლში იჯდა და კომპიუტერთან თამაშობდა, იმდენად ჩაითრია ამ თამაშებმა, ჭამაც კი ავიწყდებოდა ხოლმე. როცა რაიმე დახმარებას სთხოვდა მართა, ყვირილს მორთავდა და ეჩხუბებოდა.

ახლა უკვე ჩხუბსაც არ აკმარებდა და ხელითაც ეხებოდა – რომ არა ნათიას მოულოდნელი მისვლა მათთან, მართა ისევ დამალავდა ზურიკოს უხეშობას. დედამ

შეამჩნია შვილის ჩალურჯებები, ჰკითხა კიდეც, მართა შე-

ეცადა დამალვას, მაგრამ ამჯერად არ გამოუვიდა, განრისხებული ნათია სიძეს ეჩხუბა, – ეს რა გიქნიაო. არც ზურიკომ დატოვა უპასუხოდ, თამაშს თავი დაანება და ყვირილით მიუგო:

– რაც შენი საქმე არ არის, იქ ცხვირს ნუ ყოფ!!! – ხელი აუქნია და გარეთ გავარდა. სალამო იყო, გარეთაც ისმოდა ხმა, ერთმა მეზობელმა სახლის პატრონს მეორე დღეს უთხრა, შენი სახლიდან ყოველდღამით ჩხუბის ხმა გამოდისო, ამიტომ ნათიას უთხრეს, – ძალიან დიდი პატივს გცემთ, მაგრამ ასე გაგრძელება არ შეიძლება, დატოვონ სახლი და სხვაგან გადავიდნენო. რა გაეწყობოდა, ცოტა დრო ითხოვა, სანამ რაიმეს იპოვიდა – ისიც დასთანხმდა. სამუშაოს დასრულების შემდეგ ისევ ჩავიდა ნათია შვილთან, ზურიკო ისევ კომპიუტერთან იჯდა; უთხრა, რისთვისაც იყო მისული. ზურიკოს არც კი გამოუხედავს, ისე უპასუხა, – მე მაინც მივდივარ საქართველოში და არ იდარდო. გაოგნებული უყურებდა მართა მეუღლეს, – შენ მიდიხარ და მე და ბავშვს რას გვიპირებო, – ჰკითხა.

ზურიკომ პასუხი არ დააყოვნა:

– თუ გინდათ წამოდი, ძალას არ დაგატანთ!

ცრემლიანი თვალებით გახედა დედას მართამ, თითქოს მისგან ელოდა ამ ჩიხიდან გამოსავლის პოვნას. ის ხომ ერთადერთი იყო, ვინც ყოველთვის გვერდით ედგა, უანგაროდ ეხმარებოდა და არ ტოვებდა მარტო არასოდეს. ნათია შვილს დაეკითხა – შენ რას აპირებო. მხრები აიწურა მართამ და უპასუხა:

– მეც წავალ, მის გარეშე აქ ვერ გავეჩერდები.

არც ზურიკოს გაუწევია წინააღმდეგობა და რამდენიმე დღეში დაემშვიდობნენ ნათიას, დაბრუნდნენ საქართველოში, ისევ ბაბუის დანატოვარ სახლში, სოფელში.

ჩასვლის დღიდან სულ ტელეფონში მესიჯობდა ზურიკო, ღამით გარეთ გავიდოდა და საათობით საუბრობდა; როცა დაეკითხებოდა მართა, – ვის ესაუბრებიო, ბრაზმორეული ეტყოდა ხოლმე, – შენს საქმე მიხედე, ცხვირს ნუ ჰყოფო.

ერთ დღესაც, დილით, როცა გაიღვიძეს, ზურიკომ ღიმილიანი სახით უთხრა მართას: მოდი, დღეს ქალაქში წავიდეთ, შენებიც ვნახოთ და ჩემებსაც ვესტუმროთ, სიხარულით დათანხმდა მართა, მაშინვე ადგა და მომზადება დაიწყო, ბავშვს ჩააცვა და წავიდნენ; ქალაქში სიხარულით მიიღეს ზურიკოს მამამ და ძმამ, რამდენიმე დღე გაჩერდნენ და მერე მართას მშობლებს ესტუმრნენ, რომლებსაც ქალაქის გარეუბანში სახლი აეშენებინათ და იქ გადასულიყვნენ საცხოვრებლად. ძალიან გაახარა შვილიშვილის სტუმრობამ ბაბუა ცოტნე; რაც ჩამოვიდნენ, სულ რამდენჯერმე ჰყავდა ნანახი, სანდრო ეფერებოდა პატარა დისშვილს. რამდენიმე დღით გადანყვიტა მართამ მამასთან დარჩენა და ზურიკოსაც უთხრა, მან კი საძინებელში გაიყვანა, თითქოს დიდ საიდუმლოს ეუბნებოდა, ყურთან მიუტანა ტუჩები და უთხრა:

– დღეიდან სულ აქ იქნები, ისედაც.

მართამ გაკვირვებულმა შეხედა ქმარს და დაეკითხა:

– ამას რატომ ამბობ, სულ აქ რა მინდა, სადაც შენ იქნები, მეც იქ უნდა ვიყო.

– მე მივდივარ, მართა, ასე გადავწყვიტე, შენთვის რთული იქნება ამის მოსმენა, მაგრამ უნდა გითხრა.

– რა უნდა მითხრა? – ეს ისე ჰკითხა, თითქოს უკვე იცოდა, რასაც ეტყოდა, მაგრამ მაინც დაეკითხა.

– მე შენ აღარ მიყვარხარ. ამიტომ ჩვენ ერთად ვერ ვიქნებით, საკმაოდ დავტანჯეთ ერთმანეთი, ჯობს, დავიშალოთ, შენ შენი გზა მონახე, მე ჩემსას ვნახავ.

უნებურად გადმოსცვივდა ცრემლები მართას, ძალიან ეცადა, არ ეტირა, მაგრამ ვერ შეძლო, ყველაზე ძლიერ ქალად ახლა სურდა მოეჩვენებინა თავი ზურიკოსთვის, მაგრამ არ გამოუვიდა, არ ეყო ამის ძალა, მუხლები მოეკვეთა და ჩაიკეცა, ხელი იქვე დადებულ სკამს დაადო და გაჭირვებით ჩამოჯდა, დანამული თვალებით ახედა ზურიკოს.

– რა დაგიშავე? ან რა დავაშავე იმის ფასი, რომ ასე მიმეტებ? მე კი უღმერთოდ შემიყვარდი და მიყვარხარ. ნუთუ არც არასოდეს გყვარებივარ?!

– მიყვარდი და ახლაც მიყვარხარ, მაგრამ არა ისე, როგორც უნდა იყოს, ამიტომ სჯობს, წავიდე. არ მინდა შენი ძმის და მამის ნახვა. როცა წავალ, მერე უთხარი ყველაფერი, ბავშვს დავემშვიდობები და მე წავალ ჩემი გზით...

თითქოს რობოტად იქცა მართა და დაემორჩილა ზურიკოს სიტყვებს. არც კი ამდგარა სკამიდან, არც კი გაუხედავს მისკენ, მან კი კარი გაიხურა და როგორც ქურდი გაძარცვული სახლიდან, ისე გაიპარა. მანქანაში როგორც კი ჩაჯდა, მაშინვე ვილაცას დაურეკა და ბედნიერი სახით უთხრა, – მოვდივარო. მთელი სისწრაფით დაძრა მანქანა ადგილიდან და წავიდა.

მეორე დილით ტელევიზორმა სამწუხარო ინფორმაცია გადმოსცა – გადაჭარბებული სისწრაფით მიმავალი მანქანა გზიდან მდინარეში ჩავარდა, რის შედეგადაც მძღოლი ადგილზევე გარდაიცვალა, ახალგაზრდა ქალი კი მძიმე მდომარეობაში რეანიმაციაში, სიცოცხლისა და სიკვდილის გასაყარზე წუთებს ითვლიდა.

დილით შვილმა დაასწრო მართას გაღვიძება – იმ საღამოს არაფერი უთქვამს მამისთვის და ძმისთვის, გაჩუმება ამჯობინა, როგორც ზურიკომ დაარიგა. ატირებული ბავშვი დედას გაღვიძებას თხოვდა, თმებზე პატარა ხელებს უსვამდა, გულამოსკვნილი ტიროდა, მაგრამ დედას მისი არ ესმოდა, ის უღრუბლო ცაზე ნელი სვლით მალლა მიიწევდა და ზურიკოს დაეძებდა სევდიანი თვალებით...

ემიგრანტის დღიურიდან

კვირა დღე ემიგრანტებისთვის ეს არის განტვირთვის, დასვენების, ერთმანეთის ნახვის და პრობლემების მოგვარების დღე. იქ საქართველოდან ყოველ წამს რომ ფულს ითხოვენ, ხომ უნდა გადაუგზავნოთ? თორემ, შეიძლება, ერთ დღეს ტელეფონზეც არ გვიპასუხონ. რატომ? იმიტომ, რომ ისინი უკვე ვალდებული გახდნენ, ფული ვაგზავნოთ; ჩვენ – ემიგრანტების უმეტესი ნაწილი ხომ ფულის საჭრელ მანქანად ვიქეციტ და არავინ ფიქრობს, რა შრომის ფასად გვიჯდება ეს ყველაფერი – თუ არ გვეყო, უნდა ვიპროცენტოთ! ამისთვის არიან ისევ ქართველები, მოგაპროცენტებენ და მერე, საცოდავო ჩემო თავო, თუ დროზე არ გადაუხადებ, დაბადებას განწყევლინებენ!

ომონია ადგილია, სადაც ქართველობის უდიდესი ნაწილი თავს იყრის; მეც, რა თქმა უნდა, ერთ-ერთი მათგანი ვარ, მიწვევს გავიდე და აღებული ფული გადავაგზავნო საქართველოში; ის მეგობრები, თუ ვერ გამოდიან, გვთხოვენ, რომ დავეხმაროთ და გავუკეთოთ, რაც სურთ – ამიტომ მეგობრის თხოვნით, ფული წავიღე, რომელიც პროცენტით ჰქონდა ნასესხები ქართველისგან.

...ადამიანები აჩქარებული ნაბიჯებით დადიან, სახეზე იშვიათად თუ შეატყობ ვინმეს რომ ბედნიერია – ყველას თვალეში სევდას და მონატრებას ამოიკითხავ. ეკლესიის წინ ჩამომსხდარან ქართველი დედები, რომლებიც შრომით ქანცგანწყვეტილნი არიან და იმის ფულსაც ვერ იმეტებენ თავისთვის, რომ თუნდაც ყავა დალიონ, ბინა იქირაონ და ის ერთი დღე, რომელიც განკუთვნილი აქვთ, დაისვენონ ნორმალურად: სხედან და ერთმანეთის გასაჭირს ისმენენ, ხშირად აღაპყრობენ თვალეებს ზეცისკენ და უფალს მადლობას სწირავენ, რომ შვილები კარგად ჰყავთ. საკუთარი თავი არავის ადარდებს – ალბათ, არც იმ შვილებს, რომლებიც ყოველი დარეკვისას ფულს ითხოვენ!

მივდივარ და გული დარდით მევსება ხოლმე, ცოტა კიდევ

გავიარე და რას ვხედავ -ქართველი ლამაზმანები უცხოელ მა-
მაკაცებთან ერთად ყავას მიირთმევენ.

ვფიქრობ ჩემთვის: ნეტავ, ვინ მისცა უფლება, ასეთ ლამაზ
ქალს, რომ ოჯახი დაეტოვებინა – ნუთუ ქმარმა, ძმამ, ან კიდევ
მამამ ასე შორს, სრულიად მარტო გამოუშვა? რაიმე რომ შეეშა-
ლოთ, ვინ გამოვა მტყუანი? ისევ ეს ლამაზმანი ქართველები...

ამხელა ქალს ეს როგორ შეგეშალაო, – იტყვიან. არადა, ისინი
ხომ ახლა იწყებენ ცხოვრებას – მათ ხომ ახლა სჭირდებათ სი-
ყვარული, რა ქნან? რობოტად იქცნენ? ვინ არის დამნაშავე ამ
ყველაფერში? ვფიქრობ და პასუხს ვერ ვცემ საკუთარ თავს.
თვალებით ვეძებ იმ ქალს, რომლისთვისაც ფული მაქვს მისა-
ტანი. უცებ ტელეფონი რეკავს, ვპასუხობ, იქიდან მესმის ხმა...

– მე აგერ ვარ, გამეიხედე გვერდზე.

– ვინ თქვენ, ქალბატონო? – ვეკითხები ცოტა დაბნეული.

– ვინ და ფული რომ გამოგატანა; მივხვდი, შენ რო იქნებოდი.
ისე აცეცებ მაგ თვალებს, მე მეძებ, აგერ აქ ვზივარ, კაფეში...
მესაუბრა ჩახრენწილი ხმით, რომელიც მამაკაცისას უფრო
ჰგავდა, ვიდრე – ქალის ხმას!

გავიხედე იქითკენ, სადაც კაფე იყო და ვხედავ: სამი ქალბა-
ტონი ზის, ერთი მათგანი მიქნევს ხელს, ტელეფონს ვთიშავ და
მივდივარ მათთან.

მივედი და ჩემს წინ ზის სამი ქალბატონი, საკმაოდ მძიმე ნო-
ნის, ისე, რომ სკამებზე ძლივს ეტევიან; მაგიდაზე დაუყრიათ
სიგარეტის კოლოფები, ჩანთები მკერდზე აქვთ მიდებული. სა-
ფერფლე სავსეა ნამწვავებით, ასევე, მაგიდაზეა მიმოფანტული
სიგარეტის ნამწვავები. ყავას მიირთმევდნენ. ერთს რვეული
ეჭირა ხელში, ალბათ, მევალების სიაა-მეთქი, ვფიქრობ.

– გამარჯობა! თქვენთან მაქვს ფული მოსატანი? – დავეკითხე.

– კი, ჩემთან გაქვს. ახლა დამირეკა ლამარამ და მითხრა:
ერთი ლამაზი გოგო მოვა, იმას გამოვატანე ფულიო.

– მოიცა, დავურეკავ და დაგალაპარაკებთ, ნამდვილად

თქვენ ხართ თუ არა. – მაინც ეჭვი შემეპარა და ტელეფონზე მეგობრის ნომერი ავკრიფე.

– ე, უყურე ახლა ამას შენ, რავა, მევიტყუები თუ?! – მითხრა ბრაზმორეულმა.

– არა, ქალბატონო, ეს არ მიკადრებია. მე უნდა გადავამოწმო, სწორად ვარ თუ არა მოსული. ველოდები, როდის მიპასუხებს მეგობარი.

ვურეკავ მეგობარს და გავარკვие, რომ ზუსტად იქ ვარ, სადაც გამომიშვა. ჩავუთვალე ფული და გამოვედი, თუმცა იმდენად დამაინტერესა მათმა იქ ყოფნამ, რომ იქვე დავდექი. არ გასულა ცოტა ხანი და მივიდა ერთი შავებში ჩაცმული

ქალი, წელში ნახევრად მოხრილი. ვიფიქრე, ნეტავ ამან ვის უნდა მოუაროს, თვითონ მოსავლელია-მეთქი. გულში რაღაც ჩამწყდა მის შემყურეს.

რამდენიმე წამში მესმის ყვრილი.

– გოგო, ეგ ფული შენზე კი არ მაქ ნაშოვი, შენ რო გასარგებლო, რას ქვია, ავად ხარ და არ მომიტანე, რაში მაინტერესებს შენი ავადმყოფობა მე; დროზე, როგორც გინდა, ფული იშოვე და მომიტანე!!!

კაპასობდა მსუქანი ქალი, რომელიც ჩაკეხებული იყო სკამზე – ისე, რომ გეგონებოდათ, ჩააჭედესო!

ისე ყვიროდა, რომ ირგვლივ მყოფებს ესმოდათ მისი ხმა. ჩქარი ნაბიჯებით მოსიარულე ადამიანებმა შეანელეს სვლა და თან იმ საცოდავ ქალს შესცქეროდნენ, ყველას ინტერესი კლავდა, რა ხდებოდა...

შავებში ჩაცმულმა ქალმა ტირილი დაიწყო.

– ღმერთი არ გნამს?! როდის იყო, დათქმულ დროს არ მომეტანოს ფული, ახლა გამიჭირდა, მაცადე ცოტა ხანი; ჩემი შვილის ძვლებს ვფიცავარ, მომდევნო კვირას მოგიტან და პროცენტსაც დავამატებ...

– მოიტან, აბა რას იზამ, სად გამექცევი. მასე ადვილად რომ

ეკარგავდე ჩემ ნაშრომს, ახლა შენსავით უფულო ვიქნებოდი!!!

ამ კამათში კიდევ ერთი ქალი მოვიდა, ჩაუთვალა მეპროცენტეს ფული, მადლობა გადაუხადა და წავიდა...

როგორც იქნა, შეთანხმდნენ, რომ მომდევნო კვირას თავის პროცენტიანად მიიტანდა ფულს. წავიდა საბრალო ქალი.

ერთმანეთში გადაილაპარაკეს.

– ასე თუ გავაგრძელებთ, კარგ ფულს ვიშოვით.

ცოტა ხანში შემდეგი მევალეც მივიდა. ისეთი ლამაზი და მომხიბვლელი ქალი იყო, თვალი ვერ მოვწყვიტე, გულში გავიფიქრე, – ეხ, დედოფლობა უფრო შეგეფერება, ვიდრე მოსამსახურეობა-მეთქი! მაგრამ რას ვუზამთ ამ ჩვენს ბედკრულ ცხოვრებას. ფული გადასცა მეპროცენტეებს და დაემშვიდობა. წუთი არ გასულა, რომ ვინმე არ მისულიყო მათთან.

ახლა ახალგაზრდა გოგონა მივიდა, ალბათ, ოცდაათ წლამდე თუ იქნებოდა – ლამაზი, ისეთი, რომ იქვე მჯდომი მამაკაცებისა და ქალების ყურადღება მიიქცია. რამდენიმე წამში ისევ ხმამაღალი ლაპარაკი ისმოდა.

– შე პაკისტანელის ნათრევო ქალო, მომატყუო გინდა, ხო, დროზე ფული მომიტანე, თვარა დოურეკავ შენ ქმარს და გავაგებინებ, რავარი ცოლი ყავს. – თითის დაქნევით ემუქრებოდა.

გოგონა ატირდა.

– სად მნახე რომ პაკისტანელთან ვიყავი, რეებს როშავ, ჩემი გაჭირვება მყოფნის და ჯობია, ენა გაკმიდო, თორემ საკუთარ თავზე არ ვაგებ პასუხს...

– ნადი! ნადი! ამ ერთხელ მიპატიებია და მომდევნო კვირას პროცენტიანად მოიტან ყველა ფულს...

გოგონა თავდახრილი და შერცხვენილი წავიდა. ყველამ თვალი გააყოლა, რა არ იფიქრეს, ალბათ, ირგვლივ მყოფებმა...

როგორც იქნა, იმ სამიდან ერთი გამოდგა ღვთიან-მადლიანი და უსაყვედურა მოჩხუბარ ქალს.

– გოგო, ასე რო ეჩხუბები ამ ხალხს, გაგისტუმრებენ ამ ვა-

ლებს და ეგერ წავლენ ნათელასთან და იქედან ეილებენ პროცენტიანს, ხო იცი, რაფერ ლმოზიერად ეპყრობა მეპროცენტეებს? ეგ კი არა, ხანდახან თურმე ეცოდება მასთან მისულები და ჩუქნის ფულს, შენ რაი დეგეტაკა, რომ დანამლე ეგი ხალხი?!

– დამანებე ერთი თავი, მოშლილი მაქ დღეს ნერვები, ჩემ ქმარს საყვარელი გოუჩენია და ამ დილით გევიგე...

– დიდუ, რას ამბობ გოგო, მაი არაა კაი ამბავი!

მეც დავიღალე იმათი ცქერით და წამოვედი, მოვდივარ, მეტროში უნდა ჩავიდე და ქართველი ქალი მეუბნება:

– შვილო, ბილეთი ხომ არ გაქვს, რომ მომცე, ისეთი, რომ არ გინდოდეს.

– არა-მეთქი, – ვუპასუხე და წამოვედი.

უკნიდან მესმის ხმა. გვერდით ჩამიარა ერთმა ქალბატონმა, მეტროდან ამოსულმა და ბილეთი მიაწოდა იმ ქალს, რომელმაც მე მთხოვა.

– აილე დეიდა, დრო კიდევ აქვს დარჩენილი და გამოგადგება! ლოცვა მიაწია გზაში ქალმა კეთილ ქალბატონს, დამეწია და ჩემთან ერთად წამოვიდა.

– ესაა ცხოვრება, შვილო, ბილეთის ფულს ვერ ვიმეტებ ჩემ თავიზა, ასე ვთხოვ სხვას.

– რას ვიზამთ, ქალბატონო, იქ ბევრი სჭირდებათ, მაგრამ ცოტას თქვენს თავზეც თუ იფიქრებთ, უკეთესი იქნება, – ვუპასუხე.

– ეხ, ჩემი თავი კაი ხანია, არ მახსოვს უკვე...

დღე, რომელიც გინდა კარგად გაატარო, ცოტა განიმუხტო, შეიძლება სულაც არ აღმოჩნდეს ისეთი, როგორიც გქონდა დაგეგმილი. მთელი დღის განმავლობაში ის ქალბატონები მეფიქრებოდნენ. მეგობრები ვინახულე, ცოტა ვისაუბრეთ და დალილ-დაქანცული დავუბრუნდი ისევ ჩემს სამუშაოს. ბებომ, როგორც ყოველთვის, ღიმილით შემომხედა, მივედი, შუბლზე ვაკოცე და სავარძელში ჩავჯექი არაქათგაცილილი. დასვენების ნაცვლად ნერვიულობაც შემხვდა და დალღაც. აი, ასე ხდება ხოლმე იმ ერთ დღეს, როცა დასვენება გვეკუთვნის!

მე, ბურთი და ჭირვეული ბაბუა!

ჩემი ბავშვობის წლები ფერადი იყო, როგორც ცისარტყელა; ამას ისიც ემატებოდა, რომ სოფელში ვიზრდებოდი – ბებია-ბაბუასთან, თან ნანატრი შვილიშვილი ვიყავი. თურმე, წლები ელოდნენ ჩემს დაბადებას!

ჩემი სოფელი გამორჩეული იყო როგორც ბუნებით, ასევე, ხალხითაც – ყველას ერთი დიდი ოჯახი, ერთი ტკივილი და სიხარული გვქონდა. ირგვლივ მედიდურად აზვირთული გორები ზემოდან დაგვეყურებდა – ძირითადად, ნაბლის ხეები სჭარბობდა. ყოველ შემოდგომაზე დავდიოდით მთელი სოფლის ბავშვები ნაბლის შესაგროვებლად, თუმცა, არცთუ სასიამოვნო პროცესი იყო ნაბლის “აბოჭვა” მინიდან, მისი ხინვები სულ მესობოდა თითებში თუ ფეხისგულეებზე. რამდენჯერ დავგორებულვარ ამ ნაბლით მოფენილი გორაკიდან, დამცდენია ფეხი და სულ კივილ-კივილით ჩავგორებულვარ ქვემოთ! არადა, არ ვანებებდი თავს. იქვე ერთი ოჯახი ცხოვრობდა, ტყის ბინადარს ვეძახდით ბავშვები, ძაღლები ჰყავდათ, გვეშინოდა, თუ დაგვინახავდნენ, ყეფით გამოგვეკიდებოდნენ და ჩვენც კისრისტეხით გამოვიქცეოდით ხოლმე. ერთ სახალისო ამბავს მოგიყვებით:

– ებიჯო, გიაია, დაარტყი მაგ ბურთს, რო დაყუდებულხარ მაქანე!!! – თითქმის ყოველთვის ასე იწყებოდა თამაში.

სოფელში ახალგაზრდებს ფეხბურთის სათამაშოდ გამოყოფილი მხოლოდ ერთი ადგილი ჰქონდათ. ქუჩას ორივე მხრიდან სახლები ამშვენებდა. ერთ სახლში მე და ბაბუა ვცხოვრობდით.

ერთხელ ბურთი ეზოში, ჩემს ბოსტანში გადმოვარდა, რომელსაც ბაბუა საგულდაგულოდ უვლიდა ხოლმე.

– შენ, ბიჯო, მაგ ფეხი მოქცეული ხო არ გაქვს?! რავა სულ ამ ბოსტანს უმიზნებ, რა არი ეს!? ნადი და გადმეიტანე ახლა ბურთი!!! – გაბრაზებულმა მოთამაშემ დაუყვირა გიაიას.

ბიჭები ღობის ჭრილში იჭყიტებოდნენ, რათა გაერკვიათ, ხომ არავინ ხედავდა მათ, ეზოში რომ გადმოსულიყვნენ.

მე და ბაბუა სახლის ქვედა სართულის აივანზე ვისხედით და ქუჩაში მოთამაშე ბავშვებს თვალს ვადევნებთ.

ჭრილიდან რომ ვერავინ შენიშნეს, უკვე ღობეზე აბობლდნენ და იქიდან შეხედეს ბურთს, სად ეგდო. ბაბუა დადარაჯებული იყო ხოლმე. როგორც კი შეამჩნია, ჭინკებივით რომ ამოყვეს თავები ღობეზე, მაშინვე წამოხტა სკამიდან და შეჰყვირა:

– ჰაიტ, თქვე სოფლის ჭირებო! ისევ გადმოვადეთ, ხო, ბურთი ეზოში?!

ჯოხს წაავლო ხელი, რომელიც იქვე ედო და ბოსტნისკენ ჩქარი ნაბიჯებით წავიდა.

– ხო დამიჯეგეთ ეზო! ხომ ვერ გავახარე ქინძი და ოხრა-ხუში, თქვენი გადამკიდე! რო შემოესევით თხებივით და მისპობთ ყველაფერს?!

როგორც იქნა, მივიდა ბურთთან, მოკიდა ხელი და წამოვიდა სახლში. ღობის გადალმიდან ბავშვები საცოდავი თვალე-ბით იმზირებოდნენ, უკვე იცოდნენ, რა მოელოდა მათ ბურთს. განრისხებული მოხუცისთვის ხმის გაცემას ვერავინ ბედავდა, მხოლოდ იმ ბიჭს ებუზღუნებოდნენ: დაჭრის ახლა ისევ იმ ბურთს და ისევ იყიდი შენო.

ბაბუა მოვიდა ჩემთან, მე ისევ აივნიდან ვადევნებდი თვალ-ყურს. მომიჯდა გვერდით, ბურთი კალთაში ჩაიდო, ჯოხი გვერდით დადო, ჯერ კიდეც განრისხებული იყო ბავშვებზე, როგორც ჩვეოდა ხოლმე, გაგულისებული იმზირებოდა ღობისკენ და იმუქრებოდა.

– კარგი რა, ბაბუ, კარგი, ცოდვეები არიან. ახლა მაინც არ დაუჭრა ეს ბურთი, – შემპარავად ვუთხარი ისე, რომ მისკენ არ გამიხედავს, რადგან უკვე პასუხიც ვიცოდი, რას მეტყოდა.

– შენ ენა გააჩუმე, ახლა, თვარა ამ ბურთივით გისროლე ეზოდან! – მკვახედ მომაცხა.

გამეცინა მის სიტყვებზე, თუმცა, არ მინდოდა შეემჩნია და ისევ გავუბი საუბარი.

– ბაბუ, შენ ბავშობაში ფეხბურთს ხომ თამაშობდი? თქვენ არ გადაგვარდნიათ ბურთი ვინმესთან ეზოში? – ვცდილობდი, როგორმე ხასიათზე მომეყვანა.

გამომხედა და მიპასუხა:

– სად იყო ბაბუა ჩემს დროს ბურთი?! – შევატყვე, რომ განრისხებული სახე მაშინვე შეეცვალა.

– აბა? რითი ერთობოდი ბავშვები?!

– ეხ, ბაბუა, ჩემ დროს ომი და გაჭირვება იყო, ვის ეცალა ჩვენთვის. ჭინჭებს შევკრავდით, დავამრგვალებდით და დავსდევდით იმას ბაღნები. ის ვერც ვინმეს ეზოში ჩავარდებოდა და ვერც მაღლა აისროდი, მარა მინდორი გვექონდა იმისთანა, ბაბუა, ცხენს გააჭენებდი. წავალ ახლა მე, წამოვნეები ცოტას გავმართავ ნელს.

სკამიდან წამოდგა. ცალ ხელში ბურთი ეჭირა და მეორე ხელით ჯოხს დაეყრდნო.

– ბაბუ, დამიტოვე მაგ ბურთი, მე ვითამაშებ, – ვცდილობდი დამეტყუებინა და ბურთი ბავშვებისთვის დამებრუნებინა. ისინი ჯერ კიდევ ჩვენი ღობის კუთხეში ისხდნენ და ხმამაღლა ყიჟინებდნენ.

– ნადი ახლა, დემეკარგე აქიდან! ვიცი, რაცხას ითამაშებ შენ?!

– ისე მიიკრა ბურთი გულზე, თითქოს წართმევას ვუპირებდი.

შევიდა სახლში, ერთი ჭიქა შავი ღვინო გადაჰკრა, რომელიც სანოლთან ედო ყოველთვის, ბურთი თავისი სანოლის ქვემოთ შეაგორა და დანვა.

ქუჩიდან მაშინვე შეამჩნიეს, რომ ბაბუა უკვე არ იყო აივანზე და მე დამიძახეს დასახმარებლად. ახლაც ჭინკებივით ამოყვეს ღობეს ზემოთ თავები.

– მოდი, საქმე გვაქვს შენთან! – მაშინვე მათთან გავედი ჭიშკართან, ვითომ არც ვიცოდი, რა უნდოდათ.

– შენ ხომ ჩვენი პატარა დაიკო ხარ?

– მერე? – ვკითხე მე ეშმაკურად.

- ის, რომ მოპარე ბაბუაშენს ბურთი, თუ დაჭრილი არ აქვს და მოგვიტანე ჩვენ, - გადახედეს ერთმანეთს.

- კი, აბა, თქვენ გამო გავაბრაზებ ბაბუს. სულ მეჩხუბება, როცა გაძლევთ ბურთს. არ მოგიტანთ. - ხელები ერთმანეთზე გადავაჯვარედინე და ზურგი შევაქციე მათ.

ისევ მეხვეწებოდნენ, რომ ბურთი მომეპარა ბაბუსთვის და მათთვის გადამეცა. უცებ თავში რაღაცამ გამიელვა და მათკენ შევტრიალდი.

- კარგი, ჯანდაბას, მოგიტანთ ბურთს, მხოლოდ ერთი პირობით! ბავშვებმა დაცქვიტეს ყურები და სმენად იქცნენ.

- თქვი და გავაკეთებთ, რაც გინდა, - შესძახეს ერთხმად.

- მაძლევთ სიტყვას, რომ შემისრულებთ?! - ისე გავხედე, თუ არ დამთანხმდებოდნენ სახეზე მენერა, რაც მოხდებოდა.

- ჰე, გოგო, თქვი, რა გინდა და დევისვენებთ ჩვენც...

- რა მინდა და, აი, იქ, ჩიხში, ვლადიმერ ბაბუას ეზოს ღობესთან რომ ვაშლია, ის მომიკრიფეთ, მე ვერ ვწვდები.

- აუ, ეგი ბაბუამისზე უარესია, - ხელი აიქნიეს ბიჭებმა, მაგრამ რა გზა ჰქონდათ, უნდა დამთანხმებულიყვნენ და დაყაბულდნენ კიდევ.

- კარგი, თქვენ მომიტანეთ ის ვაშლი და მე ბურთს მოვპარავ ბაბუს.

დაირაზმნენ ბიჭები და წავიდნენ ვაშლის მოსაპარად. სულ რაღაც ნახევარ საათში უკან მობრუნდნენ და წითელლოყება ვაშლები მომიტანეს.

ამასობაში მე ბაბუას სანოლის ქვემოთ შევძვერი ფრთხილად და ბურთი მოვიპარე.

ორივე მხარე კმაყოფილი დავრჩით - ერთმანეთში გავცვალეთ ბურთი და ვაშლები.

ისევ დაიწყეს თამაში, სულ დაავინყდათ, ბაბუას რომ ეძინა, ხმაურში შეიძლება გაღვიძებოდა და გარეთ გამოსულიყო.

- ჰე, ბიჯო, დაარტყი მაგ ბურთს, რომ დამდგარხარ მევე-

ლესავით! – შესძახეს. ბურთი ახტა და ისევ ჩვენს ეზოში ჩამოვარდა. შემოირტყეს ბიჭებმა თავში ხელი: ახლა იმას ვაშლები უნდა ვუკრიფოთ ისევ, ბურთი რომ მოგვცესო. მათდა საბედნიეროდ, არ დასჭირვებიათ, ჯერ ერთი, კიდევ მქონდა და მეორეც, ბაბუას ისევ ეძინა. მაშინვე გადმოძვრნენ ბოსტანში, ბურთი გადაიტანეს და თამაში განაგრძეს. ამასობაში ბაბუამაც გაიღვიძა და დამიძახა, ხმაზე ეტყობოდა, რომ გლახად იყო საქმე.

– სად არის ბურთი?! მომპარე ხო და მიეცი იმ ვირებს?!

– რა მექნა, ბაბუ, ისე მთხოვეს, უარი ვერ უთხარი, – ვუპასუხე მე.

მეორე დღეს ისევ განახლდა ქუჩაში თამაში, დიდი აურზაური იყო და შეძახილები.

მე ვთხოვე ბაბუას, გადავსულიყავით ქუჩაში და გვეყურებინა მათთვის. მაშინვე დამთანხმდა – ის ხომ შვილიშვილს ყველა სურვილს უსრულებდა.

გადავედით და დავსხედით ჩვენი ჭიშკრის წინ გაყვანილ გაზის „ტრუბაზე“

ბაბუა შევიდა აზარტში და ომახიანად შესძახებდა ხოლმე ბავშვებს:

– დაარტყი ბიჭო, ფეხი!!!

გუნდიც ამოირჩია უკვე და გულშემატკივრობდა. ბურთის კარებში მოხვედრის დროს წამოხტებოდა და ჯოხს იქნევდა, – ეს რა ჰქენითო.

ეზოშიც კი უვარდებოდათ ბიჭებს ბურთი, მაგრამ ვის ანალვლებდა ქინძი და ოხრახუში! თვითონ ბაბუა გასძახოდა: მიდი, დროზე გადმოიტანეთო! მეც მხარს ვუბამდი.

ამის შემდეგ ბიჭები დაუმეგობრდნენ ბაბუას და ისიც აღარ თესავდა იმ ადგილას ქინძს; არც ის ანალვლებდა, ბურთი ჩავარდებოდა თუ არა ეზოში. ხანდახან, ქუჩაში გასვლა რომ არ შეეძლო, აივანზე დაჯდებოდა ხოლმე და წამოიძახებდა: გეიხარეთ ბაბუა, გეიხარეთ!

ხატი

ლამის სიბნელეს უზარმაზარი მთვარე და მისი ბაჯალლო-სფერი არღვევდა. ვარსკვლავები ბრწყინავდნენ ნაცრისფერ ცაზე, ნიავი დასისინიებდა ჩუმი ხმით, თითქოს ვილაცას ეპარებოდა...

გზატყეცილზე ავტომანქანა ნელა მოძრაობდა, მუსიკა ხმადაბლა ჩაერთო, ფეხმძიმე ცოლისთვის ხელი ხელზე მოეკიდა და ნაზად ეფერებოდა, მეორე ხელით კი საჭეს მართავდა – ღიმილით გადახედავდა ხოლმე, თვალს ჩაუკრავდა და მუცელსაც შეუთვალეირებდა, სადაც გემრიელად მოკალათებულიყო მათი დიდი სიყვარულის ნაყოფი. მთვარე ფეხდაფეხ მოსდევდა მათ, ზოგჯერ ღრუბლებში დაიმალებოდა, მაგრამ მალევე გამოჩნდებოდა და ისევ დაედევნებოდა.

მეგობრის ქორწილიდან მოდიოდნენ, სადაცაა სოფლის გზას დაადგებოდნენ. უცებ საიდანღაც სატვირთო ავტომანქანა გამოჩნდა, რომელიც პირდაპირ მათკენ მოემართებოდა – ისეთი სისწრაფით, რომ დათომ ავტომანქანის გვერდზე გადაყვანა ვერ მოასწრო. როგორც კი საჭე გადასწია და იფიქრა ავცდებიო, სწორედ მაშინ თვალეში შეანათა გამჭოლმა შუქმა, რომელმაც მხედველობა დაუხშო. ხელი აიფარა, როგორმე გზისთვის რომ შეეხედა. ეს ყველაფერი სულ რაღაც წამებში მოხდა, ისე, რომ გააზრებაც ვერ შეძლეს, რა ხდებოდა მათ თავს!

დათო საავადმყოფოში მიყვანამდე გარდაიცვალა, ფეხმძიმე მეუღლეს კი ნაადრევად დაენყო მშობიარობა. ექიმების ძალისხმევით დედა და შვილი გადარჩნენ. ცხრამეტი წლის ასაკში დაქვრივდა ქეთა, ბედისწერამ მძიმე ტვირთი აჰკიდა ჯერ არ დაბადებულ ბავშვს – მამა ნაართვა სიკვდილმა და განაჩენად ობლობა გამოუტანა. თვალცრემლიანი ეფერებოდა ქეთა ახალშობილს, ყელში ბურთი ეჩხირებოდა, როცა შვილს ხედავდა, ხშირად მიჰყავდა მამის საფლავზე პატარა, დაჯდე-

ბოდა და ტიროდა ხოლმე, – დასტიროდა საკუთარ თავს და თავის სიყვარულს, რომელიც იმ ავბედითმა ღამემ წაართვა. მარმარილოს ქვიდან უმზერდა მომღიმარი თვალები, თითქოს ეუბნებოდა, – უნდა გაუძლო, არ უნდა დაეცე, ჩემი ვაჟუკაცი გამიზარდო და ის სიყვარული ატარო, რომელიც მე დაგიტოვე, უნდა გაუფრთხილდე საკუთარ თავს და როცა ჩემთან მოხვალ, მე ისევ ისეთი დაგხვდება, შენი სიყვარულით სავსეო!

ამ ამბიდან დიდი დრო გავიდა, თითქოს დავინწყებას მიეცა ქეთას და დათოს დიდი სიყვარული, რომელიც სულ ორი წელი გრძელდებოდა. თუმცა, ქალს არასოდეს ავიწყდებოდა – ამ სიყვარულით ცოცხლობდა და ზრდიდა შვილს.

გეგა დედით ამაყობდა, ხშირად დადიოდა მამის საფლავზე და ბევრ რამეს უყვებოდა ხოლმე. პირველი სიყვარულის ამბავიც სწორედ მამას გაანდო. ემოციებს ვერ ფარავდა, როცა მის საფლავთან იჯდა და უყვებოდა ცისფერთვალება ხატიაზე, სიცილის დროს მზესავით რომ უნათდებოდა მთელი სახე და ლოყებზე ორმოები უჩნდებოდა. ყვებოდა და თითქოს, მის წინ იდგა ხატია, ყველა სიხარულს თუ წყენას მამას ანდობდა.

არც ხატია იყო გულგრილი გეგას მიმართ, რაც კიდევ უფრო ბედნიერს ხდიდა ობოლ ბიჭს. ნელ-ნელა ყველასთვის ცხადი გახდა მათი სიყვარული, იმასაც ამბობდნენ, რომ მზე და მთვარესავით უხდებიან ერთმანეთსო. სკოლის მოსწავლე იყო ხატია და მშობლები მოითხოვდნენ, მეტი ყურადღება სწავლისთვის დაეთმო. ფიზიკურ სილამაზესთან ერთად, საუკეთესო მოსწავლე და კარგად აღზრდილი გოგონა იყო, არც გეგა ჩამოუვარდებოდა თავის თანატოლ ბიჭებს. ბევრი გოგო ეტრფოდა ფარულად თუ ცხადად, მაგრამ მისი გული მხოლოდ ხატიას ეკუთვნოდა. თითქოსდა, ერთი შეხედვით, არაფერი იყო ხელის შემშლელი მათი სიყვარულისთვის – გეგმებსაც კი აწყობდნენ, სკოლის დასრულების შემდეგ სწავლას სად გააგრძელებდნენ და სად იცხოვრებდნენ.

ბევრი შვილი უნდა გვეყოლოსო, – იცოდა გეგამ თქმა, გული წყდებოდა ხოლმე, დედმამიშვილი რომ არ ჰყავდა და მარტო გაიზარდა, სულ სხვა ბავშვებში ეძებდა სითბოს და სიყვარულს. არც ხატია იყო წინააღმდეგი, ისიც იმავეს ამბობდა, – სამი შვილი უნდა მეყოლოს, ერთი გოგო და ორი ბიჭიო. უხაროდა გეგას, სახელებსაც კი ურჩევდნენ შვილებს და კამათიც კი მოსვლიათ სახელის შერჩევისას. მათი შეხვედრის ადგილი, მეტწილად, სკოლიდან წამოსასვლელი გზა იყო, ნელი ნაბიჯებით მოდიოდნენ სახლისკენ, დანარჩენ ბავშვებს ჩამოშორდებოდნენ და ერთმანეთს უყვებოდნენ დღის ამბებს, მათ თვალეში ბედნიერება იყო დასახლებული; ყოველი შეხვედრა, თითქოს, ბოლო იყო; ისეთი გრძნობით უმზერდნენ ერთმანეთს, თითქოს, იყო რაღაც, რაც ცდილობდა მათ დაშორებას. შინაგანად ამას ორივე გრძნობდა, არ ეთმოებოდათ ერთმანეთი. სევდიანი თვალეებით სცილდებოდნენ გზის გასაყარზე იმ იმედით, რომ ხვალ ისევ ერთად წავიდოდნენ სკოლაში.

გავიდა დრო. გეგიმ სკოლა დაამთავრა და რაიონში დარჩა, რადგან ხატიაც ერთ წელიწადში დაასრულებდა სწავლას და ერთად წავიდოდნენ ქალაქში სასწავლებლად.

...ზაფხულის ცხელი ღამე იყო. როგორც ყოველთვის, ამჯერადაც მამაკაცები ეზოში ისხდნენ და დრო გაყავდათ, დღის ამბავს ყვებოდნენ, აღშფოთებას გამოთქვამდნენ მომხდარ ფაქტზე, რომელიც მთელმა რაიონმა გაიგო, – შეძლებული ოჯახის შვილი მეზობლის სახლში შეიპარა და ფული წაიღო! ერთმა არ დააყოვნა და გეგა ახსენა:

– აგერ სულ უპატრონოდ გაიზარდა გეგა და მისგან ზედმეტი არაფერი გაგვიგია, კაცო, მარტოხელა დედამ გაზარდა და კარგ ვაჟკაცად ჩამოყალიბდა. ამას, კიდეც, თან ყველა მთელი ოჯახი და კაცად მაინც ვერ აღზარდეს.

– კი დაადგა თვალი ჩვენს ხატიას, კარგი რომ არის, მზესავით გოგო შეუყვარდა და არც ხატიაა გულგრილი, როგორც

ვიცით, მის მიმართ, – ჩაერთო საუბარში მეორე, სიმსუქნისგან ძლივს რომ სუნთქავდა და ცალყბად გახედა ხატიას მამას.

– მაგის აღზრდა და გაზრდა რას მიქვია, ნაბიჭვარი ვერ იქნება ჩემი სიძე, სკოლა დაასრულოს ხატიამ და მოვაცილებ აქაურობას. – მრისხანედ დაიყვირა ხატიას მამამ ისე, რომ ნაპერწკლებს ყრიდა თვალებიდან. მყისიერად ჩამოვარდა სიჩუმე, თითქოს, დედამინა გაჩერდა, არავის მოეწონა მისი სიტყვები, მაგრამ შეპასუხებაც ვერ გაბედეს. რამდენიმე დღეში გეგას ყურამდე მივიდა ეს ამბავი, დედის შეურაცხყოფა ვერ აიტანა, განრისხდა, გაავებულ ნადირს დაემსგავსა, მაშინვე გაიქცა ხატიას მამასთან, მარტოხელა მგელივით ყვიროდა მის სახელს და გარეთ გამოსვლას მოითხოვდა. სახლში ყველა სმენად იქცა, არავინ ელოდა გეგას ასეთ საქციელს, ხატიაც გაოგნებული იყო, რა ხდებოდა, არ იცოდა. მამამ შინ გაჩერება უბრძანა. გარეთ ფეხი არ გამოდგაო, – უთხრა. კართან შედგა ხატია და ვერ გაბედა მამისთვის წინააღმდეგობის განევა, ფანჯრიდან ადევნებდა თვალს.

როგორც სჩვეოდა, ქედმაღლურად გახედა გეგას და – აქ რა დაგკარგვიაო, – დაუყვირა.

– შენ მე ნაბიჭვარი მიწოდე. შენი სიტყვები უნდა დაამტკიცო. თუ მე ნაბიჭვარი ვარ,

დღესვე ვანებებ თავს ხატიას, დედაჩემს კი ჩემი ხელით მოვკლავ. შენ კი შენს სიტყვებზე უნდა აგო პასუხი, – ყვიროდა გეგა.

ფერი ეცვალა კაცს, არ ელოდა გეგასგან ასეთ კითხვას, დაიბნა, თითქოს, ენა გადაყლაპა, ხმას ვერ იღებდა, ოდნავ ნაბარბაცდა კიდეც. გეგამ ისევ გაუმეორა კითხვა და ისევ პასუხგაუცემელი დატოვა ხატიას მამამ. თავი ველარ შეიკავა ბიჭმა და ყელში სწვდა – რომ არა მეზობლის კაცი, მხეცად ქცეულ გეგას შემოაკვდებოდა ხატიას მამა.

როგორც იქნა, დააშორეს ერთმანეთს. იმ საღამოს ხატიას

მამამ კატეგორიულად მოთხოვა, რომ დაევიწყებინა გეგა, თორემ თავის საქციელზე პასუხს არ აგებდა, ისიც დაამატა, ჩემი ხელით მოგკლავ, როგორც კი მას შეხვდებიო!

მთელი ღამე ტირილში გაათია გოგომ, რამდენიმე დღე სკოლაშიც არ გაუშვეს. სატანჯველად ექცა გეგას ეს დღეები, ცხოვრება უფერული გახდა, თითქოსდა, ყველაფერი მოკვდა!

ერთ ღამეს, როცა ყველას ეძინა, სახლიდან გაიპარა ხატია და გეგასთან მივიდა. ფანჯარასთან დადგა და ჩუმად ხმით ეძახდა. არ ეძინა გეგას – როგორც კი ხატიას ხმა გაიგონა, მაშინვე ფანჯარასთან მიირბინა, სიხარულით აუცრემლდა თვალები მის დანახვაზე და მაშინვე გარეთ გავარდა.

ეხუტებოდნენ ერთმანეთს და მთელი სხეულით თრთოდნენ, ცრემლები თავისით მოსდიოდათ თვალებიდან, თითებს უკოცნიდა გეგა ხატიას, თვალებიც დაუკოცნა, გულში მაგრად ჩაიკრა და ღრმად ჩაისუნთქა მისი სურნელი. – როგორ მომნატრებიხარო, – უთხრა:

– მონატრებაზე მეტი ტკივილი არ არსებობს, ხატია, მთელი სული მენვოდა უშენოდ, უფერული გახდა ყოველი დღე. არაფრად მიღირს ის დღე, როცა შენს ზღვისფერ თვალებს ვერ ვხედავ.

– ერთადერთი გამოსავალი ჩვენი ერთად ყოფნისა, იცი, რა არის, გეგა? – ხატიას ხმაში დამაჯერებლობასთან ერთად ტკივილიც იგრძნობოდა, თითქოს, ხმა უკანკალებდა, მაგრამ დარწმუნებული იყო, რომ ახლა ერთადერთი გამოსავალი ეს იყო.

გეგა მაშინვე დაეკითხა, თუ რა გეგმა ჰქონდა. როცა ხატიამ გაანდო თავისი გადაწყვეტილება, გაოგნებული დარჩა, სიტყვებს ვერ უყრიდა თავს, დაიბნა, არ იცოდა, რა ეპასუხა; მხოლოდ იმას ამბობდა, რომ ეს არ შეიძლება, ეს არ არის გამოსავალი, მაგრამ გოგო მაინც თავისას ამტკიცებდა და დაარწმუნა კიდევ.

ახლა ასე მალულად უნდა შეხვედროდნენ ერთმანეთს, როცა

ყველას ღრმა ძილით ეძინა. არ უშინდებოდნენ არც სიცივეს და არც უკუნეთ სიბნელეს, მთავარი იყო, რომ ერთმანეთი ენახათ, დამტკბარიყვნენ სიყვარულით და ბედნიერი წუთებით. გეგამ ფულის შეგროვება დაიწყო პასპორტის გასაკეთებლად, რათა გაპარულიყვნენ ქვეყნიდან, ყველასგან შორს. სულ მალე საბუთებიც მოაწესრიგა, ახლა ისლა დარჩა, რომ ხატიას პასპორტიც გამზადებულიყო და ერთი წამითაც არ გაჩერდებოდნენ – ყველა წვრილმანი გათვლილი ჰქონდათ.

ამ საღამოს სულ სხვანაირად უბრწყინავდა ხატიას თვალები, სულ სხვანაირად უმზერდა გეგას, წასვლისას რამდენჯერმე მობრუნდა უკან და ჩაეხუტა. ჩუმად ყურში ჩასჩურჩულა – შენთვის სიურპრიზი მაქვსო. ძალიან სთხოვა გეგამ ეთქვა, მაგრამ გაჯიუტდა გოგო.

– სიურპრიზი რატომ ჰქვია? ხვალ, ხვალ გეტყვი ყველაფერს.

– ხვალამდე რა მოითმენს, ხატია, რა დამაძინებს და რა დაღამებს შენს ნახვამდე? მითხარი, რა მნიშვნელობა აქვს, დღეს მეტყვი თუ ხვალ?

– არა, ხვალისთვის სჯობს, გითხრა. ვიცი, ძალიან გაგიხარდება და ჩვენს სიყვარულს კიდევ უფრო შეასხამს ფრთებს, რომელსაც ვერავინ ვერასოდეს დააჭრის.

მთელი ღამე ელოდა გეგა დათქმულ ადგილზე ხატიას, მაგრამ ამაოდ – არ მოვიდა. ცისკარზე წავიდა სახლში, როცა უკვე მიხვდა რომ აზრი აღარ ჰქონდა ლოდინს; მეორე ღამითაც გათენებამდე ელოდა ამაოდ, შემდეგ ხატიას მეგობარს სთხოვა, სახლში ხატიასთვის დაერეკა და გაეგო, რა ხდებოდა. არც იქ უპასუხეს, ბოლთას სცემდა გეგა, რა გაეკეთებინა, არ იცოდა. ისიც იფიქრა, სახლში მივალ და იქ გავარკვევ ყველაფერსო!

ნაშუადღევი იყო, მეგობარი ესტუმრა. ერთი შეხედვით ეტყობოდა, რომ კარგი ამბის გამო არ იყო მოსული, აცრემლებული თვალებით ძლივს გასარკვევად ამოიბუტბუტა:

– ხატია ცუდად არის, საავადმყოფოში წევს...

მთელი სხეული უთრთოდა გეგას, არც კი დაელოდა გარკვევას, რა მოხდა, მაშინვე საავადმყოფოში გაიქცა, შეუჩერებლად ირბინა იქ მისვლამდე, დაღლასაც ვერ გრძნობდა, თითქოს, რაღაც ძალა ეხმარებოდა. საავადმყოფოს კართან ხატიას მამა კიბის საფეხურზე იჯდა და თავი ხელებში ჩაერგო, უხმოდ ტიროდა. მის წინ შეჩერდა გეგა, აჩქარებული გულისცემა ჰქონდა, სიტყვებს ვერ უყრიდა თავს, რამდენიმე წუთში კარი გაიღო და ხატიას მეგობრები ატირებული გამოვიდნენ, გეგას დანახვაზე კიდევ უფრო უმატეს ტირილს.

– ჩვენი ხატია აღარ გვყავს, გაგვიფრინდა...

ნადირივით ღრიალებდა გეგა, ვერავინ შეძლო მისი შეკავება, რომ ხატიასთან არ შესულიყო. იდგა და ეფერებოდა ხატიას გაყინულ სხეულს, სახე ისევ უღიმოდა, თითქოს ეძინა და ლამაზ სიზმარს ხედავდა; ეფერებოდა თმებზე და ტიროდა გეგა, უკოცნიდა სახეს, სთხოვდა, რომ თვალები გაეხილა, ამდგარიყო და წაყოლოდა.

გარდაცვალების მიზეზი ცხადი იყო – მენინგიტით გარდაიცვალა. სამყარო ტიროდა, რამდენიმე დღე უწყვეტად წვიმდა, მხოლოდ გამოსვენების დროს გამოვიდა მზე და დაანათა მის სახეს ოქროსფერი სხივები, თითქოსდა ეფერებოდა. სიცოცხლე არაფრად უღირდა გეგას, სიკვდილს ნატრობდა!

მაღე ომი დაიწყო და სამშობლოს დასაცავად წინა ხაზზე იბრძოდა, არ უშინდებოდა მტრის ტყვიას, მაგრამ მტერი ვერაფერს აკლებდა მას – იქიდან ჩამოსული მონასტერში წავიდა. ხატიას ყოველდღე სანთელს უნთებდა, მეტწილად, მარტო იყო ხოლმე, იჯდა და ჩუმად ბუტბუტებდა, თითქოს, ვინმეს ესაუბრებოდა ისე. ყოველთვის ის განცდა ჰქონდა, რომ ხატია ფეხმძიმედ იყო და ამის თქმა სურდა იმ საღამოს გეგასთვის!

ემიგრანტის დღიურიდან

ახალი წლის მეორე დღეა და, როგორც ყოველთვის, ვწერ ჩემს კიდევ ერთ, ემიგრანტობის დღეზე. უფროსს ფული ვთხოვე – გაახარებს ღმერთი, როგორც კი ვუთხარი, გადასაგზავნად მიწა-მეთქი, მაშინვე მომიტანა, დედამისთანაც დარჩა და წავედი ბანკში. იქ უამრავი, ჩემსავით სამსახურიდან გამოქცეული ქალი იყო. ბევრი ვეხვეწე ყველას, მაგრამ არავინ გამატარა, სანამ ჩემი რიგი არ მოვიდა...

მეუბნებოდნენ: რა ვქნა, ქალბატონო, მეც მიტირის ბებია ლოგინში! რა გზა მქონდა, დაველოდე ჩემს რიგს და გადავაგზავნე ფული – ცოტა ამოვისუნთქე!

ისინი რომ არიან “მაძღრები” სახლში, მეც კარგად ვგრძნობ თავს. მოვედი სამსახურში. დავურეკე ჩემს რძალს და ჩავანერინე კოდი. სიტყვის დასრულება არ დამაცადა, გამითიშა. მინდოდა კიდევ რაღაც მეთქვა, მაგრამ მომისმინა?! ფული აქვს ახლა და რა ჯანდაბად უნდოდა ჩემთან საუბარი...

ბაზრიდან მოსულმა, იკადრა და მანახა ნაყიდები: უყიდია გოჭი, ინდაური, ვითომ ქორწილი ჰქონდეს, იმდენი რამ – რა ენაღვლევათ ჩემი სიმწრით ნაშოვნი ფული?! მაგრამ არ დავეძებ, კარგად იყვენ და... საღამოს ფოტოები გადაუღო გაკეთებულ საქმელებს და გადმომიგზავნა. შეხედე, დედა, რა გავაკეთეო. დაელოცოს მარჯვენა, კეთება კი იცის კარგი და სანაქებო!

ეს, კი დამწყდა გული. ნეტავ, მეც ვიყო თქვენთან-მეთქი, – ვუთხარი.

– რა გინდა, დედა, აქანე, დაქცეულია ქვეყანაო, – მიპასუხა...

ხო, მართალია, მე რომ იქ ვიყო, სად ექნებოდათ ასეთი სუფრა საახალწლოდ? ამიტომ არ სურთ, რომ სახლში დავბრუნდე – ვიქეცი ფულის მანქანად და ესაა ჩემი ცხოვრება!

უკვე თორმეტი შესრულდა საქართველოში. ვის გავახსენდი! ისევ მე დავრეკე, უკვე გაშლილ სუფრასთან ისხდნენ. ვთხოვე,

ჩამირთეთ თვალი, შეგხედავთ-მეთქი.

ახლა არ გვცალია, ექეიფობთ და ფოტოებს რომ გადავიღებთ, გამოგიგზავნითო.

კარგი, რა გაეწყობა-მეთქი და გავუთიშე. დავჯექი და ვიტირე. ჩამწყდა გული.

ვტირი და ვტირი, არც ვინმე მყავს, მითხრას: – გეყოს ახლა, ნუ ტირი ამდენსო.

ისევ მე შემოვუძახე საკუთარ თავს და გავჩუმდი. ჩავიხედე სარკეში და ვესაუბრე საკუთარ „მეს“: – ასეა, ხო, ასე. რაც მეტ პასუხისმგებლობას იკისრებ, უფრო მეტს მოგთხოვენ! ქალი რომ ხარ და დედა, დატკბი იმით, რაც გარგუნა უფალმა და გაზარდე შვილები. იმყოფინე ის, რასაც მოგიტანს ქმარი! არ გარბოდნენ უნინ ჩვენი წინაპრები სხვა ქვეყანაში საშოვარზე, მარა, კი ზრდიდნენ ბავშვებს.

...ახლა ყველა გაქცევაში ხედავს გამოსავალს და მეც ასე მოვიქეცი. ამდგარიყო და ჩემი ქმარი წასულიყო, მე ვყოფილიყავი სახლში, ჩემს შვილებთან, მარა, მე წავალ-მეთქი, ვუთხარი, მე უფრო შეეძლებს საქმის გაძლოლას და აგერ უკვე ათი წელია კი ვაგდივარ აქ, – ველაპარაკები ასე საკუთარ თავს.

უცებ, ნკაპ, ნკაპ, – მესენჯერში გაისმა. ვიფიქრე, ფოტოები გადმომიგზვნეს-მეთქი და მივვარდი უცებ. გავხსენი და ვნახე: შვილების, შვილიშვილების, ქმრის და სუფრის ფოტოები გადმოუგზავნიათ.

მადლობა ღმერთს-მეთქი, – გავიფიქრე. კიდევ კარგი, ესეც რომ არ დამამადლეს და მანახეს.

ვათვალიერებ ფოტოებს და ვტირი, მაშინვე ავტვირთე ფეისბუქზე, – ნახოს ხალხმა, რავარი კაი ოჯახი მყავს.

არ გასულა ხუთი ნუთი და მირეკავს ჩემი გოგო:

– ნაშაღე, დედა, მაგ ფოტოები, არ ვარ კარგად!

– ღმერთო ჩემო, რომელ ფოტოში არ ვარგიხარ, გოგო, ანგელოზივით ხარ ყველაში-მეთქი, მარა გეიგონა? შემოვიდა და



თვითონ წაშალა ყველა. ასეა, ხო, ასეევე. რაც მეტს დახრი თავს, მეტს გაგიბედავენ!

საკუთარი თავის ფასი დაგკარგეთ ქართველმა დედებმა. დავივინყეთ ჩვენი მეობა და ოჯახის გამო ყველაფერზე უარი ვთქვით... მაღლიერიც არავინ გვყავს, თორემ ჯანდაბას, ბოლოს იმას გვეტყვიან: რა გამიკეთე და ვინ შეგეხვეწა, რომ წახვედიო!

ასაკი მემატება, ვბერდები და ვერ ვიგემე ის სიხარული და სიტკბო, რასაც ოჯახი ჰქვია. ასე შორიდან უკვე ათი წელია მივჩერებივარ ჩემს ოჯახს და ვტკბები ამით. ვხარობ მათი სიხარულით და ვარ. აბა, ჩემი უკვე კარგა ხანია, დაკარგული მაქვს!..

უფალს ვთხოვ, იქ დარჩენილებს ცოტა მეტი პატივისცემა ესწავლოთ ჩვენი... დაეფასებინოთ ჩვენი შრომა. ჩვენ კი ვზიდავთ ამ ტვირთს, რაც გვარგუნა განგებამ და ოდესმე ჩვენც დავბრუნდებით, ალბათ, ჩვენს ოჯახებში....

ქუჩის მათხოვარი

ცისკარზე იწყებოდა მისი სამუშაო დღე, როცა ქალაქი ნელ-ნელა იღვიძებდა და ღამეს დღე ცვლიდა. საქართველოს ჰიმნს თავისთვის მღეროდა ხოლმე და ქუჩებს ისე ასუფთავებდა. სამუშაო ფორმა ეცვა და ხელში დიდი ცოცხი ეჭირა. ზოგჯერ თავისთვის ჩაიბუტბუტებდა: “ეხ, ადამიანო, ეხ, როგორ არ უფრთხილდები ბუნებას” და ისევ განაგრძობდა სიმღერას...

ყოველ დილით მოხუცი კაცი, რომელსაც ტანსაცმელი ტანზე შემოძონძილი ჰქონდა, ნაგვის ბუნკერში იქექებოდა და ნარჩენებს ეძებდა; ფეხებთან კი ძალლი ედგა და კუდის ქიცინით მისჩერებოდა ხოლმე, საჭმელს ელოდა მოხუცისგან, იქნებ რაიმე მიწილადოსო! მისი ფიქრები ადამიანის ფიქრებს ჰგავდა – ისიც ხომ ჩემნაირი ქუჩის მანანნალაა, რით განსხვავდება ჩემგანო, მე ძალლი ვარ, ის – ადამიანი, მაგრამ ცხოვრება ერთი გვაქვს – უპატრონო და მიუსაფარი, მხოლოდ ასე, ვიღაცის დაგდებული ნამცეცხებით თუ გავიტანთ თავს, თორემ ჩვენი არაფერი გაგვარჩიანო!

როგორც იქნა, მოხუცი მორჩა ნაგვის ბუნკერში ქექვას და სასარგებლო ვერაფერი იპოვა. ძალლი ისევ ხელებში მისჩერებოდა; რომ არაფერი მიაწოდა, დრუნჩი მიწას შეახო, დაყნოსა და ისევ ზემოთ ასწია.

– ეხ, ჩემო მეგობარო, მე და შენ კი არა, მთელი ქალაქი მშიერიან დღეს. ერთი-ორი მაძლარი თუ გამოერევა და ისიც თავისთვის ინახავს სარჩოს სამომავლოდ, არავისთვის ემეტება. ადრე ნაგავში ყრიდნენ მოძველებულ ნივთებს და მორჩენილ საჭმელს, ახლა თავისთვის არ აქვთ და რას გადაყრიან?! ჩვენ ასე ქუჩაში სიარული არ გვეთაკილება და როგორც არის, ვმოულობთ ლუკმაპურს, ზოგი კიდევ შიმშილით კვდება და ქედმაღლობის გამო შავ სამუშაოს არ კადრულობს! ასე ამბობს: მე რაღა მეკადრება ახლა მაგ სამუშაო, რას იტყვის ხალხი, რომ გა-

იგებსო. ჰოდა, ამ „რას იტყვის ხალხის გამო“ კვდებიან მშვიერი... მუშაობა არ არის სირცხვილი. აგერ, შეხედე იმ ქალბატონს, ქუჩას გვის და ამით შოულობს ლუკმაპურს! ახლა იტყვი: მასე თუ არის, შენ რატომ არ მუშაობო. ეს, ჩემო მეგობარო, მგონია აკვნიდან ვმუშაობდი, მარა... კაცს რომ დაგყვება უიღბლობა, რაც არ უნდა თავი იკლა, არაფერი გამოვა. მთელი ცხოვრება ვმუშაობდი, რაც გამივლია წვალებაში, მაგრამ სადაც კი წავედი, ყველგან წავიქეცი, დავრჩი ასე მანანწალა.

ამ საუბარში ძალლი და მოხუცი მათხოვარი მეორე ნაგვის ბუნკერს მიუახლოვდნენ, ისევ დაინყო ნაგვის ქექვა, ცელოფანი იპოვა, შიგ პურის ნაჭრები ეყარა, ორივეს ძალიან გაუხარდა. იქვე დაჯდა მოხუცი, ჯერ ძალღს მიაწოდა პურის ნაგლეჯი, მერე თვითონ დაინყო ჭამა. ამასობაში მზეც ნელ-ნელა ამოვიდა და დაანათა ქალაქს. დამლაგებელი, თავისი ცოცხით, გაუჩინარდა, მათხოვარი კი თავის კუთვნილ ადგილზე მივიდა და ხელგანწედილი დახმარებას ითხოვდა!

ბევრს ებრალებოდა მოხუცი, ბევრი კი ზიზლით შესცქეროდა ხოლმე. მხოლოდ ბავშვები იყვნენ, რომ მოხუცი არ ეჯავრებოდათ – ყველა ბავშვი, რომელიც მის წინ გაივლიდა, უღიმოდა, მშობლებისგან განსხვავებით...

სკოლიდან მომავალმა ათიოდე წლის ორმა ბიჭმა გაიარა ახლა მოხუცის წინ. ერთმა, რომელსაც გეგა ერქვა, უკან მოიხედა და მოხუცს შეხედა, სევდანარევი თვალები მიაპყრო მისკენ და თავის მეგობარს ჩაულაპარაკა:

– ნეტავ, ბაბუა მყავდეს, რა ბედნიერი ვიქნებოდი. იმ მოხუცს არ ჰყავს შვილიშვილები, ალბათ, თორემ ასე ხომ არ იჯდებოდა ქუჩაში. მივალ, დაველაპარაკები, ცოდოა. გეგა მოხუცისკენ წავიდა.

– ნამოდი, რა საქმე გამოგლევია, როგორ ყველას შენ უნდა გამოელაპარაკო?! – ბეჭზე ხელი გაკრა გეგას მეგობარმა, რომელსაც ირონია აჩნდა ხმაში.

– არა, რა იცი, რა უნდა, იქნებ ჩემი ერთი სიტყვა მაღლია მისთვის!

გეგა მოსცილდა მეგობარს და მოხუც მათხოვართან მივიდა. მის წინ ჩაიცუცქა, დიდრონი ცისფერი თვალები შეანათა და ჰკითხა:

– ბაბუ, ნუთუ შვილები არ გყავს, აქ რომ ხარ?!

– ეხ, ბაბუა, სად მყავს შვილები, უპატრონო ვარ, აი, იმ ძაღლივით. არც მას ჰყავს ვინმე და არც მე! ამიტომ ერთმანეთს ვპატრონობთ... ხელი ჩაიქნია მოხუცმა.

– რით შემოიძლია დაგეხმარო, ბაბუ? – გეგამ ჯებეებში რაღაცის ძებნა დაიწყო.

– არაფრით, ბაბუა! შენ იყავი კარგად და ეგ იქნება ჩემი დახმარება. მე კი გამაქ თავი ამ ქვეყანაზე, აწი მოვა ჩემი წასვლის დრო და დავისვენებ, აღარ დავამძიმებ ამ დედამინას, საკმაოდ დავღალე უკვე ჩემი აქ ყოფნით.

ცრემლის ერთი წვეთი გადმოუგორდა მოხუცს, რომელიც არ სურდა, შეემჩნია, თითქოს შერცხვა კიდეც, რომ უმწეოდ გრძნობდა თავს ბავშვის წინაშე...

გეგამ ჯიბიდან ხურდები ამოიღო და მოხუცს ჩაუყარა ყუთში.

– ბაბუ, ესლა მაქვს მხოლოდ და გამოიყენო იქნებ რამეში.

გეგა ადგა და წავიდა, მოხუცმა ცრემლიანი თვალები გააყოლა და თავისთვის თქვა, – არ გადავშენდებით, ბაბუ, რადგან შენნაირი ვაჟკაცები ეზრდება ჩვენს ქვეყანასო!

სალამოს ისევ ცარიელდებოდა ქალაქი. როგორც ყოველთვის, მოხუცი თავის მეგობართან ერთად ნაგავსაყრელზე მიდიოდა, სადაც ღამეს ატარებდა სიცივესა თუ სიცხეში. ბევრს უნახავს მოხუცი იქ დაძინებული, მაგრამ არავის არასოდეს გასჩენია მისი დახმარების სურვილი. გამთენიისას ისევ იწყებდა ნაგვის ბუნკერების ქექვას, ქალაქს კი ისევ ის ქალი ასუფთავებდა.

ერთ დღესაც მოხუცმა მათხოვარმა შეამჩნია, ქალი ადრინდებურად აღარ ღიღინებდა სამშობლის ჰიმნს და მასთან მისვლა გადანწყვიტა.

– როგორ ხარ, ქალბატონო მედიკო?

– ეხ, ჩემო ნოდარ, როგორ უნდა ვიყო, შვილი მყავს ავად და ნამლის ფული ვერ მიშოვია. თუ ფული არ გაქვს, სასიკვდილოდ ხარ განწირული, ესაა ცხოვრება? ვწვალვობ და მაინც არაფერი საშველი არ მაქვს!

მოხუცმა ჯიბიდან ხურდები ამოიღო და ქუჩის დამლაგებელს გაუწოდა – ესლა მაქვს, ქალბატონო მედიკო, ცოტათი წაგეშველება, მე კიდევ ვიმოვი რამეს კეთილი ხალხის დახმარებითო, – უთხრა.

ქალს თვალებიდან ცრემლები გადმოსცვივდა, ხელები აუკანკალდა და ხურდები გამოართვა.

– მე თუ ვერა, ღმერთი გადაგიხდის სიკეთით, ჩემო ნოდარ, ადრე თუ გვიან მოიცლის ის დალოცვილი ჩვენთვისაც.

– მოიცლის, კი მოიცლის, ქალბატონო მედიკო!

მოხუცი ქალს დაემშვიდობა და თავის კუთვნილ ადგილზე წავიდა სამათხოვროდ.

გეგა, როგორც ყოველთვის, დღესაც მივიდა და ისევ მისცა ხურდები, რაც მშობლებმა სახლიდან გამოატანეს.

ასე გრძელდებოდა რამდენიმე თვე.

ერთ დღეს სკოლიდან გამოსულ გეგას მოხუცი თავის ადგილზე არ დახვდა. იფიქრა, – ალბათ, დღეს არ მოვიდაო. არც მეორე დღეს დახვდა. საგონებელში ჩავარდა ბიჭი, ფიქრებმა შეაწუხა.

– ნეტავ რა ჭირს, ხომ არაფერი ცუდი დამართნია მოხუცსო...

გადანწყვიტა, მშობლებისთვის გაენდო ეს ყველაფერი. მშობლებმა გულდასმით მოუსმინეს შვილს და ბედნიერები იყვნენ, რომ ასეთი კარგი შვილი ეზრდებოდათ. მამა დაპირდა, რომ აუცილებლად გაარკვევდა მოხუცის მდგომარეობას.

მართლაც, სალამოს მამამ გეგას უთხრა, რომ მოხუცი ავად გამხდარიყო და საავადმყოფოში იწვა. ბიჭმა სთხოვა მშობლებს, წაეყვანათ მისი სანახავად. ისინიც დათანხმდნენ.

მოხუცმა მაშინვე იცნო ბიჭი და გაუღიმა, საუბარი არ შეეძლო. მას შემდეგ ბიჭი ყოველდღე დადიოდა მოხუცის სანახავად.

ის ცოტა უკეთ გახდა, საავადმყოფოში გაჩერება აღარ შეიძლებოდა, მაგრამ მას ხომ წასასვლელი არსად ჰქონდა? დალონებული იყო გეგა, მშობლებს არ გამოპარვიათ მისი ეს მდგომარეობა და ჰკითხეს, თუ რატომ იყო დალონებული. მანაც სთხოვა მშობლებს, რომ მოხუცი სახლში წამოეყვანათ, იქამდე მაინც, სანამ სრულად გამოჯანმრთელდებოდა, ისინიც დასთანხმდნენ. როდესაც მოხუცი საავადმყოფოდან გამოჰყავდათ, ფეხებში ძალლი შეეფეთა, ძალლი, რომელიც მთელი იმ ხნის განმავლობაში საავადმყოფოს ეზოში იყო და მოხუცს არ მოშორებია. გეგამ მოხუცი მათხოვრის სახით ბაბუა შეიძინა, რომელზეც ოცნებობდა, მოხუცმა კი – ოჯახი, რომელიც არასოდეს ჰყოლია.

ერთხელ, საუბრისას, გეგას ასე ასწავლიდა მოხუცი:

– ბაბუ, სიკეთე არასოდეს დაგეკარგება, გაცემულ სიკეთიდან ნურასოდეს დაელოდები სამაგიეროს! ღმერთი დიდია, მან უკეთ იცის, ვისთვის რა არის საჭირო. არც იმაზე მეტ განსაცდელს მოგივლენს, რისი გადატანაც შეგიძლია, ამიტომ ადამიანად დაბადებული ადამიანად უნდა დარჩე ბოლომდე, რაც არ უნდა მიძიმე ცხოვრება გქონდეს! არც სიმდიდრემ უნდა გაქციოს ქედმაღლად და არც სიღარიბემ უნდა შეგაშინოს – დრო თავისას მოიტანს მაინც. ალბათ, ის სიკეთე დამიბრუნდა უკან, რაც ახალგაზრდობისას გავეცი, სწორედ მაშინ, როცა უკვე ვფიქრობდი, რომ ღმერთს კარგა ხნის დავინწყებული ვყავდი!

მოხუცმა ღრმად ამოისუნთქა, ერთი ხელი დაადო მუხლზე გეგას, რომელიც გვერდით ეჯდა, მეორე ხელით კი იმ ძალს ეფერებოდა, რომელიც გვერდიდან არასოდეს სცილდებოდა.

შვილიშვილი

ოჯახს სრული ბედნიერებისთვის მხოლოდ ერთი რამ აკლდა – ეს იყო ახალი სიცოცხლე, რომელსაც წლებია, ელოდნენ და არა მარტო ესენი, მთელი მათი სანათესაო, მაგრამ, არა და არ უჩნდებოდათ.

ყველანაირი იმედი გადაენურა ახალგაზრდა წყვილს. ბები-ა-ბაბუას ყოველთვის სჯეროდათ, რომ ადრე თუ გვიან ოჯახში ახალი სიცოცხლე დაიბადებოდა და გაიხარებდნენ.

რადგან შვილი არ უჩნდებოდათ, ქალმა გადანყვიტა, ოჯახი დაეტოვებინა და ქმარს დაშორებოდა – მეუღლეს გამოუტყდა, რომ მისგან წასვლას აპირებდა.

– ნავალ შენგან, სხვა ოჯახი შექმენი და გაიხარე შენი მომავლით. მე ვერ მოგანიჭე ის ბედნიერება, რასაც მამოზა ჰქვია. ბავშვთა სახლში ვიმუშავებ და იქ ავინაზლაურებ სხვისი შვილებით ჩემს დანაკლისს! – ძალიან ცდილობდა მეუღლის წინაშე ცრემლები დაემაღა, მაგრამ ამოდ, არ გამოსდიოდა, სულ ჩაუწითლდა თვალები, რომ არ ეტირა. ბოლოს მაინც ცრემლებმა დანამა მისი ლამაზი, სევდიანი სახე. ბუხართან ისხდნენ, ხმელი შეშა იწვოდა და ტკაცატკუცი გაჰქონდა, გარეთ კი თოვლის ფიფქებით თეთრ, ქათქათა საბანს იფარებდა ღამით სოფელი.

ამ სიტყვებმა მეუღლე ძალიან გაანანყენა. რა თქმა უნდა, არ დაეთანხმა.

– იმის გამო, რომ შვილი არ გვიჩნდება, შენს სიყვარულზე ვერ ვიტყვი უარს, ცოტა დაველოდოთ, თუ არადა, ავიყვანთ ბავშვს და მას გავზრდით. ისე გვეყვარება, როგორც საკუთარი შვილი, – სევდანარევი ხმით უთხრა მეუღლემ ოლიკოს.

ამ ამბიდან დიდი დრო გავიდა. ერთ მშვენიერ დღეს ოჯახის ყველა წევრი სუფრასთან ისხდა და გემრიელად ვახშმობდა. ოლიკოს მოულოდნელად გული წაუვიდა. ყველამ მაშინვე შეწყვიტა ჭამა და ქალს მისცვივდნენ – წყალი აჰკურეს სახეზე,

ყურის ბიბილოები დაუზილეს, როგორც იქნა, გონს მოვიდა და ნაიყვანეს საავადმყოფოში.

რაიონის საავადმყოფოში სასწრაფოდ აუღეს ანალიზები. თითქოს, დრო გაინელა მოლოდინში, წუთი საათად ეჩვენებოდა; როგორც იქნა, ექთანმა უთხრა, – ანალიზების პასუხი მზად არის და ექიმი კაბინეტში გელოდებათო. გულისფანცქალით შევიდნენ ექიმის კაბინეტში, იქ ხანში შესული, სახე მომღიმარი, სპეცხალათიანი ექიმი დახვდათ. გარინდებით უგდებდნენ ყურს, რას ეტყოდათ ექიმი, მომავალმა ბაბუამ ველარ მოითმინა და დაეკითხა:

– ხომ მშვიდობა არის ჩვენს თავს?

ექიმმაც არ დააყოვნა და უპასუხა:

– ყველაფერი რიგზეა. ახლა ისე სჭირდება ოლიკოს გაფრთხილება და მოვლა, როგორც არასოდეს!

ფერი ეცვალათ, იფიქრეს, ალბათ, რაიმე ცუდი სჭირსო...

– რა ხდება, რა ჭირს ასეთი? – აკანკალებული ხმით იკითხა ოლიკოს მეუღლემ – გიგლამ.

– დიახ, დიახ, ყველაფერი რიგზეა, ეს თავიდანვე აღვნიშნე, საშიში არაფერია, ანალიზებმა აჩვენა, რომ ის ფეხმძიმედაა...

– თითქოსდა მოულოდნელობისგან ხმა დაკარგეს, ერთმანეთს გაოცებული თვალებით მიშტერებოდნენ. როგორც იქნა, ერთხმად წამოიძახა სუყველამ: „ღმერთო, რა ბედნიერებაა!“

ახალგაზრდა წყვილი სიხარულისგან ტიროდა, მომავალი ბებია-ბაბუა ეფერებოდა შვილს და რძალს, უფალს მადლობას უხდიდნენ ამ დიდი საჩუქრისთვის.

თავს დასტრიალებდნენ ფეხმძიმე ქალს, თუ რამ სურვილი ჰქონდა, ყველაფერს მაშინვე უსრულებდნენ. ჯერ არდაბადებულ ბავშვს სათამაშოები, საჭირო ნივთები და ტანსაცმელი უყიდეს. მართალია, ოჯახს ჰყავდა სხვა შვილიშვილები, მაგრამ ისინი მათთან არ ცხოვრობდნენ, ამიტომ ასეთ განსაკუთრებულ მოლოდინში იყვნენ.

ბავშვი დედის სხეულში გრძნობდა, თუ როგორ უყვარდა ყველას, ამავე დროს ძალიან მოუსვენარიც იყო, თითქმის ყოველ კვირაში ექიმთან გარბოდნენ ამის გამო, ხან განზე იწვა, ხან თავუკულმა; ექიმიც გაოგნებული იყო ბავშვის ასეთი ქცევებით. როგორც იქნა, გავიდა ცხრა თვე. ოლიკოს მშობიარობის დროც დადგა, შებინდებისას წამონოლილი იყო სანოლზე და ისვენებდა, თან წიგნს კითხულობდა, რაც ყველაზე მეტად უყვარდა. უცებ ძლიერი ტკივილი იგრძნო წელის არეში, ისეთი, რომ ტკივილისგან იყვირა, მყისიერად ფეხზე დადგა ყველა და სამშობიაროში გააქანეს. ექიმმა გასინჯა და უთხრა, რომ ჯერ მშობიარობის პროცესი არ ეწყებოდა. რა გაეწყობოდა, უკან გამობრუნდნენ. ასე განმეორდა რამდენჯერმე. ექიმები უკვე ხვდებოდნენ, რომ ცრუ განგაში იყო და ტყუილად მიჰყავდათ ფეხმძიმე ქალი სამშობიაროში. ბავშვი, თითქოს, გაჯიუტდა და არ სურდა მოვლინება ახალ სამყაროში, სადაც მთელი გულით ელოდნენ!

ერთ საღამოსაც იგივე განმეორდა, ქალს მუცელი ასტიკვდა. ოჯახში უკვე დაიღალნენ ამდენი ტყუილუბრალოდ სიარულით. ფეხმძიმე ქალს ეუბნება დედამთილი:

– შვილო, ვაცადოთ, იქნებ გაგიაროს – ისე ეუბნებოდა, რომ სახეზე ეტყობოდა, თუ როგორ წუხდა ამის გამო.

ქალს ტკივილი გაუმძაფრდა და წაიყვანეს. ყველა ფიქრობდა, რომ ამჯერადაც ცრუ განგაში იყო. საბედნიეროდ, ასე არ მოხდა და ლამაზი, თაფლისფერთვალება გოგონა დაიბადა.

გოგონას დაბადება მშობლებისთვის, განსაკუთრებით, ბებია-ბაბუისთვის სასწაული იყო, მათ სიხარულს საზღვარი არ ჰქონდა. ბებიის სახელი დაარქვეს – ქეთინო, რაც ძალიან ახარებდა ბებიას.

ოლიკო რამდენიმე დღე გააჩერეს სამშობიაროში, მერე კი სახლში წაიყვანეს. ყველა პატარა ბავშვის ჭკუაზე დადიოდა – როდესაც დაიძინებდა, ბუზის გაფრენის ხმას გაიგონებდით,

თუ რაიმე წამოტკივდებოდა, ყველა განიცდიდა და სასწრაფო ზომებს ლეზულობდნენ...

დრო გადიოდა, ქეთინო იფერებდა პრინცესობას, ანებივრებდა დედ-მამა, ბებია-ბაბუა და მის ირგვლივ მყოფი ადამიანები. სამი წლის ასაკში, დედის დახმარებით უკვე კარგად ფლობდა უცხო ენას, საბავშვო ბაღში თავის თანატოლ მეგობრებს ირგვლივ შემოისვამდა, თვითონ შუაში დაჯდებოდა და უცხო ენაზე სიტყვებს ასწავლიდა – მასწავლებლების გაოცებას საზღვარი არ ჰქონდა. ბაბუამ ტირიფის ტოტებიდან კალათა დაწნა, მასში ჩასვამდა ხოლმე, და ისე მიჰყავდა, როდესაც ეზოში რაიმე სამუშაოს ასრულებდა; იქვე დასვამდა და იქიდან ეტიკტიკებოდა ბაბუას გოგონა; ბებო თუ რამ საუკეთესოს ნახავდა, გოგონასთვის შეიძენდა; მშობლები როდესაც სადმე წავიდოდნენ, რაც კი თვალში სათამაშო მოხვდებოდათ, ყველაფერს ყიდულობდნენ. თუმცა, ქეთინო მეტად ონავარი ბავშვი იყო და მალევე ამტვრევდა! რომ გეკითხათ, რატომ იქცეოდა ასე, მყისიერად გიპასუხებდათ: აინტერესებდა, რა იყო ამ სათამაშოს შიგნით. დიდ მომავალს უწინასწარმეტყველებდნენ პატარა გოგონას...

შემოდგომა დადგა, სექტემბერი იყო, ექვსი წლის ქეთინო სკოლაში წავიდა, ერთ თვეში სოფელში ვირუსი გავრცელდა და არც გოგონა დატოვა ისე, რომ არ შეხვედროდა: მთელს სხეულზე წითელმა წერტილებმა გამოაყარა, მაღალი ტემპერატურა ჰქონდა, სასწრაფოდ საავადმყოფოში წაიყვანეს და დიაგნოზი დაუსვეს. ინფექცია უფრო და უფრო იკიდებდა ფეხს გოგონას სხეულში, დღითიდღე უარესად ხდებოდა, უკვე სიარულიც არ შეეძლო, საუბარიც უჭირდა! თავს დასტრიალებდა მთელი სოფელი, ლამის მთელი ქვეყანა დააყენეს ფეხზე მშობლებმა, რომ ბავშვი გადაერჩინათ. რამდენიმე თვე გოგონა საწოლიდან ვერ დგებოდა – ვერ საუბრობდა. სოფელში ერთი მოხუცი ქალი ცხოვრობდა. მან შემთხვევით გაიგო ამ ბავშვის

შესახებ. მოხუცს სოფელი „კუდიან ბებერს“ ეძახდა. იგი თავისით მოვიდა ბავშვთან ისე, რომ არავის უთხოვია. ბავშვის მშობლებს და ბებია-ბაბუას წინააღმდეგობა არ გაუწევიათ. იფიქრეს, იქნებ ეს მოხუცი უფალმა გამოგვიზავნა და უარი როგორ ვთქვათო, იქნებ ეგ არის ის, ვინც ჩვენს პატარას გადაგვირჩენსო და ბავშვის ოთახში შეიყვანეს. საწოლთან დაჯდა და თავისთვის რაღაცას ბუტბუტებდა. ოთახში არავინ გააჩერა, გარდა დედისა, დაახლოებით ნახევარ საათში გოგონამ დედას წყალი სთხოვა...

დედის სიხარულს საზღვარი არ ჰქონდა, რამდენიმე თვის შემდეგ პირველად გაიგონა შვილის ხმა, ტიროდა დედა, გულში იხუტებდა, ქეთინო წყალს დაენაფა, მოხუცს გახედა და თვალით ანიშნა, რომ კიდევ უფრო ახლოს მისუღიყო მასთან. მოხუცი „ჯადოქარი“ ბავშვს ჩაეხუტა და უთხრა, – შენი სიცოცხლე ხელმეორედ აჩუქა უფალმა შენს მშობლებს და გაუფრთხილდით.

გოგონამ ფანჯრისკენ გაიხედა და გულდანყეტილმა დახარა თავი. იქ მყოფებს

შეეშინდათ და ბავშვს ჰკითხეს, – ხომ კარგად ხარო! მან ფანჯრისკენ ხელი გაიშვირა და უთხრა: მთელი ამ ხნის განმავლობაში, მე რომ აქ, საწოლში ვინექი, იქ ფანჯარასთან მტრედი იჯდა და როგორც ადამიანი, ისე მესაუბრებოდა. მეუბნებოდა, – შენ ყველაფერს შეძლებ და ისევ გააგრძელებ სიცოცხლეს, მთავარია, ძალა მოიკრიბოო! მეც ვუჯერებდი, არ მინდოდა თქვენგან წასვლა, ახლა კი ვუცქერ და ის მტრედი იქ არ ზის, გაფრენილა და მარტო დავუტოვებივარ!

დღითიდღე ბავშვი უკეთესად ხდებოდა, თავიდან მოუწია სიარულის სწავლა, მეტყველებაც აღიდგინა. დრო გადიოდა, იზრდებოდა, ბებია-ბაბუას ასაკი ემატებოდა და უკვე იმდენი აღარ შეეძლოთ, როგორც ადრე.

შვილიშვილს ძალიან უყვარდა მოხუცებთან დაწოლა, ამის

გამო ხშირად მოსდიოდათ კამათი, რადგან სამივე ერთ პატარა სანოლში ვერ ეტეოდა.

ერთ დღეს ბაბუა ავად გახდა და საავადმყოფოში წაიყვანეს. ექიმებმა მძიმე დიაგნოზი დაუსვეს, ავადმყოფობა საშიში იყო და გადამდები. ამიტომ ბავშვი სახლიდან წაიყვანეს და მეორე ბებიასთან დატოვეს, მოხუცს კიდეც უფრო გაურთულდა მდგომარეობა და მოითხოვდა, სიკვდილის წინ შვილიშვილი ენახა. გოგონას მშობლებს ეშინოდათ, არ გადასდებოდა ბავშვს დაავადება და ამის გამო არ მიჰყავდათ მოხუცთან.

– ბაბუა, გენაცვალოს ჩემი თავი, როგორ მომენატრე, გოგო, გლოცავ, ბაბუ, მე ვერ მოვესწრები შენს დიდობას და შენი ბებია ეღირსოს, იქნებ. გლოცავ, ბაბუ, შენი სახე მიდგას თვალწინ, ჩემო პატარა გოგო. სიკვდილის წინ რა მოხდებოდა, რომ ჩავხუტებოდი შენს პატარა ხელებს და დამეკოცნა შენი სახ...

მოხუცმა სიტყვის დასრულება ვერ მოასწრო და სული გაწუტევა, დასაფლავებამდე მოიყვანეს ქეთინო სახლში, მაგრამ არ იცოდა, ბაბუა გარდაცვლილი თუ იყო, როგორც კი ეზოს ჭიშკარი ღიად დახვდა, მაშინვე მიხვდა, რაც ხდებოდა და ტირილით შევიდა სახლში, პირველი, რაც მოიფიქრა, ბაბუას ოთახში შევიდა – იქ ძალღი დახვდა, ცარიელი სანოლის ქვემოთ იწვა და ტიროდა.

დიდი დრო გავიდა ამ ამბის შემდეგ, შვილიშვილი ყოველ ღამით ბებოსთან წვებოდა ხოლმე, ახლა არ ჰყავდა ვინმე ხელის შემშლელი.

ქეთინო გაიზარდა და თავის რჩეულ მამაკაცზე იქორწინა, ქორწილის დღეს ბებო ძალიან ბედნიერი იყო, მიუხედავად იმისა, რომ უკვე სიარულიც უჭირდა, სიძე-დედოფლის ახლოს სკამი დაიდგა და მთელი ქორწილის მსვლელობის დროს უმზერდა და ამით კტებოდა.

...იმ წელს დიდი თოვლი მოვიდა – ისეთი, რომ გადაადგილება ჭირდა. სახლში ტელეფონის ხმა გაისმა, მამაკაცმა აიღო

ყურმილი და მალევე გათიშა, რამდენიმე საათის შემდეგ ოჯახის ყველა ნევრს უთხრა:

– მოდი, ნავიდეთ დღეს ჩვენს მძახლებთან.

რძალმა გაიკვირვა:

– ასეთ ამინდში იქ რა გვინდა. კი, მართალია, მინდა, ჩემს მშობლებთან წასვლა, მაგრამ როგორ წავალთ, როცა მანქანას ვერ გადავიყვანთ ეზოდან?!

– ფეხით ნავიდეთ, ცოტას გავერთობით კიდევაც გზაზე.

მაშინვე ყველა მოემზადა და დაადგნენ გაუკვალავ თოვლს. აზრადაც არ მოსვლია ქეთინოს, რომ შეიძლება რამე ცუდი ხდებოდა მშობლების ოჯახში...

ქეთინოს ისეთივე სურათი დახვდა, როგორიც ბაბუას გარდაცვალების დროს – იმ განსხვავებით, რომ ირგვლივ სამყარო თეთრად იყო შემოსილი და ციდან უზარმაზარი თოვლის ფიფქები ცვიოდა. სახლში შესულს ბებო გარდაცვლილი დახვდა, დედამისმა ტირილი დაიწყო შვილის დანახვაზე, შენს ლოცვაში გალია ბებიაშენმა სული ისე, როგორც ბაბუაშენმაო.

...გასვენების დღეს მზიანი ამინდი იყო, თოვლი ჯერ კიდევ ეფინა ირგვლივ, ტირილით აცილებდნენ მოხუცს სამუდამო საცხოვრისში, შვილიშვილი კი არ ტიროდა – არ ტიროდა იმის გამო, რომ მისთვის ნერვიულობა არ შეიძლებოდა – მუცლით ახალ სიცოცხლეს ატარებდა, გულში კი დიდი დარდი და ტკივილი ჰქონდა; ამ ტკივილმა და დარდმა, რომელიც უცრემლო იყო, მაინც გაიტანა თავისი და ჯერ არდაბადებული სიცოცხლე ნაართვა დედას!

წლები გავიდა, ქეთინოს შვილები ეყოლათ და მხოლოდ იმას სთხოვდა მათ, რომ რაც შეიძლება დიდი დრო გაეტარებინა ბებია-ბაბუასთან და მთელი გულით ყვარებოდათ, რადგან თავს დამნაშავედ გრძნობდა, რომ ისე წავიდნენ ბებია და ბაბუა ამ ქვეყნიდან, ვერც მოფერება და ვერც ცრემლი გაატანა....

მზახი სარკმა

(ფსიქოლოგიური დრამა)

მამაკაცი ფრთხილად შევიდა სახლში, არ სურდა, ოჯახის ნევრებს დაენახათ. პირდაპირ აბანოსაკენ გაემართა, კარი დახურა და ონკანიდან წყალი მოუშვა. ხელები გაისაპნა და ცდილობდა, წითელი ლაქები მოეცილებინა, მაგრამ იმდენად გამჯდარი იყო კანში, რომ გაუჭირდა. ხელები გაიმშრალა, ოთახში შევიდა, სავარძელში მოკალათდა და დაღლილობისგან მაშინვე ჩაეძინა. პატარა ბავშვი ტელევიზორს უყურებდა და მულტფილმებს ეძებდა – სანამ შესაბამის არხს მოძებნიდა, ერთ-ერთ არხზე სიუჟეტი გავიდა, რომელშიც რამდენიმე საათის წინ მომხდარ მკვლელობას აჩვენებდნენ.

ქეთიმ შვილს სთხოვა, ცოტა ხანს დაესვენა; სურდა, მოესმინა, რას უკავშირდებოდა მკვლელობა. გულმოსულმა პატარამ პულტი მოისროლა და თავის ოთახში გაიქცა.

– ეს რა უბედურებაა?! დღისით, მზისით ხოცავენ ხალხს! ასეთი ახალგაზრდა ქალი ვინ გაიმეტა მოსაკლავად?! – ცრემლები გადმოსცვივდა ქეთის. ტელევიზორში დეტალურად ჰყვებოდნენ ისტორიას, თუ როგორ უმონყალოდ მოკლეს ახალგაზრდა ქალი ქალაქის სკვერში – სხეული დანით ისე ჰქონდა დასახიჩრებული, რომ მისი ამოცნობაც უჭირდათ. გამვლელებს ეკითხებოდნენ და ეძებდნენ თვითმხილველებს, მაგრამ ყველა ამბობდა, რომ საეჭვო არაფერი შეუმჩნევიათ.

ქეთის ემოციები იმდენად მოეძალა, მოუსვენრობისგან ქმარიც გააღვიძა.

– ქალი მოუკლავთ უმონყალოდ, უნამებიათ და მკვლელს ვერ პოულობენ. არავის დაუნახავს, ან ასე როგორ გაიმეტა ეს საბრალო გოგო, რა დაუშავა ასეთი?! მკვლელი, ალბათ, მანიაკია, თორემ, სხვა შემთხვევაში, დანა ამდენჯერ როგორ ჩაართყა ქალს?!

– ასეა, დღეს ვერც მკვლელს პოულობენ და ვერც მიზეზს იგებენ. განუკითხაობაა ყველგან. ალბათ, ვერც ვერასდროს მიაგნებენ, ვინ მოკლა, – უპასუხა ნიკამ მეუღლეს და სავარძლიდან წამოდგა. უცებ თავბრუ დაეხვა. ქეთის დახმარებით ისევ დაჯდა.

– წყალი მომიტანე, ცუდად ვარ.

– ახლავე, წამალსაც დაგაღვინებ, დაიღალე, ეტყობა, სულ შრომობ, დაისვენე ცოტა.

ცოდვა ხარ ამდენი მუშაობისთვის, აიღე შვებულება და სოფელში წავიდეთ.

– ცოტაც და დავისვენებ; წავიდეთ სოფელში, ბავშვიც გამოიცვლის ჰაერს, რამდენიმე დღე და მოვრჩები სამუშაოს.

ნიკა უხასიათოდ იყო და აფორიაქებული ჩანდა. ტელევიზორში ისევ იმ მკვლელობაზე საუბრობდნენ. ქეთის უთხრა:

– ან გამორთე, ან კიდევ სხვა არხზე გადართე, დავიღალე ამ მკვდარი ქალის ყურებით!!! ისედაც ხედავ, რომ ვერ ვარ კარგად!

შემდეგ ადგა და სხვა ოთახში გავიდა. ბავშვი გამოვიდა, დედას სთხოვა ტელევიზორის პულტი მიეცა, რომ მულტფილმის ყურება განეგრძო. ქეთის კი ინტერესი კლავდა: რა იყო მკვლელობის მიზეზი.

მეორე დღეს ნიკა სამსახურში წავიდა. დედა-შვილი სახლში დარჩა. მთელი დღე ადევნებდა თვალს ქეთი ტელევიზორს, რომ გაერკვია, რა ხდებოდა – ეცოდებოდა მოკლული, მკვლელს კი აუგად მოიხსენიებდა. საღამოს დაბრუნებულ ქმარს უყვებოდა მკვლელობის შესახებ, რაც ტელევიზორში მოისმინა.

– თურმე, ეს გოგო ჯერ გაუუპატიურებია და შემდეგ მოუკლავს! ნივთებიდან არაფერი წაუღია; ამბობენ, რომ რაღაც პირადული არისო. მკვლელი ისევ არ ჩანს – ან როგორ ვერ ნახეს, ვინმე გამვლელმა როგორ ვერ შეამჩნია ამხელა ქალაქში. ეჭვობენ, რომ ჯერ მოკლა და შემდეგ მიიტანა სხეული სკვერში, რადგან დამნახველი არავინ ჰყავს!

ნიკა გაუბრაზდა ცოლს – ჯერ სახლში არ მოვსულვარ, ხედავ, რომ დაღლილი ვარ და შენ რაღაც მკვლელობაზე მესაუბრები?! მაგას ჯობია, საჭმელი გამიმზადო! დავიღალე, დასვენება მინდა.

ქეთი მაშინვე გაჩუმდა და სამზარეულოში გავიდა, გულში კი მაინც ისევ ის ანუხებდა – რა იყო მკვლელობის მიზეზი.

იმ საღამოს მეზობლის ქალი შემოვიდა და მანაც იმავეზე დაიწყო ლაპარაკი, ნიკა გაბრაზდა...

– სჯობს, საკუთარ თავებს და ოჯახს მიხედოთ! იმას, რაც თქვენი საქმე არ არის, ნუ კითხულობთ და ნუ იძიებთ!

მეზობლის ქალი გაჩუმდა. ქეთიმ უპასუხა:

– რამ გაგანერვიულა ასე, შე კაცო? რა ხდება ამ ქვეყნად, არ უნდა ვიცოდეთ?! დღეს ის მოკლეს, ხვალ იქნებ ჩვენ შემოგვივარდნენ სახლში; როგორ შეიძლება, ვისხდეთ და ვუყუროთ ისე, რომ ხმა არ ამოვიღოთ?!

– ჭკვიანად თუ იქნები, არავინ შემოგივარდება და არავინ მოგკლავს – უპასუხა ბრაზმორეულმა ქმარმა.

– რას ამბობ, განა რამდენი მოუკლავთ უდანაშაულო? ათასი მანიაკი და სისხლისმსმელი დაიარება ქალაქში. პოლიცია კი ზის და არაფერს აკეთებს ან, კიდევ, საქმე ვერ მიჰყავთ ბოლომდე...

– ნავედი, დავიძინე, შენი ნერვები არ მაქვს, დაღლილი ვარ. რომც აგისხნა, ვერაფერს გაიგებ მაინც.

ბავშვს მოეფერა ნიკა და დასაწოლად გაემართა. დილით რომ გავიდა სახლიდან, ცოლ-შვილს ჯერ ისევ ეძინა. სანამ სამუშაოზე მივიდოდა, იქვე, სახლთან ახლო მდებარე სკვერში გაისეირნა. ცოტა ხანს დაჯდა და ბუნების სილამაზით დატკბა. მზის ამოსვლისთანავე დედებს ბავშვები გამოეყვანათ სკვერში და ასეირნებდნენ. ერთმა პატარა გოგონამ მიიღრმინა მასთან და ბუშტის გაბერვა სთხოვა. ნიკამ გაუბერა, თავზე ხელი გადაუსვა, ადგა და წავიდა.

საღამოს სახლში მისულმა, თავისი საკეტიტ გააღო კარი ისე, რომ ზარი არ მიუცია, როგორც ყოველთვის, პირდაპირ აბაზანაში შევიდა. ხელსა და სახეზე ლაქები ჰქონდა. დაიბანა, იქაურობა მიასუფთავა და მისაღებ ოთახში გავიდა, სადაც ცოლი და შვილი ეგულებოდა. ისინი გააფრთხილა: – დღეს მოვემზადოთ და ხვალ სოფელში წავიდეთ, ცოტა ხანს გავერიდოთ ქალაქს, დასვენება მინდა, სამუშაოსაც მოვრჩი უკვე.

ქეთიმ ისევ იმ მკვლელობაზე ჩამოუგდო ლაპარაკი.

– დღეს გადმოსცა ტელევიზიამ – ქალი მეძავი ყოფილა, მკვლელი ისევ ვერ უპოვიათ, მაგრამ ფოტორობოტი შეუქმნიათ და მალე იპოვიანო.

– შენ კიდევ მაგას დარდობ?! ნუთუ მეტი საფიქრალი და სადარდებელი არ გაქვს? ყველა მიხედავს თავის თავს... შეეშვი, ნუ უყურებ ასეთ რაღაცებს, ნერვებს გაუფრთხილდი. ხომ იცი, რომ ეს ყველაფერი მოქმედებს ფსიქიკაზე?

– კი, ვიცი, ნიკა, მაგრამ რა ვქნა, სულ გამომძიებლობაზე ვოცნებობდი და ვერ ავისრულე ეს ოცნება, ვზივარ სახლში და ვუვლი ოჯახს!

– ქალის საქმე არ არის ეს პროფესია. რაც ქალის საქმეა, კი აკეთებ იმას. მორჩი ახლა და მოემზადე, ხვალ დილით გავდივართ! – მკაცრი ტონით უთხრა ნიკამ მეუღლეს.

მეორე დღეს ავტომანქანაში ჩასხდნენ და სოფლის გზას გაუყვნენ. ლამაზი ბუნება იშლებოდა მათ ირგვლივ, ქალაქს რომ გასცდნენ.

– აი, როგორ იგრძნობა უკვე სუფთა ჰაერი, აქ არც სისხლის სუნი ტრიალებს და არც ბენზინის, ერთი თვე მაინც დავრჩეთ აქ და მერე ისევ სამუშაო და ისევ შრომა... – გადაულაპარაკა მეუღლეს ნიკამ.

ქეთის ტელეფონზე ზარი შემოვიდა, მეზობლის გოგო რეკავდა.

– ქეთი, გაიგე? იმ ქალის მკვლელის ვინაობა გაუგიათ და, ალბათ, მალე დაიჭერენ.

- კარგია, ანა, მიხარია. ცოტა ხანში დაგირეკავ, ახლა ვერ გესაუბრები, - გაუთიშა ტელეფონი - არ სურდა, მეუღლე ისევ გაელიზიანებინა.

ნიკა თავისი ცოლ-შვილით მშობლების სახლს მიადგა, სიხარულით შეხვდნენ მოხუცები შვილებს და შვილიშვილს, ისინი არ იყვნენ განებივრებულნი შვილების ხშირი სტუმრობით. მოხუცმა დედამ სახელდახელო სუფრა გაშალა. დასხდა მთელი ოჯახი - პატარა კატო ბაბუამ ჩაისვა კალთაში და თავისი ხელით აჭმევდა, ნიკა კი დედას დაუჯდა გვერდით. მამამ ნიკას ჭიქის ღვინით შევსება სთხოვა და სადღეგრძელო წარმოსთქვა:

- ბედნიერი ვარ, რომ მყავხართ, შვილებო, კიდევ უფრო მეტად კარგად ვარ, რომ ვიცი, ჩემი შვილები სხვისას არ იპარავენ, არ კლავენ და ისე არ მოიპოვებენ ლუკმა-პურს... ღამით მშვიდად მძინავს, შიში არ მაქვს იმის, ვაითუ ჩემმა შვილებმა რაიმე დააშავეს და სირცხვილი მაჭამეს-მეთქი. ოჯახი სარკეა, შვილებო, სარკე. რასაც თქვენ მოქმედებთ, ის ქალაქად სჭავენ, რომელიც, რაც არ უნდა აუთოო, ვერ გაასწორებ - კვალი სულ დარჩება. კარგი კაცობის მატარებელი ადამიანი მზის სხივს სჭავენ, რომელიც ყველგან სწვდება და ანათებს. კარგი კაცობაც - სადაც არ უნდა იყო, ყველგან დაგხვდება ის შენი სახელი. ხომ ხედავთ, მე და დედათქვენი ვშრომობთ, არასოდეს მდომებია სხვისი არაფერი. რაც მოვიპოვე - ჩემი შრომის ფასად. მაღლობელი ვარ უფლის იმისთვის, რაც გამაჩნია და მეტს არც ვითხოვ. სხვას ამდენიც არ აქვს. მიუხედავად იმისა, ბევრი მინახავს და გამიგია, როგორ იპარავენ, კლავენ, მაგრამ რაა მათი სიცოცხლე? თქვენ გაგიმარჯოთ, შვილებო, რომ ასეთი კარგები მყავხართ, - მოხუცმა დალია ღვინო და ჭიქა ამოაპირქვავა. ასე მტერი დაგეცალოთო, - თქვა და შვილიშვილს აკოცა, რომელიც განაბული უსმენდა ბაბუას სადღეგრძელოს.

– ასეა, ბაბუ, მე ჩემი მშობლებისგან ვისწავლე შრომა და სიყვარული, ჩემმა შვილებმა – ჩემგან, შენ კი, ჩემო პატარა, შენი დედიკოსგან და მამიკოსგან უნდა აიღო მაგალითი და შეინარჩუნო ის სახელი, რომელიც ჩვენს ოჯახს აქვს – არ უნდა უღალატო ტრადიციას და კულტურას, რაც წინაპრებისგან გვაქვს დანატოვარი.

ნიკამ ღვინო დაასხა და მამას მიმართა:

– შენ და დედაჩემი სარკე ხართ ჩემი, რომელშიც ვიხედები და მხოლოდ სინათლეს ვხედავ. მეამაყება, რომ ასეთი კარგი მშობლები მყავს – უფალმა მარგუნა ეს ბედნიერება. სიტყვას გაძლევთ, რომ ის სუფთა სარკე, რომელშიც მე ვიხედები, არასდროს აიძვრება და აგაჭუჭყიანდება. ასე იცხოვრებს ჩემი შვილიც, მე ამის მჯერა. თქვენ გაგიმარჯოთ, ჩემო გამზრდელი მშობლებო, და დიდხანს მიმყოფოს უფალმა თქვენი თავი.

ამ დროს ქეთის ტელეფონმა დაურეკა. ისევ ის მეზობლის გოგონა იყო, რომელიც მასავით ინტერესდებოდა მკვლელობის ამბით.

– ქეთი, ამბობენ, რომ მკვლელს დღეს დაიჭერენ – ასე გადმოსცა ტელევიზიამ. თურმე, ის ქალი, როგორც ამბობენ, მეძავი ყოფილა. მკვლელის ვინაობას არ ახმაურებენ, გამოძიების ინტერესებიდან გამომდინარე.

– სანყალი ქალი, როგორიც არ უნდა ყოფილიყო, სიკვდილისთვის ყველა ცოდვას. ის კაციც ცოდვაა – ალბათ, ცუდი ბავშვობა ჰქონდა და ამიტომ იქცა მკვლელად!

ნიკამ გაიგონა ქეთის საუბარი და გახედა.

შემდეგ კი მშობლებს უთხრა:

– ჩემი ცოლი, რაღაც მკვლელობა მოხდა და მთელი მისი არსებით მასზე არის გადართული, თვალყურს ადევნებს მოვლენებს. ჩემთან დაინუნუნა: გამომძიებელი მინდოდა ვყოფილიყავი და ოჯახს ვუვლიო...

მოხუცმა მამამ ნიკას უპასუხა:

– შვილო, ჯერ კიდევ ახალგაზრდები ხართ და ცხოვრება წინ გაქვთ; მიეცი ცოლს იმის საშუალება, კარგი მეუღლეც იყოს და კარგი გამომძიებელიც. ერთმანეთს ეს ხელს არ შეუშლის. თუ ქეთიმ მოინდომა, მჯერა, ორივე გამოუვა, ისწავლოს ის, რაც სურს.

ამ საუბარში რძალს გახედა მამამთილმა და თვალი ჩაუკრა. ქეთი მაშინვე წამოხტა სკამიდან, მივიდა მასთან და მადლობის ნიშნად ლოყაზე აკოცა. ამ ამბიდან რამდენიმე წელიწადში ქეთის იურისტის დიპლომი ხელში ეჭირა და თვითონ იძიებდა ამ საქმეს, რომელიც ჯერ კიდევ ბურუსით იყო მოცული.

მედალიონი

– წამიყვანე შენს სამშობლოში, მანახე, სად დაიბადე და გაიზარდე. აქ ბევრი ქართველია და ქართული ვისწავლე, მომწონს თქვენი ტრადიციები. ჩვენ, თურქები, ოდითგანვე ვიპყრობდით ქვეყნებს, მათ შორის საქართველოც იყო. გადმოცემით ვიცი, რომ ლამაზი ქვეყანაა. ჩვენი წინაპრები ომის დროს იტაცებდნენ ქართველებს და აქ ჰყიდდნენ – ლამაზ ქალებს და ვაჟებს სულთნებს მიჰგვრიდნენ ხოლმე საჩუქრად. ბიჭებს მამლუქებად ზრდიდნენ, ქალებს კი მონებად იყენებდნენ სასახლეში...

– ბერდია, ბევრი რამ გცოდნია საქართველოზე. იქნებ შენც ერთ-ერთი მათგანი ხარ, ვინც მოიტაცეს და გაყიდეს თურქეთში.

– არა მგონია, ეგრე იყოს. რაღაც მაინც მეცოდინებოდა ამის შესახებ ჩემი წინაპრებისგან.

– არა, არა, შენ რაღაც გაქვს ქართული, ამიტომ მეგობრობ აქ სამუშაოდ ჩამოსულ ქართველებთან. როგორც კი მოვრჩები აქ სამუშაო სეზონს, წავალ, შენც წამოდი და დატკბი ჩემი საქართველოს ღირშესანიშნავი ადგილებით.

– გიორგი, ისიც გამიგია, ღვინო გაქვთ სანაქებო, განსაკუთრებით კახური. აქ ერთი კახელი მუშაობს, მას ჰქონდა – მომეწონა ძალიან...

– შენ იმერეთში დანურული შავი ალადასტურის წვენი არ გაგისინჯავს, თორემ მაგას არ იტყოდი. ჩვენ ყველა კუთხეში ყველაფერი კარგი გვაქვს!

...თურქეთის ერთ-ერთ ქალაქში, კერძოდ ბოდრუმში, ცხოვრობს ერთი ქართველი, რომელიც ოჯახს მოშორებულია იმის გამო, რომ რაღაც მცირედი გამოიმუშაოს და ცოლ-შვილი გამოკვებოს! მეორე კი თურქი ბერდიაა, რომელსაც თავის სამშობლოზე მეტად არაფერი უყვარს, მაგრამ სხვა ქვეყნების ისტორიაც ზედმინევნით კარგად იცის. ქართულიც ისწავლა

თურქეთში მომუშავე ქართველებისგან და ინტერესი გაუჩნდა, ენახა ის ქვეყანა, საიდანაც ეს ხალხი ჩამოვიდა. არადა, მათი წინაპრები სისხლის ბოლო წვეთამდე იბრძოდნენ, მონებად რომ არ დადგომოდნენ თურქებს!

გიორგის სამუშაო სეზონი დაუსრულდა და საქართველოში წასასვლელად ემზადებოდა. ტელეფონზე ზარის ხმა გაისმა, თურქი ბერდია რეკავდა, რომელიც უკვე ამდენი შრომისგან და ნერვიულობისგან აღარც ახსოვდა.

– გამარჯობა, გიორგი, როგორ ხარ?!

– გაგიმარჯოს, ბერდია, შენ როგორ ხარ? ქართული კარგად გისწავლია. ბოლო საუბრის დროს, მახსოვს, ცოტა გიჭირდა. ახლა, თითქმის ჩემნაირად საუბრობ.

– გიორგი, ხომ არ დაგავიწყდა, რას დამპირდი?!

გიორგის ამ სიტყვებზე გაახსენდა შეთანხმება საქართველოში ერთად წასვლის შესახებ.

– არა, რას ამბობ, უკვე მოვრჩი სამუშაოს, ორ დღეში მივდივარ საქართველოში და შენც წამოდი. იქნებ მოგეწონოს ჩემი სამშობლო და დარჩე კიდევ საცხოვრებლად...

– არა, გიორგი, მე ჩემს სამშობლოს ვერ გავცვლი სხვის სამშობლოზე. წამოსვლით მინდა, წამოვიდე და მოვინახულო საქართველო. ჩემი მეგობარია, კიდევ ერთი, რომელსაც სურს წამოსვლა, მინდა, ისიც წამოვიყვანო.

– სიამოვნებით, წამოიყვანე. მზად ვარ, გიმასპინძლოთ.

ორი დღის შემდეგ ორი თურქი და ოჯახს მონატრებული ერთი ქართველი გზას დაადგნენ. ბერდია ჰყვებოდა საქართველოს ისტორიას და გიორგი გაკვირვებული ისმენდა – საიდან იცოდა თურქმა ამდენი მის ქვეყანაზე?!

ბერდია ისე იყო როლში შეჭრილი, ხმამაღლა ყვებოდა: – ტრაპიზონის დაცემის შემდეგ, 1461წ. სამთავროებად და საათაბაგოებად დაქუცმაცებულ საქართველოზე გალაშქრება მხოლოდ დროის საქმე იყო. სწორედ ამ პერიოდში დაიწყო ოს-

მალ-ქართველთა საუკუნოვანი ბრძოლა. სჯულის დასაცავად სისხლიანი ბრძოლები უწევდათ. სეიდ ფაშა გოგიტიძე – ყარსის მეციხოვნე, მოსახლეობის დასაცავად თვითონ იღებს მაჭმადიანობას და ამით უხანგრძლივებს ხეობას ქრისტიანობას, მაგრამ ვერც ამით დაიცვა ქრისტიანობა. ხანგრძლივი, სისხლისმღვრელი ბრძოლების შემდეგ იძულებული გახდა, აჭარაში, სოფელ ვაიოში, გადასახლებულიყო და იქიდან ებრძოდა ოსმალეთს.

კაბადოკიის ქართველური ტომი – ხალიბები ხომ იმდროინდელ მსოფლიოში ყველაზე სრულქმნილ ოსტატებად, მეტალურგიის „კლასიკოსებად“ იყვნენ მიჩნეულნი. კაბადოკია ბიზანტიის ერთ-ერთი პროვინცია იყო.

იმპერატორმა კონსტანტინემ აქამდე დევნილი ქრისტიანობა სახელმწიფო

რელიგიად გამოაცხადა. მოინათლა კაბადოკიაც. აქ განსაკუთრებით ინტენსიურად გაიშალა ბერ-მონაზვნური ცხოვრება, დღემდე შემორჩენილია კლდეში ნაკვეთი უამრავი ტაძარი, ლავრა და დაყუდებულ ბერთა სენაკი, სადაც შემონახულია მხატვრობის უნიკალური ნიმუშები. ისინი წარსულის დიდებაზე ღალატდნენ. დღესდღეობით კაბადოკია თურქეთის სახელმწიფოს ნაწილია.

გიორგი კვლავ ვერ მალავდა აღტაცებას ბერდიას მონათხრობით. ამ საუბარში დროც გავიდა, სარფის საზღვარს მიუახლოვდნენ. ახლა მეორე თურქმა დაიწყო, რომელიც მთელი გზა ჩუმად იყო და ყურს უგდებდა ბერდიას.

– სარფის მოსახლეობის უმრავლესობა ლაზია. სარფი ორადაა გაყოფილი -თურქეთის და საქართველოს გამყოფ საზღვრად.

ერთი სიტყვით, მთელი გზა ორი თურქი ყვებოდა საქართველოს ისტორიას. გიორგი ისევ უსმენდა. ბევრი რამ მათგან გაიგო, რაც ჯერ კიდევ არ იცოდა თავისი ქვეყნის შესახებ.

გიორგის ოჯახში სიხარულით შეხვდა მონატრებული ცოლ-შვილი. სტუმრებიც ხალისით მიიღეს. ქართული, მამაპაპური სუფრაც გაიშალა. მეზობლებმა რომ გაიგეს გიორგის ჩამოსვლა და ისიც, რომ მას ორი თურქი მოჰყვა, მივიდნენ და მოილხინეს. თურქი ბეგი და ბერდია საუბრობდნენ საქართველოს ისტორიაზე. იმასაც ამბობდნენ, ჩვენ, თურქები, სხვისი უბედურებით მოვედით ამ დრომდე. ათასობით ქართველია ტყვედ აყვანილი და გაყიდული. ამასთან, ბევრი ქართული თუ ბერძნული კუთხეა თურქეთის მფლობელობაშიო. ბეგიმ დაამატა: რას იზამ, ეს ჩვენ სისხლის ფასად, ბრძოლით მოვიპოვეთ და ვერასდროს გადავცემთ ადრინდელ მფლობელსო!

ეს სიტყვები, ცოტა არ იყოს, არ მოეწონათ ქართველებს და შელაპარაკება ჩხუბში გადაიზარდებოდა, ბერდიას რომ არ დაენყნარებინა მასპინძლები.

მეორე დღეს გიორგი და მისი სტუმრები საქართველოს კუთხეების მოსანახულებლად გაემგზავრნენ.

საქართველოს სილამაზემ აღაფრთოვანა თურქები.

- აი, თურმე რატომ სურდათ, ჩემს წინაპარებს მთლიანად დაეპყრო საქართველო, -გაიფიქრა ბეგიმ. ფოტოებს უღებდნენ ძეგლებს, ნანგრევებს, იხსენებდნენ მათ ისტორიას. ბეგი ეცნობოდა საქართველოს წარსულს და ახსენებოდა ბაბუამისის ნაამბობი - რაღაცით უკავშირებდა თავისი წინაპრების ცხოვრებას საქართველოს, ამის მიზეზს კი ვერა და ვერ ხსნიდა, როგორ და რატომ. ბეგის და ბერდიას დრო არ ჰქონდათ, ხანგრძლივად ყოფილიყვნენ საქართველოში, თუმცა, რაც ნახეს, ესეც საკმარისი აღმოჩნდა მათთვის, რომ კიდევ უფრო მეტი გაეგოთ, ქართველი ერის კულტურისა და ტრადიციების შესახებ. სამდღიანი მოგზაურობიდან გიორგის სახლში დაბრუნდნენ. თურქი სტუმრები მეზობელმა დაპატიჟა თავის ოჯახში - მეფური სუფრა გაიშალა. დაიწყო ქართული სადღეგრძელოების კორიანტელი, ღვინოს ყანწებით სვამდნენ, არც სტუმრები

იხევდნენ უკან. სუფრას ოჯახის უფროსი უძღვებოდა, ყანწი შეავსო და დაიწყო:

– მინდა, ერთიან, მთლიან საქართველოში გვეცხოვროს. ის ტერიტორიები, რაც დაკარგული გვაქვს, დაგვებრუნებინოს და ის ადამიანები, ვინც ჩვენს გულებშია და ვერ ვპოულობთ – გვეპოვოს, ყველა დაბრუნებოდეს საკუთარ ფესვებს, მამაპაპურ ოჯახს, ქრისტიანულ სარწმუნოებას. ცოტა ხანს შეყოვნდა და ისევ განაგრძო: – ბაბუა მიყვებოდა მედალიონზე, რომელიც ტრადიციულად გადაეცემა ჩემს უფროს ბიჭს ჩემი სიკვდილის შემდეგ. თურმე, ორი ბიჭი ჰყოლია ჩემს წინაპარს – მამა მეტად სანაქებო ოსტატი ყოფილა, მედალიონებს ამზადებდა თურმე. ორი მედალიონი შეუქმნია და უკანა მხარეს ბიჭების სახელები ამოუტვიფრავს – დავითი და დემეტრე! დემეტრე თავისი მედალიონით დაკარგულა. ბაბუაჩემი იმასაც ამბობდა, რომ ბიჭები მედალიონს სულ თან დაატარებდნენ. როცა თურქები ხალხს ატყვევებდნენ და თურქეთში ჰყიდდნენ, შესაძლებელია, დემეტრეც ამ ისტორიის მსხვერპლი ყოფილიყო. როგორც ამბობდა, ბიჭი მთაში საქონელს მწყემსავდა და უგზოუკვლოდ დაიკარგა. ერთი მედალიონი ჩვენს ოჯახშია, მეორე, როგორც ვთქვი, დემეტრესთან ერთად დაიკარგა. – შემდეგ ღრმად ამოისუნთქა და ყანწი დაცალა. ბერდია და ბეგი ყურადღებით უსმენდნენ საუბარს. ბეგის ბევრჯერ ჰქონდა მოსმენილი მსგავსი ისტორია ბაბუამისისგან, ოღონდ თურქულად. იგი უფროსი შვილიშვილი იყო ოჯახში, რომელიც მედალიონს ატარებდა – მისთვის გაურკვეველი იეროგლიფებით.

ბეგიმ მოხუცს სთხოვა ეჩვენებინა ის მედალიონი. კაცმა გულზე დაკიდებული მედალიონი მოიხსნა, ბეგიმაც იგივე გააკეთა და საკუთარი მედალიონი მოხუცისას შეადარა – მსგავსება ყველასთვის შესამჩნევი იყო. მოხუცმა მოახერხა და ამოიკითხა ბეგის მედალიონზე ამოტვიფრული სახელი – დემეტრე. ხმა აუკანკალდა, გაოგნებული უყურებდა ორივე ნივთს და ვერ

იჯერებდა, რომ მის წინ იდგა ადამიანი, რომელიც მისი ჯიში და ჯილაგი იყო.

ბეგი მაშინვე მიხვდა, რაც ხდებოდა მის თავს და მოხუცს ჩაეხუტა.

– მე არ ვიცი, რამდენად ვართ ჩვენ ერთი სისხლის, მაგრამ ეს ორი მედალიონი, რომლებიც თაობიდან თაობას გადაეცემა, ამას ამტკიცებს! მე მოხარული ვიქნები, თუ მართლაც ქართველი აღმოვჩნდები!

ბეგიმ და მოხუცმა ზედმიწევნით ზუსტად გაიხსენეს ისტორია, რაც ამ ორ მედალიონს უკავშირდებოდა – ისტორიაც ადასტურებდა, რომ ისინი მართლაც ერთი სისხლის იყვნენ.

იმ საღამოს ოჯახში კიდევ ერთი სადღეგრძელო დაილია: ფესვების – იმ ფესვების, მოულოდნელად რომ დაუბრუნდა ბეგი.

ამის შემდეგ ბეგი ცოტა ხნით კიდევ დარჩა საქართველოში, თავის ახალ ოჯახში. ბერდია მეორე დღესვე წავიდა. შემდეგ ბეგიც დაემშვიდობა მოხუცს და მის შვილებს იმ პირობით, რომ აუცილებლად დაბრუნდებოდა.

ეს ამბავი მთელმა სოფელმა გაიგო. მოხუცს ულოცავდნენ დაკარგული წინაპრის პოვნას. რამდენიმე წლის შემდეგ მოხუცი გარდაიცვალა, მედალიონი მის უფროს ვაჟს გადაეცა. მათი სახლის გვერდით ახალი ოჯახი ცხოვრობდა – თურქი ბეგი, რომელიც ქრისტიანად მოინათლა. მას ქრისტიანული სახელი – დემეტრე ეწოდა, ქართველი ცოლიც შერთო და გოგობიჭს ზრდიდა მშობლიურ ფესვებზე.

საბედისწერო გასროლა

მასწავლებელი გაკვეთილს ხსნიდა. მოულოდნელად კარზე კაკუნი გაისმა, ბავშვებმა ყურადღება იქით გადაიტანეს. მასწავლებელმა ბავშვებს სინყნარე მოსთხოვა და კარის გასაღებად წავიდა. კართან დირექტორი და ბავშვი იდგა. ბავშვს ეტყობოდა, რომ ჯგუფში მყოფებზე ბევრად უფროსი იყო.

დირექტორი საკლასო ოთახში ბავშვთან ერთად შევიდა, მასწავლებელს და მოსწავლეებს აუწყა, რომ ეს ბავშვი დღეიდან მათი კლასელი იქნებოდა. შუა ხნის მასწავლებელი გაოცებული უმზერდა ახალმოსულს და დირექტორს უთხრა:

– ქალბატონო მერი, ეს მეხუთე კლასია, ბავშვი კი ბევრად დიდი ჩანს, ეტყობა თქვენ ჯგუფი შეგეშალათ! – მის ხმას დამაჯერებლობა ემჩნეოდა.

– ცდებით, ლამარა მასწავლებელო, ეს ბავშვიც მეხუთეკლასელია, უბრალოდ, შეხედულება აქვს ბევრად დიდი, – ღიმილით უთხრა დირექტორმა. მერე ბავშვს ის ადგილი თითით აჩვენა, სადაც ერთი მოსწავლე იჯდა ხოლმე და ანიშნა, რომ ისიც იქ დამჯდარიყო.

ბავშვი დაჰყვა დირექტორის მითითებას. დირექტორი ყველას დაემშვიდობა და საკლასო ოთახი დატოვა.

ცოტა ხანში მასწავლებელი, როგორც სჩვევიათ ხოლმე, ახალ მოსწავლეს მიუბრუნდა და უთხრა:

– მოდი, გაეცანი შენს კლასელებს, დღეიდან ხომ მათთან ერთად უნდა განაგრძო სწავლა.

ბავშვი კარგად აღზრდილი ჩანდა, ადგა და ისევ მიესალმა მასწავლებელს და თავის ახალ მეგობრებს:

– მე გიორგი მქვია. სოფელ ნატანებიდან ვარ. მშობლები სხვაგან გადავიდნენ საცხოვრებლად და ბიცოლა-ბიძიასთან დამტოვეს. როდესაც დაბრუნდებიან, მათთან წავალ, – ერთი ამოსუნთქვით თქვა ეს ყველაფერი, თითქოსდა დაზეპირე-

ბული ჰქონდა. ამის შემდეგ უცებ მოელრუბლა სახე, დაჯდა და თავი ჩალუნა.

ჯგუფში სიჩუმე ჩამოვარდა, ყველას თითქოს რაღაც ეტკინა და გაიზიარეს გიორგის დარდი – ის, რომ მშობლებთან ვერ იცხოვრებდა და ბიძა-ბიცოლასთან მოუწევდა ყოფნა. მასწავლებელი მივიდა მასთან და მოეფერა.

– არ იდარდო, გიორგი, ალბათ, ასე იყო საჭირო – შენ ხომ ახალ მეგობრებს შეიძენ, ახალ ცხოვრებას დაიწყებ, ეს ყველაფერი კარგი იქნება შენთვის. როცა დრო მოვა, აუცილებლად დაბრუნდები შენს მშობლებთან.

რამდენიმე წუთში ზარიც დაირეკა, ბავშვები არ დალოდებიან მასწავლებლის გასვლას საკლასო ოთახიდან, ისე გაიქცნენ კარისკენ. გიორგი ჯერ კიდევ იჯდა, ისე რომ თითქოს არსად წასვლას არ აპირებდა. მის გარდა, მხოლოდ ერთი ბავშვი დარჩა საკლასო ოთახში. გიორგის მაგიდასთან მივიდა, მოპირდაპირე სკამზე ჩამოჯდა და ახალგაზრდობის ცნობისმოყვარედ უცქერდა. რამდენიმე წუთის შემდეგ გარეთ გასვლა სთხოვა, გიორგის არც გაუხედავს მისკენ, თითქოს არ გაუგონია, რა უთხრა ახლმა კლასელმა. გოგონამ ისევ გაუმეორა, ისევ არაფერი უპასუხა გიორგიმ.

– იცი? მეც მშობლების გარეშე ვიზრდები – მეტიც, არცერთი არ მახსოვს, ავარიაში მოყვნენ ჩემთან ერთად, მე გადავრჩი, დედა და მამა ადგილზე გარდაიცვალნენ. მას შემდეგ ბებია და ბაბუა მზრდიან, მესმის შენი, როგორ განიცდი მშობლებისგან შორს ყოფნას, მაგრამ რას ვიზამთ, ზოგჯერ ასე ხდება!

ზრდასრული ადამიანივით ყვებოდა თავის ცხოვრებაზე ისე, რომ უკვე შეგუებული იყო ყველაფერს, რაც მის თავს ხდებოდა, თუმცა, ხმაში დიდი დარდი და ტკივილი იგძნობოდა.

გიორგიმ თავი ასწია და კლასელს გახედა, მის გვერდით პატარა, სიფრიფანა გოგონა იჯდა და თვალის უპეებზე ცრემლები ჩამოსდიოდა, როგორც დილის უმანკო ნამი. გიორგი

წამოდგა სკამიდან და უცაბედად გოგონას ჩაეხუტა, შემდეგ ხელი ხელზე მოჰკიდა, გაუღიმა, ცრემლები მონმინდა და კარისკენ წავიდნენ. მალე დანარჩენ ბავშვებს შეურთდნენ, მასწავლებელი ჯერ კიდევ საკლასო ოთახში იყო და ტიროდა.

* * *

გიორგი ახალ ცხოვრებას შეეგუა, საუკეთესო მოსწავლე იყო, კლასელებსაც შეუყვარდათ, ცდილობდა, ყველას გვერდით დადგომოდა და დახმარებოდა. მის გვერდით ის პატარა გოგო დაჯდა, რომელმაც გული გაუთბო დანახვისთანავე და მას შემდეგ სულ ერთად იყვნენ. ხმები დადიოდა, ერთმანეთი შეუყვარდათ, მაგრამ არ ამხელენ და არც ერთმანეთს უტყდებიან სიყვარულში.

ბავშვობის ბედნიერი წლები დასრულდა, სკოლის ბოლო ზარიც დაირეკა, გიორგის კვლავ ეტყობოდა, თავის კლასელებზე დიდი რომ იყო, მაგრამ ამ განსხვავებას უკვე ყველა შეეჩვია და ნაადრევად დაკაცებას ანერდნენ. სკოლის ბოლო ზარი ბავშვებმა რესტორანში აღნიშნეს – კარგად მოილხინეს. როდესაც ყველაფერი დასრულდა და უკვე სახლებში ბრუნდებოდნენ, გიორგისთან ხატია მივიდა – ცოტა ნასვამი იყო და უფრო გაბედულიც.

– რას აპირებ, გიორგი, რა გეგმები გაქვს?

– ფიზიკა-მათემატიკურზე მინდა ჩავაბარო, მერე კი ვნახოთ, ცხოვრება რას მიმიმზადებს. ხატია, შენ, ალბათ, კარგი ექიმი გამოხვალ და ბევრ კეთილ საქმეს გააკეთებ.

– ჰო, ექიმობა მინდა. იმედია, გამიმართლებს და ჩავაბარებ, – ღიმილით უპასუხა. შემდეგ თავი დახარა და გიორგის რაღაც უთხრა ისე, რომ ბიჭმა ვერ გაიგონა.

– რა თქვი, ხატია, ვერ გავიგე?

– როდემდე უნდა ვმალოთ ეს სიყვარული, გიორგი? ერთმანეთს მაინც გამოვუტყდეთ და ვიყოთ ბედნიერები. მე შენ ძა-

ლიან მიყვარხარ, – ზღვისფერი თვალებით შეხედა ბიჭს და დაელოდა, რას ეტყოდა.

– ხატია, ახლა შენ ცოტა ნასვამი ხარ და თვითონ არ იცი, რას ამბობ. მოდი, სახლში წაგიყვან და სხვა დროს ვისაუბროთ ამ საკითხზე, – ხელი გადახვია გიორგიმ და ავტომატურად გზა განაგრძეს.

– კარგი, წავიდეთ, მაგრამ ეს ყოველთვის გახსოვდეს: მე შენ ძალიან მიყვარხარ!

გიორგიმ ხელი მოჰკიდა გოგონას და მანქანაში ჩასვა. ცოტა ხანში ხატიას ჩაეძინა და გიორგის მხარზე მიადო თავი, ისიც ჩუმად გააპარებდა ხოლმე ტუჩებს ხატიას თმებისკენ და კოცნიდა – არ სურდა მძღოლს და დანარჩენ ორ კლასელს დაენახათ. მალე სახლში მიიყვანა და ბებია-ბაბუას ჩააბარა – სთხოვა, რომ გაფრთხილებოდნენ.

მეორე დღეს ხატიამ თავის ჩანთაში წერილი იპოვა, რომლითაც გიორგი ემშვიდობებოდა:

– „ხატია, ეს წერილი რამდენიმე დღის წინ დავწერე, რადგან მე გადაწყვეტილება მივიღე. ჩემი ცხოვრებიდან გამომდინარე, არ ვიცი, დადგება თუ არა ის დღე, როდესაც მე შენ ყველაფერს მოგიყვები, მაგრამ მეშინია, რომ არც შენ მაპატიებ იმას, რაც ჩავიდინე... ამიტომ ყველაფერი ისე დავტოვოთ, როგორც არის – მე უნდა წავიდე, გავქრე საერთოდ, შენ კი გთხოვ, ყველა ძალა იხმარე, რომ საუკეთესო ექიმი გამოხვიდე, ცხოვრებას არ შეუშინდე, იბრძოლე და რაც შეიძლება, ბევრი კეთილი საქმე აკეთე. შენი გიორგი“.

ხატიას ცრემლებმა დანამა წერილი, ხელებში მოკუჭა, დახევა მოისურვა, შეჩერდა, გახსნა და ისევ წაიკითხა, ისევ დაკუჭა, ისევ გაასწორა, თვალზე ცრემლები შეიმრო და წერილი საგულდაგულოდ შეინახა.

მხოლოდ ერთხელ მივიდა ხატიას ყურამდე ის ამბავი, რომ გიორგის ფიზიკა-მათემატიკურზე ჩაუბარებია. გამოცდების

დროს სხვა ბავშვს დახმარებია, თვითონ გასულა გამოცდაზე იმ ბავშვის ნაცვლად. ეს გაუგიათ და ინსტიტუტიდან გამოურიცხავთ. ამის მეტი არაფერი სმენია მასზე.

ცხოვრება გრძელდებოდა, ხატია მართლაც საუკეთესო ექიმი დადგა და ბევრი ადამიანი იხსნა სიკვდილისგან. ოჯახიც შექმნა, ექიმს გაჰყვა ცოლად, შვილები ეყოლა და ბედსაც არ უჩიოდა.

ხატიას შვილიშვილი დაბადების დღეს რესტორანში აღნიშნავდა. ბებიაც თან ახლდა. რესტორნის დარბაზში რამდენიმე მაგიდა იყო, ერთ-ერთთან მამაკაცები ისხდნენ და ქეიფობდნენ. ხატიამ სრულიად შემთხვევით იმ მაგიდისკენ გაიხედა და მეხსიერებაში ჩაბეჭდილ თვალებს შეეფეთა. ჯერ ვერ გაერკვა, – ასეთი მსგავსება შეუძლებელიაო, – იფიქრა, სიბერეს დააბრალა, – დაებერდი უკვეო, – შესჩივლა საკუთარ თავს. ისევ გაიხედა იმ მაგიდისკენ და ისევ ის თვალები დაინახა, ამჯერად უფრო მეტი მსგავსება შეამჩნია მათში. ხატიას თვალწინ დაუდგა ის დღეები, რომლებიც იმ თვალებს უკავშირდებოდა. ვერ მოითმინა, მაგიდასთან მივიდა, მიესალმა მოქეიფეებს, ბოდიში მოიხადა და იმ მამაკაცს ჰკითხა:

– უკაცრავად, ძალიან მეცნობით და ვერ ვიხსენებ საიდან, იქნებ მითხრათ, ვინ ბრძანდებით?!

მამაკაცი შეიშმუშნა და ქალს გახედა, სახე გაეზადრა.

– მე გაგა ვარ, ქალბატონო, ამაშუკელი. ფიზიკოსი, მეცნიერი. ვილაცაში გეშლებით ნამდვილად, მე ვერ გიცანით!

– კარგი, ბატონო, უკაცრავად. ალბათ, ჩემს რომელიმე პაციენტს მიგამსგავსეთ, კიდევ ერთხელ ბოდიში.

ხატია შემობრუნდა და გულდანწყვეტილი თავის მაგიდასთან დაჯდა. თუმცა, მაინც ვერ ისვენებდა, ხშირად იხედებოდა იქით, სადაც იმ თვალების პატრონი იჯდა, ვისაც დიდი ხნის წინ სიყვარულში გამოუტყდა.

დაელოდა, როდის ადგებოდა და გავიდოდა დარბაზიდან,

რომ უკან გაჰყოლოდა. ინტუიცია არასოდეს ღალატობდა ხატისა, ამჯერადაც ასე მოხდა. როგორც კი მამაკაცი ადგა, ხატია უკან გაჰყვა და სახელიც დაუძახა.

მამაკაცმა მისდაუნებურად მოიხედა და ქალს შეხედა, რომელიც უცხო იყო მისთვის.

– თქვენ საიდან იცით, ქალბატონო, რომ მე ერთ დროს გიორგი მერქვა?

– მე ხატია ვარ, გიორგი. ის ხატია, რომელიც ერთ დროს სიყვარულში გამოგიტყდა, შენ კი მიატოვე და დაიკარგე!

მამაკაცი შებარბაცდა, იქვე, სავარძელში ჩაჯდა, ხელი თავზე მიიღო.

– ნუთუ ეს შენ ხარ, ხატია? ამდენი წლის შემდეგ? როგორ შეცვლილხარ, დაქალებულხარ, ვერ გიცანი.

– ჰო, შევცვლილვარ, აღარ ვარ ის გოგონა, ადრე რომ ვიყავი. უკვე ბებია ვარ, სიბერე მომეძალა. არც შენ ხარ ის დიდი ბიჭი, რომელიც ჯგუფში შემოვიდა და მას შემდეგ სკოლის ბოლო ზარამდე ჩემს გვერდით იყო. შენც დაბერებულხარ, მაგრამ მაინც გიცანი, თვალეზმა გაგყიდეს, ისევ ისეთი ლურჯი თვალეზი გაქვს!

– მოდი, ხატია, დაჯექი ჩემს გვერდით. ალბათ, ის დღეა დღეს, რომ ყველაფერი მოგიყვებ, რაც მოხდა ჩემს ცხოვრებაში.

ხატია დაჯდა გიორგის გვერდით და თხოვა აეხსნა, რა მოხდა.

– ჩემი ნამდვილი სახელი გოგაა.

– ეს როგორ? შენ ხომ გიორგით გაგვეცანი ყველას და სკოლაშიც მასწავლებლები გიორგის გეძახდნენ? – გაკვირვებით შეხედა ხატიამ.

– ყველაფერს აგისხნი, მაგრამ, დამიჯერე, მძიმე მოსასმენი იქნება ეს შენთვის – სინანული ეტყობოდა ხმაში.

– მე მზად ვარ, მოვისმინო. გიორგი თუ გოგა დაგიძახო, უკვე აღარ ვიცი, უბრალოდ მინდა ვიცოდე, რა მოხდა, რამ გაიძულა

ნასულიყავი ისე, რომ არაფერი აგეხსნა ჩემთვის. ჩვენ სიყვარული თუ არ გვაკავშირებდა, საუკეთესო მეგობრები ხომ მაინც ვიყავით. არ გქონდა უფლება, ასე უმიზეზოდ ნასულიყავი.

– მომისმინე, ხატია, როგორც გითხარი, ჩემი ნამდვილი სახელი გოგაა. ჩემს მშობლებს ერთადერთი შვილი ვყავდი – ისინი იძულებულნი გახდნენ ასე მოქცეულიყვნენ და ყველაფერი შემიცვალეს.

– ანუ როგორ? ან რისთვის? – გაოცებით უმზერდა ხატია.

– ჩემმა მშობლებმა ამით მე სიცოცხლე შემინარჩუნეს, მაგრამ მე, მიუხედავად იმისა, რომ ბავშვი ვიყავი, მოვკვდი, ამ სამყაროს აღარ ვეკუთვნოდი, რადგან დიდი ცოდვა ჩავიდინე.

– რა მოხდა ასეთი? რა ცოდვა ჩავიდინე?

– ადამიანი მოვკალი... – ცრემლი მოადგა თვალებზე და სახეზე სინითლე დაეტყო.

– ეს როგორ? შენ ხომ ძალიან პატარა იყავი, ეს როგორ ჩავიდინე?

– ეს იყო ჩემი ნასვლის მიზეზი. შემეშინდა, რომ ვერ გამიგებდი, შემეშინდა, რომ აღარ გენდომებოდა მკვლელი გიორგი და თან მატყუარა. მაშინ მეგონა, ეს სწორი გადანწყვეტილება იყო, ახლა კი ვფიქრობ, ყველაფერი უნდა მომეყოლა შენთვის, იქნებ გაგეგო. თუ არ გამიგებდი, სიმართლე მაინც გეცოდინებოდა, მაგრამ ეს უკვე წარსულია და ვერაფერს შევცვლი.

მას შემდეგ ჩემი ცხოვრება კომმარულ სიზმარს დაემსგავსა. სანამ მე თვითონ არ მეყო გამბედაობა და არ მივედი მის მშობლებთან, რომ მეთქვა ის ყველაფერი, რაც მოხდა სინამდვილეში.

მოკლედ, ჩემმა მშობლებმა შემიცვალეს სახელიც და ასაკიც; ასევე გადამმალეს, ის ბიძია-ბიცოლა ჩემი ძალიან შორეული ნათესავები იყვნენ. რაც მათთან ვცხოვრობდი, მშობლები არ მნახულობდნენ, რადგან არ სურდათ, ვინმეს მოეგნო ჩემთვის, კვალს გამოჰყოლოდნენ. არანაირი კავშირი არ ჰქონდათ

ჩემთან. თვითონაც დატოვეს სოფელი, რადგან იქ გაჩერება უკვე შეუძლებელი იყო!

– მაინც რა მოხდა, ვინ მოკალი და რატომ? – მთელი სხეული აუთრთოლდა ხატიას, ამის გაგონებაზე.

– ჩემთან, სახლში, ბავშვები ვთამაშობდით, მეზობლის ორი ბიჭი იყო მოსული. დავინყეთ იმაზე საუბარი, თუ ვის მამას უფრო კარგი სანადირო თოფი ჰქონდა. ისინი თავიანთი მამების თოფებს აქებდნენ, მე მამაჩემისას. რადგან სახლში ვიყავი, მითხრეს, რომ მეჩვენებინა. არასოდეს ვეკარებოდი მამაჩემის სანადირო თოფს, აკრძალული მქონდა, მაგრამ ბიჭებთან ამას ხომ არ ვიტყოდი! ამიტომ გავედი ჩემი მშობლების ოთახში და გამოვიტანე. ბავშვებთან რომ დავბრუნდი, არ ვიცი, როგორ მოხდა – ხელში მეჭირა, სასხლეტს ოდნავ ხელი შევავსე და ისიც გავარდა – ტყვია ძირს დაეცა, სამზარეულოში ვიყავით და “მეტლახი” ამოხეთქა, მისი ნამსხვრევი ბავშვს მოხვდა თავში, ადგილზევე წაიქცა, რამდენიმე წუთი იცოცხლა და მოკვდა.

არავის დაუწყია იმის გარკვევა, თუ რა მოხდა სინამდვილეში – მკვლელი მე ვიყავი. ამას კიდევ ის დაემატა, რომ მეორე ბავშვმა თქვა, თითქოს ეს ყველაფერი სპეციალურად გავაკეთე. მკვდარი ბავშვის მშობლებს კი არც არაფერი აინტერესებდათ, ჩემი მოკვლა განიზრახეს და სახლიც გადაგვინვეს! არც ვამტყუნებ მათ, ჩემი ბრალი იყო ყველაფერი, მე ხომ მათ ერთადერთი შვილი მოვუკალი – მე ხომ მკვლელი გავხდი.

ის თოფი რომ არ გამომეტანა, არაფერი მოხდებოდა. სადაც კი გადამმალეს ჩემმა მშობლებმა, ყველგან მომაგნეს და მოკვლა დამიპირეს! ამის შემდეგ მიიღეს ეს გადანყევითლება, რომ ასე დავეცავით და შემიცვალეს სახელი, გვარი, დაბადების თარიღი და განყვითეს ჩემთან კონტაქტი! როგორ მეთქვა ეს ყველაფერი შენთვის? როგორ ამეხსნა, ვერ შევძელი, არ მეყო გამბედაობა, ვერ ვთქვი ის, რაც გულს მიკლავდა და მანადგურებდა.

ხატია იჯდა და ტიროდა.

– ჩემთვის, ჩემთვის უნდა გეთქვა ეს ყველაფერი; შენ არ გინდოდა, რომ ასე მომხდარიყო, შენ ხომ ძალით არ გისროლია იმ ბავშვისთვის. რატომ არავინ დაგიჯერა და შენც რატომ გაგიმეტეს სასიკვდილოდ?

– როცა ადამიანს შვილს უკლავ, იქ მთავრდება ყველაფერი; იქ მთავრდება მისი ცხოვრება; მას არ შეუძლია, მკვლელის მიმართ თავი აკონტროლოს, ეს ძალიან ძლიერ ადამიანებს შეუძლიათ მხოლოდ.

– ამის შემდეგ რა მოხდა, როგორ დაიბრუნე შენი სახელი? როგორ გახდი ისევ გოგა?

– სკოლის დამთავრების შემდეგ ქალაქში გადავედი, ფიზიკა-მათემატიკურზე ჩავაბარე. იქ ერთ ჩემს კურსელს მე ჩავუბარე გამოცდა მისი სახელით, ვილაცამ გაიგო ეს და მიჩივლა. ამის შემდეგ გამომადგეს ინსტიტუტიდან, მერე თავი აღვიდგინე და დავამთავრე.

ინსტიტუტის დამთავრების შემდეგ მშობლებთან წავედი, ხელი ჩავკიდე და იმ სოფელს მივაშურეთ, საიდანაც გამომავდიყვას. იმ ოჯახში მივედი, რომელსაც ჩემი გაუაზრებელი ქცევით ტკივილი მივაყენე. ბავშვის დედა გარდაცვლილი დამხვდა, ნერვიულობას გადაჰყოლია, მამისთვის წნევას დაერთყა და უმოძრაოდ იწვა სანოლში, ნათესავები უვლიდნენ – ჯერ ვერ მიცნეს; როცა ავუხსენი, ვინც ვიყავი, მაშინვე აგრესია წამოვიდა ჩემ მიმართ, როგორღაც მოვახერხე და მოვუყევი ყველას, რა მოხდა სინამდვილეში. ვუთხარი, რომ ეს ყველაფერი შემთხვევით მომივიდა და არ იყო ისე, როგორც იმ მეზობლის ბავშვმა მოუყვა ყველას – თითქოს სპეციალურად გავაკეთე და მოვკალი მეგობარი. ამის შემდეგ ჩემს თავზე ავიღე მამამისის პატრონობა და ჩემთან, ქალაქში, წამოვიყვანე.

ვუმკურნალე და სანოლიდან წამოდგა, ინვალიდის ეტლით გადაადგილდება, მაპაატია შვილის მკვლელობა. იმ ჭრილობებს,

რაც მე მივაყენე ვერაფერი მოურჩენს, მაგრამ, ვცდილობ, ცოტათი მაინც შევუმსუბუქო სიცოცხლე. ამის შემდეგ შევძელი და დავიბრუნე წართმეული ჩემი ცხოვრება – ჩემი ნამდვილი სახელი, დასრულდა ის კომპარული სიზმარი, რომელსაც თავი დავალწიე, მაგრამ გული მაინც მძიმედ მაქვს, მე ხომ ადამიანის მკვლელის სახელს დავატარებ და ასე წავრსდგები უფლის წინაშე.

გოგამ თხრობის დასასრულს ღრმად ამოისუნთქა, თითქოს გულიდან რალაც დიდი ლოდი მოიხსნა, ტაში შემოჰკრა და ხატია გახედა, ხატია ისევ ტიროდა.

– მე შენ ძალიან მიყვარდი, გიორგი. ჩემთვის რომ გეთქვა ეს ყველაფერი, უკეთესი იქნებოდა. ახლა შენ ოჯახი გყავს, მეც, უკვე ასაკშიც ვართ, დავბერდით, მთელი ცხოვრება გავიდა, მე კი ყოველდღე ვკითხულობდი შენს ბოლო წერილს და ვერ ვხვდებოდი მიზეზს, რატომ მოიქეცი ასე.

– მე ოჯახი არ შემიქმნია, ხატია – ვერ შევძელი. ჩემი სიყვარული იმდენად დიდი იყო, ასე დარჩენა ვარჩიე. გავიგე, რომ შენ გათხოვდი, გავიგე, რომ კარგი ექიმი გამოსხვედი და ჩემი თხოვნა შეასრულე. მე ვამაყობდი შენით შორიდან, არ მინდოდა მენახე, არ მინდოდა, ოჯახი ამერია შენთვის და ამიტომ შორს ყოფნა ვარჩიე. ახლა კი აქ ვარ, შენ წინაშე და ველოდები განაჩენს.

– უკვე ყველაფერი გვიანია, ერთმანეთის მოკითხვის მეტი არაფერი დაგვრჩენია და ამასაც ნუ გავაქრობთ! გიორგი, მე ისევ „გიორგით“ გიცნობ შენ და არა „გოგათი“, ამის გამო ნუ მიწყენ. ახლა კი წავალ და ნომერს დაგიტოვებ, – როცა მოახერხო, შემეხმიანე, შვილიშვილი მელოდება.

გოგას თვალეზიდან ცრემლი გადმოგორდა. მაშინვე მოინძინდა, არ სურდა, ხატიას შეემჩნია, ხელი ჩამოართვა, ნომერიც გამოართვა და დაემშვიდობა.

უშვილო მასწავლებელი და მოსწავლე

ერთი პატარა სოფლის შუაგულში ნიკოლოზის დროინდელი სკოლა იყო, რომელსაც სიძველისგან ბზარები გასჩენოდა... საფრთხე რომ თავიდან აეცილებინათ, ადგილობრივმა ხელისუფლებამ, განათლების სამინისტროსთან შეთანხმებით, მიიღო გადაწყვეტილება, დაენგრიათ სკოლა, ბავშვები კი სოფლის საბჭოში შეესახლებინათ. როგორც იქნა, სკოლა დაანგრიეს და სამასამდე ბავშვი სოფლის საბჭოს შენობასა და ბაღში განათავსეს. სწავლა ჩვეულებრივ რიტმში გრძელდებოდა.

ამ სკოლაში ერთი ლამაზი გოგონა, სახელად მარიეტა, სწავლობდა – გრძელი თმებით და მეტყველი თვალებით. სხვა ბავშვებისგან განსხვავებული ხასიათი ჰქონდა – უფრო წყნარი და მშვიდი ჩანდა.

მარიეტა საკმაოდ შეძლებული ოჯახიდან იყო. სკოლაში ერთი შუახნის მასწავლებელი მუშაობდა, რომელსაც შვილი არ ჰყავდა. იგი მეოთხე კლასიდან ასწავლიდა მარიეტას და განსაკუთრებული დამოკიდებულება ჰქონდა ამ ბავშვის მიმართ – ყოველთვის ცდილობდა, ახლოს ჰყოლოდა. თანდათან მარიეტას ოჯახსაც დაუახლოვდა. გაკვეთილები დასრულდებოდა თუ არა, მასწავლებელი დაუძახებდა გოგონას და ეტყოდა: – “დამელოდე, უჩემოდ არ წახვიდე”. რა გაენწყობოდა – ისიც მოთმინებით ელოდა მასწავლებელს, მიუხედავად იმისა, რომ თანატოლებთან ერთად სურდა სახლში წასვლა. ზოგჯერ მარიეტა ბავშვურ ხერხს მიმართავდა: ვითომ ვერ გაიგონა მასწავლებლის დაძახება და უკანმოუხედავად გაიქცეოდა ბავშვებთან ერთად. მეორე დღეს იგივე რომ არ განმეორებულიყო, მასწავლებელი, სანამ სკოლაში ზარი დაირეკებოდა, საკლასო ოთახის კართან დადგებოდა ხოლმე და ელოდა მარიეტას, ხელკავს გაუკეთებდა და ისე წაიყვანდა.

ისინი, მართალია, ერთ სოფელში ცხოვრობდნენ, მაგრამ

სხვადასხვა უბანში – გზაჯვარედინი ჰყოფდა მათ უბნებს. გზაში ასწავლიდა, თუ როგორ უნდა გაეკეთებინა “ომლეტი”, როგორ უნდა მოქცეულიყო ქალი სამზარეულოში, წინსაფრისა და მანდილის გარეშე სადილი რომ არ უნდა მოემზადებინა. მარიეტა მასწავლებლის სიტყვებს ნახევარს არ ისმენდა, გულში ფიქრობდა:

– რას გადამეკიდა ეს მასწავლებელი! სახლში მისვლამდე მარტო უნდა გავიარო ამხელა გზა და ამას რა ენაღვლება. მასწავლებელი კი უხსნიდა, ასწავლიდა და თან ხელებით ესაუბრებოდა. სთხოვდა, რომ მას ნაჰყოლოდა სახლში, მარიეტა კი უარზე იყო. დღეები გადიოდა... მარიეტა მასწავლებლისგან თავს ვერ იხსნიდა, ახლა „ვითომ ვერ გაიგონაც“ არ შველოდა. გაკვეთილზე მასწავლებელი მარიეტას ყველა ბავშვზე მეტს სთხოვდა და სულ უკმაყოფილო იყო მისი ცოდნით – ნიშანსაც ნაკლებს უწერდა. გაკვეთილის დასრულების შემდეგ კი უხსნიდა, თუ რატომ იქცეოდა მის მიმართ ასე.

– მარიეტა, დიდი ნიჭის პატრონი ხარ და ვერ იყენებ ამ ნიჭს, ზარმაცი ხარ ძალიან, შეგიძლია წერო და არ წერ, შეგიძლია იკითხო და არ კითხულობ, შენ რომ ჩემი შვილი იყო, კარგ ქალად გაქცევდი, დამიჯერე! ხანდახან მაინც მოდი ჩემთან და გასწავლი, როგორ დაწერო კარგი მოთხრობები, ლექსები, მოგცემ წიგნებს, ხელს არავინ შეგიშლის, დაჯდება და იკითხავ. გინდა, სახლში იკითხე, გინდა, ეზოში გაგიბამ საქანელას, ჩაჯდება ლამაზ ბუნებაში, მე კი საქმელს მოგიმზადებ, – ღამით თუ სურვილი გექნება, დარჩი ჩემთან, თუ არადა, წადი შენს მშობლებთან!..

– არა, მასწავლებლო, მე სახლში მირჩევნია ვიკითხო, იქ არც არავინ მიშლის ხელს, ოღონდ წიგნი დამინახონ და... პირიქით, სულ მაგას მეჩხუბებიან, წაიკითხე, მარიეტა, წაიკითხე...

– კარგი, მარიეტა, რახან მაინც არ იშლი, ამ შაბათ-კვირას მაინც მოდი ჩემთან, იქნებ მოგეწონოს.

- კარგი, მასწავლებლო, ვეტყვი დედას და მოვალ შაბათს, დარჩენით კი ვერ დავრჩები, სალამოს სახლში წავალ.

როგორც კი მარიეტა მასწავლებელს დაემშვიდობა, უკან მიუხედავად გაიქცა სახლში და გულში მასწავლებლის ლანძღვაში იყო. ხმამაღლაც კი წამოიძახა.

- რას შემიწუხა ამ ქალმა გული, რას გადამეკიდა, ჩემი შვილად აყვანა ხომ არ უნდა ნეტავ, მაგას ვფიქრობ ზუსტად, დედას და მამას დავტოვებ და მასთან გადავალ საცხოვრებლად! - გაბრაზებულმა თან გაიცინა კიდეც ბავშვურად და დასცინა მასწავლებელს.

სახლში მისულმა მშობლებს შესჩივლა, რომ მასწავლებელი მოსვენებას არ აძლევდა და მოითხოვდა, სულ მის გვერდით ყოფილიყო. ისიც დაიჩივლა: არც ბავშვებთან მათამაშებს ნორმალურად და როდესაც გაკვეთილები მთავრდება, საკლასო ოთახის კართან მხვდებაო. ახლა, კიდეც, მთხოვს, მივიდე მასთან შაბათს და იქ მოვამზადო გაკვეთილებიო.

მშობლებს გაელიმათ ბავშვის მონათხრობზე. დედამ კალთაში ჩაისვა და უთხრა:

- შვილო, თუკი ასე ძალიან ვინმეს უყვარხარ და ამდენ ბავშვებში შენ აგარჩია, ეს უნდა გიხაროდეს, რადგან გასწავლის, ესე იგი, კარგი უნდა შენთვის. ხედავს, რომ შენ მეტი შეგიძლია, ვიდრე აკეთებ - ცოდვაა მასწავლებელი, შვილი არ ჰყავს და შენში ხედავს იმ ბავშვს, რომელიც მას არ არგუნა უფალმა, ნუ იქნები მის მიმართ ცუდად განწყობილი, გაუღიმე; კარგს თუ ისწავლი, თორემ ცუდს არაფერს გასწავლის. რახან გთხოვს, რომ მიხვიდე, მიდი, გაჩერდი, ის გაიხარებს და შენც მეტ ცოდნას შეიძენ.

- ხო, მაგრამ დედა... ამ სიტყვებზე თავი ჩალუნა მარიეტამ. - იქნებ მას სურვილი აქვს, მიშვილოს, სხვა ახსნას მე ვერ ვხედავ.

მარიეტას მშობლებს გაეცინათ, მამამ ხუმრობით უთხრა კიდევ:

– გაგაშვილებ მერე, მარიეტა, ორი დედა და ორი მამა გეყოლება, აქაც მოხვალ და იქაც იქნები. თან მეუღლეს თვალი ჩაუკრა.

– რას ამბობ, მამა, არ გინდა, შენი შვილო რომ ვიყო? ასეთი რა დაგიშავე?! – ტირილი დაიწყო მარიეტამ, დედის კალთიდან ჩამოხტა და გარეთ გაიქცა ატირებული.

დაედევნენ მშობლები გააჩერეს და მოეფერენენ. მამამ უთხრა:

– გეხუმრე, გოგო, შენს თავს ვინმეს დავუთმობ?! ეგ არც იფიქრო, შვილო, მაგრამ უნდა გიხაროდეს, როცა ასე უყვარხარ ვინმეს.

ატირებული მარიეტა მამას ჩაეხუტა.

– ამიტომ მიყვარხარ, მამიკო, შენ ყველაზე ძალიან, რომ ვიცი, ჩემს თავს არავის დაუთმობ. ბედნიერი ვარ, რომ ასეთი მშობლები მყავს!

იმ საღამოს მარიეტა მშობლებს შუაში ჩაუნვა, ხელები თავქვემ ამოუდო დედ-მამას და ისე დაიძინა.

შაბათი დღე მოვიდა. დაპირებისამებრ, მარიეტამ ჩანთაში ჩაალაგა წიგნები და წავიდა მასწავლებელთან. ჭიშკართან დახვდა ქალი, ჩანთა გამოართვა, გადაკოცნა, ხელი ჩასჭიდა და შინ შეიყვანა.

მარიეტას წინ გადაიშალა უზარმაზარი ეზო, რომელიც უამრავი ლამაზი შემოდგომის ყვავილით იყო მორთული. მრავალწლიანი ნაძვის ხეები, ორ ხეს შორის საქანელა გაბმული. ჩიტების ჭიკჭიკი იკლებდა იქაურობას, – ასეთი სილამაზე ჯერ არსად ენახა გოგონას, ეზოს ბოლოში კი პატარა ხის სახლი იდგა, “ბლოკებზე” შემდგარი. მარიეტას ძალიან პატარა ეჩვენა ეს სახლი და უცნაური, მაგრამ ეს ყველაფერი ისეთი ლამაზი იყო, აღფრთოვანებით შეჰყურებდა ირგვლივ ყველაფერს. სახლში შესულს ძალიან უბრალო, მოწესრიგებული მისაღები დახვდა.

- კეთილი იყოს, მარიეტა, შენი ჩემს სახლში მოსვლა. იმედია, მოგეწონება და კვლავ გექნება სურვილი მოხვიდე. ახლა ცოტა დაისვენე, დალლილი იქნები, დიდი გზა გამოიარე, მე საჭმელს გავამზადებ, ერთად მივირთვათ. ჩემს მეუღლესაც გაგაცნობ, ისიც მოვა და შემდეგ ეზოში გავიდეთ, იქ ვიმეცადინოთ მე და შენ.

მარიეტა სავარძელში ჩაჯდა, თან ირგვლივ იხედებოდა, ოთახს ათვალიერებდა და ფიქრობდა:

- აი, თურმე, სად ცხოვრობს მასწავლებელი, საჭმელსაც თავისი ხელით აკეთებს, ქმარიც ჰყოლია, ისე, ასეთ პატარა სახლში როგორ ცხოვრობს?! არც ისე ცუდი ჩანს ეს ჩემი მასწავლებელი, მე რომ მეგონა, - როგორ თბილად შემხვდა, მართლა შვილივით, დედიკოსავით მეფერება... ფიქრებში ჩაფლულ მარიეტას მასწავლებელმა დაუძახა. სუფრა გაეშალა, მეუღლეც მოსულიყო სახლში. მარიეტას დანახვა მასაც ძალიან გაუხარდა.

- ეს ის პატარა გოგონაა ხომ, ყოველდღე ჩვენს ოჯახში რომ ვახსენებთ? მართლაც, რა ლამაზი ბავშვი ყოფილა, ჭკვიანიც იქნები, გეტყობა თვალეებში. მოდი, დავსხდეთ და ვნახოთ, რა მოგვიმზადა შენმა მასწავლებელმა. მაგიდის თავში დასვეს მარიეტა გვერდი-გვერდ მოუსხდა უშვილო ცოლ-ქმარი და სიხარულით შესცქეროდნენ ბავშვს. ოჯახის უფროსმა მარიეტას ნყლით სავსე ჭიქა მიაწოდა, თან დაამატა: არ მოგერიდოს, თავი, როგორც საკუთარ სახლში, ისე იგრძენი. მარიეტა მხრებში გასწორდა, ჭიქა გამოართვა და სულმოუთქმელად დალია.

- წყურებია, თურმე - თავისთვის ჩაილაპარაკა ოჯახის უფროსმა.

- არა უშავს, ისედაც მორიდებული ბავშვია, პირველად არის ჩვენთან და შერცხვა, მიგვეჩვევა ნელ-ნელა ისე, რომ სახლშიც კი არ მოუნდება წასვლა.

- ღმერთმა გისმინოს ნათელა, გაიხარებს ჩემი გული, ამ პატარას რომ დაინახავს სახლში!

როცა ისადილეს, მარიეტა მასწავლებელს დაეხმარა მაგიდის ალაგებაში, სამზარეულოს მოწესრიგებაში და შემდეგ წიგნებით ეზოში გავიდნენ. მასწავლებელმა თავისთვის პატარა სკამი გამოიტანა, ხოლო მარიეტა საქანელაზე დაასკუპა.

დაიწყეს მეცადინეობა, შეთანხმდნენ რომ ქალს სახლში ნათელა დეიდას დაუძახებდა, სკოლაში კი – მასწავლებელს. მარიეტა კითხულობდა, მასწავლებელი კი ნაწერს უსწორებდა. შოთა, სახლის კარის კუთხიდან ადვენებდა თვალს მეუღლესა და ბავშვს. მარიეტამ ჩააბულბულა გაკვეთილი, შემდეგ სხვა დავალებებიც დაწერა – ისინიც შეუმოწმა მასწავლებელმა, რაც გასასწორებელი იყო, გაუსწორა და თან აუხსნა, სად მოსდიოდა ნაწერში შეცდომა.

გაკვეთილების მომზადებას რომ მორჩნენ, ბავშვი საქანელაზე გაერთო, შემდეგ კი მასწავლებელთან ერთად ეზოში გაისეირნა. საღამო რომ მოახლოვდა, ორივეს დაემშვიდობა, დაპირდა, რომ კიდევ მივიდოდა მათთან. ზურგზე ჩანთა მოიკიდა და სახლში წავიდა. გზაზე მიმავალს ათასი ფიქრი უტრიალებდა თავში:

– არც ისეთი ცუდი ყოფილა ნათელა მასწავლებელი, საქმელიც რა გემრიელი მოამზადა, სულ დედიკოს გაკეთებულს ჰგავდა, გაკვეთილებიც მასწავლა ისე, რომ არ უყვირია, არადა, სკოლაში სულ ყვირის გაკვეთილზე. ქმარიც რა კარგი კაცი ჩანს, ეზოც რა ლამაზი აქვს, აწი სულ მივალ და იქ მოვამზადებ გაკვეთილებს, მაგრამ დედას და მამას არ ეწყინოთ!

გადიოდა დღეები. მარიეტა ხან მიდოდა მასწავლებელთან, ხან – არა. ერთ დღეს გაკვეთილზე მასწავლებელმა ბავშვებს სთხოვა, დაბარვაში მოხმარებოდნენ, ბავშვებიც დათანხმდნენ და კვირა დღეს მთელი ჯგუფი წავიდა მასწავლებელთან დასახმარებლად – მათი უმეტესობა თავისი ბარით იყო მისული, მასწავლებელმა აჩვენა, თუ რომელი ადგილი უნდათ დაებარათ და ბავშვებიც შეუდგნენ მუშაობას – გოგოებიც და ბიჭებიც. მა-

რიეტასაც მათთან ერთად სურდა ემუშავა, მაგრამ მასწავლებელმა არ მისცა ამის საშუალება, უთხრა:

– შენ მარიეტა, წამოდი, სამზარეულოში მომეხმარე, სუფრა გავშალოთ, რომ მორჩებიან, მზად უნდა გვექონდეს ყველაფერი.

რა გაეწყობოდა, მარიეტაც დათანხმდა. როგორც შეთანხმებული იყო, „ნათელა დეიდათი“ მიმართავდა მასწავლებელს სახლში.

ერთი ბავშვი შევიდა სამზარეულოში, წყალი უნდოდა და მარიეტას სთხოვა დახმარება, მან კი მასწავლებელს ჰკითხა, სად ჰქონდა წყლის ჭურჭელი, რომ წყალი ჩაესხა და ბავშვებისთვის მიეცა. „ნათელა დეიდათი“ მიმართა, ამხანაგმა გაიკვირვა ასეთი მიმართვა მასწავლებლის მიმართ, ეს ამბავი ჯგუფის ყველა ბავშვს მოეძო. ბავშვები სიცილს ვერ იკავებდნენ. ამან ცოტა დააკომპლექსა და გაუცხოვდა კიდევ მასწავლებლის მიმართ. სკოლაში საკონტროლო ჰქონდა დასაწერი, ამიტომ კარგად რომ მოემზადებინა, მასწავლებელმა ისევ მასთან ურჩია, მისულიყო. მარიეტაც დათანხმდა – იქ ძალიან კარგად გრძნობდა თავს. მიუხედავად იმისა, რომ ცოტა გაუცხოვდა მასწავლებლის მიმართ. საკონტროლო მოამზადა, მასწავლებელს ძალიან მოეწონა მოსწავლის ნამუშევარი და კიდევაც მიუთითა იმაზე, რომ შეუძლია წეროს და ნუ იზარმაცებს; აუხსნა, თუ რა შეცდომები ჰქონდა. დამშვიდობებისას კი ჰკითხა:

– მარიეტა, შენი მშობლების ნახვა მინდა და უთხარი შენს დედიკოს და მამიკოს როდის იქნებიან სახლში, რომ მოვიდე. – თავზე ხელი გადაუსვა, აკოცა და დაემშვიდობა.

მარიეტა ისევ ფიქრებმა წაიღო, – რა უნდა ნეტავ? დაშავებით არაფერი დამიშავებია და რა საქმე უნდა ჰქონდეს მასწავლებელს ჩემს მშობლებთან? – გაურკვევლობაში იყო ბავშვი.

სახლში მისულმა დანაბარები აუნყა მშობლებს. მათ ჩვეულებრივად მიიღეს და უთხრეს, როცა სურვილი ექნებოდა, მოსულიყო. მარიეტამ აცნობა მასწავლებელს მშობლების დანა-

ბარები, იგი სიხარულით შეხვდა მოპატიჟებას და მეუღლესთან ერთად წავიდა.

იქ მისულებს ულამაზესი ქვით მოპირკეთებული სახლი დახვდათ, ღობის კუთხეებში ფერადი სურნელოვანი ყვავილებით. რკინა-ბეტონის ბოძებით აგებული, ვაზით გადახურული საჩრდილობელი ამშვენებდა დიდ ლამაზ სახლს. შინ სუფრა გაშლილი დახვდათ, რომელსაც ჩიტის რძეც არ აკლდა. ეს ყველაფერი ცხადყოფდა, რომ მარიეტას მშობლები საკმაოდ შეძლებულნი იყვნენ. ახალგაზრდა ცოლ-ქმარს, მარიეტას გარდა, კიდევ ორი გოგო და ორი ბიჭი ჰყავდა – მარიეტაზე პატარები, ნყვილად ტყუპები. მასპინძლები სიხარულით შეხვდნენ სტუმრებს. მათ ჯერ არ იცოდნენ მათი ვიზიტის მიზეზი... მამამ მარიეტას სტუმრები სუფრასთან მიიპატიჟა. ერთმანეთი რომ მოიკითხეს, გადავიდნენ მთავარ თემაზე, რისთვისაც იყვნენ მისული ნათელა და შოთა.

– მე თქვენი ოჯახი ძალიან მიყვარს, დავით. თქვენი მშობლებიც, ვიცი, როგორი კარგები იყვნენ, ახალგაზრდები წავიდნენ იმ ქვეყნად, აცხონოს უფალმა მათი სული...

– ამინ! უპასუხა დავითმა.

– ასევე, ძალიან გვიყვარს მე და ჩემს მეუღლეს მარიეტა – დღე არ გავა მისი ხსენება რომ არ იყოს ჩემს ოჯახში. უკვე ასაკში ვართ, მარიეტა, როგორც შვილი, ისე მივიღეთ, ალბათ, ამაზე მეტად არ გვეყვარებოდა, საკუთარი რომ მოეცა უფალს ჩვენთვის! სწორად გამიგე, გთხოვ. მაშვილეთ მარიეტა, თქვენ კიდევ ოთხი გყავთ, უფალმა მოგცათ ეს მადლი და საჩუქარი! არ ვითხოვ, გვარი შეიცვალოს, ან დედ-მამა დაგვიძახოს, იცხოვროს ჩვენთან, როცა მას მოესურვება, მოვიდეს აქ.

მარიეტას მამა, სადაც იყო, აფეთქდებოდა ბრაზისგან, მაგრამ თავს აკონტროლებდა...

– მესმის თქვენი, ბატონო შოთა, მაგრამ ჩემთვის, რადგან ხუთი შვილი მყავს, ასე ადვილია გაშვილება?! მე თუ მყავს

ხუთი შვილი, მათი მოვლაც შემძლია და პატრონობაც! მიხარია, რომ გიყვართ მარიეტა, მაგრამ სიკეთე თუ გსურთ, ამ სოფელში ბევრი გაჭირვებული ოჯახია და თან – მრავალშვილიანი, შეიძლება სიხარულითაც დაგეთანხმონ, მე კი ეგ პრობლემა ნამდვილად არ მაქვს. ძალიან გთხოვთ, ამ თემაზე აღარ გაავადრძელოთ!

ცოლ-ქმარმა ბოდიში მოიხადა და სახლში წავიდა. ისე გულდამძიმებული მიდიოდნენ, ხმა არ გაუციათ ერთმანეთისთვის, მხოლოდ დანოლის დროს შეეხნენ იმ თემას.

– როგორი ამპარტავანი ხალხია, ნათელა, იუკადრისეს, – ეს როგორ გვითხარიო. რა დაშავდებოდა, თუ ხანდახან მაინც იქნებოდა ბავშვი ჩვენთან, შენ რომ გიყვარს ძალიან ეგ ბავშვი, მეც ამიტომ შემიყვარდა – თან ჭკუაც დამარიგა: გაჭირვებული ოჯახიდან წაიყვანე, მაღლს იზამო. გაჭირვებული და ლატაკის შვილი რომ მინდოდეს, ვინ დამიდგებოდა წინ?! დამარიგა ჭკუა! შენ არ ინერვიულო, ნათელა, ნელ-ნელა ჩამოშორდი ბავშვს, არ ღირს ასე შეყვარება! ამ ამბის შემდეგ დიდი დრო გავიდა, მარიეტა იშვიათად ხვდებოდა მასწავლებელს, მხოლოდ გაკვეთილებზე და მაშინაც ნაკლებ ყურადღებას იჩენდა მის მიმართ.. ზოგჯერ აგრესიულადაც კი იყო განწყობილი. ბოლოს ბოლო ზარზე შეხვდნენ ერთმანეთს. მასწავლებელმა მარიეტას ურჩია: – სჯობს პედაგოგიურზე ჩააბარო, შენ შეძლებ ამას. ასევე, შეგიძლია კარგი ლექსები და მოთხრობები წერო – ნუ იზარმაცებ, კარგი გოგო ხარ და წარმატებასაც მიაღწევ, თუ მოინდომებ. ოდესმე მაინც გაგახსენდება, მე რომ არ ვიქნები ამქვეყნად... როგორ დამწყვითე გული, მაგრამ არაუშავს, ეს ცხოვრებაა. მარიეტა ატირებული ჩაეხუტა მასწავლებელს. პირობა მისცა, რომ არასოდეს დაივინყებდა და ოდესმე წერასაც დაიწყებდა. სამედიცინოზე სურდა ჩაბარება, მაგრამ მშობლების დაჟინებული თხოვნით პედაგოგიურზე ჩააბარა, ინსტიტუტის დამთავრების შემდეგ სკოლაში დაიწყო მუშაობა

მასწავლებლად. ოჯახიც შექმნა და ქალაქში გადავიდა საცხოვრებლად. მარიეტას ცხოვრება მშვიდი და მრავალფეროვანი იყო, კარგი მეუღლე და კარგი შვილები ჰყავდა.

სკოლის არდადეგებზე მარიეტა ქმარ-შვილთან ერთად მშობლებთან წავიდა. გზად ის ადგილი უნდა გაეწლო, სადაც სწავლობდა, დანგრეული სკოლის ნაცვლად ულამაზესი სკოლა აეშენებინათ. აღფრთოვანებას ვერ მალავდა მარიეტა სკოლის დანახვაზე, მასწავლებელიც გაახსენდა და გაიფიქრა, – ნეტავ ახლა ცოცხალი თუ არისო. სკოლას რომ გაცდნენ, გზაჯვარედინზეც მივიდნენ, საიდანაც კარგად ჩანდა მასწავლებლის ეზო – მხოლოდ, ახლა უპატრონოდ მიტოვებული ხის სახლი იდგა, “ბლოკებზე” შემდგარი... ხეები მოჭრილი და ეზოც გავერანებული ჩანდა. მეუღლეს სთხოვა, მისულიყო სახლთან და გაერკვია, რა ხდებოდა. სახლში არავინ იყო, მეზობელს დაუძახა მარიეტამ. მან მაშინვე იცნო იგი – ისევ ის ბავშვური სახე ჰქონდა შერჩენილი. უთხრა, რომ მასწავლებელი და მისი მეუღლე ისე გარდაიცვალნენ, ბავშვი არ აუყვანიათ, მომზადებითაც კი სკოლაში ამეცადინებდა ბავშვებსო. ტირილი დაიწყო მარიეტამ, წამში გადაირბინა ბავშვობამ, რაც ამ ეზოსთან აკავშირებდა. შემდეგ სასაფლაოზე წავიდა – იქვე, სოფლის ცენტრში, ყვავილები იყიდა და მასწავლებლისა და მისი მეუღლის გულზე დააწყო. გულაჩუყებული იჯდა მარიეტა, თითქოს საკუთარ თავსაც ადანაშაულებდა, მაგრამ ვერ გაერკვია, რაში იყო დამნაშავე. რამდენიმე წელიწადში საკუთარი წიგნი გამოსცა სახელწოდებით – „ჩემი სამყარო“, რომელშიც მისი მოთხრობები და ლექსები იყო. ცოტა გულზე მოეშვა, რადგან მასწავლებლის ერთი თხოვნა მაინც შეასრულა.

ზღვარს გადასული

ზაფხული ნელ-ნელა იწურებოდა და გზას ულოცავდა შემოდგომას. აგვისტოს მზე, ჩვეულებისამებრ, იკბინებოდა, რაც საშუალებას აძლევდა ზღვაზე დასვენების მსურველებს, ნაგვიანევი შვებულება სასიამოვნოდ გაეტარებინათ. ისინი, მთელი წლის დაღლილ-ნაჯაფარნი, გამოექცნენ ცხოვრების ყოველდღიურობას, რომ ცოტათი მაინც აღიდგინონ ენერგია და შემდეგ ახალი შემართებით ჩვეულ რიტმს დაუბრუნდნენ.

ლამდებოდა... მზე ნელ-ნელა ჩადიოდა. სანაპიროზე დამსვენებლების ტევა არ იყო. ზოგი, თითქოს, ჯიქურ ეურჩებოდა ზღვის ტალღებს და არ ეშვებოდა. უცებ მოიღრუბლა, ქარი ამოვარდა... მალე ზღვაც აღელდა.

დამსვენებლებმა მაშინვე ჩაიცვეს, ზოგი პირსახოცმოფარებულიც კი გაიქცა ახლოს მდებარე შენობისკენ.

შეყვარებული წყვილი არ ჩქარობდა ზღვიდან ამოსვლას. უცებ ცაზე მეხი გავარდა... მეხი კიდევ რამდენჯერმე განმეორდა...

ზღვამ მათთან ერთად დაიწყო ბობოქრობა, ისიც ვილაცას ერჩოდა, სურდა, ვილაც დაესაკუთრებინა! კიდევ ერთხელ გაიელვა... მალე წვიმა წამოვიდა. წყვილი მიხვდა, რომ ზღვაში გაჩერება უკვე საშიში იყო და, როგორც იქნა, ამოვიდნენ, სველი პირსახოცები მოიხურეს და სიცილით იქვე მდებარე კაფეს შეაფარეს თავი. კაფე ხალხით იყო სავსე... ზოგი მაგიდებთან დამსხდარიყო, ზოგიც ფანჯარასთან იდგა და აბობოქრებულ ზღვას შესცქეროდა. კუთხეში, ახალგაზრდა ქალი იჯდა, ერთი ბოთლი ვისკი დაედგა, ჭიქაში ყინულის ნატეხები ჩაეყარა, ცოტა ვისკიც ჩაესხა და სასიამოვნოდ ყლურნავდა – ისე, თითქოს ამ სამყაროს არ ეკუთვნოდა: ვერ გრძნობდა, რა ხდებოდა მის ირგვლივ, ალბათ, ქვეყნიერებაც რომ დაქცეულიყო, მაინც ვერ მიხვდებოდა! როგორც იტყვიან, სადღაც იყო ფიქრებით წასული...

შეყვარებულები სიცილით მიუახლოვდნენ ქალს და უკითხავად დასხდნენ მაგიდასთან. ერთმანეთს გადახედეს, გოგომ ბიჭს თვალით ანიშნა, ავდგეთო, მაგრამ ბიჭი არ დაემორჩილა. ქალი კარგად შებუჭბუჭებული ჩანდა – ჭიქას ისე უჭერდა ხელს, თითქოს, მის გატეხვას ცდილობდა. შემდეგ ბიჭს შეხედა ისე, რომ თავიც არ აუწევია.

– გიყვარს?!

წყვილმა ერთმანეთს გადახედა. ბიჭს გაეცინა, გოგონამ მაშინვე უპასუხა:

– რა თქმა უნდა, მიყვარს!

– საკუთარ თავზე მეტად არავინ შეიყვარო, არავინ, გესმის?

– კარგი, – გაელიმა გოგონას და ისევ შეყვარებულს გახედა.

– შეიძლება სწორედ მან გაგიმეტოს, ვინც შენს თავზე მეტად გიყვარს!

– მე ჩემი ბიჭი ასე იოლად ვერ გამიმეტებს, ვერ მომექცევა ცუდად, ამის მჯერა.

– ჰმ, მეც მასე მეგონა!

ქალმა დაიწყო თავისი ისტორიის მოყოლა – გეგონება, ვინმეს აინტერესებდა...

– იცით, როგორი გოგონა ვიყავი?

– ახლაც ძალიან ლამაზი ქალბატონი ბრძანდებით! დარწმუნებული ვარ, ახალგაზრდობაში კიდევ უფრო კარგი იქნებოდით.

ბიჭმა გოგონას ხელი მოჰკიდა, – წამოდი, გავიდეთ აქედან, ამის ნერვები არ მაქვს, ვერ ხედავ, მთვრალიაო.

– არა, მოიცა, იქნებ ჩვენთან საუბარი სურს და დამშვიდდეს... ცოდვაა, დავრჩეთ, ეტყობა, რომ კარგი ქალბატონია, გულში კი დიდ ტკივილს დაატარებს.

– ჰოდა, მაგის ტკივილების მოსმენის თავი არ მაქვს, წავედი!

– არა, მე ვრჩები, შენ თუ გინდა, წადი!

- კარგი.

ქალს შეყვარებული წყვილის კამათი არ ესმოდა.

- მამაჩემი ცნობილი ექიმი იყო, - განაგრძო ქალბატონმა. ჩვენს ოჯახს ყველა დიდ პატივს სცემდა... მე შეყვარებული მყავდა, ძალიან მიყვარდა - ისე ძალიან, რომ სიცოცხლეს დავთმობდი მისთვის. ჩემს პატარა უბანში ყველა მიცნობდა, არ მინდოდა, გაეგოთ ჩვენს სიყვარულზე, მაგრამ რა დაიმალებაოდა... ვხვდებოდი ნოეს, ბედნიერებისგან ზეცაში დაფორინავდი, მისგანაც იმავეს ვგრძნობდი, მაგრამ ერთ დღეს, ჩემდა მოულოდნელად, ცოლი მოიყვანა... ამის შესახებ ჩემი მეგობრისგან გავიგე, თითქოს ცა თავზე ჩამომექცა; სამყარო, რომელშიც მე ვცხოვრობდი, წამში დაინგრა და ფერფლად იქცა... ამბობდნენ, - ძალით შერთეს ცოლიო, მე კიდევ მის ჯინაზე გავიპარე და სახლში მივაკითხე იმას, ვისაც ვიცოდი, რომ ვუყვარდი... მანაც სიხარულით მიმიღო და მისი ცოლი გავხდი...

- რას ამბობთ, ასე როგორ მოხდა? ნუთუ არც გკითხათ მიზეზი?

- ჰმ, მას იმდენად უნდოდა ჩემს ოჯახში შემოსვლა, არც აინტერესებდა, რატომ მივედი ჩემივე ფეხით...

- სამწუხაროა. მერე რა მოხდა, ახლა რა გჭირთ?

ქალმა ცოტა ვისკი მოსვა, თვალზე მომდგარი ცრემლი მოინმინდა და ისევ განაგრძო:

- ერთ თვეში გამოავლინა, რა კაციც იყო - მცემდა... მშობლებმა გაიგეს ეს ამბავი, სახლში წამიყვანეს. ამის შემდეგ გამიშვეს თბილისში სასწავლებლად... მამის პროფესიას გავყევი, სამედიცინოზე ჩავაბარე. იქ ერთი ბიჭი გავიცანი, ჩემი კურსელი იყო, მომიტაცა, ძალით წამიყვანა - ჭიქა დაარტყა მაგიდას და ისევ მოსვა. - შემდეგ გავიგე, რომ ცოლ-შვილი მიტოვებული ჰყოლია, სმა უყვარდა... ვცდილობდი, ამეტანა, რამდენჯერ შეიძლებოდა დამენგრია ოჯახი?! ისედაც მრცხვენოდა, მშობლებს ვუმაღავდი ჩემს მდგომარეობას. ფეხმძიმედ

დავრჩი... თურმე, ჩემს ზურგს უკან თავის ყოფილ ცოლთან დაუწყია სიარული და ერთ დღესაც საერთოდ დამტოვა. ასე დავრჩი მარტო. რა გაენყოზოდა, მშობლებს გავანდე ჩემი გასაჭირი – მამას ნერვიულობისგან გული გაუსკდა და გარდაიცვალა. მამის გასვენების დღეს სამძიმარზე ნოე მოვიდა, თითქოს გულში რაღაც ნაპერწკალმა გაიღვია, თვალწინ გაირბინა მასთან გატარებულმა წუთებმა, მომეჩვენა, რომ უბედური იყო, გატეხილი, მოუწესრიგებელი, გაბურძგნილი წვერით... რაღაც ნაირად მაინც შემეცოდა.

რამდენიმე დღის შემდეგ დამირეკა და შეხვედრა მთხოვა. მან არ იცოდა, რომ ქმარი არ მყავდა. ვატყუებდი, ვეუბნებოდი, რომ გათხოვილი ვიყავი და ვერ ვნახავდი. ერთ დღესაც მირეკავს და მეუბნება, რომ არის ძალინ ცუდად, უნდა ექიმთან მისვლა და სჭირდება ჩემი დახმარება. მე ბავშვი მყავდა, ჩემი ნოე უკვე სამი წლის იყო.

– როგორ, შვილს ნოე დაარქვით, ყოფილი შეყვარებულის სახელი?

– კი, ასეა, ნოე დავარქვი.

– შემდეგ რა მოხდა?

– რა მოხდა? ჩემში ისევ იმ გრძნობამ გაიღვიძა, რომელსაც ვებრძოდი, არ ვაძლევდი მოქმედების საშუალებას, ვიმარხავდი გულში და ჩემს თავს ვსაყვედურობდი, – რატომ მიყვარს კაცი, რომელმაც სხვაში გამცვალა-მეთქი. მაგრამ, როგორც კი დავინახე, ყველაფერი შეიცვალა... მივიყვანე საავადმყოფოში, სადაც მე ვმუშაობდი, ვუმკურნალე, გამოვაჯანმრთელე.

– მას ხომ ოჯახი ჰყავდა, ისინი სად იყვნენ ამ დროს?

– ცოლს უღალატია მისთვის – იმ მამაკაცს ხვდებოდა, თურმე, ვინც ადრე ჰყვარებია, ბავშვი გაუჩენია მისგან და მასთან წასულა! მე უკვე ფეხზე მყარად ვიდექი, ცხოვრება მოვიწყვე, საავადმყოფოში ყველა პაციენტს მცემდა, კარგი ექიმი ვიყავი, მაგრამ ქალი რას არ ჩაიდენს სიყვარულის გამო?! თავ-

გზა ამერია, გვიან მივხვდი, რომ არასოდეს არ უნდა გადახვიდე ზღვარს, თორემ, როცა საკუთარ თავზე კონტროლს დაკარგავ, ყველაფერი ცუდად იქნება! ეს უნდა იცოდეს ქალმა...

დავინყე ზრუნვა ნოეზე – არ ვაკლებდი არაფერს: მანქანაც ვუყიდე, სოფელში სახლი გავუკეთე. ისიც მადლობას არ იმუშრებდა, ვხვდებოდით ერთმანეთს, წლების შემდეგ დავქორწინდით კიდევ!

თითქოს ცხოვრებამ იმ ტკივილებისთვის, რაც გამოვიარე, ბედნიერების უფლება მომცა და მეც ვტკბებოდი ამ ბედნიერებით... ისიც კარგი მეუღლე იყო. დაიწყო მუშაობა, ცხოვრება მიედინებოდა, როგორც მშვიდი მდინარე და არ ლამობდა კალაპოტიდან ამოვარდნას, რომ არა ერთი ავბედითი დღე...

სამსახურიდან სახლში ვბრუნდებოდი. მეგობარს გავუარე, იქიდან წამოსულს სასტუმრო უნდა გამომეგლო გზად და რას ვხედავ: ეს ჩემი ნოე ვილაც ქალთან ერთად გამოდის სასტუმროდან! თვალებს არ ვუჯერებდი, ლამის მანქანას შევასკდი! მაშინვე გადავედი გზიდან და ვუყურებდი, თუ როგორ ჩაისვა ის ქალი მანქანაში და წავიდნენ.

სახლში მივედი, ისიც მალე მოვიდა. ისე იქცეოდა, ვითომ არაფერი ხდებოდა მის თავს – ჩვეულებრივ, მოსიყვარულე მეუღლის როლს თამაშობდა. გაჩუმება ვამჯობინე, რადგან არ ვიყავი დარწმუნებული, რომ ის ქალი საყვარელი იყო ნოესი. როგორც იქნა, გავარკვიე – მართლაც მისი საყვარელი ყოფილა... მივედი და ვთხოვე, თავი დაენებებინა ჩემი მეუღლისთვის! ის ადგა და ნოეს მოუყვა ყველაფერი, ნოე კი გაცეცხლებული მომივარდა სახლში და მცემა ისე, რომ არ აუხსნია არფერი... ამის შემდეგ წავიდა სახლიდან.

გავიდა დრო. ერთხელ სოფლიდან მისმა მეზობელმა დამირეკა. მითხრა, რომ ნოე ძალიან ცუდადაა. ყველაფერი დამავიწყდა, დამავიწყდა ის გულისტკივილი, ის დამცირებაც და მასთან გავიქეცი, სახლში წამოვიყვანე, ისევ ვუმკურნალე, ფე-

ხზე დავაყენე... თუმცა, რად გინდა - ისევ ღალატი, ისევ ტყუილი, თურმე არასოდეს ვყვარებივარ - სიტყვები რომლებსაც მეუბნებოდა, ფარსი ყოფილა, მე კი სიცოცხლეს მერჩივნა! - ისევ დალია ვისკი და ღრმად ამოისუნთქა...

- არასოდეს განირო თავი არავის გამო, არავის შესწირო თავი მსხვერპლად, არავის დაანახო, რომ ძალიან გიყვარს, არავის აგრძნობინო, რომ მის გარეშე ვერ იარსებებ, ყოველთვის დაიტოვე რაღაც შენთვის, რომ ცხოვრების გაგრძელება შეძლო! გახსოვდეს, ამქვეყნად ერთხელ მოხვედი და ის სიცოცხლე მხოლოდ შენ გეკუთვნის! რა არის სიყვარული, თუ არა დიდი ტკივილი და ამ ტკივილს ის თუ არ გრძნობს, ვის მიმართაც განიცდი, სჯობს, გაეცალო - ნახვიდე მისგან შორს, რადგან, რაც არ უნდა გაუკეთო, რაც არ უნდა ძლიერ გიყვარდეს, ის ამას მაინც ვერ გაიგებს!

მაგიდასთან ახალგაზრდა მამაკაცი მივიდა. ქალს ბეჭებზე ხელი დაადო და უთხრა:

- დედა, რამდენი გექმები, შენ კიდევ აქ ყოფილხარ - შენს საყვარელ ადგილას, როგორ ვერ მივხვდი, რომ აქ იქნებოდი, დამშვიდდი და წამოდი სახლში; მე მას არ მივცემ უფლებას, რომ შენ გამოგიყენოს... ვერასოდეს გნახავს დღეიდან, პირობას გაძლევ.

ქალმა ბიჭს ახედა, გაუღიმა და უთხრა:

- ისე გაიზარდე, ვერც კი შევამჩნიე, მაპატიე, ჩემო ბიჭო!

ქალმა კიდევ დაილია ვისკი, შეყვარებულ წყვილს შეხედა და გაუღიმა.

- გიყვარდეთ ერთმანეთი ისე, რომ ზღვარს არასოდეს გადახვიდეთ!

ადგა და შვილს გაჰყვა ბარბაცით. შეყვარებულები ჯერ კიდევ ისხდნენ მაგიდასთან. გონს ვერ მოსულიყვნენ, რა ხდებოდა, რა იყო ეს, ვინ იყო ეს ქალი, რატომ ინდომა ყველაფრის მათთვის მოყოლა?! იქნებ ნიშანი იყო იმისა, რომ ცხოვრებაში

ყველაფერი შეიძლება მოხდეს და სჯობს თავიდანვე დავფიქრდეთ ყოველ გადადგმულ ნაბიჯზე – უნდა დავფიქრდეთ იმაზე, თუ ვის ვუძღვნიტ ჩვენს ცხოვრებას, გვიღირს კი ის ადამიანი იმად, მთელი ჩვენი სული და გული მას ვაჩუქოთ ანუ ბოლომდე დაგვისაკუთროს?

– მე შენ არასოდეს გატკენ გულს, თეო. იცოდე, ძალიან მიყვარხარ!

– მე მჯერა შენი.

უკვე დაბნელდა კიდეც. წვიმამაც გადაიღო. ამინდი დამშვიდდა – სულაც არ ეტყობოდა, რამდენიმე წუთის წინ, რომ ცა ლამის ჩამოიქცა.

გარეთ გავიდნენ, ზღვის სანაპიროზე დასხდნენ და ტალღების ხმას უსმენდნენ...

ფიქრობდნენ ქალზე, რომელსაც სიყვარულმა თავი დაავინწყა და ცხოვრება სატანჯველად უქცია!

ბავშვობის სიყვარული

მშობლები ხშირად ტოვებდნენ დემოს თეკლასთან ოჯახში. მათ ბავშვურ სიყვარულზე ყველამ იცოდა, მაგრამ სერიოზულ ამბად თვლიდნენ და ყურადღებას არ აქცევდნენ. იტყოდნენ ხოლმე: ბავშვები არიან, რა იციან ამათ, სიყვარული რა არისო.

– რატომ ტირი, განწყენინა ვინმემ? – სევდიანად დაეკითხა დემო თეკლას.

– არა, არავინ, – მოლუშულმა უპასუხა თეკლამ.

– აბა, რა გჭირს, გტკივა რამე? – მოსვენება დაკარგა, ასეთს რომ ხედავდა, ადგილს ვერ პოულობდა – რა ექნა, არ იცოდა.

– არა, არაფერი! – ისევ გაბუტული პასუხობდა და ეტყობოდა, რომ სადაცაა ტირილს ღრიალი შეცვლიდა.

– აბა, რატომ ტირი, თქვი რა?! იქნებ დაგეხმარო; ხომ იცი, შენ რომ ტირი, მეც ვტირი, შენ რომ გიხარია, მეც მიხარია, – ხელი გადაუსვა თავზე.

– კარგი, ერთი, რა!!!

– გული ტირის, ჩემო ერთადერთო, გული. მთავარი ის ხომ არ არის, ცრემლებით მევსებოდეს თვალები. თქვი, რატომ ტირი?

– დამანებე რა, თავი!!!

– კარგი მაშინ, მეც დავჯდები და ვიტირებ.

– ეს როგორ: შენ რატომ იტირებ, როცა ტირილის მიზეზი არ გაქვს?

– ჩემი მიზეზი შენ ხარ... მე როგორ უნდა ვიყო კარგად, როცა შენ ტირი...

– კარგი, ხო, კარგი, არ ვიტირებ, ოღონდ არც შენ იტირო.

– და მაინც რატომ ტირი, თქვი რა?!

– დედამ მანყენინა, – ტირილს ისევ უმატა.

– კარგი რა, მაგის გამო ტირი? პატარა ხომ არ ხარ მართლა; ნამოდი, შევიდეთ სახლში, გავიგო ერთი, რატომ განწყენინა დედამ, – ხელი ჩასჭიდა შინ რომ შეეყვანა.

- არ მინდა! შენ შედი, გაცივდები, ცივა გარეთ.
- ეს როგორ: მე სახლში შევიდე და შენ აქ დაგტოვო? არა, შენც წამოდი!
- არ მინ-დაა!!!
- რადგან არ გინდა, კარგი, მეც აქ დავრჩები და ვიქნები. ხომ იცი, შენ ჩემი ყველაფერი ხარ, არ მინდა, გხედავდე ასე მოწყვნილს, ცოტა მაინც გაიღიმე, შენს სახეს არ უხდება ცრემლი!
- თუ არ მოგწონვარ, ნუ მიყურებ, ვაა... - ცრემლიანი თვალებით შეუბღვირა და ხელი გაუშვა.
- მე შენ ყველანაირი მომწონხარ და არა მარტო მომწონხარ, მიყვარხარ კიდევ, უბრალოდ, არ მინდა, ასეთ დარდიანს გხედავდე! წამოდი, წამოდი, ჩემო ჯიუტო გოგო, ყველაფერზე რომ ტირი სულ - შევიდეთ სახლში, ცივა ძალიან და გაცივდები, - ისევ მოკიდა ხელი ხელზე და სახლში შევიდნენ.
- დალი დეიდა, რატომ ტირის თეკლა?! - ჰკითხა თეკლას დედას დემომ.
- თუ რამ ტკბილეული მქონდა შენახული სტუმრისთვის, ყველა შეუჭამია. ახლა სად წავიდე, სტუმრებს ველოდები და არაფერი მაქვს, რომ მივართვა.
- კარგი რა, დალი დეიდა, მაგის გამო გაუბრაზდი? მე წავალ ახლავე და მოვიტან, რაც გინდათ.
- დავითანჯე ქალი, სულ მეზობელთან ხომ არ შევინახავ ტკბილეულს იმის შიშით, რომ თეკლამ არ შეჭამოს; არც ტკბილი შეიძლება ამდენი - აწყენს, არ ესმის, ვერ გავაგებინე, - გაბრაზებული იყო ქალი.
- ამჯერად მე არ მიხლია ხელი, დედა, შენი შენახული ჩურჩხელებისთვის; კარგად დაძებნე, იქნებ სხვაგან შეინახე.
- მთელი სახლი გადმოვატრიალე, სადაც კი შეიძლებოდა მქონოდა და ვერსად ვიპოვე.
- სულ მე როგორ უნდა მაბრალოთ ყველაფერი, არ შემიჭამია, არააა... - ისევ ატირდა.

– აი ხომ ხედავ, თეკლა, მე მჯერა შენი, რომ არ შეგიჭამია. ასეა, ათასჯერ რომ ერთსა და იმავეს გააკეთებ, ეს უკვე ჩვევად გექცევა, შემდეგ გააკეთებ თუ არა, მაინც შენ დაგბრალდება. მოდი, დავძებნოთ, იქნებ მართლაც ვერ მიაგნო და ჩვენ ვიპოვოთ!

დაიწყეს ძებნა, ყველა კარადის უჯრა გამოაღეს, არც საწოლი დატოვეს, რომ არ შეეხედათ ქვემოთ. დივანიც გამოსწიეს, იქნებ აქ შეინახაო! სახლის ორივე სართული ზედმინვენით დაჩხრიკეს, მაგრამ – ამაოდ. ბოლო-ბოლო სხვენზეც ავიდნენ, იქნებ აქ არისო. სამზარეულოში არ შესულან, მხოლოდ ეს დარჩათ და ყველაფერი რომ მოიარეს, შემდეგ სამზარეულოსაც მიადგნენ. გამოაღეს ყველა კარადის უჯრა, ჯერი მაცივარზე მიდგა, უნდა გამოენიათ, იქნებ აქ არისო. ეს რომ დაინახა თეკლას დედამ, ხელები გაასავსავა და აყვირდა.

– ახლა თუ არ გაჩერდებით, ორივეს გაგყრით გარეთ. ხომ გადაატრიალეთ მთელი სახლი – რაც არ არის, როგორ იპოვით? რაც შეჭამე, საიდან გაჩნდება? ნუ გადამრიეთ ქალი. მაცივართან რა გინდათ, მანდ არ შემინახავს!!! – თქვა და გარეთ ყვირილით გავიდა.

დემომ თვალი ჩაუკრა თეკლას და მაინც წაეპოტინენ მაცივარს გამოსანევად. რის ვაივავლახით გამოსწიეს და უცებ რაღაც დავარდა ძირს. დახედეს, ცელოფანი იყო, რომელშიც გაზეთებში გახვეული რაღაც იდო. მაშინვე მიხვდა დემო, რაც იყო შიგ. სწრაფად დაიხარა, გახსნა და რას ხედავს – ცელოფანი ჩურჩხელებითაა საკსე.

– ამას ხომ არ ეძებთ, დალი დეიდა? – ხმამაღლა გასძახა დალის დემომ.

– აბა რას, დამანახე? – სწრაფად შემოვიდა სახლში თეკლას დედა.

– აი, ცელოფანში გახვეული ჩურჩხელები ვიპოვე, – გაუწოდა ბიჭმა ცელოფანი.

- კი, მაგრამ, როგორ? მანდ ათასჯერ მაინც მივედი და ვერ დავინახე. ან როდის შევინახე, მანდ არასოდეს არაფერი დამიმალავს.

- ეტყობა, იმდენად კარგად არ ეძებდით, რომ გეპოვათ, თან თქვენ ხომ ეჭვი გქონდათ, რომ თეკლა შეჭამდა ამ ჩურჩხელებს. აი, რას ნიშნავს ეჭვი, ის თვალს გიბნელებს და სიმართლისკენ გზას გაკარგვინებს. თქვენ იმდენად გჯეროდათ, რომ თეკლა შეჭამდა, არც კი დაუკვირდით, აქ რომ იყო, მას კი ტყუილუბრალოდ ატკინეთ გული. ასე არ შეიძლება, დალი დეიდა, ის ხომ ჯერ პატარაა და აქედანვე რომ უმიზეზოდ ატკინთ გულს, შემდეგ მიზეზიც რომ გქონდეთ, არაფრად ჩააგდებს და შეცდომასაც ბევრს დაუშვებს! - დიდი კაცივით დაუნყო ქკუის დარიგება დემომ. დალი დოინჯშემორტყმული, წარბებშეკრული და ოდნავ წელში მოხრილი უსმენდა.

- კარგი, კარგი, ნუ დამინყე ახლა ამხელა ქალს ქკუის სწავლება; სულ ჭამდა და ამჯერადაც ეგრე მეგონა; არ დავკვირებულვარ კარგად, მანდ თუ იყო.

- უმიზეზოდ არავის დასდოთ ბრალი - არც დიდს და არც პატარას, თორემ დრო ბუმერანგივითაა, ყველა თქვენს სიტყვას თუ მოქმედებას უკანვე დაგიბრუნებთ. ზოგჯერ პატარებმა უფრო მეტი ვიციტ დიდებზე.

თეკლას დედამ სწრაფად დატოვა სამზარეულო და მისაღებ ოთახში გავიდა.

- ჩემო ერთადერთო, შენ არაფერზე ინერვიულო, როცა მე გყავარ გვერდით. მე შენ ყოველთვის დაგიცავ, გაილიმე, ყველაფერი დასრულდა! მიდი ახლა, დედას აკოცე, ისიც ხომ ცოდვია, ინერვიულა, აპატიეთ ერთმანეთს გულისტკივილი, თქვენ ხომ დედა-შვილი ხართ, - ღიმილით უთხრა დემომ თეკლას, რომელსაც ბედნიერება და მწუხარება ერთად ეფინა სახეზე. გოგომ ცრემლები მოინმინდა და მისაღები ოთახისკენ გაიხედა, სადაც დალი იყო, დემოს გაულიმა და დედასთან გავიდა.

იმ დღის შემდეგ დიდი დრო გავიდა, თეკლას და დემოს სიყვარული ყველამ დაიჯერა – იქორწინეს, შვილები ეყოლათ და ბედნიერად ცხოვრობდნენ, მაგრამ ცხოვრება იმ დიდ სიყვარულს, რომელიც წმინდა და უანგარო იყო, უამრავ განსაცდელს უვლენდა. სიყვარულმა ბევრჯერ გაიმარჯვა, მაგრამ ბოლოს ველარ გაუძლო ცხოვრების დარტყმას – დაიმსხვრა და ნაწილებად დაიშალა. მისი აკინძვა და შეკვრა კი არც ერთს არ უცდია – ისე მტკიცედ, რომ განახლებულიყო. მხოლოდ მოგონებები დარჩა, რომლებიც ორივეს თან სდევს და ყოველდღე ახსენებს თავს.

დათრგუნული სიამაყე

შემოდგომის სუსხიანი დღე იყო, სიცივე ძვალსა და რბილში ატანდა, საინფორმაციო მატარებლის განრიგს აცხადებდა და მგზავრებს მშვიდობიან მგზავრობას უსურვებდა. მოსაცდელ დარბაზში შემანუხებელი ხმაური ისმოდა. ის თითქმის სავსე იყო ხალხით: ზოგი ფეხზე იდგა, ზოგი კი გრძელ სკამზე იჯდა, მწვანე ფერის მატარებელი ბაქანზე ჩამომდგარიყო და თავის გასვლის დროს ელოდა.

ახალგაზრდა ქალს სამგზავრო ჩანთა გვერდით დაედო, ერთი ბაგეში კალთაში ჰყავდა, მეორე კი გვერდით, სკამზე, დაესვა და ელოდა, როდის გამოაცხადებდა ცნობათა ბიურო მატარებლის გასვლის დროს.

მოსაცდელ დარბაზში თბილოდა, ოღონდ როცა კარს გააღებდნენ, ქარი შემოვარდებოდა ხოლმე, დაივლიდა იქაურობას, ყველას მუსრს გაავლებდა და ჩაცხრებოდა.

დედას უძნელდებოდა პატარების ერთ ადგილზე გაჩერება – ცოტა ხანს წყნარდებოდნენ და ისევ გარეთ გასვლას ითხოვდნენ, არადა, დრო ჯერ კიდევ დიდი იყო მატარებლის გასვლამდე, ამიტომ მაკო იძულებული გახდა, დაჰყოლოდა შვილებს და გარეთ გაეყვანა – ცოტა ხანს სიცივეში გაისეირნებდნენ, ათას კითხვას დაუსევამდნენ დედას და ისევ მოსაცდელ დარბაზში დაბრუნდებოდნენ.

მაკო ადვილად იპყრობდა ხალხის ყურადღებას, განსაკუთრებული სილამაზის პატრონი იყო, მაგრამ ცხოვრება დაუნდობელად მოექცა... მარტოხელა დედად აქცია. არ შეუშინდა მომავალ სირთულეებს და შვილებთან ერთად გადანწყვიტა, მარტო წასულიყო ყველასგან შორს – დედაქალაქში, რადგან უჭირდა მოეთმინა მეუღლისგან ამდენი დამცირება, რასაც და დედამთილისგან მოყენებული შეურაცხყოფაც ემატებოდა. არც სიყვარული ჰქონდა მეუღლის მიმართ, აქამდეც შვილე-

ბისა და მშობლების გამო ითმენდა ყველაფერს! საბოლოოდ მიხვდა, რომ საკუთარ თავზე წინ არავინ უნდა დაეყენებინა და მარტოც შეეძლო ეცხოვრა, შვილებთან ერთად. საკუთარ თავს არ პატიობდა, დაუფიქრებლად რომ გაჰყვა ცოლად – ისიც უსიყვარულოდ! არადა, რამდენი მამაკაცი ოცნებობდა მასზე, ნატრობდნენ, თუნდაც ერთი ღიმილი ეჩუქებინა მათთვის, რამდენი მამაკაცი იფერვლებოდა მის სიყვარულში... თუმცა, ყველას მცდელობა ამოი იყო – არავის იკარებდა. შემდეგ, ოჯახისთვის მოულოდნელად, მათეს გაჰყვა ცოლად – რა მოხდა და რისთვის, არავინ იცოდა. მხოლოდ თავის საუკეთესო მეგობარს უთხრა, რასაც აპირებდა. მათესთვის დიდი სიხარული იყო, მისმა რჩეულმა თანხობა რომ განუცხადა და გაიპარნენ კიდეც, მაგრამ... რამდენიმე წელიწადში სიცივე უფრო გაბატონდა მათ შორის, ვიდრე დიდი სიყვარული.

როგორ იქნა, მოვიდა წასვლის დროც. მოკიდა შვილებს და სამგზავრო ჩანთას ხელი და მატარებლისკენ გაემართა, გამცილებელს ბილეთი აჩვენა, იმან კი ხელით ანიშნა, საით იყო მისი ადგილი. მატარებლის ვიწრო დერეფანში მხოლოდ ერთ ადამიანს შეეძლო თავისუფლად გავლა, მეორეს გზა უნდა დაეთმო. შვილებთან ერთად უძნელდებოდა მაკოს საკუთარი კუბეს მოძებნა, ხელში ბილეთი ეჭირა და ყველა კარს აკვირდებოდა. ბოლოს, როგორც იქნა, იპოვა კარი, გააღო და შევიდა.

კუბე ცარიელი დახვდა – ფანჯარასთან მივიდა, დაჯდა, ბავშვებიც ახტნენ და განვნენ გრძელ სკამზე, რომლებსაც ტყავის რბილი ზედაპირი ჰქონდა... მაკო ფანჯარაში იხედებოდა, იქიდან მატარებელი მოჩანდა, რომელიც ჟანგს შეეჭამა და უპატრონოდ ეგდო...

ღრმად ამოისუნთქა, ისე, თითქოს დიდი დარდი ამოაყოლა. შემდეგ შვილებს გახედა და გაუღიმა... შვილებმაც გაუღიმეს დედას და ისევ თამაში განაგრძეს.

როგორც იქნა, მატარებელი დაიძრა. მაკომ გაიფიქრა, ალ-

ბათ, არავინ შემოვა და კარგია, ბავშვები არ შეანუხებთო.

ხმაურით მიქროდა მატარებელი... უცებ კუპეს კარი გაიღო, მაკომ კარისკენ გაიხედა, ხანშიშესული მამაკაცი შემოვიდა, რომელსაც ქათქათა თმები ამშვენებდა. ეტყობოდა, თავს კარგად უვლიდა, აღნაგობაც შესაშური ჰქონდა. კართან შეჩერდა, თვალები დაახამხამა, ვერ იჯერებდა, რასაც ხედავდა, თან გაკვირვებით უმზერდა – ჯერ იყო და იფიქრა, – ალბათ, ძალიან ჰგავსო, მაგრამ მისი თვალები არასოდეს დავინწყებია, ვარსკვლავებივით რომ ციალებდა სულ! არ შეიმჩნია, არც სიხარული და არც მოულოდნელობა, თითქოს პირველად შეხედა, ისე მიესალმა მაკოს. მანაც იგივე ჟესტით უპასუხა, ბავშვები გვერდით მოისვა და ჩუმად მოკალათდა. მატარებელი ისევ ხმაურით მიქროდა ლიანდაგებზე, გეგი ხან ერთ ბავშვს შეხედავდა, ხან – მეორეს, თვალს ჩაუკრავდა და გაუღიმებდა – პატარებს რცხვენოდათ და დედის კალთას ეფარებოდნენ.

– გაზრდილხარ, დაქალებულხარ, დამშვენებულხარ, დედობაც მოგხდენია, – თითქოსდა ნიშნის მოგებით ეუბნებოდა – ირონია უფრო იგრძნობოდა მის ხმაში, ვიდრე კმაყოფილება...

– მაღლობა, დედობა ყველა ქალს უხდება, – ისე უპასუხა, მისკენ არც გაუხედავს.

– როგორც ჩანს, არ შეცვლილხარ – ისევ ისეთი უხასიათო და ჯიუტი ბავშვი სახლობს შენში, – გაიღიმა გეგიმ და ისევ ბავშვებს გახედა, რომლებსაც უკვე მშვიდად ეძინათ, ისე, როგორც ჰამაკში დაიძინებდნენ სუფთა ჰაერზე, ლამაზ ბუნებაში.

– გოგონა შენ გგავს, შენი თვალები აქვს!

– დიახ, მე მგავს, – სწრაფად უპასუხა.

– დედაქალაქში მიდიხარ, როგორც ვხვდები. მეუღლე სად არის, რატომ ხარ მარტო? – ცნობისმოყვარეობამ სძლია გეგის.

– მეუღლეს არ ეცალა და მარტო გადავწყვიტე წამოსვლა მეგობართან, რამდენიმე დღით, – სიმართლის თქმა არ ისურვა მაკომ. ფიქრობდა, თუ ეტყოდა, რომ დაშორდა, გაუხარდებოდა

და შეახსენებდა სიტყვებს, რომელიც მაშინ ქალმა უთხრა, როცა უკანასკნელად ნახა: „შენისთანა ბებერს ცოლად არ გავყვები, თუნდაც ძალიან ვუყვარდე. მირჩევნია, ჩემი ასაკისას გავყვე, უფრო გავუგებთ ერთმანეთს და ბედნიერებიც ვიქნებით“.

– მიხარია, მაკო, თუ იპოვე ბედნიერება და კმაყოფილი ხარ, – სიხარულის ნაცვლად სევდა შეეპარა ხმაში. თუმცა, ქალს რომ არ შეემჩნია, ოდნავ ჩაახველა, ხელი ტუჩებთან მიიფარა და კედელს მიეყრდნო. თავი მაღლა ასწია, ისე მიშტერებოდა, თითქოს ჭერზე რაღაც ეწერა და კითხულობდა... კარგა ხანს ასე ჩუმად იყვნენ დიდი ხნის უნახავი ადამიანები, რომლებსაც სათქმელი და მოსაყოლი ბევრი ჰქონდათ, მაგრამ ორივე გაურბოდა ერთმანეთს. მატარებელი ისევ მიქროდა, ხმაური არღვევდა სიჩუმეს, მზე ნელ-ნელა ეფარებოდა მთის წვერს. სავსე და მსუქანი მთვარე ამოგორებულიყო, მაკო თავის ტკივილიან ფიქრებში ჩაიძირა. სიბნელე გამეფდა ფანჯრის მიღმა და მთვარე კვალდაკვალ მისდევდა სიბნელეში ჩაძირულ მატარებელს, რომელსაც გზას უნათებდა.

პატარებს ისევ მშვიდად ეძინათ, მაკო ფანჯარაში იხედებოდა, გეგის ჩაეძინა მშვიდად და უშფოთველად. რამდენჯერმე ჩუმად გააპარა თვალი მაკომ და გაიფიქრა, – დაბერებულია, მაგრამ ახალგაზრდული იერი მაინც შემორჩენია. ნეტავ, რა მოხდებოდა, მას რომ გავყოლოდი ცოლად. ნეტავ, ესეც მათესავით უხეში და ცივი იქნებოდა?! – ოდნავ გაელიმა, ისევ ღრმად ამოისუნთქა და გახედა მთვარეს, რომელიც ღრუბლებში იმალებოდა და მაინც მოსდევდა მატარებელს.

გამთენიისას ჩავიდნენ დედაქალაქში. გეგი და მაკო ერთმანეთს დაემშვიდობნენ. ქალმა ტაქსი გააჩერა, მისამართი უთხრა და ბავშვებთან ერთად წავიდა. მეგობარმა, როგორც დაპირდა, ყველაფერი ისე დაახვედრა: ნაქირავები ბინა, პატარა ოთახი, სუფთა და საჭირო ნივთებით განწყობილი; მალევე სამსახური

იპოვა, ისევ მეგობრის დახმარებით – კაფეში მიმტანდა. ბავშვები ბაღში შეიყვანა. თავს კარგად გრძნობდა, მისთვის მთავარი იყო, რომ არავინ ჰყავდა სახლში მოჩხუბარი და ნერვების მომშლელი, სხვა ყველაფერს უმკლავდებოდა.

სუსხიანი დღეები თანდათან იხევდა უკან და გაზაფხული შემოდოდა თავისი თბილი და ფერადი დღეებით. დილით ჯერ ბაღში მიჰყავდა მაკოს ბავშვები და შემდეგ მიდიოდა სამსახურში, რომელიც არც ისე შორს მდებარეობდა – ფეხით გაუყვებოდა ხოლმე ტროტუარს და სულ რაღაც ათ წუთში იქ იყო. მალევე შეიყვარეს თანამშრომლებმა, მამაკაცები კომპლიმენტებს არ იშურებდნენ მისთვის, მაგრამ ყველასთვის მიუწვდომელ ქალად იქცა, არავის იკარებდა სიახლოვეს.

კაფე ხალხის ნაკლებობას არ უჩიოდა, არც დღევანდელი დღე იყო გამონაკლისი – თითქმის ყველა მაგიდა დაეკავებინათ. მაკომ მაშინვე შეამჩნია გეგი, როგორც კი კარი გააღო და კაფეში შემოვიდა. რა ექნა? ვერ დაიმალეობდა, უნდა მომსახურებოდა, გეგი მაგიდასთან დაჯდა, მენიუ გადაშალა, რამდენიმე წუთში მაკოც მივიდა და ჰკითხა:

– გამარჯობა! რას შეუკვეთავთ? – ამ სიტყვებს ძალდატანებით ამბობდა.

გეგიმ, როგორც კი მისი ხმა გაიგონა, მაშინვე იცნო, მენიუ მაგიდაზე დადო და მაკოს ახედა, გაოცებული უმზერდა:

– შენ? შენ აქ რა გინდა?

– მე აქ ვმუშაობ.

– აკი მეგობართან ჩამოვედიო, მომატყუე?

ქალმა მორცხვად დახარა თავი, ტყუილში რომ გამოიჭირეს და ბეჭები აიწურა.

– დიახ, მოგატყუე, არ მინდოდა, გცოდნოდა.

– რა არ გინდოდა მცოდნოდა – ის, რომ ქმარს დაშორდი; ის, რომ აქ მუშაობ? ის, რომ პატარა ბინა გაქვს ნაქირავები და აქვე ახლოს ცხოვრობ? რაში დაგჭირდა დამალვა?

მაკო გაოცებული უმზერდა, არ ელოდა, თუ ყველაფერი იცოდა მასზე გეგიმ. არადა, კაცმა ყველაფერი გაარკვია – მას შემდეგ, რაც მატარებელში ნახა, მიხვდა რომ არც ისე კარგად ჰქონდა საქმე მაკოს.

– რას შეუკვეთავ? – ისევ დაეკითხა.

– შენს სიყვარულს...

– რას? ვერ გავიგე, – ბრაზმორეულმა უპასუხა.

– ვიზუმრე, რა იყო? ხუმრობაც მეკრძალება მოხუც კაცს? – ღიმილი შეაპარა ხმაში გეგიმ, – კარგი ჩაი მომიტანე, მეტი არაფერი მინდა.

– კარგი, ახლავე, – სწრაფად შებრუნდა მაკო და წავიდა ჩაის მოსატანად.

მაღევე მიუტანა, მაგიდაზე დაუდო, – გემრიელად მიირთვიო, – უთხრა და უკან გაბრუნდა, გეგიმ სწრაფად მიაძახა, – სამუშაოს შემდეგ კართან დაგელოდებიო.

არაფერი უპასუხა მაკომ, თითქოს არ გაუგონია, წავიდა და მუშაობას შეუდგა. მთელი დღე აფორიაქებული იყო, ხან რა ავინწყდებოდა, ხან – რა, საყვედურიც მიიღო უფროსისგან. როგორც იქნა, დაასრულა სამუშაო საათები, რის ვაივაცხადით, გამოიცვალა უნიფორმა, დაემშვიდობა თანამშრომლებს და წამოვიდა.

როგორც დაპირდა, გეგი იქვე, კაფესთან ახლოს დახვდა, ზურგს ვერ შეაქცევდა და ვერ წავიდოდა, იძულებული გახდა, მისულიყო. თბილი ქარი ქროდა, გაშლილ თმებში დაუკითხავად დათარეშობდა და ტკბებოდა მისი სილამაზითა და სურნელით. მორცხვად, უფრო სწორად, დამნაშავე ბავშვივით გაჰყვა გვერდით გეგის, ჩუმად მიუყვებდონენ ხალხით სავსე ტროტუარს.

– ყველაფერი შეიძლება მოხდეს, მაკო, ცხოვრებამ ისევ შეგვახვედრა და თუ კიდევ მომეცემა შანსი იმისა, რომ ვიყო შენს სიახლოვეს, ამ შანსს არ გავუშვებ ხელიდან.

მაკოს გაელიმა, ბრაზმორეული თვალეებით შეხედა და უთხრა:

– შენ ხომ ოჯახი გყავს და როგორ ფიქრობ, მე გავხდები

შენი ოჯახის დანგრევის მიზეზი? სხვა რომ არაფერი ვთქვათ, კარგად გახსოვს ჩემი უარის თქმის მიზეზი და ახლა რაიმე შეიცვლებოდა? შეხედულებები შემეცვლებოდა თუ დამოკიდებულება... როგორ ფიქრობ?

– დავინყებ იქიდან, რომ მე ოჯახი არ მყავს, დიდხანს ვიცხოვრე ტყუილში და დავიღალე, არ მინდოდა, ჩემი ცხოვრება ნიღბების თამაშში გამეტარებინა და მომერგო ბედნიერი კაცის როლი. მან მე ორი შვილი მაჩუქა, თავისი გულიც მომცა, კარგი დედა და კარგი მეგობარი იყო, მაგრამ ვერ შევძელი მისი შეყვარება – მეგონა, მიყვარდა, უფრო სწორად რომ ვთქვა, ჩემს თავს ამას ვაჯერებდი, რადგან არ მინდოდა რეალობასთან შეჯახება. ის უთქმელად მიხვდა ყველაფერს. მე კი არ მეყო გამბედაობა, რომ მეთქვა – ადგა და წავიდა, ახლა ის სხვასთან ცხოვრობს ბედნიერად, მე კი ის ნიღაბი მოვიცილე, რომელსაც ხალხის დასანახავად ვატარებდი, ჩემი ნამდვილი სახე დავიბრუნე. ასე რომ, ჩიტივით თავისუფალი ვარ. უკვე არც შენ ხარ ის ოცი წლის გოგო, რომელმაც ოცდათხუთმეტი წლის, როგორც შენ მიწოდე, მოხუცი კაცი დამინუნე და სასაცილოდ აიგდე ჩემი სიყვარული. მოხუცს რა გესიყვარულებათ, – დამცინე და გაუჩინარდი. არასოდეს თქვა არასოდესო, ხომ გაგიგია... და, აი, შენც ხედავ, რაც მოხდა!

მთელი გულისყურით უსმენდა მაკო გეგის, თითქოს მისთვის სასიამოვნო მუსიკა ჟღერდა და სიმშვიდეს გვრიდა, ასე ახლოს არასოდეს უგრძვნია თავი მასთან.

– ძალიან ცუდი, თუ ოჯახი დაგენგრა, ეგ არ არის სასიხარულო, მე თუ მკითხავ... – როგორც იქნა, მოახერხა, რაღაც რომ ეთქვა, უხერხულობისგან თავი რომ დაეღწია.

– გეთანხმები, ოჯახის დანგრევა არასოდეს არის კარგი, მაგრამ სიცრუეში ცხოვრებას მაინც ასე სჯობს, შენ თუ მომცემ უფლებას, რომ შენს სიახლოვეს ვიყო და უწინდებურად არ მკრავ ხელს, იქნებ გავუგოთ კიდეც ერთმანეთს.

მაკომ პასუხისთვის თავის არიდება არჩია და შეეცადა, სასა-

უბრო თემა შეეცვალა.

– ბავშვები უნდა გამოვიყვანო ბალიდან. აქ დაგემშვიდობები.

სიტყვით ემშვიდობებოდა და სურდა მისგან წასვლა, მაგრამ გული სულ სხვა რამეს გრძნობდა, არ ეთმობოდა გასაშვებად და დასამშვიდობებლად.

– კარგი, რა გაენწყობა, ტელეფონის ნომრები გავცვალოთ. შეგეხმიანები, არ მინდა, დაგღალო ჩემით.

მაკომ მაშინვე ჩააწერინა ტელეფონის ნომერი, გეგიმ ზარი შეუშვა მის ნომერზე და ერთმანეთს დასცილდნენ.

ამის შემდეგ თითქმის ყოველდღე ხვდებოდნენ ერთმანეთს. საკუთარ თავთან უწევდა ბრძოლა მაკოს, არ სურდა გამოტყდომოდა, რომ ძალიან მოსწონდა გეგის სიახლოვე და ხშირად სწორედ ეგ იყო მათი კამათის მიზეზი: უმიზეზოდ დასდებდა ბრალს გეგის და გაებუტებოდა ხოლმე. ის ცდილობდა, ამ დროს ნაკლებად შეეწუხებინა, დამშვიდების დროს მისცემდა და ისევ ნახავდა... როცა გეგის შეხვდებოდა, ბედნიერი იყო, მაგრამ როცა მისგან წამოვიდოდა, საყვედურებით ავსებდა ხოლმე! მიზეზი, რის გამოც არ სურდა მასთან ყოფნა, იყო ასაკი – ეს აზრი ვერა და ვერ ამოიგდო თავიდან, მეგობარს გაანდო გეგის ამბავი, მან კი ურჩია, რომ სიყვარულზე უარი არ უნდა ეთქვა.

– ისედაც ხანმოკლე სიცოცხლე გვაქვს და ამ დროს ნუ დახარჯავ უაზრო ფიქრებში, მიეცი შენს თავს თავისუფლება და იფრინე, როგორც მინდორში მოფარფატე პეპელამ, რომელსაც უნდა, ყველაფერი მოასწროს და დატკბეს ცხოვრებით! ნუ იხედები მომავალში, დღეს შეხედე, რა ხდება, იცხოვრე დღევანდელი დღით და ხვალ, დამერწმუნე, უკეთესი იქნება. ასაკი – ეს ხომ მხოლოდ ციფრებია, მეტი არაფერი. გაუღე შენს გულს კარი და მიეცი სიყვარულს სიგიჟის უფლება, ერთხელ მოვდივართ და ვიცხოვროთ ამ გრძნობით.

გეგის იმედი ჰქონდა, რომ ერთ დღესაც გაუღიმებდა ბედი და მაკო დათანხმდებოდა ქორწინებაზე, რაც მთელი არსებით

სურდა. დრო გადიოდა, როგორც მთიდან წამოსული მდინარე, მაგრამ არაფერი იცვლებოდა, გაჯიუტებული მაკო უარზე იყო და არ თანხმდებოდა, არ უჯერებდა გულს, რომელიც მაღიმალ ახსენებდა გეგის და სულ მისკენ ექაჩებოდა! გეგი ყოველთვის გვერდით ედგა, როცა გაუჭირდებოდა, არასოდეს ავინწყებოდა დღესასწაულები და ანებივრებდა საჩუქრებით – მიუხედავად იმისა, რომ მაკო მის ასეთ ქცევას აპროტესტებდა.

ერთ დღესაც ისევ მიაკითხა სამსახურში, თითქმის მთელი დღე კართან ელოდა, როგორც თინეიჯერი ბიჭი – შეყვარებულს. დეკემბრის თვე იდგა, სუსხიანი და მკაცრი, მაგრამ მის გულში ცეცხლი გიზგიზებდა და სითბო ეღვრებოდა მთელს სხეულში; სიყვარული, რომელსაც ასე ეტრფოდა, ტანჯავდა, მაგრამ ეს ტანჯვაც არ უძნელდებოდა და არ იხევდა უკან, ჯიუტი ბავშვივით სურდა, თავისი გაეტანა; ღიმილი დასთამაშებდა სახეზე, როცა მაკოს შეხედავდა, თუ როგორ მუშაობდა, ისიც გრძნობდა მის დაჟინებულ მზერას, გახედავდა, გაულიმებდა და ისევ განაგრძობდა თავის საქმეს. როგორც იქნა, დასრულდა სამუშაო საათები, ერთად გაუყვნენ ხმაურიან ქუჩას, ბავშვები უკვე სკოლაში დადიოდნენ, დაიზარდნენ.

– ყოველთვის ვფიქრობ, რისთვის და რატომ გახდა ჩემი სიყვარული ჩემთვის მიუწვდომელი, რატომ არ მაქვს უფლება თუნდაც ერთხელ შევეხო მის თმებს, მის ხელებს, ჩავეხუტო მთელი არსებით და შევიგრძნო მისი სურნელი, რატომ არის ცხოვრება ასე დაუნდობელი, რატომ მსჯი ასე, მაკო, და რატომ გამხადე სიყვარულის მათხოვარი?

...ქალაქის პატარა სკვერში ისხდნენ სუსხიან და მკაცრ ამინდში, არც მთვარე და არც მზე ჩანდა, თითქოს გაგულისდა ორივე და სადღაც გადაიკარგნენ. დღეს ნელ-ნელა ღამე ეპატრონებოდა, სიცივე უფრო მძაფრდებოდა, გეგი თავის გრძნობაზე საუბრობდა, მაკო უსმენდა – გრძნობდა მის სიყვარულს, მაგრამ არ სურდა, თავისად მიეღო და გულს ეურჩებოდა.

- არ მინდა, წახვიდე! მინდა სულ, სულ იყო ჩემთან და შენი სიყვარულის გამო პეპლები დაფრინავდნენ ჩემს სხეულში... დილით, გაღვიძებისას, მხოლოდ შენ გხედავდე და ჩუმად მეჩურჩულებოდე ყურში, თუ როგორ ძლიერ გიყვარვარ; ერთად ვხვდებოდეთ ცისკარს და ვხედავდეთ მზეს, ჰორიზონტზე აჭრილს, ღამით ვარსკვლავებს ვითვლიდეთ და საცხე მთვარეს იმ სურვილის ახდენას ვთხოვდეთ, მე და შენ რომ გვეცოდინება მარტო და ჩვენს სიყვარულს ნაყოფს შეასხამს...

...თითქოს ეს იყო ამ სიყვარულის დასაბამიც და დასასრულიც, ახლა უნდა მომხდარიყო ის, რასაც ამდენი წელი ელოდა გეგი, იმედი ჰქონდა, რომ ამჯერად მაკო სძლევდა თავის ამპარტავნებას და გამოუტყდებოდა სიყვარულში - დააღწევდა თავს იმ გალიას, რომელშიც თვითონ გამოამწყვდია საკუთარი თავი, საკუთარი ხელებითა და გონებით.

მაკო მთელი არსებით გრძნობდა გეგის სიყვარულს, მაგრამ არ ნებდებოდა - ბევრი მიზეზი ჰქონდა იმისა, თუ რატომ იქცეოდა ასე და რატომ ამბობდა უარს ამ გრძნობაზე, უცაბედად ცრემლის ორი წვეთი ჩამოუგორდა თვალის უპეებზე, თვალეები ჩაუნითლდა, როგორც მზის ჩასვლისას იცის ხოლმე. მერე თვალეები მაგრად მოხუჭა, ცრემლებიც გადმოუგორდა და დაეცა ხელის თითებზე, რომლებიც ერთმანეთში ჰქონდა გადაჭდობილი. გეგიმ შეამჩნია, ხელი გადახვია, ჩამოშლილი თმები გაუსწორა.

- არ იტირო, შენი ერთი წვეთი ცრემლიც არ უნდა დაიღვაროს ჩემთვის, შენს სახეზე მხოლოდ ღიმილი და ბედნიერება მინდა დავინახო, შენი ცრემლი ჩემი ტკივილია - იმაზე მეტი, რაც ამ დრომდე განმიცდია. არ იტირო არავის და არაფრის გამო, ჩემო ჯიუტო გოგო!

მაკო ადგა უხმოდ, გეგიც ადგა მასთან ერთად, უკვე ბნელოდა, - საით წავიდეთო, -დაეკითხა ქალს. - შენთანო, - უპასუხა და ჩუმად გაუყვანენ ჩაბნელებულ სკვერს, საიდანაც ქუჩის ლამპიონები ქალაქს ანათებდა...

ბედის ბილიკი

უკაცრავად, ქალბატონო, შეიძლება ჩამოვჯდე? ყველა სკამი დაკავებულია, თორემ არ შეგანუხებდით, – ეკითხება ახალგაზრდა მამაკაცი ასე, ოცდათხუთმეტ წლამდე ასაკის ქალს, რომელიც ქალაქის სკვერში გრძელ სკამზე იჯდა ჩაფიქრებული.

მამაკაცის კითხვამ ქალი ფიქრებიდან გამოარკვია... უსიტყვოდ ანიშნა, დამჯდარიყო.

– გმადლობთ, ქალბატონო. ცხელა, ინვის ყველაფერი, ჭირს უკვე ქალაქში გაჩერება, აქ ერთადერთი ადგილია, სადაც გრილა და ცოტა სულის მოთქმა შეიძლება.

მამაკაცს ეტყობოდა, რომ საუბარი სურდა, სხვათა შორის, ცოტა აღელვებულიც ჩანდა.

– ხომ არ შეგანუხეთ, ქალბატონო?! – ჰკითხა ისევ გაბრაზებული ხმით.

– არა, არ მანუხებთ.

– დღეს განქორწინება გავაფორმე მესამე ცოლთან, წარმოგიდგენიათ? ზოგს ერთი ვერ მოუყვანია, მე კი მესამეს გავცილდი უკვე, ოცდათექვსმეტი წლის კაცი.

ქალმა გვერდულად გახედა. არაფერი უპასუხა.

– გგონიათ, იმათ ვადანაშაულებ რომელიმეს? სულაც არა – მე ვიყავი ყოველთვის დამნაშავე, მომენონებოდა, მათ შევუყვარდებოდი და ცოლადაც მომყავდა. მერე ვერ ვუგებდით ერთმანეთს და სულ ვჩხუბობდით. კიდევ კარგი, რომ მეორე ცოლთან მყავს ბავშვი...

– მერე, თქვენც კარგად გარკვეულიყავით თქვენს გრძნობებში და ისე დაქორწინებულიყავით, ჰა?!

– ეხ, მე ბავშვობაში მიყვარდა ერთხელ... აი, ის იყო ნამდვილი სიყვარული. მერე კი რაც იყო, უბრალოდ, გატაცება იყო და მეტი არაფერი. მგონი, სიბერეც სიმარტოვეში მომიწევს, გავატარო, თუ ვერ ვიპოვე ის ჩემი ცალი...

– სადაც სამი ქალი მოატყუეთ, არც მეოთხეს მოტყუება გა-
გიჭირდებათ, – საუბარში აჰყვა ქალი.

– რას ამბობთ, მე არცერთი არ მომიტყუებია. ვუყვარდი და
ნამომყვენ. ძალა დავატანე რომელიმეს თუ?! არცერთს! სამი-
ვეს რამდენიმე თვე ვიცნობდი და ისე ვქორწინდებოდი. პირ-
ველი კი სულ ერთი თვის გაცნობილი მყავდა, რომ მოვიყვანე.

მეორეს სამი თვე ვიცნობდი და მესამე კი მეგობრის დაბა-
დების დღეზე გავიცანი და მაშინვე სახლში ნამომყვა – მეც ნა-
სვამი ვიყავი და ისიც.

– ცუდია, რომ არცერთხელ არ გაგიმართლათ! ალბათ, გე-
ლოდებათ ის თქვენი ცალი და იპოვით ოდესმე, იმედია.

– მე ის მგონია ჩემი ცალი, ვინც ბავშვობაში მიყვარდა, მაგრამ
ვერ ვპოულობ...

– რატომ ვერ პოულობთ? რა გიშლით ხელს, ალბათ, კლა-
სელი იყო, ან კიდევ თქვენი სკოლელი.

– არცერთი და არც მეორე. ბალის ამხანაგი იყო. მოფერებით
სახელს „ფერიას“ ეძახდნენ. ნამდვილი სახელი არავის დაუძა-
ხია ბაღში მისთვის. ამიტომ სახელი არ ვიცი.

ქალს გაეცინა.

– რას ამბობთ? ბალის ამხანაგი გიყვარდათ და სხვა დროს
არავინ გყვარებიათ, დავიჯერო?!

– კაცის გული ოხერია, ხომ გაგიგიათ... გატაცება და ფანტა-
ზია უამრავი მქონდა, მაგრამ ისეთი – არა.

– ასე კარგად გახსოვთ ის სიყვარული?

– როგორ არ მახსოვს, ბალის ფოტოც მაქვს შენახული, სა-
დაც ის ჩემი ლამაზთვალეა გოგო და მე ერთად ვართ გადაღე-
ბული.

– მოძებნეთ, რას ელოდებით?!

– მე სხვა ქალაქში ვცხოვრობდი ბავშვობისას, სკოლაში შე-
სვლის დროს მშობლებმა აქ გადმომიყვანეს. ის იქ დარჩა და
ასე დავცილდით ერთმანეთს, შეიძლება, გათხოვილიც არის

და შვილებიც ჰყავს, ან, კიდეც, ჩემსავით არ გაუმართლა, ან მთლად უკეთესი, გაუთხოვარია და მე მელოდება.

– ხო, თქვენ გელოდებათ, როდის მიხვალთ, გქონდეთ მაგის იმედი, – გაიცინა ქალმა.

– რატომაც არა. იქნებ მელოდება კიდეც? იცის, რომ ვიპოვი. ცხოვრება ხომ ათას სიურპრიზს გვიმზადებს, მე ამის მჯერა. რადგან ისევ მარტო დავრჩი, მას ვიპოვი, ის ჩემი სულის ნაწილია.

– ღმერთმა ხელი მოგიმართოთ და გაპოვნინოთ, ვისაც ეძებთ. მე უნდა წავიდე, ნახვამდის.

– შეგანუხეთ, ხომ? მაპატიეთ.

ქალი დაეშვიდობა მამაკაცს და წავიდა.

იმ დღის შემდეგ ნიკას კიდეც ბევრი თავგადასავალი გადახდა ცხოვრებაში. ვერცერთ ქალში ვერ იპოვა ის სიყვარული, რაც მას ბედნიერს გახდიდა. სრულიად შემთხვევით, ისევ იმ სკვერში ისევ იმ ქალის გვერდით აღმოჩნდა. ამჯერად ქალმა იცნო და გამოელაპარაკა.

– რა ქენი, რომ ეძებდი, იპოვე ბალის მეგობარი თუ ვერა?

ნიკას გაუხარდა ქალის დანახვა, თითქოს დიდი ხნის მეგობარი იპოვა წლების შემდეგ.

– როგორ გამახარეთ. რას შვებით, როგორ ხართ. აი, ხომ ხედავთ, სასწაულები ხდება, ისევ შევხვდით ერთმანეთს, არ შეცვლილხართ, ისევ ისეთი ლამაზი ხართ, – ნიკამ კომპლიმენტებით აავსო ქალბატონი.

– ერთ წელში რა შემცვლიდა, – გაელიმა ქალს.

– მე ნიკა მქვია, – ხელი გაუწოდა.

– მე თათია, – უპასუხა ქალმა და მანაც ჩამოართვა ხელი.

ნიკა და თათია გაცნობის შემდეგ ხშირად ხვდებოდნენ ერთმანეთს. თათიას ქმარი და პატარა შვილი ჰყავდა, უსიყვარულოდ გათხოვილა, მშობლების დაჟინებული თხოვნით – შეძლებული ოჯახის შვილია და კარგად გაცხოვრებსო! ვერ გაუწე-

ვია თათიას წინააღმდეგობა მშობლებისთვის და ეგუებოდა იმ ბედს, რაც ერგო წილად. ჰყავდა შვილი და ხარობდა მისი ბედ-ნიერებით.

ნიკას გამოჩენამ კი ძირფესვიანად შეცვალა მისი ცხოვრება. მეუღლესთან არც ნიკას გამოჩენამდე ჰქონდა კარგი ურთიერთობა, ყოველდღე ჩხუბობდნენ. მოკიდებდა ბავშვს ხელს და გარეთ გადიოდა – დაჯდებოდა იმ სკვერში, სადაც ნიკა გაიცნო. კაცმა იცოდა, ოჯახი რომ ჰყავდა თათიას, ერიდებოდა მასთან ურთიერთობას, მიუხედავდ იმისა, რომ რალაც ძალა მისკენ უბიძგებდა. თავის თავს ეჩხუბებოდა გამუდმებით – სამი ქალი გააუბედურე და ნუ ეძებ ახალ მსხვერპლსო, არ სურდა მის გამო თათიას ოჯახი დაენგრია. თათია კი ხშირად ურეკავდა და შეხვედრას სთხოვდა. შეხვედებოდნენ ერთმანეთს, დასხდებოდნენ სკვერში და საუბრობდნენ ან ჩუმად იყვნენ და ხმას არ იღებდნენ.

ერთხელ, შეხვედრისას, თათიას ღრუბლიან ამინდში რატომღაც სათვალე ეკეთა. ნიკამ სთხოვა, მოეხსნა. თათიამ ხათრი ვერ გაუტეხა – ქალს თვალეები ჩალურჯებული ჰქონდა.

– საიდან ეს სილურჯე?! – ჰკითხა ნიკამ.

– ბავშვი წაიქცა. რომ დავიხარე, სათამაშო ეკავა ხელში და მომხვდა.

– ძალიან არადამაჯერებლად ჟღერს შენი ნაამბობი. იჩხუბეთ, ალბათ, ხომ, შენ და შენმა მეუღლემ.

– არა, ნიკა, გეფიცები, ის არაფერ შუაშია, ჩემი ბრალია ყველაფერი: მე არ უნდა გავყოლოდი მას ცოლად, არ ვიმსახურებ ისეთ ქმარს, როგორიც ისაა – ის საუკეთესო ქმარი და მამა იქნებოდა, მე რომ სიყვარულით ვპასუხობდე. უნდა განვქორწინდე, მეტი არ შემიძლია.

– თათია, მე არ მაქვს უფლება რაიმე გირჩიო. საკუთარ თავში არასოდეს ვარ დარწმუნებული; არ მინდა შენი ოჯახის და-ნგრევის მიზეზი მე ვიყო, კარგად დაფიქრდი, მარტო არ ხარ,

შვილი გყავს. მე საერთოდ ავდგები და გავქრები, ოღონდ შენ იყავი ბედნიერი.

– ნიკა, როგორ ვიქნები ბედნიერი, როცა ისეთ კაცთან ვცხოვრობ, რომელიც არ მიყვარს და ვერც შევიყვარებ.

– უნდა სცადო!

ამ საუბრის შემდეგ ერთი თვე გავიდა. თათიამ განქორწინება მოსთხოვა მეუღლეს. დიდი წინააღმდეგობის მიუხედავად, ბოლოს ისიც დათანხმდა.

მეუღლე სხვა ქალაქში გადავიდა საცხოვრებლად. თათია და ბავშვი კი სახლში დარჩნენ. გადიოდა დრო, ნიკა და თათია აღარ ხვდებოდნენ ერთმანეთს – ნიკა უკვე გულში ჰყავდა ჩავარდნილი, ცდილობდა, როგორმე დაევიწყებინა, მაგრამ მაინც მოსვენებას არ აძლევდა მასზე ფიქრი – სურდა, დაერეკა, მოეკითხა, როგორ იყო. ერთ დღეს, დიდი ფიქრის შემდეგ, ასეც მოიქცა.

ნიკამ პირველივე ზარზე უპასუხა თათიას. ცოტა ხანს ორივე დუმდა. შემდეგ კი ქალმა სთხოვა შეხვედრა. ნიკა ორჭოფობდა, არ იცოდა, თათია უკვე განქორწინებული იყო თუ არა ქმართან. ბოლოს კი შეთანხმდნენ, რომ ნიკას სახლში ესტუმრებოდა.

კაცმა როგორც კი კარი გააღო, ვერ მოითმინა და თათია გულში ჩაიხუტა. ქალი სავარძელში ჩაჯდა. ისაუბრეს. ნიკას დიდად არ გახარებია თათიას ოჯახის დანგრევა. არ მინდოდა ჩემი ბედი გაგეზიარებინაო, უთხრა. შემდეგ ყავა შესთავაზა, მაგიდიდან პატარა ალბომი აიღო და მიაწოდა.

– სანამ მე ყავას მოვამზადებ, შენ ეს დაათვალიერე.

თათიამ დაიწყო ფოტოების დათვალიერება, ნიკას პატარაობის ბევრი ფოტო ნახა.

ერთ უკვე სიძველისგან გაცრეცილ შავ-თეთრ ფოტოზე, რომელიც თათიასაც ჰქონდა სახლში, ჯგუფად მდგომი პატარა ბავშვები ილიმებოდნენ. ერთ ბიჭს გოგოსთვის ხელი ჩაეჭიდა და იდგნენ გვერდი-გვერდ. გაოგნებული უყურებდა ფოტოს და

ვერ ხვდებოდა, საიდან მოხვდა იგი ნიკას ხელში. ველარ მოითმინა და სამზარეულოში გავიდა.

– ნიკა, ეს ფოტო შენ საიდან გაქვს?

– ეს ფოტო ჩემი ბავშვობაა. ეს მე ვარ, ეს ის გოგონაა, რომელიც დღემდე მყავს გულში. – ნიკამ პატარა ლექსი წარმოსთქვა, რომელიც ბალის სიყვარულს მიუძღვნა.

მე ეს დავხატე

ჩემს ფიქრებში,

ლამაზ ფერებად,

შიგ ჩავაქსოვე სიყვარული

მარადიული.

– აი, სულ ასე გვერდით მყავდა, მერე კი ცხოვრებამ დაგვაშორა ერთმანეთს. ეხ, ბედნიერი კაცი ვიქნებოდი, ეს რომ ჩემთან ყოფილიყო, არც სხვას გავაუბედურებდი და არც – საკუთარ თავს. კი, მაგრამ რატომ მკითხე ამ ფოტოზე?

– ნიკა, ეს პატარა გოგო მე ვარ, ხელი რომ გაქვს ჩაკიდებული.

ნიკას ხელიდან გაუვარდა ყავით სავსე ფინჯანი, თათიას კი – ალბომი. ორივეს თვალეში სიხარული ირეკლებოდა.

მართლაცდა სასწაულია უფლის ნება – ჩვენთვის სასწაული, უფლისთვის კი... სწორედ სასწაულმა შეახვედრა თათია და ნიკა ერთმანეთს და ნიკასაც ის „ცალი“ აპოვნინა!

ორი მშობარი

ერთი პატარა სოფლის ბოლოში ოდა იდგა, რომელშიც მოხუცი ცოლ-ქმარი ცხოვრობდა. მათი შვილები ქალაქში ცხოვრობდნენ და ზაფხულობით სტუმრობდნენ მშობლებს. შვილიშვილებს უყვარდათ ბებია-ბაბუასთან არდადეგების გატარება. როგორც კი სწავლა დასრულდებოდა და არდადეგები დაენწყებოდათ, მშობლებს სთხოვდნენ, სოფელში წაეყვანათ, რადგან იქ უკეთ გრძნობდნენ თავს. ბებია-ბაბუა შვილიშვილების მიმართ უდიდეს სიბოძს და სიყვარულს იჩენდა.

აი, დადგა არდადეგები და მშობლებმა შვილები წაიყვანეს მოხუც მშობლებთან. ბებია-ბაბუა სიხარულით შეხვდნენ შვილიშვილებს. მოხუცებს მათ დანახვაზე ხალისი ემატებოდათ, ისეთ განწყობაზე დგებოდნენ, თითქოს, ასაკი აკლდებოდათ. ყველა სურვილს უსრულებდნენ სტუმრად ჩამოსულ შვილიშვილებს, ამით თვითონაც კმაყოფილი იყვნენ და ბავშვებსაც უხაროდან.

სოფელში პატარა მდინარე მოჩხრიალებდა. ზაფხულობით სოფლის ბავშვები გრილდებოდნენ ამ მდინარეზე. ერთ დღეს გადაწყვიტეს, ყველა ერთად წასულიყო. სიცხეს გაერიდნენ და გაგრილება ისურვეს. მდინარემდე მისასვლელი გზა, მეზობლის ბაღის გვერდზე გადიოდა, უცებ კნუტის კნავილი მოესმათ – ვიღაცამ გადაადგო და საცოდავად ითხოვდა შველას ეკალ-ბარდებიდან. ბავშვები მივიდნენ, დაინახეს ცელოფანში გახვეული პატარა კნუტი, რომელიც სულს ღაფავდა – პარკი მაშინვე გახსნეს და ამოიყვანეს.

პატარა ქეთიმ კნუტი გულში ჩაიხუტა და მოეფერა. კნუტმაც იგრძნო, რომ სიკვდილს თავი დააღწია. მადლობის ნიშნად ხელები აუღოკა ქეთის და კრუტუნს დაიწყო. ისე ჩაეხუტა, გეგონებოდათ, დედა იპოვაო.

ქეთი მდინარეზე აღარ წავიდა და სახლში დაბრუნება ამჯო-

ბინა. გიოც გამოჰყვა, მარტო არ გაუშვა თავისი და სახლში.

შინ ბებოს ანახეს კნუტი და სთხოვეს, საჭმელი მიეცა მისთვის. ქალი ჯერ მოეფერა უსუსურ არსებას.

– ასე ვინ გაგიმეტა, შე საბრალო, გადასადგებად. წამოიყვანე, ბებო, რძე მაქვს და დავაღვინოთ, – უთხრა შვილიშვილს. კნუტს ეტყობოდა, რომ ძალიან მოშიებოდა და აჩქარებით მიირთვა რძე, შემდეგ თათები გაილოკა, გაიზმორა და იქვე დაიძინა. ბავშვებმა სახელიც შეურჩიეს – კატო დაარქვეს. ბებია, ბაბუა და შვილიშვილები თავს ევლებოდნენ ოჯახის ახალ წევრს. ესეც მალე მოლონიერდა და დახტოდა, თამაშობდა ბავშვებთან ერთად.

დრო გადიოდა და კნუტი კარგ მოვლა-პატრონობაში დამშვენიდა და გალამაზდა, ფუმფულა გახდა. დასრულდა საზაფხულო არდადეგები. ბავშვებს გაუჭირდათ კნუტის დატოვება, მაგრამ მშობლები არ აძლევდნენ ქალაქში წაყვანის უფლებას. ამიტომ სოფელში დატოვეს ბებია-ბაბუასთან და დაუბარეს, თვალისჩინივით გაფრთხილებოდნენ კნუტს. იგი გრძნობდა სითბოს, სიყვარულს და მყარი ნაბიჯებით დადიოდა სახლსა თუ ეზოში, თავს არ უტოლებდა სხვა სოფლის კატებს, არც თავგებზე ნადირობდა. თავს რომ დაინახავდა, ვითომც არაფრისთვის შეუხედავს, ისე იქცეოდა. ბევრჯერ დაუყვავა ბაბუამ კატოს:

– თავგი მაინც დააფრთხე, სახლში რომ ხარო, – მაგრამ კატო თავგებს არ იჭერდა, ბებოს მირთმეულ საჭმელს ჭამდა და სეირნობდა; მოხუცებს ფეხებზე თავის ლამაზბუნვიან კუდს გაუსმევდა მადლობის ნიშნად და იძინებდა. ბავშვების წასვლა და სიმარტოვე შეეტყო კატოს: ცოტა მოინწყინა და არ გადიოდა ეზოში, სულ სახლში იყო. მოხუცები ეფერებოდნენ, როგორც შვილივილებმა დაუბარეს წასვლის ნინ, ზრუნვას არ აკლებდნენ, მაგრამ ატყობდნენ, რომ რალაც აკლდა, არ იყო ისე კარგად, როგორც ბავშვების სახლში ყოფნის დროს. ბოლოს კი მიხვდნენ, რომ ეს სიმარტოვის შედეგი იყო და ბავშვები ენატ-

რებოდა. მოხუცებმა იფიქრეს და მოიფიქრეს, რომ მეგობარს მოუყვანდნენ, მართოდ რომ არ ეგრძნო თავი. მეზობლის ძალღმად ლეკვები გააჩინა და ამჟამად უკვე მოზრდილები იყვნენ. ბებომ მეზობელს სთხოვა, ერთი ლეკვი მიეცა, ისიც სიამოვნებით დასთანხმდა და აჩუქა. ბებოს მიჰყავდა სახლში ოჯახის ახალი წევრი და ეფერებოდა:

– ჩემო პატარა, შენ ახლა ჩემთან წაგიყვან, მოგივლი, იქ მეგობარი დაგხვდება და ერთად იქნებით, არ მოინწყენთ. კი, მართალია, დედას მოგაშორე, მაგრამ რას ვიზამთ, ასე ვართ ყველა – ადრე თუ გვიან ყველა ვტოვებთ მშობლებს, შენ ცოტა ადრინად მოგინია დატოვება, მაგრამ ეს არ შეგეტყობა – არ მოგაკლდება ზრუნვა, პატრონობა.

თითქოს ლეკვს ესმოდა მოხუცის სიტყვები, თავი ჩაერგო ბებოს ხელებში და გასუსულიყო. თვალზე კი ცრემლი გადმოუგორდა, განიცადა და-ძმისა და დედის დატოვება, მაგრამ ბედს ეგუებოდა. ეს ხომ მისი ახალი ცხოვრების დასაწყისი იყო.

სახლში მისულ ბებოს კატო დაძინებული დახვდა, ლეკვი იატაკზე დასვა და საჭმლის გასამზადებლად წავიდა. ლეკვმა რაღაც შენიშნა – იატაკზე მისთვის უცხო არსება იწვა. მიუახლოვდა, დაყნოსა, მერე უკან დაიხია, ისევ მიუახლოვდა, ისევ დაყნოსა, ახლა კუდის თამაშიც დაიწყო, ვერა და ვერ მიხვდა, რა იყო ის ფუმფულა, ახლად მისულს ყურადღებას რომ არ აქცევდა. დაანება თავი და ბებოსთან მიცუნცულდა. ბებო იყო ახლა ლეკვზე მზრუნველი. ბებო მოეფერა:

– ახლავე მოგართმევ საჭმელს, ცოტა დამაცადე.

ლეკვი ისე მოიქცა, თითქოს გაიგონა, რა უთხრა მოხუცმა და განზე გადგა. ამასობაში კატომაც გამოიღვიძა: ჯერ ერთი თვალი გაახილა, გაიხედ-გამოიხედა, მერე მეორეც გაახილა, ისევ დაათვალიერა ირგვლივ ყველაფერი; წამოდგა, გაიზმორა ადგილზევე და როგორც იცოდა, მძიმე ნაბიჯებით გაიარა. ოთახში რაღაც ეზედმეტა. გაკვირვებული შეჰყურებდა. გულში კი

ფიქრობდა, ეს ვინ არის ან საიდან გაჩნდა აქო? ვინ მოიყვანა? განა ჩემი ადგილი უნდა დაიკავოს და მე გამაგდონ აქედანო? ეგ არ იქნება, ტყუილად მოსულხარ, სტუმარო! დამაცადე, თავ-ბედს განყევლინებ, – აქ რატომ მოვედიო და ისევ ნახვალ.

მიუახლოვდა კატო ლეკვს და მოემზადა საჩხუბრად. ლეკვმა იგრძნო, ეს უცხო არსება რალაც ცუდ უქადდა და შეუღრინა. გამართეს თათებით ჩხუბი. კატა კნავილს აყოლებდა და ლეკვი ნკმუტუნებდა, უჭირდა გამკლავება მასზე დიდ არსებასთან. ბებოს, რომ არ გაეშველებინა, მათი ჩხუბი ლეკვის მარცხით დამთავრდებოდა. ბებომ ლეკვი ხელში აიყვანა და მოეფერა. ეს კიდეე უფრო არ მოეწონა კატოს; ის ეჭვი, რაც ლეკვის დანახვისთანავე გაუჩნდა, კიდეე უფრო გაუმძაფრდა და გადაწყვიტა, თავიდან მოეშორებინა.

ბებომ საჭმელი გაუმზადა ლეკვს, სახელიც შეურჩია და დაუძახა.

– ლომა, მოდი, ჭამე!

ლეკვი ვერ მიხვდა ჯერ, მას რომ ეძახდნენ, მერე კი იატაკზე დადგმული თევში რომ დაინახა, მიხვდა, მას დაუძახეს და მაშინვე მივიდა საჭმელთან. გემრიელად დაიწყო ჭამა. კატოს არ მოეწონა, მხოლოდ ლომა რომ ჭამდა. კუდი ზემოთ აპრიხა, თათებზე წამოიწია და გაემართა ლომასაკენ. ჯერ ახლოდან უცქერდა, შემდეგ კი თევშზე დაჰკრა თათი და ძირს გადაყარა საჭმელი – დატოვა ნახევრად მშვიერი, მიწაზე დაყრილი საჭმლის ჭამის უფლებაც არ მისცა, ლომამ საცოდავი თვალეებით შეხედა კატოს და უკან დაიხია, მერე კი ოთახის კუთხეში დადგა და იქიდან უყურებდა. ბებო შორიდან აკვირდებოდა ლეკვისა და კატის ქცევებს. მიხვდა, რომ თუ არ ჩაერეოდა, ისინი ვერ შეეგუებოდნენ ერთმანეთს. ამიტომ კატოს დაუძახა, კალთაში ჩაისვა და მოეფერა. მოხუცი, როგორც ადამიანს, ისე ესაუბრებოდა მას:

– შენ უკვე დიდი ხარ, ის კი ჯერ პატარაა, თან ახლა წამო-

ვიყვანე თავისი დედისგან და ეს რატომ გავაკეთე, იცი? შენ რომ მოწყენილი იყავი ბავშვების აქ არ ყოფნის გამო, ვიფიქრე, მეგობარი ეყოლება და კარგად იგრძნობს თავს-მეთქი; შენ კი, როგორც კი მოვიყვანე, მაშინვე ჩხუბი დაუწყე – ასე არ გამოვა, ჩემო ფისუნია. ჯობს მეგობრები იყოს და ერთად ითამაშოთ ეზოში.

კატა განაბული იჯდა მოხუცის კალთაში და ისმენდა, რასაც ეუბნებოდნენ. ისე იქცეოდა, თითქოს სიტყვას ყველა იგებდა. მოხუცმა ამ საუბრის შემდეგ ძირს დასვა კატო და დააყოლა: – აბა, შენ იცი, ახლა როგორ მოიქცევიო.

კატომ გვერდულად გახედა ლომას და თავის ადგილს დაუბრუნდა, სადაც წვებოდა ხოლმე. ისევ გააპარა ლეკვისკენ თვალი, კუდი კისერში ამოიღო და დაიძინა. ლომა მოწყენილი იყო – ჯერ იმიტომ, რომ მასპინძელი არ დახვდა კარგ განწყობაზე, მერე კი თავისი დედა, და-ძმა მოენატრა. მიიყუჟა ოთახის კუთხეში და დანვა, თავი იატაკს დაადო, ცრემლნარევი თვალებით ირგვლივ მიმოიხედა, ახალ გარემოს ათვალერებდა, თან დედაზე ფიქრობდა. გაახსენდა, რომ ამ დროს უკვე დედის უბეში იყო ხოლმე თავის და-ძმასთან ერთად და რძეს მიირთმევდა. აწყმუტუნდა, წამოხტა, კარებს მიადგა – კარი დაკეტილი დახვდა და თათებით დაუწყო ცემა გასაღებად, მაგრამ ვერ მოერია და უკან გამობრუნდა. კატოს გაელვიდა ამ ხმაურზე და წამოდგა, გაიარ-გამოიარა ოთახში და ლომასთან მივიდა. ლომას ეგონა, ისევ ჩხუბს თუ უპირებდა და უკან დაიხია. კატო ისევ მისკენ წავიდა, ლომამ კიდევ დაიხია უკან და ასე გრძელდებოდა, სანამ ლომა კედელს არ მიადგა. ერთხანს უყურა კატომ ლეკვს, მერე კი თათი ასწია. ლომას შეეშინდა, იფიქრა, – დარტყმას მიპირებსო და საპასუხოდ მოემზადა, მაგრამ კატომ აწეული თათი ლომას თავზე მიადო. ლომა უკანა თათებით ჩაჯდა და უყურებდა კატოს. მაინც შიში ჰქონდა, არ წამოენცო ჩხუბი და გასუსული იყო. კატო შებრუნდა, კუდი აუსვა ლომას

და თავის ადგილს დაუბრუნდა. იმ საღამოს კატოს მშვენივრად ეძინა. ლეკვს კი რამდენჯერმე გაელვია: ხან დედის ხმა მოესმა, ხან კი – და-ძმის. იატაკზე დადებდა თავს და ტიროდა.

დილით ბებომ ორივეს საჭმელი დაახვედრა, გვერდი-გვერდ დადებული. რძის სუნმა გააღვიძა ისინი. კატომ იცოდა, სადაც დახვდებოდა საჭმელი, ლომა კი სუნს გაჰყვა და მივიდა. ორივემ გემრიელად მიირთვა. შემდეგ კი ბებომ გარეთ გაუშვა. კატომ სეირნობა დაიწყო ყვავილებით მორთულ ეზოში და დროდადრო ლომას გახედავდა, აინტერესებდა, რას აკეთებდა. ლომა იდგა მინდორში და ჯერ კიდევ ვერ გარკვეულიყო, საით წასულიყო. იფიქრა, იქნებ გავიპარო აქედან და ჩემს დედიკოსთან დავბრუნდეო, მაგრამ როგორც კი ლოხვასთან მივიდა, ბებომ შეამჩნია და უკან მოაბრუნა. რამდენჯერმე სცადა ლომამ გაქცევა, მაგრამ არ გამოუვიდა და ბედს შეეგუა. კატო მიხვდა, რომ წუხდა ლეკვი და მისი გამხიარულება სცადა: მიუახლოვდა და ირგვლივ უვლიდა, თან კუდს უსმევდა, ლომა მიხვდა კატოს ზრახვებს და ხტუნვა დაიწყო, მერე მინდორშიც გაირბინეს ერთად, ცოტა ითამაშეს და იქვე, ხის ძირში, გვერდი-გვერდ წამოწვნენ და დაიძინეს.

დრო გადიოდა. კატო და ლომა დღითიდღე ეჩვეოდნენ ერთმანეთს. ლომას თითქმის დაავიწყდა თავისი დედა და და-ძმა, უკვე კატოს თვლიდა თავის მეგობრად და ძმად. ბებოც არ აკლებდა ზრუნვას და ყურადღებას. ბავშვებიც ურეკავდნენ ბებოს და კითხულობდნენ ორი მეგობრის ამბავს.

ერთ დღეს კატომ და ლომამ ეზოს გარეთ გასვლა განიზრახეს. ქუჩაში მიმავალ მეგობრებს სოფლის ძაღლებმა აუტეხეს ყეფა. რამდენიმე ძაღლი ეზოდან ქუჩაში გადმოხტა, კატოს შეეშინდა და მეგობრის უკან დადგა. ჯერ შორიდან უყეფდნენ ძაღლები ლომას, შემდეგ კი ახლოს მივიდნენ და ჩხუბი დაუწყეს. ლომასთვის პირველი იყო ეს ჩხუბი. დაესივნენ სოფლის ძაღლები და სულ გაასისხლიანეს, კატო ცდილობდა ჩხუბში

ჩარევას, მაგრამ ერთი თათის დარტყმით მოიგერია ერთ-ერთმა მოჩხუბარმა ძაღლმა – ისეთი სიმძლავრით დაარტყა, რომ ღობეს მიეხეთქა. კატო რის კატა იყო, მაშინვე ამოტრიალდა და გასწორდა. ისევ სცადა ჩხუბში ჩართვა; უნდოდა, მეგობარს როგორმე დახმარებოდა, მაგრამ ვერაფერს გახდა. ლომა ბოლო წუთამდე იბრძოდა და, როგორც იქნა, თავი დააღწია სოფლის ძაღლებს. სახლში გაიქცა, კატოც დაედევნა მეგობარს. გასისხლიანებული ლომა ხის ძირში დანვა, კატო გვერდით მიუწვნა მეგობარს, სხეულზე თავი მიაღო თანაგრძნობის ნიშნად, გულში კი ფიქრობდა:

– ნუ გეშინია, ჩემო მეგობარო, შენ ძლიერი ძაღლი ხარ, ყველა მრისხანებას გაუმკლავდები და მტერს ადვილად დაამარცხებ, ცოტა დრო გჭირდება ამისთვის; გამოცდილებაა საჭირო, ამ გამოცდილებას კი ცხოვრება შეგძენს, მეც სულ შენ გვერდით ვიქნები და ორივე ყველაფერს გავუმკლავდებით.

თითქოს ის, რასაც კატო ფიქრობდა, ლომას ესმოდა და გრძნობდა მეგობრის თანადგომას – მადლობის ნიშნად თათი გაულოკა, კატომ დაიკრუტუნა და გაიტრუნა.

მოხუცებმა შენიშნეს ლომას გასისხლიანებული სხეული და სახლში შეიყვანეს. კატოც გაჰყვა მეგობარს – ბებომ ჭრილობები დაუმუშავა. ჭრილობებზე შეხებისას სტკიოდა ლომას და ნკმუტუნებდა; კატოს ქცევაზე ეტყობოდა, რომ აწუხებდა მეგობრის ტკივილი, ოთახის კუთხეში განვა და საცოდავი თვალებით შეჰყურებდა.

დრო გავიდა. ლომას იარები შეუხორცდა და ისევ ისე გაღამაზდა, როგორც ადრე იყო. ზაფხულში ბავშვებს სკოლის არდადეგები დაეწყოთ და კვლავ ესტუმრნენ ბებია-ბაბუას, ახლა უფრო მეტი მხიარულება იყო მოხუცების ეზოში. გოგო-ბიჭები დახტოდნენ და მათთან ერთად – კატო და ლომა. ქეთიმ და გიომ ბავშვებთან ერთად მდინარეზე წასვლა გადაწყვიტეს, მაგრამ ისე უნდოდათ წასულიყვნენ, რომ კატა და ძაღლი არ

გაჰყოლოდნენ. ამიტომ სახლის უკანა მხრიდან გაიპარნენ. ეს შეუმჩნეველი არ დარჩენია კატოს და ლომას და მალევე დაედევნენ ქეთის და გიოს. გზად გასავლელი იყო ბილიკი, მის ერთ მხარეს ორმო იყო. უცებ მეზობლის ბიჭმა კატას ფეხი ჰკრა და ორმოში ჩააგდო. ეს დაინახა ლომამ. კატომ კნავილი მორთო, შველას ითხოვდა, ქეთიმ და გიომ ჩხუბი დაუწყეს იმ ბიჭს, ვინც კატა ასე გაიმეტა. ლომა კი მაშინვე წავიდა ორმოსკენ მეგობრის დასახმარებლად. ორმო იმდენად ღრმა იყო, შიგ ჩავარდნილს დახმარების გარეშე ამოსვლა გაუჭირდებოდა; ლომა ზემოდან დაჰყურებდა კატოს, თვალებით ზომავდა ორმოს სიღრმეს, თავს ხან ერთ მხარეს მიატრიალებდა, ხან – მეორე მხარეს. ყეფით ამხნევებდა გასაჭირში მყოფ მეგობარს. ვერ მოიფიქრა, როგორ დახმარებოდა, ამიტომ გადანყვიტა, მეგობართან ერთად ორმოში ყოფილიყო, არ დაეტოვებინა და უმისოდ არ წასულიყო სახლში. ყურები ასწია, წინა თათებზე დადგა და მეგობართან ჩახტა. კატო მეგობრის დანახვაზე ცოტა დამშვიდდა და ტანი გაუსვ-გამოუსვა ლომას. ბავშვები ერთ გუნდად შეიკრნენ და კატის და ძაღლის ამოყვანა მოახერხეს, დიდი წვალეების მიუხედავად.

კატო და ლომა ერთმანეთის გარეშე წუთით არ ჩერდებოდნენ – როგრც კი რომელიმე მათგანი თვალს მოეფარებოდა, ერთმანეთის ძებნას იწყებდნენ. ლომა მეზობლის საქათმეს მიეჩვია და ქათმებს დაუწყო კბენა. მეზობელმა უჩივლა მოხუცებთან, – მოაცილე ეს ძაღლი აქედან, თორე მოვკლავო. მოხუცები დარდს მიეცნენ, არ უნდოდათ ძაღლის თავიდან მოშორება; არადა, ლომა თავს არ ანებებდა საქათმეს. ბევრი ფიქრის შემდეგ გადანყვიტეს, სხვისთვის მიეცათ ლომა. ჩააბეს თოკი, მეზობელ სოფელში ნათესავს მიუყვანეს და აჩუქეს. კატომ მოინყინა მეგობრის გარეშე და დარდს მიეცა – არც ჭამდა და არც ეზოში გადიოდა. ლომა კი ახალ გარემოს ვერ ეგუებოდა და სულ მონყენილი იყო. თოკით ჰყავდა ახალ პატრონს დაბმული,

რომ არ გაქცეოდათ. მთელი ღამე ღრღნა თოკი ლომამ და გამთენიისას მაინც მოახერხა განყვეტა, ლობეს გადაეწლო და ქუჩაში გადახტა. კარგად ჰქონდა დამახსოვრებული სახლის გზა – მალევე მივიდა. კატოს გულმა უგრძნო მეგობრის მოახლოება და აწრიალდა: კარი თათებით გააღო, ეზოში გავიდა. დანახვისთანავე ერთმანეთთან მიირბინეს, ერთად დახტოდნენ, თვალებში ეტყობოდათ, როგორი ბედნიერები იყვნენ. ერთხანს გაჩერდნენ, თითქოს რაღაცას ეუბნებოდნენ ერთმანეთს. მერე ეზოს ღობის გარღვეული კუთხიდან გაძვრნენ და წავიდნენ – ისე, რომ უკან არ მოუხედავთ.

შუადღე იყო, მოხუცებს ვილაც ეძახდა ქუჩიდან. გაიხედეს და ის ნათესავი დახვდათ, რომელსაც ლომა აჩუქეს. ნათესავმა ძალლი მოიკითხა. ბებოს უთხრა, რომ ძალლმა თოკი განყვიტა – აქ თუ მოვიდაო. ბებომ დაინყო ლომას ძებნა, იფიქრა, – იქნებ აქ არის და ისევ გავატან ნათესავსო, მაგრამ ვერ იპოვა, შემდეგ კატოს ეძახდა, არც ის ჩანდა არსად. იმ დღის შემდეგ ლომა და კატო არავის უნახავს – არც მკვდარი და არც ცოცხალი. ორივე მეგობარი სადღაც შორს წავიდა, გაურკვეველი მიმართულებით, სადაც ერთმანეთს არავინ და არაფერი დააშორებდათ...

რა შეუძლია შხამიან სიტყვას!

იანვრის ცამეტი იყო, თოვლს დაეფარა ირგვლივ ყველაფერი, სოფელში სრული სიჩუმე სუფევდა. ხანდახან ძალღების ყეფის ხმა თუ არღვევდა მყუდროებას. სიცივისგან აბურძგნილი ბელურები ხის ტოტზე მოკალათებულიყვნენ. შარაგზას ხელჯოხიანი მოხუცი კაცი მიუყვებოდა. სამხედრო „ბუშლატი“ ჩაეცვა – მასზე ორჯერ დიდი ზომის. ეტყობოდა, ძალიან მძიმე იყო, მაგრამ სიცივისგან თავი ხომ უნდა დაეცვა. გზად არავის გაეველო, ამიტომაც ფრთხილად იკვლევდა გზას თოვლში, გვერდით კი მისი ოთხფეხა მეგობარი კუდის ქიცინით მიჰყვებოდა, რომელსაც, როგორც ადამიანს, ისე ესაუბრებოდა.

– ნამოდი, ჩემო მეგობარო, ნამოდი. უკვე რამდენი წელია, ჩემთან ერთად მიუყვები ამ გზას – ხან თოვლიანს, ხან კიდე – მზიანს... არაფერი გვაშინებს მე და შენ! მთავარია, მივიდეთ და მისი თვალეში დავინახო, მისი ხმა გავიგონო. სიბერემ არაფერი დააკლო, მხოლოდ ოდნავ შეეპარა ნაოჭი სახეზე და თმაში ჭალარა, ხმაც როგორი ტკბილი და სასიამოვნო აქვს?! თუმცა, ხასიათი აქვს საშინელი – ძალიან ჯიუტია, ვირზე რომ შეჯდება... ერთხელ მაინც რომ ეთქვა, თუნდაც მოვწონვარ, ახლა ხომ ბედნიერები ვიქნებოდით – გვეყოლებოდა შვილები, შვილიშვილები, ვისხდებოდით ბუხართან და მოვუყვებოდი შვილიშვილებს ჩვენს დიდ სიყვარულზე, თვითონ კი გემრიელ საჭმელს მოგვიმზადებდა...

ახლა კი რა ხდება, ხომ ხედავ, ჩემო მეგობარო – დღეს მისი დაბადების დღეა, ხვალ ძველით ახალი წელი; მივუყვები ამ თოვლიან გზას, რომ მივიდე და მისი ხმა გავიგონო – თვალი შევაღწეო მის ლამაზ სახეს. დიდი პატივი იქნება, სახლში თუ შემოვატიყუა, რაც იშვიათად ხდება. ისე, ჩემო მეგობარო, მეც რას გადავეკიდე და რას შევიყვარე მაინდამაინც ეს ჯიუტი ქალი?!

განა ქალები დაილია ამ ქვეყნად?! მეც სხვა შემყვარებოდა და ასე უპატრონოდ არ დავბერდებოდი. არა, არა, ჩემო ბიმი, ისევ ამის სიყვარული მირჩევნია ჩავიტანო სამარეში, ვიდრე სხვა მყვარებოდა! იცი, რა ლამაზი იყო? ძალიან, ძალიან ლამაზი, დიდი, მრგვალი თვალები ჰქონდა, მრგვალი სახე, რომელსაც ჭორფლი ამშვენებდა. როცა ილიმოდა, სახე უნათლებოდა, თვალები უფრო ლამაზი და მიმზიდველი უხდებოდა, ახლაც შერჩენილი აქვს ის ემზი და სილამაზე, ხომ მეთანხმები, ჩემო ბიმი?

ბიმი ფეხდაფეხ მიჰყვებოდა. მისი დუმილი ცხადყოფდა, რომ ყურს უგდებდა თავის უფროს მეგობარს.

ამ დროს ერთ, პატარა ქოხში, მოხუცი ქალი ფანჯრიდან იცქირებოდა და თვალს ადევნებდა თოვლის ფიფქებს – უხაროდა, ალბათ, რომ ასე ლამაზად ბარდნიდა... დროდადრო, თვალს გზისკენ აპარებდა – იცოდა, რა დროც არ უნდა გასულიყო, ის დღეს აუცილებლად მოვიდოდა და ნახავდა... უცებ ღრმად ამოისუნთქა, თითქოს წარსულიდან რაღაც ცუდი გაახსენდა და ფარდა ჩამოაფარა, ფანჯარას მონყდა და ბუხართან გადინაცვლა... ისევ ადგა და გაჰყურებდა გზას, საიდანაც არავინ მოდიოდა, იდგა ფანჯარასთან და ფიქრობდა: – ეხ, რა მოხდებოდა, რომ ისე ძლიერ გყვარებოდი, როგორც – მე; ისე ძლიერ გდომებოდი, როგორც – მე და არ გაგეცვალე სხვაში იმ დაწყევლილ ლამეს! სასმელი... თუმცა, რა შუაშია სასმელი? თუ კაცს არ უნდა და მისი გული სიყვარულითაა სავსე, არ გაიხედავს სხვა ქალისკენ – შენ კი მთელი ჩემი ოცნებები დაამსხვრიე ერთ ლამეში, ადექი და ფერფლად მიქცეი ლამაზი მომავალი! ხომ შეგეძლო, ამდგარიყავი და შენც სხვებივით წასულიყავი სახლში, მაგრამ არ გააკეთე. ის ლამე რომ არა, ახლა მე და შენ ვისხდებოდით ბუხართან, სადაც ცეცხლი იგიზგიზებდა და დახუნძლული ვიქნებოდით შვილიშვილებით... არა, უნდა ამომეგლიჯე გულიდან და გავყოლოდი სხვას, ეს იქნებოდა შენთვის უფრო მეტი სასჯელი, მაგრამ რა ვუყო ჩემს გულს, რომ ვერ მოვიქეცი

ასე, ვერ შევიყვარე სხვა! ახლა კი უკვე დავბერდი... ეხ, რა სიბერე, ჩემი დღეები დათვლილია, ალბათ, მალე წავალ ზეცაში.

ღრმა ფიქრებში წასულ მოხუცს უცებ სახე გაუნათდა, სარკესთან მიირბინა, თმაზე ხელი გადაისვა და ისევ ფანჯარასთან დადგა – სახეზე ღიმილი ეფინებოდა, გული გამეტებით უძგერდა, თითქოს ხელისგულებიც გაუოფლიანდა, ისევ ისე, როგორც ადრე, შეხვედრის მოლოდინში. მოხუცმა ფანჯრიდან მოცქირალი ქალი შეამჩნია და ხელი დაუქნია. ქალმა თითქოს ვერ დაინახა, უპასუხოდ დატოვა და ფანჯარას მოსცილდა. რამდენიმე წუთში სახლის აივანზე ფეხების ბაკუნი გაისმა – ფეხებს ინმენდდა და სამხედრო „ბუშლატას“ იბერტყავდა. დაკაკუნება არც დასჭირვებია – მოხუცმა ქალმა კარი გააღო და მიესალმა სტუმარს, თუმცა, სახლში შეპატიჟებისგან თავს იკავებდა, როგორც ყოველთვის.

– რამ მოგიყვანა ასეთ ამინდში? ძაღლს არ გააგდებს კაცი გარეთ, – აღმაცერად შეხედა ქალმა კაცს:

– შენს გულს ხომ ვერასოდეს მოვიგებ მე, მარიეტა! არ შეგიძლია, მადლიერება მაინც გამოხატო, რომ მოვედი და შენი მწარე ენით არ დამგესლო? მეც რას მოვდიოდი, ხომ ვიცოდი, რა მწარე ენის პატრონი ხარ, მაგრამ ეს ოხერი გული არ შვება, რომ არ გნახო.

– ალბათ, მაგ ოხერმა გულმა გიბიძგა, ჩემი სიყვარული ფეხქვეშ გაგეთელა, მაგ ოხერმა გულმა დაგავინყა იმ ღამით ჩემი თავი, ახლა კი გინდა შენი აქ მოსვლის გამო მადლობა გითხრა. მადლობელი ვარ, ბატონო, რომ მობრძანდი და ამხელა გზა გამოიარე, მაგრამ არ იყო საჭირო! როგორმე უშენოდ შევხვდები ძველთა ახალ წელს და ჩემს დაბადების დღესაც!

მოხუცი წამოენთო სახეზე და ძაღლს უთხრა:

– წამოდი, ჩემო ბიმი, წამოდი სახლში, ამას ხომ არ შეუძლია ოდნავ თბილი სიტყვა მაინც მითხრას, ხომ უნდა მაყვედროს მთელი ცხოვრება და არ მაპატიოს ის ერთი ღამე. უკან შებრუ-

ნდა და ნაბიჯი გადადგა. ქალმა ბეჭზე დაადო ხელი:

– შემოდი სახლში, დაისვენე და მერე წადი, ცოდვა ხარ, ამხელა გზა გამოიარე.

– არ მჭირდება შენი შეცოდება მე! – ისევ გადადგა ნაბიჯი მოხუცმა, თუმცა, ეტყობოდა, წასვლა არ სურდა. ქალმა ისევ შეაჩერა, ამჯერად ხელი მოჰკიდა ხელზე და სახლში ძალით შეიყვანა. მოხუცი ფარულად ილიმოდა...

ბუხარში ცეცხლი გიზგიზებდა, ნაკვერჩხლებს ტკაცატკუცი გაჰქონდათ, ჯორკო დაუდგა, თვითონაც დაიდგა და ორივე ბუხრის პირას დაჯდა. ისხდნენ და ხმას არ იღებდნენ. ელოდნენ, რომელი იტყოდა პირველ სიტყვას. ბოლოს, როგორც იქნა, ორივემ ერთდროულად წარმოსთქვა: „მომენატრე“ და თვალებში შეხედეს ერთმანეთს – ქალმა მყისვე მოარიდა თვალი მოხუც მამაკაცს.

– შენ რო ჩემთვის ერთხელ მაინც მოგესმინა და ვირივით არ გაჯიუტებულიყავი, ახლა მე და შენ ერთად და ბედნიერად ვიცხოვრებდით, არ მოგვინევდა ასე სიმარტოვეში ყოფნა, მაგრამ, აბა, შენ როგორ მოისვენებ თუ არ გაჯიუტდი და შენი არ გაიტანე! დღემდე ვერ გამიგია, რა მოხდა ჩვენ შორის – რას მემდური, რას მამბრალე. აგეხსნა, იქნებ მეც მქონდა სათქმელი შენთვის და ისე არ იყო ყველაფერი, როგორც შენ გგონია... დღემდე არ მეუბნები, რა მოხდა, რამ შეგცვალა ასე – ვიცი, რომ გიყვარდი, ისე, როგორც მე მიყვარდი... რამ აგირია თავგზა, ასე რომ მკარი ხელი? ნუთუ იმ ერთმა ღამემ შეცვალა ყველაფერი?!

– ცდები! მე ხელი არ მიკრავს შენთვის, უბრალოდ, ასე მოვისურვე – შენთან ახლოს და თან შორს ყოფნა. კმაყოფილი იყავი, რომ დღემდე გაძლევ უფლებას, მოხვიდე და მნახო, სხვა ახსნას ნუ მთხოვ.

– კარგი, კარგი, რაც იყო, იყო, დავივინყოთ ერთხელ და სამუდამოდ წყენა, ცხოვრებაში ერთხელ მაინც შევხვდეთ ძვე-

ლით ახალ წელს ერთმანეთზე განანწყენების გარეშე. დავბერდით უკვე, ხომ ხედავ?! მე ჯოხით დავდივარ, შენ კი თმაში თოვლივით გაგერია ჭაღარა. მე ისევ ისე მიყვარხარ, როგორც ადრე – ჩემს სიყვარულს ვერაფერი დააკლო ვერც დრომ და ვერც შენმა სიცივემ.

– ყბედობას შეეშვი, ბერიკაცო, მოდი, სუფრას გავშლი, მოშიებული იქნები.

ქალმა პატარა, დაბალ მაგიდაზე დააწყო მოხარშული დედალი, კეცის მჭადი, ჭყინტი ყველი, კეცში გამომცხვარი ხაჭაპური, კიტრის მწნილი და შავი ღვინო გრაფინით. სასიამოვნო სურნელი ტრიალებდა სახლში, ბუხარში კი ცეცხლი ისევ გიზგიზებდა. მამაკაცმა მორის ნაჭერი მიადო ცეცხლს, რომ არ ჩამქრალიყო, ხელის მტევნები ერთმანეთს გადაუსვა, გრაფინიდან ღვინო დაასხა, ჭიქა ხელში აიღო და თქვა:

– შენ გაგიმარჯვოს ამით მარიეტა! სიბერეში მაინც მოგეხაროს ეგ რქები და გაგეხადე ღირსი იმასა, რომ ამიხსნა, რა მოხდა ჩვენ შორის!

სულმოუთქმელად დალია ღვინო. ბოლოს ჭიქა ამოატრიალა და თქვა:

– ასე მტერი დაგეცალოს! – მოხარშულ ქათამს მოაგლიჯა რბილი ხორცი და გემრიელად მიირთვა.

ქალი უცქერდა მამაკაცს და ხმას არ იღებდა, მხოლოდ ერთი ჭიქა ღვინო დალია, – წნევა მაქვს და მეშინია, მეტს ვერ დავლევო, – უთხრა.

დაღამებამდე გაჩერდა სტუმარი. მერე წასასვლელად მოემზადა, ჯოხი მოიმარჯვა, ქალს დაემშვიდობა და კარისკენ შებრუნდა, უცებ მასპინძლის ხმა გაისმა:

– მოიცადე! შენ რომ ჩემთვის არ გელაღატა, ახლა ბედნიერები ვიქნებოდით.

მამაკაცი მყისიერად შემობრუნდა ქალისკენ და გაოცებულია შეჰყვირა:

- რას ბოდავ, მარიეტა?! რას?! ვინ გითხრა ეგ სისულელე, ნუთუ ამისთვის გამწირე და დამტანჯე მთელი ცხოვრება; ნუთუ ვილაცის სიტყვამ დაგაჯერა ჩემს უსიყვარულობაში?! მე კი მეგონა, დაგვიანებას არ მპატიობდი და ეს იყო ყველაფრის მიზეზი.

მოხუცი შებარბაცდა, ჯოხს დაეყრდნო მთელი ძალით, ხელი ჩაიქნია და ისევ კარისკენ წავიდა.

ქალმა სახეზე აიფარა ხელი - ნუთუ ტყუილია ის ყველაფერი, რაც მითხრეს?!

- ტყუილია, მარიეტა! ტყუილი! მაგრამ რა აზრი აქვს აწი მაგას, შენს ლოდინში ის წლები ხომ დავკარგე, რომლებიც ძალიან ლამაზი და ძვირფასი იყო ჩემთვის, რალა დამრჩენია აწი - მხოლოდ სიკვდილის მოლოდინში ვარ, ცხოვრება ჯოჯოხეთად მიქცეო და ვერ გავრკვეულვარ, რატომ! ამდენი ხანი გთხოვდი, აგეხსნა მიზეზი, შენ კი ჯიუტად ქედს არ მიხრიდი და არ მიხსნიდი, რა მოხდა - ახლა კი წავედი და სამუდამოდ გტოვებ! როგორ შეგეპარა ჩემში ეჭვი?! როგორ არ იწამე ჩემი სიყვარულის?! არა, უკვე მე არ შემოიძლია შენი პატიება, შენ არ გაუფრთხილდი ჩემს გრძნობას და ფერფლად მიქცეო დიდი სიყვარული!!!

მოხუცმა კარი გაიჯახუნა და გავიდა, ქალი კი იდგა და ტიროდა.

მთვარე ამოგორებულიყო ცაზე, ნაფეხურები დაემალა თოვლს და ისევ თოვდა... მოხუცი და მისი ოთხფეხა მეგობარი მიიკვლევდნენ გზას უჩუმრად, კაცი დროდადრო ხელს ჩაიქნევდა, ღრმად ამოისუნთქავდა და ისევ განაგრძობდა გზას, ცაზე აქა-იქ ლამაზი ფერები კიაფობდა, ნაადრევად აღნიშნავდნენ ბავშვები ძველით ახალ წელს.

მას შემდეგ ერთი წელი გავიდა და ისევ დადგა იანვრის ცამეტი. მოხუცი ქალი არავის ელოდა, იჯდა ბუხრის პირას და თბებოდა - უცებ მოესმა: გარეთ კარს, თითქოს, ვილაც

ხელს ურტყამდა. წამოდგა, კარი გააღო – მის წინ მოხუცი კაციის ოთხფეხა მეგობარი იდგა და უცქერდა. ქალი დაიბნა, არ იცოდა, რა ექნა, სახლში შეტრიალდა, ჩანთაში საჭმელი ჩააწყობდა და ძაღლს გაჰყვა უკან. იმ სახლში მივიდა, სადაც მოხუცი კაცი საწოლში იწვა და ადგომა არ შეეძლო. ქალმა საწოლთან საჭმელი მიუტანა, თავისი ხელით აჭამა და ძველით ახალი წლის დადგომა მიულოცა. კაცი თვალს არიდებდა, გულში კი უფალს მადლობას სწირავდა იმისთვის, რომ მის სახლში თავისი ნებით ის ქალი მივიდა, ვისაც ამდენი წელი შეაღია.

ჩაშლილი ქორწილი

– რაი გატირებს, მშვენიერი ბიჭია. რით ვერ გაიგე, რომ სიყვარული არ არის მარტო საკმარისი, ხომ ხედავ, რაფერი კაი ოჯახი აქვს, რაფერ კაი მამა და დედა ჰყავს, ჰოდა, ისიც ისე კაი იქნება. ფულიც აქვთ, მანქანაც ჰყავთ, რა ჯანდაბა გინდა მეტი?! არ მოგაკლდება არაფერი ქვეყანაზე! ახლა არ გიყვარს, მარა ცოლად რო გაყვები და ხელს გადაგისვამს, კი შეგიყვარდება – ჩაგაცმევს, დაგახურავს, რა გინდა მეტი?! აბა, იმას არაფერი გააჩნია, შენი სიყვარულის გარდა – დედაც ავად ჰყავს, მამა მკვდარი... უპატრონო კი არა, პატრონიანი ვერ ადგება დღეს გზას. გეიგონე და შეუშვი მაგ ყურში, დედა ვარ და კაი მინდა შენთვის, თვარა მერე გაგახსენდება ჩემი სიტყვები, ბალანესთვის საჭმლის ფული რომ არ გექნება... უნდა გიხაროდეს, იმისთანა კაი ოჯახისშვილს რომ უნდებარ მამაშენის შვილი – ვის უნდა ლოთის შვილი? მარა გაგიმართლა. შენ ნამეტანი უყვარხარ მაგ ბალანას და ნუ ბლავი. ერთ კვირაში მოვლენ და დაგნიშნავენ. მერე ქორწილსაც გადაგიხდით და იცხოვრებ ბედნიერად!

– რატომ არ გესმის დედა, არ მიყვარს, არაააა!!! მე მასთან ვერ ვიქნები ბედნიერი, არ მინდა მისი სიმდიდრე, ხმელა მჭადი მქონდეს, მირჩევნია და ვინც მიყვარს, მასთან ვიყო, თავს მოვიკლავ, იცოდე, თავს!!! დაგასვენებთ ყველას და მეც დევისვენებ, ამისთანა სიცოცხლეს სიკვდილი მირჩევნია....

– მეიკლავ თავს, თვარა ნამოგყობა მიწაში შენი სიყვარული, ერთ კვირაში დაავინწყდები და შეიყვარებს სხვას, შენ კი იქნები შავ მიწაში ჩანოლილი. ნუ მიშლი ახლა ნერვებს და მამაშენს არ დეენახო, გირჩევნია, მასე აბლავლებული! თვარა კი იცი, რაფერი გადარევა იცის, მთვრალი რომ არის. მერე მე დამაბრალებს ყველაფერს – ვერ გაზარდე კარგად, არ ხარ კაი დედაო და მე დამიწყებს შენ გამო ჩხუბს. ჩეიგდე ახლა მაგი ენა და შეეგუე იმას, რაც არის.

- თავს მოვიკლავ და ამას არ შევეგუები, ეს იცოდეთ.

ქეთი ატირებული გამოვარდა სახლიდან, ქუჩაში გაიქცა, მაგრამ სად გარბოდა, თვითონაც არ იცოდა. გზა კენჭებით იყო სავსე, წაიქცა და მუხლები გადაიტყავა - წვრილი კენჭები მიეკრა გასისხლიანებულ მუხლებს, ისე მოიშორა, ტკივილსაც ვერ გრძნობდა, მხოლოდ სული სტკიოდა, წამოდგა და ისევ განაგრძო გზა. თვალეზდასიებული და მუხლებგასისხლიანებული მიადგა ხის ჭიშკარს, რომლის მიღმა მწვანე დაბალი მინდორი იყო და პატარა ხის სახლი იდგა. სახლი, რომელიც ბოძებზე დაედგათ, ოდნავ გადაქანებულიყო, სახურავზე კრამიტი ალაგ-ალაგ გატეხილიყო - ეტყობოდა, რომ საკამოდ დიდი ხნის წინ დაეხურათ... ეზოში ძალღი დასეირნობდა, იცნო ქეთი, კუდის ქიცინით მიეგება. ჭიშკარი გააღო, ეზოში შევიდა ისე, რომ ხმაც არ გაუღია, ძალღი თანაგრძნობის ნიშნად ჩუმად გაჰყვა უკან.

- საბა, სახლში ხარ? - დაიძახა ქეთიმ.

რამდენიმე წუთში წელში მოხრილი ქალი გამოვიდა სახლიდან, ეტყობოდა, რომ ცხოვრებას მისთვის ბევრი ტკივილი მიეყენებინა - თმა სულ გასთეთრებოდა, სახე დანაოჭებული ჰქონდა, კეთილი და სევდიანი გამომეტყველება მის ადამიანობაზე მიუთითებდა. თუმცა, ახალგაზრდული სილამაზე მაინც შემორჩენოდა და მშვენიერებას სისადავე არ დაეკარგა.

- ქეთი, შვილო, შენ ხარ?! მოდი სახლში, საბა არ არის, მაგრამ მალე მოვა, რა დაგემართა, რატომ გამოიყურები მასე, ხომ მშვიდობაა შენს თავს?!

- არ არის მშვიდობა, მოვკვდე, მირჩევნია ასეთ ცხოვრებას!

- შემოდი, შვილო, სახლში და მომიყევი, რა ხდება.

სახლი სულ ორი ოთახისგან შედგებოდა - ერთი ოთახი მისაღები იყო და საძინებელიც, მეორე კი - სამზარეულო. კედლებს სიძველის და სიღარიბის კვალი ეტყობოდა. დიდი ხნის წინათ გადანალევი კედლები უკვე ალაგ-ალაგ ფერგადასული იყო. კუთხეში ღუმელი იდგა, რომელშიც ცეცხლი ენთო, ღუ-

მელიდან ნაკვერჩხლების ტკაცუნი ისმოდა, ზედ მადულარა დაედგათ, რომელსაც მინანქარი ნახევრად მოსცილებოდა და დაჟანგულიყო. რკინის საწოლის ზემოთ ახალგაზრდა მამაკაცის ფოტო ეკიდა. მაგიდაზე ალუმინის პატარა თეფში იდგა და ზედ ხილი ელაგა. ქეთიმ სკამი გამოსწია, დაჯდა და ტირილი დაიწყო.

– ჩემი მშობლები მათხოვებენ!

ნანას ამ სიტყვების გაგონებაზე ფერი ეცვალა.

– ქეთი, შენ ხომ საბა გიყვარს და მასაც უყვარხარ? ნუთუ, ეს არ იციან შენმა მშობლებმა?

– იციან, მაგრამ მაინც თავისას გაიძახიან.

– ვინ არის, შვილო, ის, ვისზე გათხოვებენ?

– ნოდარი თუ იცი, მის ბიჭზე.

– როგორ, გიას მიჰყავხარ ცოლად? მას ხომ ვილაც გოგო უყვარს, როგორც ვიცი.

– მას მამაჩემი უნახავს და უთქვამს, – შენი გოგო მიყვარს და ცოლად გამათანეო. მამაჩემი კი, როგორც ყოველთვის, მთვრალი იყო და დათანხმდა. ნიშნობა ერთ კვირაშია დანიშნული, დედა გაჩუმებას მირჩევს, მამამ რომ არ დაუნყოს ჩხუბი.

– მომხედე, ქეთი, შვილო, ეგენი ძალიან კარგი მაცხოვრებლები არიან. თუ მართლა უყვარხარ, მაგას რა ჯობია, შენც გაყევი, ხომ ხედავ, ჩვენ როგორ გვიჭირს, საბა ვერაფერს გაგიკეთებს, სიყვარულის გარდა!

– თქვენც იმავეს მეუბნებით?! დედაჩემიც მაგ აზრზეა. არა, მე მას არ გაყვევები.

ტირილს უმატა ქეთიმ. უცებ კარი გაიღო. გოგო თვალები გაუნათდა, თითქოს რაღაც იმედისმომცემი დაინახა. მაშინვე ადგა და კარისკენ წავიდა. საბას ერთი შეხედვით ეტყობოდა, თუ რაოდენ კარგი აღზრდილი იყო, არც გარეგნობა ჰქონდა ურიგო, ისიც ეტყობოდა, რომ სპორტით იყო დაკავებული, მისი გარეგნობიდან გამომდინარე – ოდნავ მხრებში გაშლილი, მა-

ღალი, ტალღოვანი თმა დაბალზე შეეჭრა, თაფლისფერი თვალები მის ალალკაცობაზე მიაწიწებდა. მისთვის ქეთის სტუმრობა უცხო არ იყო, ხშირად დახვედრია სახლში, ოღონდ ასეთი ცრემლიანი თვალებით არასოდეს უნახავს. თითქოს გული შეეკუმშა მის დანახვაზე, ხელი მოკიდა და სკამზე დასვა. ქეთიმ ერთი ამოსუნთქვით უამბო ყველაფერი საბას. მან დამშვიდება სცადა და სთხოვა, არ ენერვიულა, დაჰპირდა, რომ ყველაფერს მოაგვარებდა, შემდეგ კი სახლში გააცილა.

მეორე დღეს ქეთის შინ მიაკითხა გიამ, თითის ზომა აინტერესებდა, ბეჭედი რომ ეყიდა. ქეთიმ მასთან საუბარი ისურვა და სთხოვა, ცოტა ხნით მანქანაში ჩავსხდეთ, ვისაუბროთო. ისიც დათანხმდა.

– გია, მე სხვა მიყვარს! რად გინდა ისეთი ქალი, რომელიც სხვა მამაკაცზეა შეყვარებული?

– შენ არავინ გიყვარს, ქეთი, ის ყველაფერი შენი წარმოსახვის ბრალია, მეტი არაფერი. ჩემი ცოლი, რომ გახდები, ყველაფერი დაგავინყდება და საერთოდ, მამაშენი დამთანხმდა, ჩემი ცოლი გახდები; შენ მოგწონს თუ არა, ეს აუცილებლად იქნება, რადგან არ არსებობს, ცხოვრებაში რაც მე მინდა, არ გამოვიდეს! თუ არ შენყევტ იმ შენს სიყვარულზე გლოვას, მოვკლავ, იცოდე, ამას ნამდვილად გავაკეთებ, ვერავინ შემიშლის ხელს...

– მე არ მიყვარხარ შენ და არც არასოდეს შემეყვარდები, გაიგე ეს, თუ კაცი ხარ, თქვი უარი ამ ყველაფერზე!!!

– ამ ყველაფერზე მაშინ ვიტყვი უარს, როცა მე მენდომება. საქორწილო ბეჭედი უნდა გიყიდო.

ამ საუბარში გიას ტელეფონზე შეტყობინება მოუვიდა, სახეზე ფერი ეცვალა, მაშინვე დაეტყო, რომ შეტყობინება არასასიამოვნო იყო მისთვის. ქეთის სწრაფად დაემშვიდობა და წავიდა. ტელეფონზე ის ნომერი აკრიფა, რომლიდანაც შეტყობინება მიიღო და ყვირილი მორთო.

– როგორ ბედავ და მეხმიანები, რამდენჯერ გაგაფრთხილე

შენ, რომ ჩემი ნომერი ნაშალო და საერთოდ დაივიწყო ჩემი არსებობა?! ახლავე მოვდივარ და საბოლოოდ გავარკვევთ მე და შენ ყველაფერს!!!

- მე აღარ ვარ სოფელში, ქალაქში გადავედი; ჩემი მანდ გაჩერება უკვე შეუძლებელი იყო, გია. ქალაქში ჩამოდი და მნახე.

- მომწერე მისამართი და მოვდივარ.

ცოტა ხანში შეტყობინება მიუვიდა, სადაც მისამართი იყო მითითებული. ქალაქისკენ დაიძრა. მანქანა დიდი სიჩქარით მიჰყავდა, გზაში ხმამაღლა იგინებოდა. როგორც იქნა, მივიდა დანიშნულების ადგილამდე. კარი ლამაზმა, ქერათმიანმა გოგონამ გაუღო. არც კი მისალმებია მარიეტას, სახლში შევიდა და იკითხა:

- შენ გარდა, ვინ ცხოვრობს აქ?

- არავინ. მამიდაშვილი მაკითხავს, მან იცის ყველაფერი ჩემ შესახებ. ის დამეხმარა ბინის პოვნაში და ზრუნავს ჩემზე.

- რა გინდა შენ, ბოლოს და ბოლოს, გამაგებინე?! ყველა ქალს ხომ არ მოვიყვან ცოლად, ვისთანაც დავწვები. ხომ გაგაფრთხილე, მუცელი მოიშალე-მეთქი, შენ კი რამხელა მუცლით დამხვდი აქ?! იქნებ და ეგ ბავშვი სულაც არ არის ჩემი!

- ნუ სცოდავ, გია, მე შენს მეტი არავინ მყოლია. რაც შეეხება ბავშვს, ვერ გავიმეტე ჩემი შვილი მოსაკლავად, იქნებ და მერე საერთოდ არ მეყოლოს შვილი. მე შენთვის არაფერი მითხოვია, ძალა იხმარე ჩემზე, მერე კი დამპირდი, რომ ცოლად მომიყვანდი. სად არის სამართალი, მნახე ხომ უპატრონო გოგო, ღარიბი, გეგონა, გაერთობოდი და მიმაგდებდი, როგორც სხვა ქალებს გაუკეთე. გავიგე, ცოლი მოგყავს, მე რა ვქნა? ასე ნამუსახდილმა, გაუბედურებულმა... კაცობის არაფერი შეგერჩა? ნუთუ დაგაბრმავა ფულმა და კარგმა ცხოვრებამ?! მე ამ ბავშვს გავაჩენ და შენ გვარს მისცემ! მთელს ქვეყანას მოვდეშ შენი არაკაცობის შესახებ, ყველას მოვუყვები შენს საქმეებზე, გავაგებინებ, რისი მაქნისი ხარ!

– არ გაბედო, მარიეტა, სიტყვა არ დაგცდეს, თორემ, ხომ იცი, რომ არ გამიჭირდება კაცის მოკვლა, კიდეც ერთხელ ნუ გამასვრევინებ სისხლში ხელს!!! თორემ ბავშვი კი არა, სიცოცხლე არ გელირსება. არ გაბედო ვინმეს უთხრა, რომ ეს ჩემი შვილია, თორემ სახლ-კარს გადაგინვავ და შენს მშობლებს მივაყოლებ ზედ, – თითის ქნევით დაემუქრა გია მარიეტას, გოგო კი ტიროდა.

– რადგან მაინც არ იშლი შენსას და აჩენ მაგ ბავშვს, აქ დარჩი, სოფელში არ გამოჩნდე, ცოტა ფულს დაგიტოვებ და როგორმე თავი გაიტანე. გაფრთხილებ, არ შემატყობინო მაგ ბავშვის დაბადება. არ მაინტერესებს არც მაგის არსებობა და არც – შენი.

გია მკარი გაიჯახუნა და წავიდა.

მანქანა ქალაქის ცენტრში გააჩერა, ოქროულობის მალაზიასთან. ბრილიანტებით მორთული ბეჭედი ააჩია საცოლესთვის. სამი დღის შემდეგ ქეთი და საბა ისევ შეხვდნენ ერთმანეთს – ამჯერად ფარულად; არ უნდოდათ, ვინმეს დაენახათ მათი ერთად ყოფნა, რადგან უკვე მთელმა სოფელმა იცოდა, რომ ქეთი გიაზე ინიშნებოდა. მათი შეხვედრა სოფლის სასაფლაოზე შედგა. ირგვლივ სიჩუმე იყო, მხოლოდ ფოთლების შრიალი არღვევდა მყუდროებას – თითქოს სამყარო გაჩერდა, ისეთი შეგრძნება დაეუფლებოდა იქ მყოფ ადამიანს; მარმარილოს ქვებიდან მომზირალი ცივი თვალები ხედავდნენ მხოლოდ ქეთის და საბას. ქეთის უწინდებურად არ უბრწყინავდა სახე საბას დანახვაზე, დატანჯული და დარდიანი სახე ჰქონდა, საბას კი ისევ შერჩენოდა იმედი, რომ რაღაც შეიცვლებოდა. სიჩუმე ქეთიმ დაარღვია, ჩუმად საუბრობდა, თითქოს ფრთხილობდა, ვინმეს არ გაეგონა მისი ხმა.

– საბა, მე ბევრი ვიფიქრე და გადავწყვიტე.

– რა გადაწყვიტე, ქეთი? არ მითხრა, რომ დათანხმდი და შეეგუე ამ ყველაფერს, რასაც შენი მშობლები გიმზადებენ.

გოგომ გაბრაზებული სახით შეხედა საბას და ხმას აუწია.

– მართალი არიან ჩემი მშობლები. რა შეგიძლია შენ? არა-ფერი! ოცდაორი წლის კაცი ხარ და ვერაფერი გაგიკეთებია ჯერ, საკუთარი თავის რჩენაც კი არ შეგიძლია. რისი იმედი უნდა მქონდეს? მეუბნები, რომ მოვიცადოთ ხუთი წელი, ჯერ არ გვეჩქარება ოჯახის შექმნაო. შენ ვერც ხუთი წლის შემდეგ გააკეთებ რაიმეს და კიდევ ხუთ წელს მთხოვ, დაგელოდო. არა, საბა, გიას ყველაფერი აქვს იმისთვის, რომ მე ბედნიერი ქალი ვიყო, შენ კი – არაფერი. ამიტომ არ მჭირდება შენი სიყვარული, მას გავყვები ცოლად და ბედნიერიც ვიქნები.

საბას მთელი სხეული აუცახცახდა ამ სიტყვებზე, ადგილს ვერ პოულობდა, ხეს დაარტყა მუჭი. ეტყობოდა, რომ თავს ვე-ლარ აკონტროლებდა და აყვირდა:

– ეს არის შენი სიყვარული?! ეს არის, რომ მპირდებოდი მთელი ცხოვრება მეყვარები და არაფერი მინდა, შენს მეტიო?! ფუი, შენს ქალობას! კარგია, რომ დროზე გამოამჟღავნე თავი და მივხვდი, რაც ხარ. შენ ფულის მოყვარული ყოფილხარ; რას მატყუებდი და რას მაძლევდი იმედს, რომ ჩემ გვერდით იქნე-ბოდი მთელი ცხოვრება! წადი, წადი და იცხოვრებ უსიყვარუ-ლოდ, წადი და იყავი მასთან, წადიიიიი, მომწყდი თავიდან, შენი დანახვაც აღარ მინდა!!!.

– საბა ისე წავიდა, რომ უკან არ მოუხედავს, არც ქეთის სიტყვებს დალოდებია. გულმოკლული და დამცირებული იყო იმ ქალის მიერ, რომელიც მთელს ქვეყნიერებას ერჩია – რომე-ლიც ფულსა და უზრუნველ ცხოვრებაზე ცვლიდა მის სიყვა-რულს. გზადაგზა თავში ხელს იშენდა და ამბობდა:

– რისი იმედი მქონდა, რისი! რომელი ქალის სიტყვაა სანდო, რომ ამის დავიჯერე! ყველა ქალი ხომ ყველაფერზეა წამსვ-ლელი ფულის გამო. წავალ და გადავიკარგები ამ ქვეყნიდან, მაგრამ დედაჩემს რა ვუყო! არა, ვერსად წავალ, დედას ვერ მი-ვატოვებ. ჯანდაბას, ვიცხოვრებ ამ დაწყევლილ დედამინაზე

უსიყვარულოდ და ვიქნები. განა ცოტა ცხოვრობს ასე, განა ცოტა მიუტოვებიათ და დაუმცირებიათ?!...

გზად მიმავალი მეზობლის ბიჭმა გააჩერა და იქვე, სოფლის ჯიხურში, შეიპატიჟა დასაღევად, საბა დათანხმდა.

ქეთი მეგობარ მეგისტან ნავიდა, მასთან გულახდილად ისაუბრა. მეგი ერთადერთი იყო, ვისაც უზიარებდა თავის სიხარულსა თუ ტკივილს. ცოტა დამშვიდდა და შემდეგ შინ წავიდა. საბას სასმელი მოერიო. სახლში მეგობრებმა წაიყვანეს მთვრალი. იმ დღის შემდეგ კი იგი არავის უნახავს.

ნიშნობის დღეც მოვიდა, ნათესავები შეიკრიბნენ, ყველა მხიარულობდა. მხოლოდ ქეთი და მისი მეგობარი იყვნენ მონყენილი, მთელი დღის განმავლობაში ხმას არ იღებდნენ. გია თავის მშობლებთან და რამდენიმე ნათესავთან ერთად იყო მოსული, ხელში ულამაზესი ვარდების კონა ეჭირა. გიას ბევრი ქალი ეტრფოდა და არავინ იტყოდა უარს მის ცოლობაზე, მაგრამ მან ქეთი ისურვა. ქეთის მამამ სუფრასთან მიიპატიჟა სტუმრები. ქეთი და გია გვერდიგვერდ დასხდნენ. დაიწყო ქეიფი. ნათესავები ბედნიერ მომავალს და ერის გამრავლებას უსურვებდნენ წყვილს. გია ბედნიერი იყო, ქეთი კი – მონყენილი და ნაძალადევად იხდიდა მადლობას, როდესაც ლოცავდნენ. გიამ ხელი მოჰკიდა ქეთის ხელზე, ის კი სუფრიდან ადგა და გარეთ გავიდა, გიაც გაჰყვა.

– რა ხდება, ქეთი, ნუთუ არ მაქვს უფლება, რომ ხელი ჩაგჭიდო?!

– მე ჯერ შენი ცოლი არ ვარ და არანაირი უფლება არ მაქვს ჩემზე!!!

– დღეს ნიშნობის ბეჭედს გაგიკეთებ და ოფიციალურად ჩემს ცოლად გამოცხადდები, ქეთი, შემოიძლია სახლშიც წაგიყვანო დღესვე – როგორც კი ვეტყვი მამაშენს, გგონია, უარზე იქნება?! მაშინვე დამთანხმდება. სჯობს, გონს მოეგო, თორემ რასაც დაგპირდი, ავასრულებ!

– რად გინდა ეგეთი ცოლი, გია? მშვენიერი მამაკაცი ხარ, ვიცი რომ უამრავი ქალი გეტრფის. სიყვარულით შექმენი ოჯახი, ის მოიყვანე ცოლად, ვისაც უყვარხარ.

– მე შენ მიყვარხარ და, ვიცი, შენც შეგიყვარდები, ახლა კი წამოდი სუფრასთან, სირცხვილია – რას იტყვიან ნათესავები.

ხელი მოჰკიდა და სახლში შეიყვანა. ნაძალადევი ღიმილი ეფინა სახეზე ქეთის, არც გია იყო კარგ განწყობაზე, მაგრამ უკმაყოფილო არ ჩანდა, რადგან თავის მიზანს მიაღწია.

თამადამ ადლეგრძელა წყვილი, უსურვა ბედნიერება, დიდი სიყვარული და გამრავლება, შემდეგ კი გიამ ბეჭედი გაუკეთა ქეთის და ლოყაზე აკოცა, ყურში კი ჩასჩურჩულა: – დღეიდან ჩემი ცოლი ხარ, ქეთი. ქორწილის დროც დათქვეს.

ნიშნობა დასრულდა. სტუმრები წავიდნენ. ქეთი და მისი მეგობარი ცალკე ოთახში საუბრობდნენ, როდესაც კარი ქეთის მამამ გააღო და ყვირილით შევარდა ოთახში:

– ხომ არ გინდა, ჩემი ხელით მოგკლათ შენ და დედაშენი?! რას უნუნებ იმ ბიჭს, დევინახე, რომ ერჩუბებოდი. იგი უკვე შენი ქმარია და არ გაქვს უფლება, სხვანაირად მოიქცე, გაფრთხილებ, გონს მოდი!!!

ქეთის არაფერი უთქვამს მთვრალი მამისთვის, კაცმა კარი გაიჯახუნა და გავიდა. გოგო საწოლზე დაჯდა და ტირილი დაიწყო, მეგი კი ამშვიდებდა.

– ნუ ტირი, მე შენ გვერდით ვარ და არ დაუშვებ, შენი ცხოვრება აირიოს. ყველაფერს გავაკეთებ, რომ შენ ბედნიერი იყო, ცოტა მოითმინე, ჯერ ორი თვეა ქორწილამდე.

მთელი ღამე ტირილში გაათია ქეთიმ.

მეორე დღეს გია საბას სახლთან მივიდა, დაუძახა და მანქანაში ჩაჯდომა სთხოვა. საბაც უყოყმანოდ დათანხმდა. წავიდნენ. გიამ მანქანა ტყის პირას გააჩერა, გადმოვიდნენ და გიამ დაიწყო:

– მე ვიცი, რომ შენ გიყვარს ქეთი, ის კი მე მომყვება ცოლად.

მასაც რომ უყვარდე, მე არ გამომყვებოდა. ამიტომ გაფრთხილებ, გზაზე არ გადამეღობო, თორემ სიკვდილი სანატრელი შეგექმნება!

გიაშ და მისმა სამმა მეგობარმა საბა სცემეს და ტყეში დატოვეს. ცოტა ხანში საბას დედამ დაურეკა, ბიჭმა როგორღაც მოახერხა და უპასუხა:

– ნუ ნერვიულობ, დედა, კარგად ვარ. მეგობარს გამოვყვევი საქმეზე და სიჩქარეში დამავიწყდა, მეთქვა შენთვის.

– მერე რატომ არ დამირეკე, შვილო, გავთავდი ქალი ნერვიულობით.

– რა დამემართებოდა? რა განერვიულებს ? მეც მოვალ მაღე.

ამ საუბრის შემდეგ გაუთიშა დედას ტელეფონი და მეგობარს დაურეკა, რომ მისულიყო მასთან. იმ საღამოს მეგობართან დარჩა, არ სურდა დედას იმ მდგომარეობაში ენახა, დაიფიცა, რომ ამ საქმეს ასე არ დატოვებდა.

მეგი მარიეტას ესტუმრა ქეთისგან მაღულად. მარიეტა გაოცებული იყო ამ მოულოდნელი ვიზიტით, სახლში შეიპატიჟა, ყავით გაუმასპინძლდა.

– რა ხდება, მეგი? ხომ მშვიდობაა, ამხელა გზაზე ჩამოხვედი ჩემ სანახავად?

– ყველაფერს მოგიყვები, ოღონდ შენ სიმართლე უნდა მითხრა.

– კარგი, თუკი რაიმე დახმარება შემიძლია, რატომაც არა.

– ჯერ ამას გკითხავ: ვისგან ელოდები ბავშვს, მარიეტა?

გოგო ჯერ ცოტა ხანს დუმდა, შემდეგ კი თქვა: – როგორც ვხედავ, შენ ყველაფერი იცი და დამალვასაც აზრი არ აქვს, სწორედ ეგ არის შენი აქ მოსვლის მიზეზი, ხომ ასეა?

– კი, მართალი ხარ, მე ყველაფერი ვიცი და მინდა, შენგან გავიგო, რა ხდება. ვიცი, რომ გიასგან ხარ ფეხმძიმედ და აზრი არ აქვს ამის დამალვას.

- დიას, მისგან ვარ ფეხმძიმედ, მუცლის მოშლას მთხოვდა, მაგრამ ექიმთან ვიყავი და მითხრა, რომ თუ ამ ბავშვს მოვიცილებ, შემდეგ შვილის გაჩენას ვერ შევძლებ, ამიტომ გადავწყვიტე, გავაჩინო და დავტოვე სოფელი, შენ საიდან გაიგე, რომ მე გიასგან ველოდები ბავშვს?

- არაფერი იმალება ამ ქვეყანაზე. შენ როგორ ხარ, ხომ ყველაფერი რიგზე გაქვს?

- მქონდა ცოტა გართულებები, ახლა კი ყველაფერი წესრიგშია, გოგონას ველოდები.

- ღმერთმა მშვიდობა მოგცეს, რატომ არ მოსთხოვე პასუხი და რატომ არ მოყავხარ ცოლად გიას?

- არ ვუყვარვარ. თან ახლა იმასაც გაიძახის, შეცდენილ ქალს სახლში ვერ მივიყვანო; ცილსაც კი მწამებს, შეიძლება ჩემი შვილი არ არისო...

- მარიეტა, მომისმინე: შენ თუ გიყვებოდა გია რაიმეს თავისი ცხოვრების შესახებ, თუნდაც რაღაც დეტალს, რაც ჩვენ გამოგვადგება და ჩვენს სასარგებლოდ გამოვიყენებთ. ეგ ისეთი ნაძირალა ბიჭია, მისგან კარგს არაფერს უნდა ელოდოს კაცი. მე მომიყევი, თუ რამე იცი და სიტყვას გაძლევ, ვერავინ გაიგებს, შენ რომ მითხარი. იცი რომ ცოლი მოჰყავს? დაინიშნა უკვე, სულ მალე ქორწილიც აქვს.

მარიეტას სახეზე წამოაწითლა, ადგილს ვერ პოულობდა, ატირდა. - მე მაინც მქონდა იმედი, რომ ცოლად მომიყვანდა. ცხოვრებას ჯოჯოხეთად ვუქცევ, მე ხომ გამაუბედურა და მიმატოვა, ხალხში თავი არ გამომეყოფა, სოფელში ვერ გამოვჩნდები, ვინ დაიჯერებს, რომ მაგ არამზადამ ძალა იხმარა. დამაცადოს, ყველაფერს ვიტყვი იქ, სადაც საჭიროა, პასუხს ვაგებიანებ ყველაფერზე.

- დაწყნარდი, მარიეტა, შენთვის ნერვიულობა არ შეიძლება, დამშვიდდი და მომიყევი, რა იცი მის შესახებ, მეც მაქვს ჩემი ანგარიში მასთან გასასწორებელი.

- შენთან - არა, სადაც საჭიროა, იქ ვიტყვი.

- მეც მითხარი, ამით შენ არაფერი დაგიშავდება. სიტყვას გაძლევ, რომ არავისთან არაფერს ვიტყვი.

რა ისაუბრე მაირეტამ და მეგიმ, არავინ იცის - მეგი ფერდა-კარგული, გაოგნებული დაბრუნდა სოფელში, რამდენიმე დღე თავის ოთახში იყო ჩაკეტილი და არავის ეკონტაქტებოდა.

ქორწილამდე რამდენიმე დღე იყო დარჩენილი, ქეთის რომ ესტუმრა. ქეთიმ უსაყვედურა მეგობარს, რომ გაუჩინარდა და არც მის ზარებს პასუხობდა.

- ქეთი, შენ რას შვები, მომიყევი, ხომ არაფერი შეგიცვლია, თუ ისევ იმ გადანყვეტილებაზე ხარ და მიყვები ცოლად გიას?

- ზეგ უკვე ქორწილია მეგი, რა დროს გადანყვეტილების შეცვლაა. ჩემებმა ვალი აიღეს ჩემი ქორწილის გამო, სანათესაოც დაპატიჟებულია, არც საბა მინახავს იმ საუბრის შემდეგ, ალბათ, ისე შევძულდი, ნახვა კი არა, ჩემი სახელის გაგონებაც არ უნდა!

- ქეთი, კარგად დაფიქრდი, ჯერ შენს თავზე იფიქრე და შემდეგ სხვაზე, შენ უნდა იცხოვრო მასთან მთელი შენი ცხოვრება და გაუჩინო შვილები. გიღირს კი, შენი თავი ასე განირო?! არც ის არის გამორიცხული, რომ შეგიყვარდეს, იქნებ ისეთი კარგი მეუღლე გამოდგეს, რომ თავიც შეგაყვაროს და ბედნიერიც იყო.

- არა, მეგი, მე ის არ შემიყვარდება - მე მიყვარს საბა, ვერ შევძლებ სხვის შეყვარებას. დედა მეცოდება, ხომ იცი მამაჩემის ხასიათი: სიცოცხლეს გაუმნარებს და მეც არ დამაყრის კარგ დღეს - მორჩა, უკვე გადანყვეტილია, მიყვები.

- კარგი, ქეთი, შენ უკეთ იცი შენი ცხოვრების, მაგრამ ჯერ კიდევ გაქვს დრო, რომ დაფიქრდე, ამ სალამოს აქ დავრჩები.

- კარგია, დარჩი, ხვალ გია მოვა.

მეორე დღეს, დილით, მართლაც მივიდა გია ქეთისთან. მშობლები სიხარულით შეხვდნენ სასიძოს, ქეთის კი ჯერ კიდევ

ეძინა და დედა, როგორც კი გია მისაღებში მიიპატიჟა, მაშინვე ქეთისთან შევიდა და გააღვიძა.

- ადექი, გოგო, ზევით, მევიდა შენი საქმრო. რომ გეიგოს ახლა, კიდო წევხარ და გძინავს, არ მეეწონება მაგი. ადექი, დროზე მონესრიგდი, გამოდი ნახე.

- გადააძრო საბანი შვილს და ოთახი დატოვა: მონესრიგდა ქეთი და გავიდა მისაღებ ოთახში, მეგის კი ისევ ეძინა. მიესალმა გიას, მოიკითხა, ნაძალადევად იღიმოდა. გიამ ქეთის მშობლებს უთხრა, რომ მათ შვილს არ სურდა ჯვრისწერა ქორწილის დღეს. ქეთის მამა გაბრაზდა.

- ეგ შენი გადასაწყვეტი არ არის! შენ ქმარი გყავს და ის გადანყვეტს, აწი რა როგორ იქნება, ახლა რომ მიგიშვას შენს ჭკუაზე, მერე უარესს იზამ. ამიტომ ისე იქნება, როგორც შენი ქმარი გადანყვეტს, შენ კი დაემორჩილები მას!

- ხომ გესმის, ქეთი, მამა რას გეუბნება. ასე რომ, ხელსაც მოვანერთ და ჯვარსაც დავინერთ - მარტო ქორწილი რას მიქვია, თუ ჯვარი არ დავინერთ.

ქეთის ცრემლები მოადგა თვალებზე, მაგრამ მაშინვე მოიწმინდა. არ სურდა, ვინმეს შეემჩნია. ცოტა ხანს კიდევ ისაუბრეს. შემდეგ კი გია ჭიშკრამდე მიაცილა.

გიას, როგორც კი ჩაჯდა მანქანაში, ტელეფონმა დაურეკა - მამამ უთხრა, რომ სახლში პოლიციამ მიაკითხა და ეძებდნენ.

...თეთრ კაბიან ანგელოზს ჰგავდა ქეთი. სტუმრებმა დაიწყეს მოსვლა, ეზო ნელ-ნელა ივსებოდა, სიძე კი იგვიანებდა. ფანჯარასთან იდგა პატარძალი და იქედან ადევნებდა თვალს სანათესაოს; რამდენჯერმე ღრმად ამოისუნთქა, მეგის უთხრა:

- ეს ყოფილა ჩემი ბედი, მას კი ვერსად გაექცევა ადამიანი, უნდა შეეგუო იმას რაც გერგო წილად, ჰოდა, მეც ვეგუები ჩემს ბედს, სიყვარულით თუ ვერ შევექმენი ოჯახი, კარგი ცხოვრება მაინც მექნება.

უცებ ეზოში შეკრებილმა სტუმრებმა ხმამაღალი საუბარი

დაიწყეს, ყველას აღშფოთება ეტყობოდა სახეზე. ვილაცამ ამბავი მოიტანა, რომ გიას მკვლელობაში ედებოდა ბრალი და პოლიცია ეძებდა. ქორწილი ჩაიშალა – ქეთი, თეთრ კაბაში გამოწყობილი გაოგნებული იყო, ვერ გაერკვია, ეტირა თუ სიხარულისგან გაეცინა, მეგი კი ბედნიერებისგან ადგილს ვერ უღობდა.

– გავიმარჯვეთ, საბა, ჩვენ! – წამოიძახა და უცებ სახეზე ხელი აიფარა, კიდევ რაიმე სისულელე რომ არ ეთქვა. ცოტა ხანში ქეთიმ სადედოფლო კაბა გამოიცვალა, სტუმრებიც წავიდნენ. კიდევ ვერ გარკვეულიყო, რა მოხდა. მეორე დღეს ქეთი ვერავინ იპოვა. მხოლოდ მეგიმ იცოდა, სად იმყოფებოდა მისი მეგობარი. სწორედ მეგი იყო მთავარი მოქმედი გმირი იმ ყველაფრისა, რაც მოხდა. რამდენიმე დღეში გაირკვა რომ საბას და ქეთის ერთად ცხოვრების პირველი დღეები ბაბუის დანატოვარ, პატარა ქოხში გაეტარებინათ, რომელსაც არც თუ ისე იშვიათად სტუმრობდნენ!

შურისძიების მსხვერპლი

როგორც ყოველთვის, დილით დედამ გააცილა ლილე სკოლაში, ერთადერთი შვილი ჰყავდა ელისოს, მასზე ამოდიოდა მზე და მთვარე – ანებივრებდა, არ არსებობდა ნდომოდა ლილეს რაიმე, რომ დედას მისთვის არ შეესრულებინა.

მამა საზღვარგარეთ წავიდა სამუშაოდ, წლებია არ დაბრუნებულა, იქედან ეხმარებოდა ოჯახს. რობერტი ოჯახზე უზომოდ შეყვარებული კაცი იყო, თავს არ ზოგავდა, რომ მის ცოლ-შვილს არაფერი მოკლებოდა. თუმცა, სულს უღრღნიდა ახალგაზრდობაში დაშვებული შეცდომა, რომელიც მოსვენებას არ აძლევდა და ყოველთვის ახსენებდა თავს. გულს უმძიმებდა, რის გამოც ეკლესიაში დაინყო სიარული, მოძღვარი აიყვანა და აღსარებას აბარებდა. ცდილობდა, ჩადენილი ცოდვები მოენანიებინა, მაგრამ იმას, რაც წლების წინ დააშავა, არაფერი გამოასწორებდა.

...ლილეს სილამაზით მოხიბლული იყვნენ მისი სკოლის თანატოლი ბიჭები, ხოლო, გოგონები, შურის თვალით უმზერდნენ... ყოფილა, ზურგს უკან რა არ მოუგონებიათ მისთვის, სახელი რომ შეეებლათ. ლილე ცდილობდა ყური არავისთვის დაეგდო და ცხოვრება გაეგრძელებინა. სწავლითაც გამოირჩეოდა – სანიმუშო მოსწავლე იყო. ყველაზე კარგ მეგობარად დედა ეგულებოდა, მაგრამ ზოგჯერ ისე ჩაიკეტებოდა, არც დედას ესაუბრებოდა. უცნაური ხასიათი ჰქონდა, რომლის გამოც ხშირად მოსდიოდა თანატოლებთან კონფლიქტი – ყოველთვის თავისი უნდა გაეტანა. ამავე დროს, უზომოდ უბოროტო და კეთილი გოგონა იყო, ცდილობდა ყველას დახმარებოდა ვისაც სჭირდებოდა მისი თანადგომა.

...დედას დაუბარა, რომ გვიან დაბრუნდებოდა, რადგან მეგობრის დაბადების დღეზე მიდიოდა. პატარა კაფეში აღნიშნეს დაბადების დღე. ღამემ მხიარულად ჩაიარა. თავისუფალი და ლალი ლილე თვითონაც კარგად ერთობოდა და სხვასაც

ამხიარულებდა. იქვე მეორე მაგიდასთან, მამაკაცი იჯდა, რომელიც თვალეზით „სჭამდა“ ლილეს, ამავე დროს ცდილობდა, რომ ლილეს მისი მზერა არ დაენახა, არ დაეჭირა, მაგრამ ის მაინც გრძნობდა და რამდენჯერმე მიიხედა მამაკაცისკენ – არ ეცნო, იფიქრა, ალბათ, რომელიმე ბავშვის ახლობელია და ელოდებაო. რამდენიმე საათი დაჰყვეს მეგობრებმა კაფეში, ცოტა დალიეს კიდეც, შემდეგ ყველა ერთად აიშალა და წასასვლელად მოემზადნენ. ლილე და რამდენიმე მეგობარი ერთად წავიდნენ ტაქსით სახლში – ლილეს ყველაზე ბოლოს მოუწია მისვლა, რადგან, ის მისი მეგობრებისგან განსხვავებით, ცოტა შორს ცხოვრობდა. სახლში მისულის დედამ ნამტირალები შენიშნა – ნაჩხუბარს უფრო გავდა, ვიდრე დაბადების დღეზე ნამყოფს. სასმელი კიდეც უფრო მოკიდებოდა. დედამ სთხოვა ეთქვა, თუ რატომ იყო ასე უხასიათოდ, მაგრამ არაფერი უპასუხა, თავის ოთახში შევიდა და ჩაიკეტა.

* * *

ახალგაზრდა ცოლ-ქმარს, რომლებსაც სრული ბედნიერებისთვის მხოლოდ შვილი აკლდათ, ექიმების დიდი მცდელობის მიუხედავად, ღმერთი არ სწყალობდათ. დაიღალნენ თხუთმეტწლიანი მკურნალობით და ბედს მიენდნენ – ალბათ არ სურს უფალს საკუთარი შვილი გვყავდეს, ჩვენ ხომ უფლის წინაშე უძლურები ვართო. ამიტომ დაიწყეს იმაზე ფიქრი, რომ ბავშვი აეყვანათ, ყველა გზას ეძებდნენ ამისთვის. რიგშიც ჩაენერნენ, მაგრამ არადა არ მოვიდა მათი რიგი. შემდეგ ზაზა მეუღლის თხოვნით, ქალაქის რამდენიმე სამშობიაროს მთავარ ექიმს დაელაპარაკა და სთხოვა დახმარება. ისინიც დაპირდნენ დახმარებას. წლების წინ ზაზას ოჯახში დიდი უბედურება დატრიალდა – მისმა დამ თავი მოიკლა, რის გამოც მეზობელ სოფელში მცხოვრებ ერთ ოჯახს სახლი გადაუწვეს და სოფლიდან გააძევეს. ეს ყველაფერი ბურუსით იყო მოცული, არავინ იცოდა სინამდვილეში რა მოხდა, გარდა, გარ-

დაცვლილის შეყვარებულისა, რომელსაც სიმართლის თქმა არ დააცალეს, თუმცა, სასამართლომ იგი უდანაშაულოდ სცნო და არ დაუპატიმრებიათ.

* * *

ელისო დილით შვილის საძინებელში შევიდა, ლილეს ადგო-მა დააგვიანდა, ისევ ეძინა, დედა ცდილობდა შვილი გაეღვიძე-ბინა. ლილემ სთხოვა დედას.

– დღეს სკოლაში არ მივდივარ და ძილი დამაცადე... ელისომ ბახუსს დააბრალა, შვილისთვის დამატებითი კითხვები არ და-უსვამს და საძინებელი დატოვა. რობერტი, ყოველ დილით, რო-გორც კი გაიღვიძებდა, მაშინვე ცოლ-შვილს ურეკავდა. პირ-ველ რიგში ლილეს მოიკითხავდა. ამ დღესაც იგივე განმეორდა. მამამ ცოტა ინერვიულა, როცა გაიგო, რომ შვილი შეუძლოდ იყო და მეუღლეს სთხოვა ყურადღება მიექცია ბავშვისთვის!

მთელი დღე ისე გავიდა, ლილე საწოლიდან არ ამდგარა. მე-გობარი ესტუმრა შუადღით და არც მას გამოპასუხებია, არადა ლილე მარიამის სტუმრობის დროს ყოველთვის მხიარული იყო და დღეს მისი ასეთი რეაქცია მეგობარსაც გაუკვირდა. მეგობ-რის დაბადების დღის შემდეგ, თითქოს ლილეს სხეულში სულ სხვა გოგონა ჩასახლდა – აგრესიული და უკარება გახდა! დედა ყოველთვის ცდილობდა საერთო ენა გამოენახა, დალაპარაკე-ბოდა შვილს, მაგრამ ვერაფერს ახერხებდა! ისიც იფიქრა, ფსი-ქოლოგთან წავიყვანო, რაზეც ლილე არ დასთანხმდა. სწავლა-საც უკლო, სულ ცუდად ხდებოდა, ბევრჯერ სკოლაშიც წასვლია გული და სკოლის ექიმს ზედაპირული გასინჯვით დილის უჭმე-ლობისთვის დაუბრალებია. ერთ დღესაც, ლილემ მის მეგობარ მარიამს გაანდო საიდუმლო, რომელიც ძალიან აწუხებდა და გა-მოსავალს ვერ პოულობდა – დედის რეაქციის ეშინოდა. მარიამ-მა ურჩია ლილეს დედისთვის ეთქვა ყველაფერი, მაგრამ ის წინა-აღმდეგი იყო – თავს მოვიკლავ და დედას ამას არ ვეტყვიო. რო-ბერტმაც გაიგო შვილის ფერიცვალება, სთხოვდა ლილეს ეთქვა

თუ რა ანუხებდა, მაგრამ ყოველთვის პასუხი იყო: – მე კარგად ვარ! ტელევიზორის ყურებისას საინფორმაციომ შემზარავი ინფორმაცია გადმოსცა – ტაქსი რომელიც, სწრაფად მოძრაობდა, ხიდიდან გადავარდა და მძლოლი კრიტიკულ მდგამარეობაში იყო. ელისო ამ ინფორმაციამ ძალიან შეაწუხა. ლილე ამ დროს მუსიკაზე იყო წასული. კარზე ზარის ხმა გაისმა. ელისო კარის გასაღებად წავიდა. მის წინ მარიამი იდგა.

– ხომ იცი, ამ დროს ლილე მუსიკაზეა, მშვიდობაა?

– მე ველარ ვპოულობ გამოსავალს და ვიცი მეგობარი დამელუპება, ამიტომ მოვედი, რომ ყველაფერი გითხრათ.

ელისოს გაუკვირდა, მას აზრადაც არ მოსვლია, რომ მის შვილზე იყო საუბარი და მარიამი სახლში შეიპატიჟა. ცოტა ხანს ისე ისაუბრეს, არ იცოდა საიდან დაეწყო მოყოლა მარიამს. შემდეგ სთხოვა ელისოს მშვიდად მოესმინა მისთვის და არ ენერვიულა! ერთ ხანს კიდევ ფიქრობდა, ეთქვა თუ არა – იქნებ შეცდომას ვუშვებ, ამით ჩემს საუკეთესო მეგობარს გულს ხომ ვატკენ, მისი საიდუმლო რომ გავცეო, მაგრამ, ადრე თუ გვიან, მაინც ხომ გამჟღავნდება და სჯობს დროულად იცოდეს დედამისმა ყველაფერი. იქნებ, რაიმე გამოსავალი იპოვოს და სწორი გზა აირჩიონო. რამდენიმე წუთი თავჩალუნული იჯდა მარიამი, სანამ ელისომ არ გაუმეორა:

– რა ხდება მარიამ, ხომ მშვიდობაა?

თვალეზე ცრემლები მოადგა მარიამს. თავი ზემოთ რომ ასწია, შეეშინდა ელისოს, გულმა რაღაც ცუდი უგრძნო... როგორც იქნა, მოახერხა მარიამმა მოყოლა, მისი მეგობრის თავს რაც ხდებოდა. მეხის გავარდნას ჰგავდა ელისოსთვის ის, რაც გაიგო – კივილი, ყვირილი უნდოდა, მაგრამ ხმა გარეთ გავიდოდა და მეზობლები გაიგონებდნენ. პირზე ხელს იფარებდა, რომ არ ეყვირა, ცრემლები ზღვასავით მოსდიოდა თვალებიდან, მარიამს საყვედურობდა:

– რატომ აქამდე არ მითხარი, თუ ასეთი უბედურება ხდებოდა ჩემს თავს?!

ყველაზე მეტად რობერტის შეეშინდა – ის ყოველთვის აფრთხილებდა მეუღლეს: – არ გაპატიებ ბავშვს რაიმე რომ დაემართოს. მხოლოდ ერთს გთხოვ, მას გაუფრთხილდი, ყველაფერზე მეტადო...

მარიამმა ატირებული დატოვა სახლი და წავიდა. ელისო სამზარეულოში იჯდა და ტიროდა – ყველაზე ნაკლებად სწორედ ამას ელოდა, რომ მოხდებოდა მის ცხოვრებაში. მისი ერთადერთი შვილი, რომელსაც ხელის გულზე ატარებდა, ახლა გზასაცდენილი იყო. ვერ გაუბედა მეუღლესთვის ეთქვა ეს ყველაფერი და მარტომ მიიღო გადანწყვეტილება, რაც უნდა გაეკეთებინა.

* * *

სალამოს სახლში მისულ ლილეს, დედა დაელაპარაკა. სთხოვა სიმართლე ეთქვა, არაფერი დაემალა. ლილე ატირდა, მთელი სხეული უცახცახებდა, სიტყვებს ვერ უყრიდა თავს.

ბოლოს ამოღერდა:

– მე ბავშვი უნდა გავაჩინო, მას არაფერი დაუშავებია!

ელისომ დამშვიდება სთხოვა შვილს. უთხრა, რომ ამას თვითონ გადანწყვეტდა.

ლილე მოუყვა დედას, რაც იმ სალამოს მოხდა:

– გოგოები ერთად წამოვედით ტაქსით. რადგან ყველაზე შორს ცხოვრობდი, ყველა დავარიგეთ და მარტო დავრჩი მანქანაში. რომ მოვდიოდით უცებ, შევამჩნიე, სახლისკენ არ მოვყავდი ტაქსის მძღოლს. ვკითხე კიდეც, არ მიპასუხა. მთელი ძალით მოვრთე კივილი, მან კი სიჩქარეს მოუმატა, უკვე სიბნელე იყო, ვერაფერს ვხედავდი. მერე სადღაც გააჩერა, ვემუდარებოდი, არ მომკარებოდა, ვცემდი, ის თავს არ მანებებდა, ვერ მოვერიე დედა, ვერ დავიცავი თავი!!! – ტიროდა ლილე. დედა ამშვიდებდა, სთხოვდა დაწყნარებულყო.

– სახეზე თუ მაინც გახსოვს ვინ იყო?

– არა, არ მახსოვს, მხოლოდ მის სისხლიანი თვალები არ

მშორდება გონებიდანმ თავის საქმეს რომ მორჩა, სწრაფად
აამუშავა მანქანა და სახლში მომიყვანა. დანარჩენი უკვე შენც
იცი დედა, აღარ ვიცი, რა ვქნა!

– ბავშვი შენს მომავალს ხელს შეუშლის, ამიტომ ეს აუცილ-
ებლად უნდა მოვიცილოთ, სამან კიდეე უფრო გამწვავებულა
ყველაფერი. მამაშენმა, რომ გაიგოს, ხომ იცი, რაც მოხდება? ეს
საიდუმლო ჩვენში უნდა დარჩეს, არ ხარ პატარა გოგო, დაფიქ-
რდი, დამიჯერე შენთვის ასე აჯობებს... ლილემ უარი უთხრა
დედას ბავშვის მოცილებაზე.

– უკვე ოთხი თვე გავიდა, ამიტომ არ გიმხელდი, ვიცოდი მა-
გას რომ მთხოვდი.

* * *

ზაზას ტელეფონით გააგებინეს, რომ მის ძმას ავარია მოუვ-
იდა და საავადმყოფოში წევს. ყველა საქმე მიატოვა და იქ გაიქ-
ცა. მისულს ექიმები დამაიმედებელ პასუხს არ აძლევდნენ, პა-
ციენტი საოპერაციოდ ჰყავდათ გაყვანილი. ბავშობაში დამ მო-
იკლა თავი, ახლა მისი უმცროსი ძმა, რომელიც დაუოჯახებელი
იყო და შურისძიების წყურვილი აწუხებდა, რომელსაც ყოველ-
თვის ეწინააღმდეგებოდა ზაზა, ავარიაში მოჰყვა. არავინ იც-
ოდა, გადარჩებოდა თუ არა. რამდენიმე ოპერაციის ჩატარება
გახდა საჭირო, რის შემდეგაც უკვე საზღვარგარეთ უნდა წა-
ეყვანათ სამკურნალოდ. მთელი შემართებით დაიწყო მოქმე-
დება ზაზამ, რომ ძმა გადაერჩინა. თანხა, რომელიც მკურნა-
ლობისთვის იყო საჭირო, ოჯახს არ გააჩნდა, რისთვისაც ფონ-
დი შექმნა, სადაც ფულს გადაურიცხავდნენ... რამდენიმე თვე
დასჭირდა სასურველი თანხის შეგროვებას. ელისომ გაიგო ეს
ამბავი და მეუღლეს სთხოვა ფული გამოეგზავნა, რომ დახმა-
რებოდა მისთვის უცხო ადამიანს. კეთილი ადამიანების დახ-
მარებით, ზაზამ ძმა წაიყვანა საზღვარგარეთ სამკურნალოდ,
რომელსაც ხანგრძლივი პროცედურები სჭირდებოდა სრულად
გამოჯანმრთელებისთვის.

ელისომ ნაცნობი გინეკოლოგი ნახა, მოუყვა ყველაფერი. მან უთხრა, რომ უკვე დაგვიანებული იყო ბავშვის მოცილება... ამიტომ თავისი გეგმა გაანდო, ელისო დასთანხმდა. ლილე სკოლაში დადიოდა და ისე იცმევდა, რომ მუცელი არ დასტყობოდა. ბოლო სამი თვე აღარ გაუშვა სკოლაში დედამ, საბუთი მიიტანა, რომ ავად იყო ლილე და მკურნალობას საჭიროებდა, რის გამოც ქალაქიდან გაჰყავდა. მშობიარობის დღე მოვიდა. ლილე დედამ იმ კლინიკაში წაიყვანა, სადაც ნაცნობი ექიმი მუშაობდა. თითქოს ყველაფერი კარგად მიდიოდა, მაგრამ ყველასგან მოულოდნელად სასწრაფო საკეისრო კვეთა გახდა საჭირო. ხელის გულები სულ დაუსველდა ოფლით ლილეს, უცნაურმა განცდამ დაუარა ტანში, თითქოს რაღაც მოწყვტილს მკერდიდან, თითქოს, ცოცხალ-მკვდარი დატოვეს, თვალეზი ცრემლებით აევისო. დედამ შეამჩნია შვილის ეს მდგომარეობა და სთხოვა ექთანს წყალი მიეტანა მისთვის. ლილემ წყალი მოსვა და ოდნავ დამშვიდდა, შემდეგ დედას ეუბნება:

- დედა, გული ცუდს მიგრძნობს, ხომ ყველაფერი კარგად არის, ჩემს შვილს ხომ არაფერი დამართნია?

ელისომ თავი ჩაღუნა, როგორც დამნაშავემ, მასაც გადმოსცვივდა თვალეზიდან ცრემლები - ის იმ წუთს ფიქრობდა, რომ მისი შვილისთვის ისე უფრო აჯობებდა სამომავლოდ, ამიტომ რაც გააკეთა, განიცდიდა. თუმცა არ ნანობდა, ცრემლიანი თვალეზით შეხედა ლილეს და ჩანყვეტილი ხმით უთხრა:

- ვერ შევძელით გადარჩენა, ჭიპლარი ჰქონდა კისერზე შემოხვეული და გაგუდული დაიბადა. ლილე მაშინვე წამოხტა სანოლიდან, სულ არ დაეძებდა ნაკერებს და არც ტკივილი უგრძენია, საბავშვო ოთახისკენ გაიქცა. დედა დაედევნა, სთხოვდა გაჩერებულიყო. მივიდა, კარს დაუწყო გაღება, მაგრამ კარი დაკეტილი დახვდა. შემდეგ მინას ურტყამდა ხელს და გაიძახოდა: - ის პატარა ჩემი შვილია, ის პატარა ჩემი შვილია, იმ ბავშვისკენ იშვერდა ხელს, რომელიც ინკუბატორში იყო მოთავ-

სებული. მაშინვე დამამშვიდებელი გაუკეთეს, მუხლები მოეკვეთა და წაიქცა. გათიშული საწოლზე დაანვინეს, რამდენიმე დღე ასე უგონოდ იყო, თვალს გაახელდა და ისევ დახუჭავდა, შემდეგ სახლში გაუშვეს, თითქოს ბედს დაემორჩილა, დედის ყველა მითითებას ასრულებდა, არაფერს საუბრობდა, მხოლოდ ერთხელ მოითხოვა ბავშვის საფლავის ნახვა. დედამ წაიყვანა სასაფლაოზე, ანახა საფლავი. ამის შემდეგ სკოლაში გააგრძელა სიარული, სულ არ ჰგავდა იმ ლილეს, ადრე რომ იყო – მხიარული და ბედნიერი, გაკვეთილებზეც არ აქტიურობდა. ლილეს მხოლოდ ერთადერთი მეგობარი მარიამი ჰყავდა, რომელსაც ყველაფერს უმხელდა, იმ ეჭვებსაც, რაც გულში ჰქონდა. მასთან ამბობდა ყველაფერს, რაც სტიკოდა, რაც აწუხებდა. ეშინოდა, მისი გეგმებისთვის დედას ისევ ხელი არ შეეშალა. მარიამი გვერდით ედგა და რაც შეეძლო, ეხმარებოდა.

* * *

ზაზა და ანასტასია ბედნიერები იყვნენ – მათი ოცნება ახდა – სახლში უკვე პატარა ბავშვი ტიროდა. ნიკო ხშირად ეთამაშებოდა ძმიშვილს, პატარას ოჯახში შემოსვლით, სიცოცხლის ხალისი მოემატა, ხშირად იტოვებდა კიდევაც და უვლიდა, ოჯახში პატარა ქეთამ ყველაფერი შეცვალა, აღარ იყო ის დარდიანი სახეები.

* * *

დრო გავიდა, ლილემ სკოლა დაამთავრა, ინსტიტუტში ჩააბარა. მალე კურსელ ბიჭს შეუყვარდა, ლილეც არ იყო გულგრილი მის მიმართ. მათი სიყვარული დღითი დღე იდგამდა ფესვებს მათ გულებში. ელისო ბედნიერი იყო. ფიქრობდა: ყველაფერი რაც ცუდი იყო, წარსულში დარჩა. რაც მთავარია, რობერტიმ ვერაფერი გაიგო და არც ხალხის სალაპარაკო გავხდითო.

...გაზაფხულის მზიანი ამინდი იყო, ლილე და საბა ქალაქის ბაღში სეირნობდნენ, ბუნება ნელ-ნელა იღვიძებდა და ფერად-

დებოდა, ხეებზე სადაცაა კვირტები დასკდებოდა და აყვავილდებოდნენ. ბავშვები დარბოდნენ ბაღში, ყოველთვის უყვარდა იქ სეირნობა ორივეს. ლილეს ცოლობა სთხოვა საბამ:

– მოდი ვიცხოვროთ ერთად, ასე ცალ-ცალკე სადამდე უნდა ვიყოთ? დავინეროთ ჯვარი.

– ლილემ არაფერი უპასუხა.

– არ ღირს ამაზე ბევრი ფიქრი, იცი, რომ ძალიან მიყვარხარ და შენც გიყვარვარ.

– არის რაღაც, რაც შენ არ იცი და ვფიქრობ ჩვენს სიყვარულს დაანგრევს. მე არ გეუბნებოდი იმის გამო, რომ მინდოდა ცოტა ხანს მაინც ვყოფილიყავი ბედნიერი და თავი მეგრძნო ადამიანად.

– ჩვენს სიყვარულს ვერაფერი დაანგრევს ლილე, ამის შენ ნუ გეშინია. მითხარი, რა ხდება?

ლილემ ხელი მოჰკიდა ხელზე და იქვე მდებარე გრძელი საკმისკენ წაიყვანა. როგორც იქნა, ძალა მოიკრიბა, ღრმად ამიოსუნთქა და რაც იქნება იქნებაო, გაიფიქრა...

– ძალადობის მსხვერპლი გავხდი, ვინ იყო დღესაც არ ვიცი, მხოლოდ მისი მრისხანე თვალები მახსოვს. რომ შემხვდეს, აუცილებლად ვიცნობ. დაფეხმძიმდი, ბავშვი გავაჩინე. დედა მეუბნება, რომ მოკვდა, მე კი დარწმუნებული ვარ, ბავშვი ცოცხალია. ყვებოდა და ცდილობდა თავი ძლიერ ქალად წარმოედგინა, მაგრამ ვერ შეძლო ბოლომდე ასეთად დარჩენილიყო. ხმამაღლა იღრიალა ისე, რომ ხსევების ყურადღება მიიპყრო.

– მე მაინც ვიპოვი მას! ის ჩემი შვილია! ცოცხალია! ვიცი, რომ აქვია, ახლოს. მკერდიდან მომგლიჯეს უმწეო პატარა, მას ხომ თავის დაცვა არ შეეძლო, მას ხომ ძალიან უნდოდა დედასთან სიახლოვე, ვერასოდეს ვაპატიებ დედას ამას, მაგრამ ჯერ შვილი უნდა ვიპოვო და დავიბრუნო. საბამ ხელი მოხვია და ცდილობდა დაემშვიდებინა ლილე, თავზე ხელს უსმევდა და კოცნიდა, სთხოვდა არ ეტირა. გამვლელები სიბრაღულით

უმზერდნენ, მიუხედავად იმისა, ვერ ხვდებოდნენ რა ხდებოდა, ბევრმა სცადა ახლოს მისვლა და ნუგეში, მაგრამ საბამ თვალთ ანიშნა მათ, რომ არ მისულიყვნენ.

– ნუ გეშინია ლილე! მე შევეცდები დაგეხმარო და გაპოვნინო შეილი, თუ ნამდვილად ცოცხალია, მაგრამ იქნებ მართლა გარდაიცვალა და ტყუილად სდებ დედას ბრალს?

– არა, თავიდანვე უნდოდა დედას მომეცილებინა, არ მივეცი ამის საშუალება და შემდეგ ასე მოიქცა, ამით მე გამიფრთხილდა, ჩემი შეილი კი გაიმეტა, განირა!!!

– დამშვიდდი, წამოდი და ყველაფერი მომიყევი, ჩავსხდეთ მანქანაში, აქ ხალხი გვიმზერს, უხერხულია. ხელი მოჰკიდა საბამ ლილეს და წაიყვანა ავტომანქანისკენ. იგი ისევ ტიროდა. ყველაფერი გამოკითხა დეტალურად, თუ რა მოხდა, სად იმშობიარა, ვინ იყო მისი ექიმი. ამის შემდეგ ლილეს სთხოვა დამშვიდებულიყო, დედასთან არ ეჩხუბა სახლში მისულს. იქედან წამოსულმა საბამ მეგობარს დაურეკა და უთხრა, რომ მისი დახმარება სჭირდებოდა.

* * *

ლილეს მეგობარმა, მარიამმა სწავლა სამედიცინო კოლეჯში განაგრძო – მასაჟისტობას დაეუფლა და შეკვეთებსაც ლებულობდა. დადიოდა სახლებში და ემსახურებოდა პაციენტებს. ერთ ოჯახში მივიდა, სადაც ბიძას და ძმისშვილს უკეთებდა მასაჟს. ბიძა, სახელად ნიკო, ინვალიდის ეტლს იყო მიჯაჭვული, ხოლო პატარა გოგონა სულ ორი წლის იქნებოდა. მარიამი ოჯახს დაუახლოვდა და როცა მისი საქმიანობა, დაასრულა, ზოგჯერ სტუმრობდა. ნიკოს ძალიან მოეწონა მარიამი, არც ის იყო გულგრილი მის მიმართ. მალე სავარძლიდან ყავარჯნებზე გადავიდა ნიკო და დღითიდღე მისი ჯანმრთელობა უმჯობესდებოდა, მარიამი კი ეხმარებოდა სიარულში. რამდენიმე თვეში ერთმანეთს სიყვარულში გამოუტყდნენ და დაქორწინება

გადაწყვეტეს. მარიამის ოჯახი წინააღმდეგი იყო შვილის ასეთ არჩევანში, მაგრამ იმდენად შეუყვარდა ნიკო, ვერანაირ ნაკლს ვერ ხედავდა მასში – მთავარი იყო მის გვერდით ყოფილიყო, სხვა არაფერი ადარდებდა და ქორწილიც დანიშნეს. ლილემ ავადმყოფობის გამო, ვერ შეძლო მეგობრის ქორწილზე მისვლა. დრო გადიოდა. ნიკოს პატარა ძმისშვილი კი უკვე წამოიზარდა. ნიკოს და მარიამს შვილი არ უჩნდებოდათ. ლილე და საბა ერთად ცხოვრობდნენ, მაგრამ დაქორწინებას არ ჩქარობდნენ. მარიამი ამჩნევდა, რომ ქეთა საერთოდ არ ჰგავდა მშობლებს, მასში სულ სხვა ადამაინის სახეს ხედავდა, მაგრამ ვერ ხვდებოდა საიდან, როგორ?.. სიცოცხლის დროს მარჯვენა ლოყაზე პატარა ღრმული უჩნდებოდა, რომელიც ძალიან უხდებოდა. მიუხედავად ბევრი მკურნალობისა, შვილი მაინც არ გაუჩნდათ. ერთ დღეს მეუღლეს გაუმხილა მარიამმა საკუთარი ეჭვები. ნიკომ არ დაუმალა სიმართლე – უთხრა, რომ ბავშვი ნაშვილები ჰყავდა მის ძმას და რძალს, ისიც დაამატა – პირდაპირ სამშობიაროდან წამოიყვანესო. მარიამს არაფერი უთქვამს მეუღლისთვის, საბას დაურეკა, იცოდა, რომ ჯერ კიდევ ეძებდა ლილეს შვილს. შეხვდნენ ერთმანეთს, ყველასგან მალულად. მარიამმა გაანდო მისი ეჭვები საბას, მანაც მოუყვა როგორ მიაკვლია იმ ექიმს, რომელიც უკვე სხვა სამშობიაროში მუშაობდა და უარყოფდა ყველაფერს.

– ამბობს, რომ მსგავსი რამ, მის საქმიანობის ისტორიაში არ ყოფილაო, მაგრამ არის ერთი ექთანის, რომელმაც ყველანაირ სიცხადეს ახადა ფარდა და მოყვა, თუ როგორ გააშვილეს გოგონა ლილეს დედამ და მთავარმა ექიმმა, როგორ გააყალბეს საბუთები და მკვდრად გამოაცხადეს ბავშვი – ისიც ახსოვს, რომ პატარა მამაკაცმა წაიყვანა სამშობიაროდან სწორედ იმ სალამოს, როცა ის მორიგე იყო. ამ ყველაფერს ჯერ არ ეუბნებოდა ლილეს საბა, რადგან უნდოდა, რომ ბავშვი ჯერ მას ენახა. აღმოჩნდა, რომ მარიამი და საბა ერთი და იგივე ბავშვზე საუბრობდნენ.

მოილაპარაკეს, რომ ბავშვს დეენემის ანალიზს გაუკეთებდნენ, ამიტომ მარიამს რალაც ისეთი უნდა მიეტანა საბასთვის, დეენემის ანალიზისთვის გამოადგებოდა. დიდი დრო არ დასჭირვებია ამისთვის მარიამს. მალე საბას ხელთ ჰქონდა საწოვარა და ბავშვის თმები... საბამ დაუყონებლივ მიიტანა ლაბორატორიაში და ჩააბარა. რამდენიმე კვირაში უკვე პასუხი მოუვიდათ, რომელსაც მხოლოდ საბა და მარიამი ელოდნენ! ისევ შეხვდნენ ისინი ერთმანეთს – საბამ მარიამთან ერთად გახსნა კონვერტში ჩადებული ანალიზების პასუხი. აღმოჩნდა, რომ ბავშვი ნამდვილად ლილეს გოგონა იყო. გაოგნებულები შესცქეროდნენ ერთმანეთს მარიამი და საბა, იცინოდნენ და ტიროდნენ, კიდევ რამდენჯერმე წაიკითხეს ანალიზის პასუხი, სისწორეში რომ დარწმუნებულიყვნენ. ნაცნობ ექიმს მიუტანეს და წააკითხეს, მანაც იგივე დაუდასტურა. ახლა იმაზე ფიქრი დაიწყო, თუ როგორ ეთქვათ ლილესთვის, ან როგორ წამოეყვანათ ბავშვი იმ მშობლებისგან, რომლებიც ხუთი წელია ზრდიან და არ აკლებენ მზრუნველობას, სიტბოს და სიყვარულს. საბოლოოდ გადაწყვიტეს ლილესთვის ეთქვათ და თვითონ ემოქმედა! მოილაპარაკეს საბამ და მარიამმა, რომ სალამოს მათთან მივიდოდა მარიამი და მაშინ ეტყოდნენ ყველაფერს ლილეს. მარიამმა მეუღლეს არ გაუმხილა მისი ჩანაფიქრი, იფიქრა რომ ხელს შეუშლიდა ის, ამიტომ არჩია არაფერი ეთქვა მისთვის.

* * *

მარიამის სტუმრობა მოულოდნელი იყო ლილესთვის, რადგან გათხოვების შემდეგ მეგობრები იშვიათად ხვდებოდნენ ერთმანეთს. ყავა მოადულა და მისაღებში დახსდნენ. საბა გვერდით მიუჯდა ლილეს და მარიამს თვალით ანიშნა – დაიწყეო. მარიამმა ფინჯანი მაგიდაზე დადო და ლილეს დაუწყო მზერა.

– ლილე, შენ ხომ გაქვს ეჭვი, რომ შენი შვილი ცოცხალია?

– ეჭვი არა, მე მჯერა რომ ასეა – ის არ მომკვდარა.

– ჩვენ, მე და საბამ ყველაფერი გავარკვეით.

ლილეს ფერი ეცვალა სახეზე, აფორიაქდა, სავარძლიდან წამოდგა და სიარული დაიწყო ოთახში. შემდეგ მარიამს მიუბრუნდა.

– რა გაარკვეით, მარიამ?

– ის, რომ შენ მართალი ხარ, შენ გოგონა გეყოლა, დღეს ის ხუთი წლისაა და ცოცხალია. დედაშენმა და სამშობიაროს მთავარმა ექიმმა გააშვილეს, ჩვენ დნმ ჩავუტარეთ ბავშვს, რომ არ შეეძცდარიყავით და პასუხიც დამაკმაყოფილებელი მოვიდა, ეს შენი საბას დამსახურებაა, მარტო მე ვერაფერს გავხდებოდი. ტირილი დაიწყო ლილემ, კედელს მიეყრდნო და ჩაიკეცა. საბა მივიდა, დამშვიდება დაუწყო. უთხრა, რომ თუ სურვილი ექნებოდა, ბავშვს ანახებდა.

– მას ხომ უკვე სხვა დედ-მამა ჰყავს, მე როგორ ვუთხრა, რომ მისი დედა ვარ და არაფერი დამიშვებია მისთვის. ის ხომ ჯერ ძალიან პატარაა ამისთვის, როგორ ავუხსნა... არა, ვერ ვეტყვი. იქნებ სჯობდეს, ჯერ მივიჩვიო და შემდეგ გავუმხილო სიმართლე?

– ჩვენც ასე ვიფიქრეთ – უპასუხა მარიამმა. იმ საღამოს ნერვიულობაზე ლილე ცუდად გახდა. სასწრაფო გამოიძახეს. მაღალი ტემპერატურა ჰქონდა, კოშმარს ხედავდა – დედას ეჩხუბებოდა, მამას შველას სთხოვდა. მეორე დღეს მამას დაურეკა და სთხოვა, რაც შეიძლება მალე დაბრუნებულიყო სახლში. ისიც დათანხმდა შვილს. მარიამმა და საბამ, ზაზა და ანასტასია მეგობრის სახლში სასაუბროდ დაიბარეს, სადაც ხელს არავინ შეუშლიდა მათ საუბარს და არც არავინ მოისმენდა. მეხის გავარდნას ჰგავდა მათთვის იმის გაგება, რომ ბავშვს დედა ეძებდა და მაიგნო. ჯერ მუქარები დაიწყო ზაზამ, შემდეგ რომ ვერაფერს გახდა, დათანხმდა, რომ ლილეს ბავშვს ანახებდა, მხოლოდ იმ პირობით, თუ არ ეტყოდა, რომ ის მისი ბიოლოგიური დედა იყო. რამდენიმე დღეში ლილე და მარიამი მივიდნენ

ზაზასთან და ანასტასიასთან სტუმრად. პატარა ქეთა მხიარული ბავშვი იყო, ყველასთან ადვილად შედიოდა კონტაქტში, მისთვის უცხო ადამიანი არ არსებობდა, ყველას უღიმოდა და ეთამაშებოდა - ასე მოიქცა ამჯერადაც. ლილეს გაუჭირდა ბავშვთან მიახლოება, ცდილობდა არ ეტირა, აკანკალებულ ხელებს უსმევდა მასთან მისულ ქეთას. პატარამ თამაში დაუნყოფა და ბოლოს კალთში ჩაუსკუპდა. სახეზე ეფერებოდა, თავის ნახატებს აჩვენებდა, რომლებზეც მხოლოდ ქალი და ბავშვი იყო დახატული. უხსნიდა - ეს ჩემი დედიკოა, ეს მე ვარო. ლილემ ჰკითხა: მამა რატომ არ გყავს დახატულიო და ბექები ზემოთ ასნია და ზაზას გახედა, ნალვლიანი თვალებით. ამის შემდეგ თითქმის ყოველდღე დადიოდა ლილე ბავშვის სანახავად. ძალიან შეუყვარდა ქეთას ლილე. როგორც კი მასთან მივიდოდა, მაშინვე მის სათამაშოებს გადმოალაგებდა და ეთამაშებოდა. ლილეს სახეზე ისევ ამოვიდა მზე, ისევ დაუბრუნდა ადრინდელი ღიმილი. დედას მოუყვა ყველაფერი, ელისომ ბევრი იტირა და ბოდიში მოუხადა შვილს, უთხრა:

- მეგონა შენთვის ასე აჯობებდა. ვერ ვიფიქრებდი, რომ შენ არ დაიჯერებდი, არ მეგონა თუ ძეხნას დაუნყებდი. რამდენიმე თვეში რობერტიც დაბრუნდა სახლში, მან არაფერი იცოდა რა ხდებოდა მის ოჯახში, რა გადაიტანა მისმა ერთადერთმა შვილმა.

* * *

დედის დაჟინებული თხოვნის მიუხედავად, რომ არ ეთქვა ლილეს მამისთვის რა მოხდა მის არ ყოფნაში, მაინც გადანყვითა მოეყოლა. უსმენდა რობერტი შვილს და თავის გაკონტროლება უჭირდა, რომ არ ეტირა. ის მაშინვე მიხვდა, ვისი ხელი ერია ლილს გაუბედურებაში, მაგიდაზე ურტყამდა მუჭს და გაიძახოდა:

- ჩემმა შვილმა რა დააშავა! ჩემმა შვილმა რა დააშავა!

ლილეს და ელისოს გაუკვირდათ მისი ეს სიტყვები, განრის-

ხებულ რობერტის ვერ ეკითხებოდნენ, რა კავშირში იყო ის ამ საქმესთან, მაგრამ მიხვდნენ რომ რაღაც რიგზე ვერ იყო. როცა ცოტა დანყნარდა, ცოლ-შვილს მოუყვა დიდი ხნის წინ სოფელში დატრიალებული უბედურება.

– ამ ამბავს დედ-მამა შეენირა. ორ თვეში მამას გაუსკდა გული და გარდაიცვალა, მამის გარდაცვალებიდან ერთ წელიწადში კი დედაც გარდაიცვალა. მე მიყვარდა ანა, მისი ოჯახი წინააღმდეგი იყო, არ მოვწონდი და სულ ეჩხუბებოდნენ მას, მისი ძმა სცემდა კიდეც, უშლიდა ჩემს ნახვას. ბევრჯერ სახლში ჩაკეტეს და გამოიპარა. როცა სკოლა დავასრულეთ, გადავწყვიტეთ გავპარულიყავით. ანამ დაქალს მოუყვა, იმან კი მაშინვე მიუტანა ამბავი მის ძმებს. ისე უცემიათ, რომ მთელი სხეული დაღურჯებული ჰქონია. როცა გავიგე, მივვარდი სახლში მათთან. სანადირო თოფით გამომეკიდა მისი ძმა, რომ არა მეზობელი, მომკლავდა. ამას ხედავდა სახლიდან ანა თურმე, მეზობლებმა გამომიყვანეს იქიდან. სახლში, ისევ ჩხუბი დაუნყიათ ანასთვის მშობლებს და ძმას. ხელში ისევ თოფი ეჭირა თურმე ძმას. ანა ცდილობდა თოფის გამორთმევას. ყველასგან მოულოდნელად თოფმა იქუხა. მერე გაირკვა, რომ ანას გამოუკრავს სასხლეტისთვის ხელი, ადგილზევე გარდაიცვალა. ამის შემდეგ სახლი გადამიწყვეს – მამრალეზდნენ, რომ გავაუპატიურე-დამიჭირეს, მაგრამ მალევე გაირკვა, რომ ტყუილი იყო, მისთვის თითი არ მქონდა დანაკარები. მას შემდეგ დავტოვე სოფელი, ხმები მომდიოდა, რომ მის ძმებს შურისძიება სურდათ! ამიტომ გთხოვდი ლილეს გაფრთხილებოდი, ამიტომ გემუდარებოდი, მარტო არსად გაგეშვა! მე მხოლოდ ანას სიყვარულისთვის მედება ბრალი – ვერც მისი სიყვარული დავიცავი და ვერც შვილს გავუფრთხილდი, რა კაცი ვარ მე ამის შემდეგ? ცხოვრებას თავისი დაუნერელი კანონები აქვს, ზოგჯერ ისეთი მკაცრი, რომ უდანაშაულოს აგებინებს პასუხს სხვის შეცდომებზე. სიყვარულის გამოც

ისჯები, როცა აკრძალულს ეხები. გიყვარს, არ გპატიობენ, ყველა გზას მიმართავენ, რომ ხელი შეგიშალონ, მინაზე დაგანარცხონ, გაგანადგურონ. ამის შემდეგ ვეცადე ცხოვრება თავიდან დამეწყო, თითქოს დავასამარე ჩემში ის ისტორია, რაც გადამხდა. ძალა მოვიკრიბე და ცხოვრება განვაგრძე, მაგრამ შიშით, ყოველთვის ვგრძნობდი, რომ ისინი არ მოისვენებდნენ, არ მაპატიებდნენ იმ სიყვარულს. არც ანამ მაპატიო – ადგა და თავი მოიკლა, ამით მის თავსაც და მეც განაჩენი გამოუტანა, ყველაფერი დაასრულა, ის წავიდა, მე დამტოვა, მაგრამ როგორ? არც მკვდარი და არც ცოცხალი, ისევე ანას გამო, ისევე იმ სიყვარულის გამო შეეძელი ის, რომ აქამდე მოვედი და მყავხართ თქვენ, ვარ ძლიერი. რობერტის ზღვასავით სდიოდა თვალებიდან ცრემლები, პატარა ბავშვივით იწმენდდა თვალებს, ადგილს ვერ პოულობდა. შემდეგ ლილეს ფეხებთან დაეცა მუხლებზე და შვილს პატიებას სთხოვდა. ეუბნებოდა:

– ჩემს გამო! ჩემს გამო დაგემართა ასე, მაპატიე თუ შეგიძლია, მე ყველაფერს გავაკეთებ, რომ შენი შვილი დაიბრუნო თუ ეს გამოასწორებს ჩემს დანაშაულს შვილო!!!

ლილე ჩაეხუტა მამას და სთხოვა ამდგარიყო, დაეხმარა წამოდგომაში, გადაეხვია და უთხრა, რომ ის არაფერში არ იყო დამნაშავე. სურდა, რომ მისი შვილი მის გვერდით გაზრდილიყო. როგორც იქნა, მოახერხეს დამშვიდება და მოილაპარაკეს, რომ წავიდოდნენ ბავშვის მშობლებთან დასალაპარაკებლად. მეორე დღეს დაურეკეს მარიამს, უთხრეს, რომ მიდიოდნენ ბავშვთან. მან უთხრა, რომ ისიც იქ დახვდებოდა მეუღლესთან ერთად.

* * *

ბავშვს საჩუქრები უყიდეს და წავიდნენ. იქ მისულებს, სახლში ანასტასია და ბავშვი დახვდათ, ზაზა სახლში არ იყო. მიიპატიჟა სახლში სტუმრები, სახეზე ეტყობოდა, რომ არ სიამოვნებდა მათი მისვლა. ქეთა ხელგაშლილი შეეგება ლილეს და

ჩაეხუტა, მაშინვე ხელი მოჰკიდა და მის სათამაშოებთან წაიყვანა, ცოტა გული რომ იჯერა თამაშით, შემდეგ ლილემ მშობლებთან მიიყვანა პატარა. ელისომ ვერ მოკიდა ბავშვს ხელი, უცქერდა და თავს იკავებდა რომ არ ეტირა, რობერტი მოეფერა პატარას, ქეთა მივიდა შემდეგ ელისოსთან და ეკითხება: – თქვენ მე რატომ არ მომეფერეთ, არ მოგეწონეთ? გაელიმა ელისოს და ცრემლებიც გადმოსცვივდა თვალებიდან, ხელი მოჰკიდა, გვერდით დაისვა და უპასუხა:

– შენ როგორ შეიძლება ვინმეს არ მოეწონო, პატარავ? ძალიან მომეწონე, მეტიც, ერთ პატარა გოგონას მაგონებ, ისეთი ლამაზი თმები და თვალები გაქვს, მასავით სიცილის დროს ლაყაზე პატარა ღრმული გიჩნდება. ქეთამ გაუღიმა ელისოს, ხელი მოჰკიდა ხელზე და ისიც თავის სათამაშოებთან წაიყვანა, თან ის საჩუქრებიც გახსნა, რაც მიუტანეს და სიხარულის ემოციებს ვერ მალავდა. ანასტასია კართან იდგა, ადგილიდან ვერ იძვროდა და შესცქეროდა მათ, შემდეგ ზაზას დაურეკა, უთხრა რაც ხდებოდა. ტელეფონიდან ხმამაღალი ხმა ისმოდა. ცოტა ხანში, მარიამი მეუღლით და ზაზა მოვიდნენ. მათი მისვლიდან, რამდენიმე წამში, რომ არა ელისო და ანასტასია, ხელჩართული ჩხუბი გაიმართებოდა. ლილემ ბავშვს ხელი მოჰკიდა და აივანზე გაიყვანა, გაარიდა კამათს. რობერტი ნიკოს უყვიროდა: – ეს როგორ გააკეთე! ჩემმა შვილმა რა დაგიშავა, თუ შურისძიება გინდოდა, ჩემზე გეძია შური, მაგრამ დაგაბრმავა შენმა ბინძურმა სულმა და არ იცოდი რა გაგეკეთებინა – უცოდველ ადამიანზე იძიე შური. მარიამი მეუღლეს მიუბრუნდა და ეკითხება:

– ნიკო, რას ამბობს რობერტი, გამარკვიე? რა შური, ვის რა დაუშავე ან ვინ რა დაგიშავა.

მარიამს ნიკოს ნაცვლად რობერტმა უპასუხა:

– შენმა არაკაცმა ქმარმა ჩემს შვილზე იძია შური იმ დანაშაულისთვის, რაც მე არ ჩამიდენია და ბრალად მდებენ უკვე

წლებია. ეს ბავშვი შენი ქმრისგან ჰყავს ლილეს!!! მარიამს მუხლები მოეკეცა და გული წაუვიდა, ვილას ახსოვდა ჩხუბი, ყველა მის მოსულიერებას ცდილობდა. როგორც იქნა, გონს მოვიდა, მეუღლეს ერთი ორი სილა გაანწნა სახეში და სახლი უსიტყვოდ დატოვა. ლილესთვის უკვე ყველაფერი ცხადი გახდა. რობერტიმ ზაზას და ანასტასიას უთხრა, ყველაფერს გააკეთებდა იმისთვის, რომ ბავშვი წაეყვანა. თუ ამას არ დასთანხმდებოდა, ნიკოს დააჭერინებდა. შემდეგ შეთანხმდნენ, რომ ნელ-ნელა შეიჩვენდნენ ბავშვს, ხანდახან სახლშიც წაიყვანდა ლილე და როცა დრო გავიდოდა, ბავშვს ყველაფერს ეტყოდნენ, იმ პირობით, თუ ზაზასთან და ანასტასიასთან არ აუკრძალავდნენ ურთიერთობას! ისევ ბავშვის გამო დათანხმდნენ ლილე და რობერტი ზაზას წინადადებას. ელისოს საყვედური უთხრა რობერტიმ მის საქციელზე და არ პატიობდა, რომ ლილეს შვილი გააშვილა და არაფერი უთხრა. მარიამმა არ აპატია ნიკოს ლილეს შეურაცხყოფა და მიატოვა.

ზაზა და ნიკო ისევ დამნაშავედ თვლიდნენ რობერტის იმის გამო, რაც არ ჩაუდენია – არ უნდოდათ იმის დაჯერება, რომ შეიძლება ცდებოდნენ, არ პატიობდნენ მათი დის სიყვარულს, რომელმაც თავი მოიკლა და ამით კიდევ უფრო გაართულა ყველაფერი. ქეთა გაიზარდა. მას ჰყავდა მშობლები, რომლებმაც გაზარდეს – მიიღეს, როგორც საკუთარი შვილი და ჰყავდა დედა, რომელმაც მიუხედავად ბევრი დაბრკოლებებისა, მაინც გააჩინა, არ დანებდა, იბრძოლა და შვილი დაიბრუნა – ნიკო არ აღიარა მამად, არც ბიძად მიიღო. ძალიან შეიყვარა საბა, რომ ლილეს დაეხმარა მის პოვნაში. მან კი საკუთარ შვილად მიიღო და ლილეზე იქორწინა. მარიამმაც იპოვა წრფელი სიყვარული და გააგრძელა მშვიდად ცხოვრება. ელისოს ყოველთვის აწუხებდა ის შეცდომა, რაც თავიდანვე დაუშვა, ამიტომაც ლილეს პატიებას სთხოვდა, შვილიც პატიობდა დედას, მაგრამ იმ დაკარგულ წლებზე მაინც ძალიან სტკიოდა გული, რაც შვილთან ვერ გაატარა!

მიტოვებული შვილი

ექიმებმა ბოლო წუთს გადანყვიტეს საკეისრო კვეთა გაეკეთებინათ, რადგან მომავალ დედას ბუნებრივი მშობიარობა არ შეეძლო – დიდი საფრთხის წინაშე იყო დედაც და ბავშვიც.

გოგონა დაიბადა, რომელსაც თავში სითხე ჰქონდა. ცდილობდნენ როგორმე ეს ყველაფერი დედისთვის ისე აეხსნათ, რომ დიდი ტკივილი არ მიეყენებინათ. მაგრამ, როგორც კი მან ამის შესახებ გაიგო, ბავშვი არ მიიკარა და უარი თქვა უმწეო შვილზე, მეტიც, ბავშვი სამშობიაროში დატოვა და სახლში ისე წავიდა, თითქოს არც არაფერი მომხდარა. თუ რატომ გაიმეტა შვილი მარტოობისთვის და მოიგლიჯა გულიდან, ამ კითხვაზე მისთვის ერთადერთი პასუხი იყო:

– არ მინდა ჩემს ორ შვილს, ჰყავდეს ავადმყოფი და, ეს მათ მომავალზე იმოქმედებს, ამიტომ, მივიღე ეს გადანყვეტილება.

ეს მხოლოდ ოჯახის წევრებმა იცოდნენ, დანარჩენებისთვის კი ცნობილი იყო, რომ ბავშვი გარდაიცვალა.

გავიდა დრო, დედას იშვიათად თუ გაახსენდებოდა მიტოვებული შვილი, ზოგჯერ ცრემლიც გადმოსცვივდებოდა უნებურად თვალებიდან, მაგრამ ის, რომ შვილის მდგომარეობა გაერკვია, ერთხელაც არ უფიქრია.

პატარა გოგონა ბავშვთა სავადმყოფოში გადაიყვანეს, იქ განაგრძობდა მკურნალობას უდედოდ. ექიმებმა ნინო დაარქვეს, მონათლეს კიდეც და ყოველ ღონეს ხმარობდნენ, რომ ბავშვი კარგ პირობებში ჰყოლოდათ. მისთვის ოთახი გამოჰყვეს და იქ ჰყავდათ პატარა ნინო. ყველამ იცოდა, რომ იქ იზრდებოდა გოგონა, რომელიც დედამ მიატოვა, იმის გამო, რომ თავში თანდაყოლილი სითხე ჰქონდა და შესაძლებელი იყო, რომ ამის გამო ბავშვს ჰქონოდა სირთულეები. ყველა დედა, რომელიც მის ბავშვთან ერთად სავადმყოფოში მოხვდებოდა, ნინოსთვის ყველაფერს ყიდულობდნენ რაც საჭირო იყო, ეფერებოდნენ

და სიბრალულით შესცქეროდნენ, მაგრამ, ის რომ რომელიმეს სურვილი გასჩენოდათ, სახლში წაეყვანა, არავინ იყო.

გადიოდა დრო, ნინო ნელ-ნელა კარგი ექიმების დახმარებით უკეთესად ხდებოდა, თანდათან სიტყვებსაც ამბობდა. პრობლემა, რომელიც ყველასთვის შესამჩნევი იყო, თვალეებზე ჰქონდა. იმდენად საყვარელი ბავშვი იყო, რომ ყველას

ძალიან უყვარდა, მასთან მისულ უცხო ადამიანებს ეფერებოდა და უღიმოდა. ყველაზე მეტად ახარებდა, რომ თოჯინებს ჩუქნიდნენ. ღამით დაძინება უჭირდა, რადგან მარტოს უწევდა ძილი, მისთვის დრო არავის ჰქონდა!

ბევრი უშვილო წყვილი იყო, მაგრამ ნინოს სახლში წაყვანა არავის სურდა, ეშინოდათ, ვაი თუ კიდევ რაიმე გართულება მოჰყვეს დიდობაში და ავადმყოფი ბავშვის ყოლას სულ არ გეყავდეს სჯობსო – ამბობდნენ.

ერთ დღეს, სადაც ნინოს ოთახი იყო, მის გვერდით ბავშვის სანახავად მივიდა ახალგაზრდა ცოლ-ქმარი, ნინო უკვე დამოუკიდებლად დადიოდა და ოთახში შევიდა, ნინო როგორც სხვებს, ამათაც უღიმოდა, ქალს კაბაზე ექაჩებოდა, მეთამაშეო, დაინტერესდა ნინოთი, რატომ შემოვიდა მარტოდ. სად იყო მისი დედა, იქვე მყოფმა ბავშვის დედამ, უამბო ნინოს ისტორია. ქალმა მეუღლეს გადახედა, თვალეებით ანიშნა, რომ ნინო ძალიან შეეცოდა. სახლში დაბრუნებული ცოლ-ქმარი სულ ნინოზე საუბრობდნენ, რამდენჯერმე მის სანახავადაც მივიდნენ. ნინო ძალიან შეეჩვია ახალგაზრდა უშვილო წყვილს, იმათაც უძნელდებოდათ ნინოს დატოვება საავადმყოფოში. უკვე ისე იყვნენ, რომ სახლში გაჩერება არ უნდოდათ, მთელ თავისუფალ დროს ბავშვთან საავადმყოფოში ნინოსთან ატარებდნენ.

ცოლ-ქმარს უჭირდათ ერთმანეთს გამოტყდომოდნენ ნინოს სიყვარულში, მაგრამ ეს ისედაც ხომ ცხადი იყო – ორივეს ძალიან შეუყვარდა პატარა ნინო, ბოლოს იმ დასკვნამდე მივიდნენ, რომ ნინო ეშვილებინათ, მაგრამ მათაც ჰქონდათ შიში

იმისა, რომ, ვაი თუ რაიმე ავადმყოფობამ იჩინოს თავი და სათანადოდ ვერ მივაქციოთ ყურადღება, იქ კარგი ექიმების ხელშია, არაფერს აკლებენ ბავშვსო!

ერთ დღეს, როდესაც ცოლ-ქმარი მივიდა ნინოს სანახავად, სავადმყოფოს მთავარმა ექიმმა კაბინეტში დაიბარა ისინი და ნინოს შესახებ ველაფერი მოუყვა.

– რომ არა მამის დაუდევრობა და ფეხმძიმე ქალისთვის, მუჭი არ დაერთყა მუცელზე სიმთვრალეში, ნინო ახლა სრულიად ჯანმრთელი ბავშვი იქნებოდა, მაგრამ ნინო ამ ეტაპზე უკეთესად არის, ჩვენ მას ყველა საჭირო მედიკამენტებს ვაძლევთ დროულად, ჩემი სურვილით არის ბავშვი აქ დატოვებული, რადგან შესაძლებელი ყოფილიყო, ბავშვთა სახლში, ასე კარგად ვერ მოევლოთ ნინოსთვის, თქვენ როგორც ვხედავ, ძალიან გიყვართ ბავშვი, თუ სურვილი გაქვთ, რომ ის შვილად აიყვანოთ, მე დაგეხმარებით ამაში, რადგან, დარწმუნებული ვარ, რომ ნინოს კარგად მოუვლით და კარგი მშობლები იქნებით! მე ყველანაირად დაგეხმარებით მედიკამენტებით თუ კი რამე დასჭირდება. ამ ეტაპზე ნინო არანაირ წამალს არ იღებს, სრული პახუსისმგებლობით შემოიძლია გითხრათ, რომ ის ჯანმრთელია, თუ იმას არ ჩავთვლით, რომ თვალზე აქვს პრობლემა, მაგრამ ესეც მოგვარებადია, კეთდება უკვე ოპერაციები და შედეგიც კარგია.

უშვილო ნყვილი გულდასმით უსმენდა ექიმს, გადანწყვიტეს ბავშვი ეშვილებინათ.

ამ ამბის შემდეგ, ერთი თვე გავიდა და ნინოს უკვე ახალი ოჯახი ჰყავდა, პატარას არ აკლდებდა მშობლები მზრუნველობას, ყველაფერს აკეთებდნენ იმისთვის, რომ ის ტკივილი, რაც გაიარა დავინწყებოდა და მშობლები, რომლებიც შეიძინა, ბიოლოგიური მშობლები ჰგონებოდა.

მართლაც ასე მოხდა, ნინო გაიზარდა, მას არ ახსოვდა ის მძიმე ორი წელი, რომელიც მართალია დიდი სიყვარულით, მაგრამ მაინც მძიმედ გაიარა, ბავშვისთვის ხომ ყველაზე მთავარი მზრუნველი მშობლებია.

მალე ნინოს თვალზე ოპერაცია გაუკეთეს და იშვიათად ატარებდა სათვალეს მაშინ, როცა კითხვით დაიღლებოდა-ხოლმე!

ნინომ სკოლა წარჩინებით დაამთავრა და მშობლების თხოვნით სამედიცინოზე ჩააბარა, სტუდენტობისას იპოვა მისი სიყვარული და ბედნიერი ოჯახი შექმნა, მალე პატარაც შეეძინათ. ნინო თავს ყველაზე ბედნიერ ადამიანად გრძნობდა, მას ჰყავდა საუკეთესო მშობლები და მოსუყვარულე მეუღლე.

ერთ დღეს მისი პაციენტის მოსანახულებლად შევიდა პალატაში, პაციენტი მოხუცი ქალი იყო, მას რთული ოპერაცია გაუკეთა ნინომ, დიდი ალბათობა იყო იმისა, რომ ოპერაციას ვერ გადაიტანდა, მაგრამ ნინომ ეს მოახერხა და ქალი გადაარჩინა, ქალბატონს შვილი უვლიდა, რომელიც ნინოს არ ჰყავდა იმ დრომდე ნანახი, პალატაში მყოფი ავადმყოფები, გაოცებას ვერ მალავდნენ, თუ როგორი მსგავსება იყო ნინოს, მოხუც ქალსა და ამ ქალის შვილს შორის, ერთმა ისიც კი თქვა, როგორ გგავთ ქალბატონო ნინო ეს პაციენტი, თითქოს თქვენი დედა იყოსო! ამ სიტყვებზე ნინოს პაციენტი ცუდად გახდა, მიზეზი კი არავინ იცოდა – მან ხომ დიდი ხნის წინ, შვილი გაიმეტა მარტოობისთვის. ნინოს ხელზე მოჰკიდა ხელი და კოცნა დაუწყო. ნინომ ეს მადლიერების შესტად ჩათვალა, სახლში მისულმა დედას უამბო, რომ მას ჰყავდა ავადმყოფი, რომელსაც ძალიან ამსგავსებდნენ.

დედამ უთხრა შვილს: – მე არ ვიცი, ვინ არის ის ქალი, მაგრამ შენს გულს თუ უნდა, ნუ დაკარგავ და დაეხმარე, როგორც შეგიძლიაო!

მართლაც ასე მოიქცა ნინო, სავადმყოფოდან განწერის შემდეგაც ხშირად სტუმრობდა მის უკვე გამოჯანმრთელებულ პაციენტს და აძლევდა რჩევებს, თუ როგორ მოეწყო თავისთვის, ავად რომ არ გამხდარიყო, ისე რომ არ იცოდა, ეს მოხუცი ის იყო, რომელმაც, მარტოობისთვის გაიმეტა, სწორედ მაშინ, როცა ძალიან სჭირდებოდა დედა გვერდით!

პატარა მათხოვრები

ზამთრის სუსხიანი კვირა დღე იყო. მშობლები შვილებთან ერთად, ტაძარში მიდიოდნენ, ისინი წვეულებაზე მიმავალთ უფრო ჰგავდნენ, ვიდრე მომლოცველებს. გასათხოვარ გოგონებს, ბოშა ქალებივით აესხათ, თუ რამ სამკაული ებადათ, იქ მისულ თანატოლ ბიჭებისთვის თავი რომ მოეწონებინათ. სახე ისე შეეღებათ, რომ ცირკის მსახიობებს წააგავდნენ, ვიდრე, რწმენით სავსე ახალგაზრდებს. მამაკაცები განსაკუთრებულად გამოწყობილი იყვნენ და ყურადღების მისაქცევად ძვირადღირებული ავტომობილების გასაღებებს ხელში ათამაშებდნენ.

მოხუცები ცდილობდნენ სწრაფად მისულიყვნენ ტაძარში, რომ ლოცვაზე არ დაეგვიანებინათ, თან ირგვლივმოყვებისაც ადევნებდნენ თვალს და საკუთარ ემოციასაც გამოხატავდნენ.

ეკლესიის კარის ორივე კუთხესთან, ტანსაცმელშემოდონძილი პატარა მათხოვრები, მოწყალებას ითხოვდნენ. ერთ მათგანს სახლში სანოლს მიჰაჭვული ავადმყოფი დედა და სამი წლის და ელოდა. მეორეს ლოთი მამა ჰყავდა სახლში, ხოლო დედა, მის დაბადებას გადაჰყოლოდა. მამის გაუთავებელი ლოთობისა და ჩხუბის გამო, ქუჩაში მრავალ სართულიანი ბინის კუთხეში, მუყაოს ქაღალდებისგან, თავისთვის თავშესაფარი გაეკეთებინა და ცივი ზამთრის ღამეები იქ ეძინა. წირვას კი ერთი ახალგაზრდა მოძღვარი ატარებდა, რომელსაც, ტაძრის გვერდით, თავისი ძვირადღირებული „ჯიპი“ დაეყენებინა.

ეკლესიაში მისული ადამიანების უმეტესობა, მათხოვარ ბავშვებს გროშებს ჩაუყრიდნენ გაყინულ ხელებში და იმასაც დაამადლიდნენ ხოლმე. ეტყობოდა, იქ შესულების უმეტესობას სხვისი ტკივილი არ ტკიოდა, მითუმეტეს, ამ მათხოვარი ბავშვების არ ესმოდათ.

...ლოცვისას, დედას ხელის გაშვება სთხოვა პატარა გოგო-

ნამ, რომელიც სულ რაღაც სამი წლის იქნებოდა, თან მათხოვარი ბავშვებისკენ იცქირებოდა. როგორც იქნა, დედას გამოექცა პატარა და რაც ფული ჰქონდა, მათხოვარ ბავშვებს ჩაუჯიბა. არადა, ეს ის ფული იყო, დილით ბებომ რომ მისცა და უთხრა: ეკლესიიდან რომ გამოხვალ, რაც გინდა იყიდეო. პატარა ბედნიერი სახით დედასთან დაბრუნდა, თან რამდენჯერმე მოიხედა უკან კმაყოფილების ნიშნად, შემდეგ დედას ხელი მოჰკიდა და ბედნიერი სახით ლოცვის მოსმენა განაგრძო.

მათხოვარმა ფულს დახედა, თავის გონებაში გადათვალა – რამდენი დააგროვა დღეს და ეყოფოდა თუ არა დედისთვის ნამალი რომ ეყიდა, დისთვის კი საჭმელი. რაც შეეხება მეორე მათხოვარს, არ გაუმართლა – ჯერ არავის გაუმეტებია მისთვის მოწყალება.

პატარა, რომელიც ადრე დედას გამოექცა, რაღაცას მიშტერებოდა და თავისთვის იცინოდა, თითქოს რაღაცას ეთამაშებოდა.

– რას უყურებ შვილო, ასე რომ იცინი?! – გაკვირვებულმა ჰკითხა დედამ შვილს.

– დედა, მტრედები არიან ეკლესიაში, ხედავ? აი, შეხედე, ადამიანებს პურს და ღვინოს ართმევენ და მაღლა მიფრინავენ. სასაცილოა – ადამიანებს ჰგონიათ, რომ უფლის მაღლი მიიღეს, ამ დროს, იმ მაღლს მტრედი ართმევს და მიაქვს!

დედა გაოცებული უსმენდა შვილს და ვერ ჩანვდა აზრს, რას ამბობდა პატარა ანგელოზი.

წირვა დასრულდა. ხალხმა ნელ-ნელა ტაძრიდან გარეთ გამოსვლა დაიწყო. მათხოვარი ბავშვები ისევ მოწყალებას ითხოვდნენ. ისე ჩაუარეს, ყურადღება ძალიან ცოტამ თუ მიაქცია. არც მამაოები გამოირჩეოდნენ დიდი გულისხმიერებით. მხოლოდ ერთმა, ახალგაზრდა მამაომ გამოიტანა ეკლესიიდან ქალღმრთლის ფული, ორივე ბავშვს მისცა და დალოცა.

ეს პირველი შემთხვევა არ იყო. ყოველთვის, როცა წირვა

დამთავდებოდა, ახალგაზრდა მამაო ბავშვებს ფულს აძლევდა. თავზე ხელს გადაუსვამდა და დალოცავდა. მადლობის ნიშნად ისინიც მამაოს სევდიანი სახით გაუღიმებდნენ, ფულს დახედავდნენ და მყისიერად ჯიბეში ჩაიდებდნენ...

„ჯიპიანი“ მამაო ტაძრიდან გამოვიდა, მანქანაში ჩაჯდა და მათხოვარ ბავშვებს გასძახა:

– ნადით ახლა აქედან, არავინ არ მოვა დღეს, ტყუილად ნუ ჩერდებით! – ხმაში მბრძანებლური ტონი ეტყობოდა, თავისთვისაც რალაც ჩაიბუტბუტა ჩუმად, ავტომობილის ძრავი აამუშავა და სწრაფად გაეცალა იქაურობას.

ბავშვები ეკლესიის კიბის საფეხურებიდან უკმაყოფილოდ ადგნენ. ეტყობოდათ, რომ ძალიან სციოდათ – ცხვირის წვერი სულ ანითლებოდათ, შეშინებული ლეკვებივით იყვნენ მობუზულები. ერთი აფთიაქისკენ წავიდა, მეორე იქვე მალაზიაში შევიდა.

მხოლოდ რამდენიმე დღის საყოფი წამალი იყიდა დედისთვის. ღრმად ამუისუნთქა ისე, რომ მთელი დარდი და ტკივილი ზედ ამოაყოლა. ხურდები გადათვალა და იქიდან გამოსული მალაზიაში შევიდა, დისთვის პური მაინც რომ ეყიდა. ორი პურის და რამდენიმე ცალი კანფეტის ყიდვა შეძლო მხოლოდ, სახლში თამაშ-თამაშით წავიდა. იქ მისულს, კარის ზღრუბლთან აცრემლებული და დახვდა. დედა უსიცოცხლოდ იწვა ლოგინში, თითქოს თეთრ ქათქათა ღრუბლებში იყო და სახეზე ღიმილი ეფინა, მის შემყურეს გეგონებოდა, რომ საოცარ სამყაროს ხედავდა, ისეთი მშვიდი და ბედნიერი ჩანდა. ცელოფანი ხელიდან გაუვარდა და დედის გაყინულ სხეულთან ატირებულმა მიირბინა...

რაც შეეხება მეორე პატარა მათხოვარს, სიცივისგან ცხვირი და ყურები განითლებოდა. ერთ ხელში ცელოფანი ეჭირა, რომელშიც პური და ორი ნაჭერი ყველი იდო, მეორე ხელით კი ხმელა პურს ჭამდა და საკუთარ თავშესაფარში გულდამძიმებული მიდიოდა, სადაც არავინ ელოდა – სიბნელის, სიცივის და ქუჩის

კატების გარდა, სახეზე მთელი მისი სატკივიარი აღბეჭდილიყო. თავშესაფრის ზემოთ კი ადამიანები ცხოვრობდნენ, რომლებსაც არ ანუხებდათ ზამთრის სუსხიანი და ბნელი ღამეები, რადგან, პატარა მათხოვარისგან განსხვავებით, სახლში თავს დაცულად გრძნობდნენ.

ქალაქში ცხოვრება თავისი რიტმით მიდიოდა: ისმოდა სიცილი, სიმღერა, ტირილი, ხმამაღალი ყვირილი, შეძახილები, ავტომობილების ძრავების გაუთავებელი ხმა და არავის, არავის ადადრებდა, ამ ორი ანგელოზის სატკივარი, რომლებიც ტაძართან ყოველ კვირას მოწყალებას ითხოვდნენ თავის გადასარჩენად...

306 არის დამნაშავე?

როცა მზე უკვე მთის წვერზე კრეფდა სხივებს და იმალე-
ოდა, ზაფხულის ცხელი დღეებისგან დაღლილი პატარები, კაკ-
ლის ხის ძირში შეკრებილიყვნენ და ერთობოდნენ. ადგილობ-
რივებთან ერთად იყვნენ ბებია-ბაბუასთან ქალაქიდან სტუმ-
რად ჩამოსულებიც, რომელებსაც სიცხისგან ლოყები ანითლე-
ბოდათ.

გოგო-ბიჭები ისეთი სიყვარულით უმზერდნენ ერთმანეთს,
გეგონებოდათ ერთი დედამისშვილები იყვნენ – ერთი შეხედ-
ვით შეატყობდი, თუ როგორ ძლიერ უყვარდათ ერთმანეთი,
ბევრს იცინოდნენ, მთელი დღის განვლილ ამბებს იხსენებდნენ,
თუ როგორ კარგად გაერთნენ მდინარეზე, რომელიც ამ სოფ-
ლიდან იღებდა სათავეს....

იქვე წისქვილი იდგა, რომელსაც მოხუცი ნოდარი ემსახუ-
რებოდა. წისქვილი მისი სახლიც იყო და სამუშაოც. სოფელს ეს
ერთი წისქვილი ჰქონდა, ამიტომ, ყველას იქ მიჰქონდა სიმინდი
დასაფქვავად.

ბავშვები ისე გართულიყვნენ, თავზე დაათენდებოდათ ნო-
დარი ბაბუას რომ არ დაეძახა:

– წაით ბაბუა სახლში, საქონელი აგნებს ბოსელის კარს და
თქვენ რაი გეტაკათ, რომ სახლის გზა დაგავინყდათ – ან არ
მოგშივდათ, ან არ მოგწყურდათო?!

ბავშვები გულიანად იცინოდნენ მოხუცის სიტყვებზე. შედა-
რებით მოზრდილი ბიჭები ეტყოდნენ:

– ხომ არ შეგანუხეთ, ნოდარი ბაბუა?

– დაძინება მინდა ბაბუა, საფქვავს მოვრჩი და თქვენი ყაყანი
არ მაძინებს – ერთ ხმაზე რომ ყიყინებთ აგერ ლელეს ბაყაყები-
ვით....

– ეეეე... იტყოდნენ, ხელს ჩაიქნევდნენ და ერთმანეთს გა-
დახედავდნენ, რომ დაშლილიყვნენ. გზას მხიარულად მიუყვე-

ბოდნენ, თან მომდევნო დღის გეგმებს აწყობდნენ, თუ რა უნდა გაეკეთებინათ.

ყველაზე მეტად ნიას არ უნდოდა სახლში მისვლა, მეტიც, სურდა სადღაც შორს გადაკარგულიყო, ოღონდ სახლში არ შესულიყო! სახლში გამუდმებით ჩხუბის ხმა ისმოდა,

ყოველ დღე ერთი და იგივე სურათი მეორდებოდა – ატირებული დედა, მთვრალი, გონდაკარგული მამა და შეშინებული პატარა და, რომელიც ყოველთვის ყურებზე ხელს იფარებდა, როცა მშობლები ჩხუბობდნენ...

ნიას რამდენჯერ დასიზმრებია დედასთან და დასთან ერთად, სადღაც შორს წასულან, სადაც ყველაზე ბედნიერად გრძნობდნენ თავს, ყველაფერი ჰქონდათ, რაც კი უნატრიათ. როგორც კი გამოიღვიძებდა და სხვა რეალობაში აღმოჩნდებოდა, მწარედ ტიროდა.

ამჯერადაც ეზოს ჭიშკარს არ იყო მიახლოებული, მამის ყვირილის ხმა შემოესმა. ძალიან შერცხვა მეგობრების. აჟრიამულებული ბავშვები უცებ გაჩუმდნენ და დაბალი ხმით დაემშვიდობნენ ნიას.

კარი როგორც კი შეაღო, დედისთვის დამიზნული თეფში, თავი გვერდით რომ არ გაეწია, ნიას მოხვდებოდა. როგორც კი ნია დაინახა, ცოლს თავი დაანება და შვილზე გადავიდა – თავის დროზე არ მოვიდა სახლშიო, თმაში სწვდა და ცემა დაუნყო. აცახცახებულმა ნია, როგორც კი მამამ ხელი გაუშვა, მაშინვე საძინებელში შევარდა, სანოლზე გულაღმა დაეცა და მწარედ აქვითინდა. ისე ჩაეძინა, დილამდე თვალიც არ გაუხელია.

უკვე თექვსმეტი წლის იყო ნია – ლამაზი, ქერა თმებით და ზღვასავით უძირო ლურჯი თვალებით. მის თანატოლ გოგონებს ბევრჯერ უნატრიათ, „ნეტავ ნიასთანა ლამაზი ვიყოო“, ნიას კი სულ იმის განცდა ჰქონდა, რომ საერთოდ არ იყო ლამაზი და არც არავის მოსწონდა. მიუხედავად ამისა, ხშირად მისულა მათთან სახლში „მაჭანკალი“... დედამისი ზოგჯერ დაფიქრე-

ბულა კიდევ – გავათხოვებ და ამ ჯოჯოხეთს მოსცილდებაო! თუმცა, ნია ყოველთვის წინააღმდეგი იყო... მას სამომავლოდ დიდი გეგმები ჰქონდა – უნდოდა, უმაღლესში სწავლა გაეგრძელებინა, სახელი მოეხვეჭა და მისნაირ ბავშვებს დახმარებოდა, სწორ გზაზე დაეყენებინა. ოცნებად ჰქონდა: ერთ დიდ სახლს ავაშენებ და ყველა ბავშვს, რომელსაც ჩემნაირი მშობლები ჰყავს, ჩემთან წავიყვან და იქ მშვიდად ვაცხოვრებო.

...აგვისტოს ბოლო დღე იყო. ქალაქიდან ჩამოსული ბავშვები უკვე გაკრეფილიყვნენ, ხოლო ვინც სოფელში ცხოვრობდა, სასკოლოდ ემზადებოდნენ. ნიასთან მისი ერთ-ერთი მეზობელი, მეგი მივიდა – სთხოვა სოფლის ცენტრში გაჰყოლოდა.

ისიც გაჰყვა მეგობარს. ნახევარი გზა ჰქონდათ გავლილი, როცა მანქანამ გაუჩერათ და წაყვანა შესთავაზა. ნია არც მძღოლს და არც გვერდით მჯდომს იცნობდა... მეგი კი დიდი ხნის მეგობარივით მიესალმა მათ და ნიას უთხრა – გავყვეთ, ორ წუთში ცენტრში ვიქნებითო! ნიაც დაჰყვა მეგობრის ნებას და პირველი ჩაჯდა მანქანაში. უცებ მძღოლმა მთელი სიჩქარით გააქროლა მანქანა – ნია მანქანაში, მეგი კი რაღაცნაირად გარეთ დარჩა და კივილი დაიწყო:

– ნია მოიტაცეს! ნია მოიტაცეს!

ნოეს ვერაფერს დაუწუნებდით – ვერც ოჯახისშვილობას და ვერც გარეგნობას. დიდი სიხარულით შეხვდნენ მშობლები ნიას გათხოვებას – ძალიან მოსწონდათ სიძე და ქორწილიც სანაქებო გადაიხადეს. თუმცა, ნიას არავინ ეკითხებოდა, იყო თუ არა ბედნიერი, უხაროდა თუ არა ოჯახის შექმნა ასეთ პატარა ასაკში! სამწუხაროდ, ვერავინ ამჩნევდა მის სევდიან თვალებს. ნიაც შეეგუა საკუთარ ბედს და ჩვეულებრივად განაგრძო ცხოვრება. ნელ-ნელა სიყვარულიც გაუჩნდა ნოეს მიმართ – უფრო მხიარული და ბედნიერი ჩანდა, შვილიც შეეძინათ... თუმცა, წინასწარ არავინ იცის, რა ელის წინ, რას უმზადებდა ცხოვრება.

რაც დრო გადიოდა, ნოე სასმელს ეძალებოდა, როცა სახ-

ლში ბრუნდებოდა, უმიზეზოდ იწყებდა ჩხუბს. თითქოს დედის ცხოვრება ნიამაც გაიზიარა, ყველაფერი ისე ხდებოდა, როგორც მის ბავშვობაში – გაუთავებელი ჩხუბი. ბევრჯერ უთქვამს მშობლებთან, თუ როგორ სცემა ნოემ და მშობლებსაც ნაუყვანიათ სახლში, მაგრამ, რაღაც ძალა მაინც ნოესკენ იზიდავდა და ისევ მასთან ბრუნდებოდა – შეეგუა ნოეს ასეთ ქცევებს და უკვე არაფრად თვლიდა ამდენ შეურაცხყოფას.

მერე და მერე, ცხოვრება გართულდა, ამ ყველაფერს ისიც დაემატა, რომ ეკონომიურადაც ძალიან გაუჭირდათ. ყველაფერი სცადა, რომ შვილებისთვის ეს არ ეგრძნობინებინა, მაგრამ... ბაზარში მთელი დღის ფეხზე დგომით ხანდახან პურის ფულიც არ რჩებოდა, სახლში მისულს კი მთვრალი ნოე დახვდებოდა.

ფიქრის შემდეგ, მიიღო გადანწყვეტილება, რომ სხვა ქალებით ემიგრაციაში წასულიყო და ნოეს გაანდო ამის შესახებ.

ნოე ჯერ წინააღმდეგი წავიდა. შემდეგ იმდენი ქნა, რომ მაინც დაიყოლია – აუხსნა, რომ შვილები დაიზარდნენ, მეტი სჭირდებათ, სახლიც ლამისაა ჩამოიშალოს, სამი წელი ვიმუშავებ და უკან დავბრუნდებიო!

შვილებს უძნელდებოდათ დედასთან დაშორება, მაგრამ რა გაენწყობოდა – მშვიდობიანი მგზავრობა უსურვეს და გააცილეს...

..ნიასთვის არც თუ ისე სახარბიელო გამოდგა უცხეთში წასვლა. ყველაფერი ისე არ აეწყო, როგორც ფიქრობდა. თავდაპირველად ისეთ ოჯახში მოხვდა, დღე და ღამე არ აძინებდა მოხუცი – არც იქაური ენა იცოდა, ამ ყველაფერს კი შვილების და მეუღლის მონატრება ემატებოდა! რამდენიმე სამსახურის გამოცვლა დასჭირდა, რომ ადამიანად ეგრძნო თავი, საბოლოოდ კი სრულიად მარტო, ყველასგან შორს აღმოჩნდა უცხო ქალაქში, სადაც ერთი ქართველიც კი არ იყო. ძალიან გაუჭირდა, მაგრამ თავს იმით იმშვიდებდა, რომ სამი წელი მალე გავიდოდა, რაც მთავარია, კარგ ოჯახში მუშაობდა და შინაურულად ექცეოდნენ.

ლამით, როცა უკვე ყველა საქმეს მორჩა, თავის ოთახში შევიდა, ინტერნეტის საშუალებით შვილებს და მეუღლეს ესაუბრა და დაღლილ-დაქაცული დასაწოლად გაემზადა. უცებ ფისბუქ-გვედზე შეტყობინება მიუვიდა... მაშინვე დაინტერესდა ვინ იყო, გადაათვალიერა დაუპატიჟებელი სტუმარი. იცნო, მისი ბავშობის მეგობარი, რომელიც ნოეს მეზობელი იყო და ხშირად შესწრებია ნოეს და ნიას ჩხუბს, ბევრჯერ უსაყვედურია ნოესთვის, რომ სწორად არ იქცეოდა!

ნიას გაუხარდა მისი გამოჩენა, მოიკითხეს ერთმანეთი. იმ დღის შემდეგ თითქმის ყოველ დღე ჰქონდათ მიმონერა... ნიას სიამოვნებდა ანდროს ასეთი ყურადღება, მას ჯერ არცერთი მამაკაცისგან არ უგრძვნია ასეთი პატივისცემა და მზრუნველობა. ანდრო ყოველთვის ეკითხებოდა, როგორ გრძნობდა თავს, როგორ გადიოდა დრო, ხომ არ იღლებოდა...

ნია უკვე გრძნობდა, რომ ანდროს გარეშე არ შეეძლო, მეტიც, როცა მუშაობდა, მალულად ტელეფონზე ყურსასმენით ესაუბრებოდა... თითქოს ახალ სამყაროში მოხვდა, ცხოვრება უხაროდა – თავს უფრო მსუბუქად გრძნობდა, უწინდებურად არ იღლებოდა, შვილებთანაც უფრო ლალი და ბედნიერი ჩანდა.

ნია იმ ზომამდე მივიდა, რომ თვითონ გამოუტყდა ანდროს სიყვარულში და პირდაპირ უთხრა: – მე შენს გარეშე სიცოცხლე არ შემიძლიაო! მიუხედავად იმისა, რომ იცოდა ცოლი ჰყავდა, მაინც არ ეთმობოდა. ვერც ანდრო თმობდა ნიას!

ერთ დღესაც, ანდროს მეუღლემ, ელისაბედმა, სრულიად შემთხვევით, ნიას და ანდროს მიმონერა იპოვა. მაშინვე დაუკავშირდა ნიას და გააფრთხილა. უთხრა, რომ ყველაფერს ხვდებოდა და თავი შეეკავებინა, თანაც დაემუქრა.

მიუხედავად ამისა, ნიას მაინც არ შეუწყვეტია ანდროსთან ურთიერთობა, მეტიც ელისაბედს პირდაპირ მიახალა: – მე ვუყვარვარ შენს ქმარისო! ამ სიტყვებზე ელისაბედი განრისხდა:

– მე თავიდანვე ვიცოდი თქვენი ურთიერთობა, ისიც ვიცი,

ფული რომ გამოუგზავნე ჩემს ქმარს და იმ ფულით მე და ბავშვებს ტანსაცმელი გვიყიდა, შენ კიდეც მისი გჯერა. შენს გარდა, იგივეს სხვა ქალებსაც წერდა, ისინიც ასე უგზავნიან ფულს. სჯობს გონზე მოხვიდე, უკვე ზედმეტი მოგდის და ჩემი ოჯახი თუ დაინგრევა, არც შენ გამოხვალ მშრალზეო – მუქარა ეტყობოდა ელისაბედს ხმაში.

ამ ამბის შემდეგ ანდრო ისე ხშირად აღარ წერდა. ყველაფერი უარყო, რაც ელისაბედმა უთხრა ნიას – მან ჩვენი მიმოწერა ნახა და იქიდან მიხვდა, რომ ფული გამომიგზავნეო.

ნია იმ გადანწყვეტილებამდე მივიდა, რომ რაც შეიძლება მალე უნდა წასულიყო სახლში და თვითონვე გაერკვია ანდროსთან ურთიერთობა. გადანწყვეტილება მის მეგობარს გაანდო. მან ურჩია, რომ თავი დაენებებინა ანდროსთვის და ოჯახი არ დაენგრია, თუმცა მას უკვე გადანწყვეტილი ჰქონდა ამის გაკეთება და ხელს ვერავინ შეუშლიდა. მალევე ნიას და ანდროს შორის შავმა კატამ გაიარა, ხშირად ჩხუბობდნენ. ნია ყველაფერში ბრალს ანდროს სდებდა, დაემუქრა კიდეც – როგორც კი ჩამოვალ, ჩემს ქმარს ყველაფერს ვეტყვი და პასუხს მოგთხოვს, ასე რომ მომექეციო.

დრომ მალე გაირბინა. უკვე თითქმის აღარ კონტაქტობდნენ ნია და ანდრო, სიყვარულს კი მაინც ვერ ფარავდა ნია მის მიმართ და ახლა მის მეუღლეს წერდა, ცდილობდა, რომ რაღაც ბზარი გაეჩინა მათ ურთიერთობაში. ელისაბედი კი არაფრად აგდებდა ნიას სიტყვებს, არც ანდროს აყენებდა საქმის კურსში, არაფერს ეუბნებოდა. ნიამ მოულოდნელად მიიღო გადანწყვეტილება სამშობლოში დაბრუნების.

ნოეს მისი გაუფრთხილებელი ჩამოსვლა გაუკვირდა, ჯერ არ ელოდებოდა.

მიუხედავად ამისა, მაინც სიხარულით შეხვდა. არადა, გული ცუდს უგრძნობდა. თან დანაზოგიც არაფერი ჩაუტანია.

შვილები სიხარულით შეხვდნენ დედის დაბრუნებას. რამდე-

ნიმე დღე დაჭირდა ნიას, რომ ყველა, ვინც ენატრებოდა მოენახულებინა, ნოე ისე აღარ სვამდა, როგორც ადრე და ეტყობოდა, რომ ხასიათიც გამოსწორებული ჰქონდა – უფრო მშვიდი და წყნარი სჩანდა.

ერთ საღამოს, როცა ბავშვები დაწვნენ და ნოე და ნიაც საძინებელში შევიდნენ, ნიამ მეუღლეს უთხრა, რომ მასთან საუბარი სურდა.

– აბა გისმენ, რა გინდა რომ მითხრა. გასაოცარი სიმშვიდით უსმენდა ნოე.

ნიამ იმ დღიდან დაიწყო, როდესაც ანდრომ მიჰწერა და ყველაფერი სრული სიზუსტით მოუყვა მეუღლეს, ნოე კი ისევ მშვიდად უსმენდა, ნია გააკვირვა მისმა ასეთმა რეაქციამ, არც კითხვა დაუსვა, არც შეანწყვეტინა მოყოლა, რომ დაასრულა მხოლოდ ეს უთხრა: – დაასრულე?

– კი, ეს იყო სულ.

– კარგი ახლა დავიძინოთ და დანარჩენზე ხვალ ვისაუბროთ!

ნიამ ნოეს გულზე დაადო თავი, ერთხელ ახედა მეუღლეს, თვალებში უნდოდა ჩაეხედა, მაგრამ ნოეს თვალები დახუჭული ჰქონდა. ოთახში ღამის ნათურა ენთო, ძლივსღა ანათებდა ოთახს. მშვიდად ეძინა ცოლ-ქმარს, თითქოს სადარდებელი არაფერი ჰქონდათ.

გარეთ ისეთი წითელი იყო ცა, გეგონებოდათ, რომ ცეცხლი ეკიდა და დედამიწასაც სადაცაა შთანთქავსო, ტყიდან ჯერ კიდევ ისმოდა ტურების კივილის ხმა, მეზობლის ძალღიმიე იმით იკლებდა სოფელს.

ნოემ ყოველგვარი აღელვების გარეშე ჭიქით წყალი დააღევინა ნახევრად მძინარე ნიას, მაშინვე უგონოდ დააგდო თავი ნიამ ბალიშზე, შუბლზე ჩამოყრილი თმა გადაუწია და ნაზად აკოცა ცოლს, თითქოს ფრთხილობდა, რომ არ გაელვიდა! შემდეგ ბავშვებს დახედა, მშვიდად, უშფოთველად ეძინათ. კარი დახურა და სამზარეულოში გავიდა, უფრიდან თოკი ამოიღო, რომელიც წინა დღეს იყიდა საქონლის დასაბმელად და ეზოში გავიდა.

დილის ექვსი საათი იქნებოდა, ოდნავ გრილოდა. სახლის უკან კაკლის ხე ჰქონდა, რომელიც მის დიდ ბაბუას დაერგო. დიდი ძალისხმევა დასჭირდა, რომ ზედ ასულიყო,

თოკი ტოტზე მოაბა, მაყუჩი გაუკეთა, აუღელვებლად გაყო თავი და მაშინვე გადმოხტა ძირს, სულ რაღაც რამდენიმე სანტიმეტრი აკლდა მიწაზე ფეხის დადებას, მთელი სხეული აუცახცადა, თოკს ხელი მოკიდა, სურდა რომ მოეხსნა, მაგრამ ვერაფერს გახდა.

ნახევარ საათში მეზობელმა ჩამოიარა, ნოე ხეზე ჩამოკიდებული რომ დაინახა, მაშინვე ყვირილი დაიწყო – „მიშველეთ!“ – ყვიროდა აცახცახებული ხმით. თან ფეხებში წვდა ნოეს და როგორც შეეძლო, მაღლა აწია.

მისი ხმა მთელმა სოფელმა გაიგონა, რამდენიმე წუთში ნოეს ეზო მეზობლებით გაივსო, ჩამოხსნეს გონდაკარგული ნოე ხიდან, რომელსაც სიცოცხლის ნიშან-წყალი არც კი ეტყობოდა. თუმცა, როგორც იქნა, გონზე მოიყვანეს. მეზობლის ქალი ნიას საძინებელში შევიდა – ნია ფერდაკარგული ესვენა საწოლზე. ქალმა კივილი მორთო. უცებ სასწრაფო გამოიძახეს, რომელსაც დაავიანდა, ამიტომ ორივე საჩქაროდ მანქანებში ჩააწვინეს და საავადმყოფოში წაიყვანეს. სამწუხაროდ, ნიამ საავადმყოფომდე ვერ მიაღწია, ნოე კი ექიმებმა სიკვდილს გამოსტაცეს ხელიდან. არადა, ის სიკვდილს ნატრობდა! როცა გააცნობიერა, რა გააკეთა. საკუთარ თავში ჩაიკეტა... არავისთან არ ისურვა მოეყოლა, რა მოხდა იმ საღამოს, თითქოს მის გულში დაასამარა ნიასთან ერთად ის მძიმე ღამეც!

სოფელში ჭორაობა დაიწყო, რომ ნიას თურმე საყვარელი გაუჩენია საზღვარგარეთ და ეს ნოეს გაუგია, ამიტომ ნიას სანამლავი დააღვინა, თვითონ კი თავს იკლავდაო!

როცა უკვე სრულად გამოჯანმრთელდა, ნოემ გადანყვიტა პასუხი მოეთხოვა სანდროსთვის... მასთან სახლში მივიდა კიდევ, მაგრამ... სანდრო სახლში არ დახვდა – ცოლ-შვილისთვის მოეკიდა ხელი და უცხოეთში გაქცეულიყო.

სარჩევი

რედაქტორისგან - რას გვიყვება „როცა შენს თვალეში მზეს დავინახავ“ -----	3
როცა შენს თვალეში მზეს დავინახავ -----	5
ბოლო შეხვედრა -----	38
ემიგრანტის დღიური -----	45
ფოტოგრაფი გოგია -----	49
ბედისწერა -----	57
ემიგრანტის დღიურიდან -----	83
მე, ბურთი და ჭირვეული ბაბუა! -----	88
ხატია -----	93
ემიგრანტის დღიურიდან -----	100
ქუჩის მათხოვარი -----	103
შვილიშვილი -----	108
ოჯახი სარკეა -----	115
მედალიონი -----	122
საბედისწერო გასროლა -----	128
უშვილო მასწავლებელი და მოსწავლე -----	138
ზღვარსგადასული -----	148
ბავშვობის სიყვარული -----	155
დათრგუნული სიამაყე -----	160
ბედის ბილიკი -----	170
ორი მეგობარი -----	176
რა შეუძლია შხამიან სიტყვას! -----	185
ჩაშლილი ქორწილი -----	192
მურისძიების მსხვერპლი -----	206
მიტოვებული შვილი -----	224
პატარა მათხოვრები -----	228
ვინ არის დამნაშავე? -----	232